


UTL AT DOWNSVIEW



D RANGE BAY SHLF POS ITEM C
39 09 01 23 04 020 2

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

K Tal'at, 'Abdurrahman
 Ta'rifeli sakk-i
T1375T3 kavanin
1892

8F/28

Tal'at, Abdurrahman

ع . طلعت

Tarifeli
şahk-ı
kavānīn

تَعْرِيفِ لِي

صَلَاةٌ قَوْلَانِيَّةٌ

مکتب حقوق شاهانه دن مآذون وقصوه ولایتی مرکزیدایت محکمه سی جزا رئیس عبدالرحمن طلعت
افندینک اشبو اثر مرغوبلری، آز وقتده طبع اول و تأتینک ایادی رغبتده صرف اولنورق موجودی
قاللمشدی. اثر مذکورک هر زمان وکلای دعوی ایله عموم مأمورین عدلیه و بالجله ارباب مصالحجه لزوم
واهمیتی طبیعی بولندیغندن محرر مقتدره هر طبعنده ایجاب ایدن محللر اصلاح و لازم کن علاوات
بالاجرا بوکتابی عجزی معرفتیله ده نفیس صورتده و اعلا کاغذ اوزرینه طبع و بونکله برابر ضم
فیثات ایتمکسزین برای سهولت قیمت اصلیه سی اوزره موقع استفاده یه وضع ایدلدی .

اوهنجی طبع

صاحب وناشری

کتابچی آراکل

معارف نظارت جلیله سنک رخصتیله طبع اولمشدر

استانبول

مطبعة نشان بربریان

۱۳۱۰

۱۸۹۲

﴿ انظار مہتمم ﴾

اجزای کلامی تفریق و طوراق محلیہ درجہ لینی تعیین ایچون السنہ ساژده شو درت اشارت استعمال اولونور. بری: (.) درکہ «ویرگول»، ایکنجیسی: (:). درکہ «پوآن ویرگول»، اوچنجیسی: (:). درکہ «دو پوآن»، دردنجیسی: (.) درکہ «پوآن» ناملیہ معروفدر. بو اشارتله، لسان عثمانی ایچون دخی قبول اولونوب اکثر آثار جدیدہہ استعمال ایدلمکدهدر.

«ویرگول» ایله «دو پوآن» ک طوراق درجہ لری پک جزئی یعنی برگوز آچوب قاپاہ جق قدردر. «پوآن ویرگول» ک طوراغی دها زیادہ جہدر. «پوآن» ککی دہ بوندن زیادہ جہدر. آنجق لسان عثمانیہہ اولہ بر طوراق و تفریق محلی دها واردرکہ بونرک هیچ بری او خدمتی ادا ایدہ مزہ. اوگی محلیہ، یا ویرگول ایله گیشدیرلمکده، یا خود بتون بتون اشارتسز بر اقلقدهدر. بو یسہ زیدہ ایراد اولنان مثالردن مستبان اولہ جہنی وجہ ایله او قویانک ذہنی تشویش، معنایی اخلال، طوراق حقی قسماً و یا کاملاً غائب ایتمک گبی محذورلردن خالی دگلدر. بناء علیہ اوگی محلیہ ایچون آیری بر اشارتک لزومی حس ایدلمشدر.

ارباب و قوف، او یولدہ عبارہ لرک سیاق و سباقندن بلا اشارت معنایہ انتقال ایدہ بیلیر؛ لکن بعض مبتدی لرجہ حال باشقہدر. آنلر، درست او قومق، طوراق محلیہنی طابق ایچون واسطہ یہ محتاجدرلر. ایشتہ اوگی محلیہ بر اشارتک احداثہ بزى سوق ایدن سبب، بودر. بو بادیہ معین و محررین کرامزدن چوغینک رأیلرینہ مراجعتزده بو فکرمنز تصویب بیورلمشدر. احداث اولونان اشارت «پوآن ویرگول» ک عکسی دیمک اولان شو (۱) شکلدر. بونک نقطہ سی بالعکس اوستندہ اولمانسہ گورہ اسمی دہ «ویرگول پوآن» تسمیہ سی مناسب گورلمشدر. بونک طوراق درجہ سی، صانکہ «پوآن ویرگول» قدردر. بو اشارت، تعمم ایدنجہ یہ قدر نشر ایدہ جگمز آثارده استعمال اولونہ جق و شو مخطرہ دہ او اثرلرک باشلرنده بولونہ جقدر.

مثال : انسان، کامل، فاضل، عاقل، منصف، خیرخواہ اولمالیدر .

بومثالده «انسان» لفظی «مبتدا» و «مُسْتَنْدِ اِلَیْہ» در. «کامل»، «فاضل» و سائر صفتلرده «خبر» و «مُسْتَنْد» درلر. بورادہ مذکور اشارتک یرینہ «ویرگول» قونولسہ، ہم «مسند ایله» ایله «مسند» بر یرینہ قارشمش اولور، ہم دہ طوراق حقی قسماً غائب ایدلمش بولونور. اشارتسز گچیلسہ، او حالده دہ «کامل» لفظی، «انسان» لفظنک صفتی ظن اولونہرق «انسان کامل» او قومق و بناء علیہ «کامل انسان» آکلا شلق احتمالی واردر.

«خلقت عالم نہ در؟» سؤالنک جوابی اولان شو آتیدہ کی مثالده دخی مذکور اشارتک درجہ لزومی دها زیادہ گورولہ جقدر :

جناب حقک، یری، گوگی، انسانلری، حیوانلری، اوتلری، آغاجلری، الحاصل عالمہ گورولن و گورولہ مہین سائر شیلری یوقدن وار ایتمہ سیدر .

بومثالده جملہ اصلیه نک بر قسمی اولان «جناب حقک» اوکٹہ ویرگول اشارتی قونولسہ، متممات جملہ دن بری بولونان «یری» لفظیلہ سائر متممات آرہ سندنہ کی ارتباط بوزولور؛ جملہ اصلیه یہ قاریشیر. بوندن باشقہ طوراق درجہ سی دہ حقیلہ ادا ایدلمش اولماز. اشارتسز بر اقلیسہ، او حالده دہ «جناب حقک یری» تعبیرندن ایلک اوکجہ اضافت معنایی ذہنہ تبادر ایدر .

بو بادیہ نشریات ساژدہ مزده دها زیادہ اعطای معلومات اولوندیغی ایچون بورادہ بو قدرلہ اکتفا اولندی.

کتابچی آر اکل

مقدمه

افراد بشر بیننده متکون اختلاف و منازعاتک شرعاً تألیف اولمق قاعده سی عمومی و مطرد اولدینی یقین و قتلره کلنجه یه قدر حکام و کتبه شرعیه جه تنظیم اعلامات خصوصنده رهبر اوله جق «درالصکوک» کتابی اولدینی حالده تنسیقات عدلیه نک شو طرز نوینده اس حرکت اتخاذ اولنه جق اوله بر اثر بولند یغنه و بو مناسبته طشره بدایت محاکمجه احتیاج حس اولمش بولند یغنه بناء محاکم نظامیه ده دخی تنظیم اوراق خصوصنده رهنا اوله جق بر اثرک جمع و ترتیبه مبادرت ایتدم و تعرفه لی صک قوانین احکام عدلیه نامیله توسیم ایلدم .

بو اثر عاجزانه محاکم عدلیه ایچون محاکم شرعیه ده «درالصکوک» ک خدمتی ایضا ایتک اوزره قلمه النمش ایسه ده درالصکوکده مندرج اعلامات شرعیه نک مستند بهی اولان احکام فقهیه علمای فقه طرفندن ذاتاً صورت کافیه و مفصله ده شرح و تفسیر ایدلمش اولمق جهتیه اعلامات شرعیه نک قیود صحت و فساد ی سهولته اکلاشیه جغندن کتاب مذکورک مندرجاتی اعلامات صورتلرینه حصر ایدلمشدر حالبوکه اشبو کتابده مندرج اولان اوراق احکام عدلیه نک متعلق بهی اولان احکام نظامیه هنوز شرح

وایضاح اولنمد یغندن اوراق مندرجه نك مزایای نظامیه سنی سهولتله
 تفهمه مدار اولمق اوزره هر نوع ورقة نك بلاسنده ممکن اولدیغی
 قدر ایضاحات و تفصیلات ویرمهکه مجبوریت حاصل اولمشدر
 بنا برین هر ورقة نك مأخذی اولان ماده قانونیه نك متعلق اولدیغی
 فصل حقنده استاد افخملر نذن اکتساب ایتدیکم فیوضاتی «روغرون»
 نام مؤلفک اثار نذن مستنبط و مستخرج معلوماتله مزج ایدرک
 عمومی بر معلومات ویرلدکن صکره هر ورقة نك قیود صحت
 وفسادی تفریق واحکامی علل و اسباب قانونیه سیله تفصیل وهر
 ورقة نك ترتیب تحریر یسی تدین قلمشدر . وبالله التوفیق

مکتب حقوق شاهانه دن مأذون و قصوه
 ولایتی بدایت حکمیه سی رئیس

ع . طلعت



عامه ایضاح اولنمد یغندن اوراق مندرجه نك مزایای نظامیه سنی سهولتله
 تفهمه مدار اولمق اوزره هر نوع ورقة نك بلاسنده ممکن اولدیغی
 قدر ایضاحات و تفصیلات ویرمهکه مجبوریت حاصل اولمشدر
 بنا برین هر ورقة نك مأخذی اولان ماده قانونیه نك متعلق اولدیغی
 فصل حقنده استاد افخملر نذن اکتساب ایتدیکم فیوضاتی «روغرون»
 نام مؤلفک اثار نذن مستنبط و مستخرج معلوماتله مزج ایدرک
 عمومی بر معلومات ویرلدکن صکره هر ورقة نك قیود صحت
 وفسادی تفریق واحکامی علل و اسباب قانونیه سیله تفصیل وهر
 ورقة نك ترتیب تحریر یسی تدین قلمشدر . وبالله التوفیق

برنجی باب

(اصول محاکمہ حقوقہ حقندہ در)

« برنجی قسم »

— حکمک اعطاسنی اعداد و تہیہ ایدن معاملات ابتدائییہ دائردر —

{ برنجی فصل }

﴿ استدعا ﴾

قانون، ہر دعوانک استدعا ایلہ بیان اولنماسنی لابد کورویور۔ بودخی آئی دہ
مرور زمان و قوعی، یا خود فائض یوریدلمسی کبی معاملاتہ مبداء اولمق و معا۔
ملاتک بر صورت سالمدہ جریانہ وسیلہ بولنمق فاندہ سنہ منی در۔ استدعا دہ،
مدعی ایلہ مدعی علیہک اسم و شہرتی، صنعتی، محل اقامتی، طرفیندن بری
آخر تبعہ دن اولدینی حالہ تابعیتی و دعوانک خلاصہ سی تحریر اولنمق لازمدر۔
عرضحاک نہایتندہ، یازلدینی کون، آی، سنہ تاریخلری تحریر وزیری،
صاحب استدعا ویا وکالتنامہ بی حائز اولان وکیل طرفندن امضا قلممق یا خود
مہر لٹمک و ورقہ صحیحہ اوزرینہ یازلمش بولنمق دخی لازمدر [°]۔ دیمک اولور کہ
استدعا تحریرندہ مدعی علیہ ایلہ دعوی اولونان شینک و مدعی اولان کیمسہ نک
معلومیتلری اساس الحاذ اولنمق ایجاب ایدر۔

«ت» اسم و شہرتلہ صنعتک لزوم بیانی مدعی و مدعی علیہک کندی
اسملرندہ اولان ذوات سائرہ دن تعیین و تخصیصی مقصدینہ منی در۔ بناء علیہ

[*] شمعی عادی کاغذ اوزرینہ یازیلوب اوزرینہ پول یا بشدیریلیر۔

بر آدم ذاتاً مشہور اولور، یا خود آخر صورتہ معلوم بولنور ایسہ یالکر اسمک بیانیہ اکتفا ایتک جائزدر۔ محل اقامتک بیانی ایسہ احضار ایلہ بردہ حکم اعلامری کی اوراقت تبلیغی ایچونددر۔

تابعیتک بیانیدہ لازمدر۔ چونکہ طرفینک بری ویا ہر ایکسی دە اجنبی اولور۔ اگر ایکسیدہ اجنبی تبعہسی ایسہ دعوی، مدعی علیہک تابع اولدینی دولت قنچلاریہ سندنہ کوریلور۔ بناءً علیہ دعوی معروضہ نک رؤیتدن توی ایتک لازمدر۔ اگر طرفیندن یالکر بری اجنبی ایسہ اوحالہ ترجمان ویا قونسوسی جلب ایلہ محاکمہدہ حسب العہد حاضر بولندیرمق لزومہ کسب وقوف مقصدینہ منی در۔

خلاصہ مادہ نک درجی دخی ربع خرج آلمق و احضار یازلمق کی معاملات ابتدائیہ نک محکمہ جہ اجراسی خلاصہ دعوانک ییلنسنہ متوقف اولدیغہ وبومعلومیت، مدعینک طلب واقعہ اساس اولان استدعاہ محرر بولنقلہ حاصل اولہ بیلہ جکنہ منی در۔

تاریخک لزومی ایسہ صاحبی طرفندن آراشدیرلدینی حالہ اصول محاکمہ نک ۱۱۸ نجی مادہسی حکمنجہ آلتی آی طرفندہ ابطالہ و مرور زمانک وقوع وعدم وقوعہ مبدأ اولمق ایچونددر۔

امضا ویا مہرک لزومی ایسہ شہرت وصنعتی کی مدعینک اسمک ییلنسی لزومہ منی در۔

استدعاہ رسمی پول یا پشدیرلماسی لزومی، رسم تمغا نظامنامہسی احکامندن اولدیغہ منی در۔ استدعانک ورقہ عادیہ اوزرینہ یازلمش بولنماسی، ردینی موجب احوال دن دکلدر۔ آنجق عادی ورقہ اوزرینہ یازلمش اولان استدعاہی قبول ایدن، جزای نقدی اعطاسیلہ محکوم ایدیلور۔ امدی بوشرائطدن برینک ویا برقاچنک قصداً ویا ذہولاً ترکی، عر ضحاک ردینی موجبدر۔ یعنی حاکم محاکمہ نک اساسہ کیریشمزدن اول استدعاہی رد ایدر۔ فقط نقصان واقع، سہو قلمدن نشئت ایتش اولماق لازمدر؛ زیرا اوحالہ استدعا و ہلہ رد اولنجیوب مدعیدن استفسار کیفیت اولنور۔ وسہو واقع بعد التصحیح قبول

اولنور. استدعانك ردی اول وقتہ قدر جریان ایتمش اولان معاملاتنی حکمسنز
 براقور. بناء علیه یکیدن استدعا تقدیم ایتمک و احضار چیقارتمق لازم کلور.
 اگر حاکم ذهولا رد ایتمز ایسه طرفین اساس محاکمه کیریشزدن اول
 درمیان ایده جکلری اعتراض اوزرینه رد اولنور. حاکم بوصورته درمیان
 اولنان اعتراضه اعتبار ایتمهرك اساسه کیریشور و بوعدم اعتباری؛ اگر
 قصدندن ناشی ایسه حقنده اشتکا عن الحکام دعواسی اقامه اولنور. اما اساس
 محاکمه کیریشدکدنصکره اعتراض وقوعبولسه بیله استدعا رد اولنه ماز؛ چونکه
 بو شریطه لردن مقصد اصلی؛ مدعی ایله مدعی علیه وماده مدعانك اول
 معلومیتی در. سکوت وقوعی ایله اول عدم اعتراض معلومیت مطلوبه نك
 وجودینی تصدیق ایلر. فقط تابعیت قیدینك قصداً ویا ذهولا ترکی اساس
 مادهیه کیریشدکدن صکره دخی موجب رددرد؛ زیرا ایکی اجنبی بینده متحدت
 بردعوانك رؤیتی خلاف صلاحیت اولمق جهتیه آکا دأر و یله یله جك اعلام
 مفسوخدر. بونك کبی طرفیندن بری اجنبی اولان بر دعواده ترجمان ویا
 قونسلسك اصولا عدم جلی دخی اولبایده ویریه جك اعلامك مفسوخیتنی
 موجبدر.

عروضالك صورتی؛ خصمه کوره اصلدر. بناء علیه صورتده کی نقصان عند
 الاعتراض موجب رددرد. اما اصلده کی نقصان؛ ردی موجب اوله ماز. یعنی
 مدعی علیه اصلده کی نقصانی وسیله ایدرك نقصانسنز اولان صورتك ردینی
 و بنا برین معاملاتك یکیدن باشلانماسنی طلب ایده مز.

صورت: نومرو ۱ ماده ۱۵ و ۱۶

بانیه بدایت حکمسنی زیامت علیه

عزتلو افندم

بانیه قصبه سنده قانلی چشمه محله سنده ۸ نومرولی خانه ده مقیم بربر علی
 بایراقدر ذمتنده وعده سی حلونده تأدییه ایتمک و ایتدیکی حالدۀ فائض نظامیسی

یورود ملک اوزره ... طرفدن مضمی برقطعه سند مو جنبه جهت قرضدن یکر می عدد سیم مجیدیه آله جغم اولوب سندده دین مذکورک تأدیسه سی تعلیق اولندیغی اجل دخی وعده حلول ایتمش اولدیغی حالده الان اداده امتناع ایتمکده اولماسیله مرقوم وعده علینک بالجلب آله جغم اولان مبلغ مذکور یکر می عدد سیم مجیدیه نک مع فائض ومصارف محاکمه تحصیلک تحت حکمه آلتامسی باینده اراده افندمکدر.

فی ۲۵ مارت سنه ۹۹ امضا

محلّه مزبورده ۹ نومرولی خانه ده مقیم
یونان دولتی تبعه سندن بقال یورکی آندون

وکیل امضاسیله دخی عرضحال تقدیم ایتک جائزدر. فقط وکاله مستدعی اولان کیسه، وکالت سندینی حامل اولماسی وباسند مصدق وکیل اولدیغی امضاسنده تحریر ایتسی لازمدر.

«ت» وکالتک جوازی «مشقت تیسیری جلب ایدر» قاعده سندن نصلکه متفرع ایسه وکیل امضاسیله عرضحال تقدیم ایتک رخصتی دخی عین اوعلتدن نشئت ایتمش مساعدتنددر. وکالتک امضاده تحریری لازمدرکه مستدعینک وکیل اولدیغی معلوم اولسونده دعوتیه پوصله سنک تبلیغنده مدعی علیه اظهار غرابت ایتیه رک کیمک طرفدن جلب اولندیغی بیلسون وایشه متعلق اوراق ومعلوماتی استحضار ایتسون. برده وکیل، محاکمه یه اثنای دخولنده وکالت سندینی ده ابراز ایتسی لازمدرکه کیفیت وکالتنی اثبات ایتسونده مدعی علیه مجله حکمنجه گندوسنه خصومت توجه ایتدیکنی درک ایله اولخالده جواب ویرمه که مجبور اولسون؛ زیرا، مجله حکمنجه صفت وکالت اوزرینه کرک محاکمه نک، کرکسه حکمک شکل جریانی دکیشیر.

ایمدی وکالت خصوصک امضاده تحریر اولنماسی، موجب ردددر. حاکم استدعائی رد ایدر. ایتدیکی حالده مدعی علیه اساسه کیریشمزدن اول ردینی طلب ایلر. اما مدعی علیه کلدکدن ومحاکمه یه کیریشدکدنصکره اوله ماز؛ زیرا مطلوب اولان معلوماته وقوفنی ضمناً اعتراف ایتمش اوله جغندن اعتراضه محل یوقدر. مستدعی، محکمه یه کلدیکنده وکالت سندینی ابراز ایدرایسه استدعائی قبول

اولنور. وَا لارد ایدیلور. ایدلنز ایسه بوقصوردنطولای اعلامک عندالاستیناف
مفسوخیتی مستلزم اولور.

صورت : نومرو ۲ ماده ۱۶

یانیہ بدایت محکمہ سی ریاست علیسنہ

اشبو استدعانامہ یہ مربوط و مصدق و کالتامہ دن مستبان بیوریلہ جنفی
اوزره و کیلی اولدیغ قانلی چشمه محله سنده ۸ نومرولی خاندهه مقیم سلیمان
آغانک وانسته چقتکنده چایرلق دیمکله عریف نام محلهه واقع اطراف
اربعه سی مذکور وانسته چقتکی متصرفی مصطفی بکک چایرلیله محدود اون
دوتمدن عبارت پدرندن بالانتقال و باطاپو متصرف اولدینی برقطعه چایرینی
میرمومی ایلہ مصطفی بک بغیر حق ضبط ایلہ حاصلاتی اخذ و منفعتته حصر
ایتمکده اولماسیله مزبور مصطفی بکک جلیله بغیر حق واضع الید اولدینی
مذکور چایردن کف ید ایتدیریلهرک موکله رد و اعاده ایتدیرلمسی خصوصنک
مع مصارف محاکمه تحت حکمه النماسی باینده فی ۲۶ مارت سنه ۹۹

امضا

مزبور سلیمان آغانک باسند مصدق و کیلی
محله مزبوره ده ۵ نومرولی خاندهه مقیم
دعوی و کیلترندن مصطفی

ایکنجی فصل

— لایحه ایلہ تحریراً بیان مدعا و مدافسه ایتمک حقنده در —

بواصول، شفاهاً محافظه حقوقه مقتدر اولیانلر ایچون وقایه حقوقلری
ضمینده ویرلمش برمساعده مخصوصه در. بوده جریان محاکمه جه انتظام معاملاتنی
موجب و فوق العاده دقتی مستوجبدر. محاکم استینافیهده لایحه اوزرینه

رؤیت دعوی اتمک مجبوری اولدینی حالدده بدایت محکمه لرنده بوقاعده یه رعایت، طرفینک اختیارلرینه ترک ایدلمشدر. جریده محاکمک اللی برنجی صحیفه سنده مندرج تحریرات عمومیه نیک بوقاعده یی تصویب یولنده واقع اولان مندرجاتی دخی مبحث عنه اولان اشبو خیاری تأیید اتمکده در. بوقاعده نیک مجبوریت تحتنه آلتامسی دخی پک موافق مصلحتدر؛ زیرا بدایت محکمه لرنده وقوعه کلن معاملات اغلیتله جزئی و طرفینی یازو بیلز کروهندندر. بو صورتده مبحث عنه اولان اختیاره منبی طرفیندن بری ادعاسنی لایحه ایله بیان ایدوبده دیکری شفاهاً جواب ویریر ایسه جائزدر.

مدعی، دعواسنی مبین برقطعه استدعا تقدیم ایتدکن صکره مدعاسنی مبین لایحه یی ویریر. آنده، مدعاسنی، اسباب و دلائلی بند بند تحریر ایله ایکی نسخه اوله رق تقدیم ایدر. اول دعوا یه متعلق اوراق و سنداتی وار ایسه ینه ایکشر نسخه اوله رق صورتلرینی لایحه یه ربط ایله اصولاً مدعی علیه طرفه تبلیغ ایدر. بو تبلیغ اوزرینسه کرک لایحه نیک، کرک اوراق صورتلرینک بر نسخه سی محکمه ده توقیف اولنور.

صورت : نومرو ۳ ماده ۲۰

صورت ادعایی مبین لایحه

بانیه بدایت محکمه سی ریامتنه

اولجه تقدیم اولنان فی . . . سنه ۹۹ تاریخلو و . . . نومرو لی استدعاده بیان اولدینی وجهله . . . محله ده . . . خانه ده مقیم حسن ذمتنده طرفندن ممضی و محتوم یدمده اولوب صورتی اشبو لایحه یه ربط اوله رق تقدیم قیلنان برقطعه سند موجنبجه بیک غروش آله جم اولدینی حالدده مزبور حسن قبل-الادا وفات اتمکله و ترکسنه کیر اوغلی حسین واضع الید اولمغله مبلغ

مذکورک متوفای مرقومک ترکہسندن اولوق اوزره اوغلی مرقوم حسیندن تحصیلنی طلب و دعوی ایدرم .

اوغلی مرقوم حسین سند مذکورده کی امضا و حتی انکار ایتدیکی حالده اثباب ایده جکمی و ایده مدیکم حالده کندوسنه یمین تکلیف ایله جکمی عرض ایلرم .

مدعی علیه دخی ۲۱ نجی ماده حکمنجه لایحه و اوراق صورتلرینک برر نسخهلری طرفه تبلیغ اولندقدن صکره یوقاروده بیان اولنان خیار وجهه مدعییه، یا تحریراً مدافعیه موافقت ایدر، یا خود بوضویره موافقت ایتیه یوب عند الاحضار شفاهاً مدافعه ایلر؛ فقط تحریراً مدافعیه موافقت ایتدیکی حالده لایحه جوابیه سنی ادعا لایحه سنک تبلیغی تاریخندن اعتباراً بر هفته ظرفده تقدیم ایتیه سی لازمکیر . مدعی علیه بوجه محرر لایحه جوابیه سنی اولوجهله مدت قانونیه ظرفده ویرمه دیکی حالده خیار قانونیسنه مبنی علیهنه حکم غیابی صدورینی مستلزم اوله ماز . مدعی علیک امتناع واقعی، یالکز کندوسنک مدعی طرفندن جنبی منتج اولور . بو صورتده مدعی علیه لایحه جوابیه ویرمه دیکی حالده مدعی کندوسنی مدافعه شفاهیہ ایچون علی القاعده جلب و دعوت ایدر .

صورت اخیری : نومرو ۴

مدافعیه مبین جواب لایحه سی

باینه بدایت محکمه سی ریاستنه

مورثم حسن آغانک ذمتنده باسند بیک غروش آلاجنی اولماسندن و متوفانک ترکہسنه بنده کز واضح الید اولدیغمدن طولایی مبلغ مذکورک بنده کزدن تحصیلنی مستدعی احمد طرفندن ویریلوب طرفنزه مباشر طاهر افندی واسطه سیله تبلیغ قیلنان لایحه بیه بوجه زیر جواب ویررم .

اولا : مؤرثم متوفای مزبورک مرقوم احمد اولوجهله اول قدر دینی

اولدیغنی بیله مه دیکم کبی متوفای مرقومه عزو اولنان خط و ختم دخی اصولاً اثبات اولنمق لازمدر.

ثانیاً: دینی اولدیغنی مستدی اصولاً اثبات ایتسه بیله مستدعی مرقومك متوفای مزبورك حیاتنده استیفای حق ایتمه دیکی معلوم اولمادیغندن بروجهاه اسقاط حق ایتمه مش اولدیغنه محکمه جه کندیسنه بریمین تکلیف اولنمق لازمدر. ثالثاً: خط و ختم اثبات و مستدعی تحلیف اولندقدن و محکمه جه ویريله. جك حکمك ورثه سائر مه سرایتی ایچون بشقه جه قرار ویرلدکن صکره ادای دینه حاضر م.

مدعی علیه جواب لایحه سی ویردیکی حالدده لایحه سنك ورودندن و جواب لایحه سی ویرمه دیکی حالدده لایحه بی ویرمك ایچون معین اولان مدت قانونیه نك مرورندن صکره طرفین احضار فصلنده مقرر اولان اصول اوزره جلب و دعوت اولنور.

مدعی، ادعا لایحه سنی ۲۲ نجی ماده حکمنجه دعوتیه ورقه سیله معاً کوندرمش ایسه ده ینه ماده مذکوره یه کوره تعیین ایدلمش اولان مدت ظرفنده طرفینك محاکمه لری اجرا ایدیلیر.

مطالعہ

طرفینك لایحه ایله اقامه دعوی و عرض مدافعه ایدمه بیله لرینه دائر اولان بو مساعده قانونیه ضبط و حفظی متعسر اولان و خطابتن مطلوب اولان تأثیراتك حصولی نامین ایدمه یه جك درجه ده قاریشق بولنان ماده لرده تسهیلات بخش اولدیغنی غیر منکر در. آنجق بالاده بیان اولدیغنی اوزره بواحواله تبعیت طرفینك حصول موافقتلرینه براقدیغنه و مدعی علیه لایحه ویرمه دیکی حالدده علینه حکم غیابی ویريله مه مسی بالاخره مدعینك خصمنی صورت عادیه ده جلبه مجبور اولماسی کبی مساعی سابقه سنك نتیجه سزلکنی انتاج ایدمه جکنه مبنی مدعیلر ایچون بواصوله مراجعت نادر الوقوع اولمق طبیعیدر.



اوچنجی فصل

احضار حقنده در

احضار، جلبی مطلوب اولان کیمسه به یوم معینده محکمه به کامسچون مباشر معرفتیه تبلیغ اولنور برورقه درکه «دعوت پوصله سی» ده دینور. مقدم لری جلب خصوصی محض لر معرفتیه شفاهاً اجرا قنور ایکن صکره لری جلبی مطلوب اولان اشخاص حقنده تحقیر و تضییق و قوعی کبی احتمالاته میدان قالماق اوزره الحاله هذه مرعی اولان احضار اصولی وضع اولمشدر. احضار ورقه سنده طرفینک اسم و شهرت لری، صنعت و محل اقامت لری، اجنبی اولان لریک تابعیت لری، مباشرک اسمی و برده طرفینک محکمه ده حاضر بولنه جنی کون و وقت تحریر اولنور. زیرنده دخی کون، آی، سنه تاریخی قونیلور. بعده زیری محکمه مهریله تمهیر قنور و ایکی نسخه اوله رق ترتیب و طرفینه تسریب ایدیلور.

- تفصیل - مدعینک اسم و شهرت و صنعتک ذکر ی کن دینسی تعیین و تخصیص ایتک مقصدینه مبنی درکه مدعی علیه نژدنده تعیین ایده جک اولور ایسه مدعی علیه کن دینسجه معلومات حاصل اولان ایسه متعلق معلومات و اوراق استحباب ایدرک کلور و شو صورتله دعوانک تسریع فصلنه بر وسیله اولور. بوقیوددن مقصد، مدعینک مدعی علیه نژدنده دیکر لرندن تمیز و تخصیصیدر. بالفرض شهرت، مدعینک صنعتندن مستبان اوله جق اولدینی حالده یالکز شهرتک اهالی احضار ورقه سنی حکمدن دوشیره مز. بونک کبی مدعینک مدعی علیه کن دینسی حقنده مطلوب اولان و قوفنی اخلاص ایتیه جک درجه ده خلاف حقیقت توصیفی دخی دعوتیه نک حکمسز لکنه سبب اوله ماز. مدعی نک صنعتی اولدینی حالده دعوتیه ده بلا صنعت دیه توصیف ایتک مناسب ایسه ده بونک دخی اهالی دعوتیه بی حکمدن اسقاط ایتز.

مدعی، مأموریندن اولدینی حالده دعوتیه ده صفت مأموریتنک ذکر ی شرط دکلدر. مدعی برقریه اهالیسی ایسه دعوی، یا منافی عمومه عاقد مواد

قبیلندن اولور، یاخود منافی بر قسمنه متعلق اولور. دعوی منافی اھالینک بر قسمنه عائد مواد قبیلندن ایسه دعواده علاقهدار اولان مدعیلرک کافه سنک استنی ذکر ایتک لزومی بدیدارد. دعوی منافی عمومه عائد مواد قبیلندن ایسه شو حالده نظر اولنور؛ زیرا مدعی اولان قریه اھالیسی یا قوم محصور اولوز، یاخود قوم غیر محصور اولور. بوصورتده اھالی قریه قوم محصور ایسه کرچه ایچلرندن بعضیسنک استنی ذکر ایتک، یاخود «فلان قریه اھالیسی طرفدن علیھکزه اقامه اولنان دعوی» دیه توصیف ایله مک، دعوانک مھیتنجہ مدعی علیھک مطلوب اولان وقوفی تأمین ایده یور ایسه ده مدعی علیھه تبلیغ اولنہ جق دعوتیه ورقه سی ذاتاً مدعی طرفه دخی تبلیغ اولنمقده اولدیغنه وتوجه خصومت ایله حکمک عمومه سراپی دخی آنجق جمله علاقهدارلرک اصالة ویا وکالة محاس حکمده حضور لر یله اوله بیله جکنه نظراً دعوتیه ورقه - سنده دخی بومثلو قوم محصور اولان اھالی قریه نك جمله سنک استنی تصریح ایتک لازمدر. اھالی قریه قوم غیر محصور ایسه - آنلردن یالکز بریسی خصم اوله بیله جکی کبی علاقهدارلری علیھه ویریله جک حکم دخی کندیلرینه سراپت ایتمکده اولسنه ومدعی علیھک قانوناً مطلوب اولان وقوفی حاصل اولمقده بولنسنه بناءً - دعوتیه ورقه سنده «فلان قریه طرفدن علیھکزه اقامه اولنان دعوی» دیه یازمق کافیدر.

مدعی، حکومت اولدیغی حالده درسعادته ایسه مثلاً «مالیه نظارت جلیه سی طرفدن علیھکزه اقامه اولنان دعوی» دیه تصریح ایتک وطشره لرده ایسه مثلاً «خزینة جلیله ویاخود فلان دأرہ سی طرفدن علیھکزه اقامه اولنان دعوی» دیه ذکر ایله مک لازمدر.

مدعی متعدد اولدیغی حالده مثلاً متوفانک ورثه سنک ویاخود بنسلرنده شرکت اموال اولان برقاچ کیمسه لرک بریسی ذمتنده آله جقلری اولوبده جلبنی ایسته دکلرنده احضاریه ورقه سنده کافه سنک اسم وشهرت وصنعتلرینک بیانی لازمدر. یوقسه برینک استنی ذکر ایتک کافی دکلدر؛ زیرا مجله نك ۱۶۴۳ نجی ماده سنجه شرکادن بری دیگرندن خصم اوله ماز؛ فقط دعوتیه ده اسمی

قانوناً لابد اولدینی و جہلہ مصرح اولان شریک حقندہ معاملہ قانونیہ جریان ایدر بوصورتہ شرکای سائرہنک اسامیسی تعیین ایتیمان دعوتیہ اوزرینہ اجابت ایتیمان مدعی علیہ علیہنہ حکم غیابی ویریلور؛ لکن حکم واقع، یالکز اسمی تصریح اولنان شریک حصہسی قدر اولور؛ زیرا مجلہنک مادہ مذکورہ۔

سنجہ احد شریکین دیکرندن خصم اولہ میہ جفندن اسمی تصریح اولنان شریک بلا وکالت ادعا صلاحیتی جائز دکلدر۔ برکیمسہنک طرفندن علی الاصول جلب اولنمادینی کیسنہ ایلہ محاکمہ یہ موافقت ایتہ مسی دخی قانوناً قبول اولنان اصولدندر۔ شو حالہ مدعی علیہ مجلس حکمہ کلدکدہ دعوتیہ دہ اسمی تصریح اولنمایان شریک حقندہ دعوتیہنک فسختی طلب ایلہ دفع دعوی ایدہ بیلور۔ بروجہ محرر۔ مدعیلر متعدد اولدینی حالہ ہر برینک اسمی ذکر ایتک لازم ایسہدہ آله حق، متوفانک اولدینی یعنی متوفی حال حیاتہ اقراض ایلہ مش بولندینی حالہ - تعریفات مشروحہ دن مقصد دانی تعیین ایتک اولدیغہ کورہ - یالکز متوفای تعریف کافیدر۔ زیرا ترکہ دن برحقی دعوادہ ورثہ دن یالکز بریسی دخی خصم اولہ بیلہ جکندن (م ۱۶۴۲) مدعی علیہ ایچون ورثہنک معلومیتی قانوناً لابد کورلہ بشدر۔

کذلک شرکت عادیہ ہر بر شریک اسمی، شہرتی، صنعتی، بشقہ بشقہ ذکر ایتک لازمدر۔ اما میانہ لرنده کفالت متسلسلہ اولان شرکت تجاریہ دہ شرکت مدیرینک اسمی، شہرتی، صنعتی، بیان ایتک، یاخود «فلان وشرکاسی» دیہ ذکر ایتک کافیدر۔

وکیل امضاسیلہ عرضحال ویرمک جائز اولدینی کبی وکیل طرفندن احضاریہ چیقارتمق و «فلانک وکیلی فلان طرفندن علیہکوزہ اقامہ اولنان دعوادن طولائی» دیہ مدعی علیہ دعوتیہ تسطیر ایتک جائزدر۔

سفینہ قودانی دخی صاحبک وکیلی اولدیغندن وکالت قانونیہنک شامل اولدینی خصوصاتک اجزاسیچون کندی نامیلہ دعوتیہ چیقارتہ بیلور۔

وفات ایتمش اولان برکیمسہنک استدعاسی اوزرینہ احضاریہ چیقارتمق جائز دکلدر۔ کذلک منزل اولان وکیلک امضاسیلہ چیقان دعوتیہ حکم سزدر۔

اما کیفیت عزادن خبردار اولیان وکیلاک امضاسیله تسطیر اوانان دعوتیه معتبردر. مجله نك ۹۵۷ نجی ماده سیله مابعدنده مذکور اولدینی اوزره تصرفات قولیه دن محجور اولانلر مدعی اولوبده احضاریه چقارتدقلری حالده کندی اسملریله برابر ولی ویا وصیلرینک اسملری دخی ذکر اولنق لازمدر.

اقامتگاهک بیانندن مقصد دخی مدعی ومدعی علیهی اکل وجهله تمیزدر. بو وجهله شخص مدعو برقریه سکنه سندن ایسه فلان قریه سی اهالیسندن دیمکله اکتفا جائز ایسه ده برکیسه بیوجک برشهرده مقیم اولدینی حالده اقامتگاهی واقع اولدینی زوقاق وقپو نومروسیه معاً بیان ایتک لازمدر. بویه اولمادینی حالده شرطه رعایت ایدلمش اولماز.

احضاریه نك تبلیغی ایچون بیلنسی مطلوب اولان اقامتگاه، دائمی وموقت اولمقدن اعمدر. یعنی احضاریه ایستر دائمی ایستر ایسه موقت اقامتگاهده تبلیغ اولنسون جائزدر.

مباشرك اسم وشهرتیه اقامتگاهنک ذکر ی لازمدر که مدعی علیه بوسبیه احضاریه نك منتظم اوله رق تنظیم اولدینغی وصلاحتی اولان بر حکمه دن صادر اولدینغی آکلار. بو جهته امر واقعه اتباعدن انحراف ایتمز.

دعوتیه ورقه سنده مدعی علیه ک اسم وشهرتنک بیانی لازم اولدینی کبی قانوناً مطلوب اولان التباسی رفع ایده جک صورتده صنعتنک دخی بیانی لازمدر. فقط صنعتنک عدم بیانی مدعینک مطلع اوله مامسندن نشئت ایدوبده بو جهت مورث التباس اولمادینی حالده مجرد بو اهالدن طولایی دعوتیه نك فسحنی لازم کلز.

مدعی علیه ک اقامتگاهنک دخی بیانی لازمدر. بوندن مقصد دخی دعو- تیه نك محل تبلیغی بیلنک ایچوندر. بناء علیه مدعی علیه ک قریه ویا محله سیله زوقاغی کوستریلوبده خانه سنک نومروسی یازلمادینی و فقط مباشر دعوتیه نی شخص مدعوک اقامتگاهنده تبلیغ ایتدیکنی تصدیق ایتدیرمش بولدینی حالده دعوتیه نك حکمه خلل ویرمز.

شخص مدعو، برقریه سکنه سندن ایسه «فلان قریه سی اها لیسندن» دیمکله اکتفا جائدر. آنجق برکیمسه بیوک برشهرده مقیم اولدینی حالدہ اقامتکاهنی زوقاق وقپو نومروسيله محکمہ یه ورود ایدہ جک مدتی بیان ایتک لازمدرکه شخص مدعو، اول مدتده کیتک ایچون حیولت ایدہ جک مواعی دفع ایله مهیا اولسون. زیرنده سنه و آی تاریخلری بیان اولنق لازمدرکه شخص مدعو، مادهده مرور زمان اولوب اولمادیغنی آکلاسون. ساعتک بیانی دخی لازمدر. فقط بولزوم یالکز مدتک وقت انتضاسنی یتک ایچوندر. یوقسه مرور زمان کون ایله اعتبار اولنوب ساعتله اعتبار اولتماز. تاریخ، کون تاریخنی اولنق لازمدر. یوقسه کیجه تاریخنی قولتماز. چونکه مساکن، بعض احوال انضباطیه مستثنا اوله رق تعرضدن مصون اولدینی جهتله احضار ورقه سی کیجه تبلیغ اولتماز. احضار ورقه سنک نسخه ثانیه سی، شخص مدعو ایچون اصلدر. بناء علیه آنده کی قصور، دعوتیه پوصله سنک حکمسنزلکنی موجبدر. فقط نسخه ثانیه ده تاریخ بیان اولتما یوبده باشقه اوراقدن مستبان اوله جق اولور ایسه مقصد حاصل اوله جفی جهتله لزومی ازاله ایدر. شرائط مجوٹ عنهایه رعایتسنزلک حالنده احضار حکمدن ساقط اولور.

شخص مدعو، کلدیکی حالدہ ورقه دعوتیه آرو آرو کونلرده اوچ نسخه اوله رق کوندریلور. اشبو ورقه دعوتیه لک مطبوع صورتلری اولدیغندن آنلرک عیناً نقل ودرجی تنسیب قلمشدر.

برنجی احضار صورتی: نومرو ۵ ماده ۲۴

عدلیه ومذاهب نظارتنه مربوط: بدایت محکمہ سنه مخصوص

برنجی دعوتیه ورقه سیدر

... ده مقیم «ح» دیه

یونان دولتی تبعه‌سندن ... ده مقیم «ب» طرفدن علی‌کزه اقامه اولنان
دعوانک شهر ایلوک اون بشنجی پنجشنبه کونی ساعت یدی راده لرنده ...
محکمه سنجه محاکمه سی اجرا قلنه جغندن یوم و وقت مزبورده بالذات گله کز و یا خود
مصدق سندله بروکیل کوندرمه کز لزومی اخطار اولنور.

فی سنه وفی سنه

اشبو دعوتیه ورقه سنک برقطعه صورت محتومه سی خدمه دن «ط» معرفتیه
طرفزه تبلیغ واعطا قلندیغنی مین اشبو محله امضا قلندی.

فی سنه وفی سنه

محل امضا

ایکنجی دعوتیه ورقه سی صورتی : نومرو ۶ ماده ۲۴

برنجی احضار تاریخی . . .
اوراق نومروسی

برنجی احضار نومروسی . . .
احضار نومروسی

... ده مقیم «ح» دیه

یونان دولتی تبعه‌سندن ... ده مقیم «ب» طرفدن علی‌کزه اقامه اولنان
دعوانک اجرای محاکمه سیچون ... محکمه سنه بالاده نومرو و تاریخی مرقوم دعوتیه
ورقه سیله جلب دعوت اولندیغکز حالده اجابت ایتمه مش اولدیغکز دن
و محاکمه مذکورنک شهر ایلوک اون بشنجی پنجشنبه کونی ساعت یدیده
اجراسی مقرر بولندیغندن یوم و وقت مذکورده محکمه مرقومه یه بالذات
گله کز و یا خود مصدق سندله بروکیل کوندرمه کز لزومی ایکنجی دفعه اخطار
اولنور. فی سنه وفی سنه

برنجیده یازیلان شرحك عینی بوراده دخی یازیله جقدر .

اوچنجی دعوتیه ورقهسی صورتی — نومرو ۷ ماده ۲۴

ایکتیمی احضار تاریخی . .
اوراق نومروسی . .

ایکتیمی احضار نومروسی . .
احضار نومروسی . .

. . . متیم «ح» یه

یونان دولتی تبعهسندن . . . ده مقیم «ب» طرفندن علیهمکرده اقامه اولنان
دعوانك اجرای محاکمه سیچون بالاده نومرو وتاریخی مرقم دعوتیه ورقهسیله
شهرایلولك . . . کونی ایکنجی دفعه اولهرق جلب ودعوت اولندیغکز حالده
اجابت اولنمادیغندن و محاکمه مزبوردهنك شهر . . . کونی ساعت یدی
راده لرنده اجراسی مقرر بولندیغندن یوم ووقت مذکورده محکمه مرقومهیه
بالذات کلهکز ویاخود مصدق سندله بروکیل کوندرمهکز لزومی اوچنجی دفعه
اولهرق بیان و اخبار اولنور. عکسی حالنده اصول محاکمه حقوقیه قانون
موقتک یوز قرق دردنجی ویوز قرق بشنجی مادهلری موجبجه مدعینك
طلبیله بروکیل مسخر تعیین اولنهرق دعواسنك بالاستماع رؤیت وفصل اولنهجنی
اخطار اولنور. فی سنه

دعوی، مواد مستجهلهدن اولدیغی حالده قانونك ۳۳نجی مادهسی، مدعی
علیهك قانوناً معین اولان مدتدن اول اولهرق جلبی ایچون مدعی طرفندن
بر استدعا یازیلور. بونده، مادهنك مستعجل اولدیغنی ایجاب ایدن اسباب
قانونیه یازلدقندن صکره مدعی علیهك قانوناً معین اولدیغنی اوزره آز مدتده
جلبی وایسته نلدیگی حالده اموانك حجزی طلب اولنور .

صورت استدعا: نومرو ۸ ماده ۳۳

... بدایت محکمه سنه

محکمه علیه لری دائره سنده واقع ... محله ... نومرولو دکانده اجرای صنعت ایدن مجلد زید ایله کتابلریک مجلیدی مقاوله سندن طولایی میانه مزده تگون ایدن مخالفت اوزرینه کندوسنک جلی ایله بالمحاکمه کتابلریک طرفه رد و اعاده سی ... تاریخاو محکمه علیه لرینه تقدیم ایتمش اولدیغم استدعا ده طلب اولنمشدر. آنجق مزبور زیدک ... محله عزیمت ایده جکی مؤخرأ استخبار اولنهرق کندوسنک دخی معین اقامتکاهی اولمادیغنه وشو حالده کتابلریک ضیاعی محتمل بولنمش اولدیغنه مبنی اصول محاکمه حقوقیه نک ۳۳ نجی ماده سی حکمنجه مزبور زیدک درحال جلی واشبو حقوقک تأمین ضمنده مزبور زیدک ... ده واقع متصرف اولدیغی - بورده ده حجزی مطلوب اولان اموال تعریف اوانه - تحت حجزه آدیلماسنی استدعا ایلرم.

حجز قراری مدعینک عرفخانه درکنار شکنده یازیله بیلور .

صورت: نومرو ۹ ماده ۳۳

صاحب استدعا عمروک ادعا ایتدیگی دعوی، استجالی اثبات ایتمش اولماسنه مبنی خصمی بالاده مذکورالاسم زیدک اصول محاکمه حقوقیه قانون موقتک ۳۳ نجی ماده سی حکمنجه ... کونده ... ساعتده ... محکمه سنه کله سی و مزبور عمروک ارايه ایده جکی اموال منقوله سنک حجزی لازم کلور. فی سنه بعده مستجلاً جلی مطلوب اولان شخصه، دعوتیه ورقه سی تسطیر اولنور.

صورت: نومرو ۱۰ ماده ۳۳

... ده مقیم (ب) نام کمسنه طرف کزدن برأس بار کیر غصب اولندیغنی بالادعا استرداد ایچون علیکزده اقامه دعوی ایتمش و مذکور بار کیری آخره بیع ایتک اوزره بولندیغیزی در میان ایله کیفیت مواد مستعملدن اونق جهتیله در حال جلبکزی طلب ایدرک طلب واقعی دخی موافق نظام کورلمش اولماسنه منی زیزده موضوع مهردن مستبان اولان ... محکمه سنک حقوق دائره سنه تاریخ تبلیغدن برکون مرورنده کله کز ویا مصدق سندله بروکیل کوندرمه کز ایچون اشبو احضار ورقه سی طرف کزه کوندرلمشدر. فی سنه محل امضا



﴿ دررنجی فصل ﴾

قاریشق و پروزه لی بر دعوانک میز لره حواله سی تقدیرنده محکمه طرفندن ویریله جک قرارنامه لر ایله میز ل طرفندن اولبایده تنظیم اولنه جق تقریر لرك صورت تحریر لری حقنده در

بوقاعده نك سبب جوازی، چونکه محاکم مسائل کلیه و مصححی حل ایتکله مکلفدر. یوقسه قابل حکم اولمایان قاریشق دعوالرك تصحیحی وظیفه لری خارجنده در. بوده مجله نك تصحیح دعوی ایتک لزومی حقنده کی احکامیله پک موافقدر.

محکمه، ویره جکی قرارنامه ده طرفین معارضینک توصیف قانونیلرینی، و دعوالرینک خلاصه لریله میز لره حواله اولنماسی مقتضی اولان اسبابله میز ل محکمه جه می یوقسه طرفینجه می انتخاب اولندقلرینی، میز لرك کذلک توصیف قانونیلرینی و تمیزه مأمور اولدقلری مواد نهدن عبارت اولدیغنی، طرفینی

صلح ایتمک قابل اولدینی حالدہ صلح، و اولمادینی حالدہ اولباده رأی و مطالعه لرینی برقطعه تقریر ایله بیان ایتمه لری لزومی درج اولنه جقدر.

صورت: نومرو ۱۱ ماده ۵۹

... مقیم احمد طرفندن ... بدایت محکمه سنه ویریلن عرفحالده ... ده مقیم حسن ایله معاً طقسان سکر سنه سنده لیهوه قریه سنک درعهد ایتدکلری اعشار التزامدن طولایی مزبور حسن ذمتده ... غروش آله جنی اولدینی ادعا اولغاسی اوزرینه طرفین اصولاً جلب ایله محاکمه لرینه مبادرت قلندقدده مزبور احمد، مطلوباتی دفترلرینه استناد ایتمش و بونک تصحیحی رؤیت، حسابیه متوقف بولغمش اولماسدن طولایی رؤیت حسابیه مواد حکمییه اعداد ایتمک اوزره طرفلرندن برریمز تعیینی تکلیف قلغمش. بونک اوزرینه مزبور احمد قبول ایله طرفندن حسنی افندی بی انتخاب ایله مش ایسه ده مزبور حسن، امر انتخابده تعلل ایتمش اولغله محکمه جه بالمذاکره مزبور حسن طرفندن دخی دعوی وکیلرندن علی افندی انتخاب اولغمشدر. هرایکسی دخی بوانتخابی قبول ایله مش اولمالریله خصوص مذکوره متعلق ملفوف پوصله موجبیجه محکمه ده موجود اولان اوراق بر طرف ایچنده موضوعاً طرفلرینه کوندرلمشدر. طرفینی صلح ایتمک قابل اولمادینی حالدہ رؤیت حسابیه مطلوبات واقعنه نک جهت و منشی با تقریر میز مومی الیهمما طرفلرندن محکمه یه عرض ایدمک خصوصنه قرار ویرلمشدر. فی ۱ نیسان سنه ۹۹

اشبو قرارنامه محکمه جه تسطیر اولندقدن صکره میزلرک تدقیقات واقعہ قانونیه یی نه وقته قدر اجرا ایده بیله جکلرینه، طرفین نه صورتله جلب ایدیه جکنه، طرفینک عدم اجابتلری حالنده نه معامله جاری اوله بیله جکنه دار اشبو اوراقک تنظیمی امر ایدن ماده قانونیه ده برصراحت اولمادینغه بناء قانوناً اوله تکلیفاته و بوادی تأخرات اوزون معاملاتیه احتیاج کورلمدیکی

اگلاشیلورکه میزلرك مجرد تصحیح دعوان عبارت اولان وظیفه قانونیه لرینه نظراً قانونك التزام ایتدیکی بوساده لك موافق مصلحتدر.

میزلر طرفدن ویریله جك تقریرده، حواله نك کیفیت وقوعی، طرفینك توصیف قانونیسیله ماده نك تعریفی، اولبایده رؤیت ایدیلن حسابله اجرا قلنان تدقیقاتك نتیجه سی و طرفینی صلح ایدوب ایتدکلری خصوصلری درج ایدیله جکدر.

صورت: نومرو ۱۲ ماده ۵۹

... باریت محکمه سی ریاستده

... ده مقیم احمدك ... ده مقیم حسن ایله طقسان سکر سنه سنده درعهده ایتدکلری لهوه قریه سی اعشار التزامدن طولای مزبور احمدك مزبور حسن ذمتنده ... غروش آله جنی اولدیغنی دعوی ایتمه سی اوزرینه مدعا به اولان مبالغك تعیین جهت ومقداری رؤیت حسابله متوقف کورلمه سیله اولوجهله رؤیت حساب ایتك ونتیجه مستحصله یی با تقریر عرض ایله مک اوزره محکمه عالیلری طرفدن قبول واقعه مزه منی میز انتخاب اولندیغمزى مین فی ۱ نیسان سنه ۹۹ تاریخلو قرارنامه ریاستپناهیلری ایله مظروف اوراق متفرعه توتونجی محمد آغانك ۸ نومرولی دکاننده عقد ایدیلن مجلسده طرفین حضورنده قرائت ومطالعه اولندی. صکره مزبور احمدك افاده سی صورلدقده، یدنده کی برقطعه دفتر موجبجه مزبور حسن ذمتنده ... غروش آله جنی اولدیغنی بیان، ومزبور حسن، کیفیت التزامده نصفیت اوزره اشتراکنی اعترافدن صکره رؤیت حساب ایدلیکی حالده ذمتی بری اوله جنی سویله مشدر. بوبایده مزبور احمدك دفتری لدی المعاینه لهوه قریه سی اعشارینی ... غروش درعهده و التزام ایتدکلری وحاصلات عشریه اوله رق جمعاً ... کیل حنطه ... کیل شعیر ... کیل مصر (الح) حاصلات وقوع بولوب در آبار ایدلیکی وبونلردن حنطه دن ... کیلی بهری ... غروش وشیردن ... کیلی بهری ... غروش فروخت

اولمشدرد. حاصل اولان ... غروش ایله بدل التزام تماماً ایفا قلتمش و باقی قالوب
مزبور حسن معرفتیه فروخت اولنان ذخیره نك اثمان حاصله سی ... غروش
اولدینی و مبالغ مذکوره دن مزبور احمدك مقبوضاتی ... غروش دن عبارت
اولوب شو. حاله کوره مزبور حسن ذمتده آله جنی ... غروش دن عبارت
اولدینی آکلاشلشدرد. لکن مزبور احمدك دفترده کوریلن مقدار دن فضله
ادعا ایتدیکی مطلوباتك جهتی بیان ایتمه سی، مزبور احمده تکرار سؤال اولدوقده
طلب ایتدیکی فضله مزبور حسن معرفتیه صایلان ذخائر یکدیگری اوزرینه
... غروش دن صالتدینی حالده کندوسندن کم ایله ... غروش دن صالتدینی
سویله مکدن نشئت ایتدیکنی و بوبابده کی فضله مدعاسنی هروجهله اثبات
ایده بیله جکنی سویله مشدر. مزبور حسن دخی لدی السؤال فضله اوله رق
مقبوضاتی اولان ... غروش ذمتده دینی اولدینی اقرار ایتمش
ایسه ده ادعا اولنان مکتوماتك اصلی اولمادیغنی بیان ایله مش و عندالتکلیف
صلحه رغبتلری اولمایوب ادعالرنده مصر اولدقلمی آکلاشلشدرد. بوبابده اجرا
قلنان تحقیقاته کوره مزبور احمدك مطلوباتی ... غروش دن عبارت اولوب
مبالغ مدعا بهاسنك ... غروشی ... جهتن و ... غروشی مزبور حسنك
زیاده فروخت ایدوبده نقصان کوستردیکی ذخائرک اثماندن نشئت ایتدیکی
آکلاشلش و مزبور احمدك اثبات ایده جکنی درمیان ایتدیکی مکتومات
ماده سی ذخیره نك اول تاریخده اک صکره کی رواجی، اک مقدمکی رواجندن
زیاده اولدینی متحقق بولمشدرد. مزبور حسنك برسیاقده کوسترمش
اولماسیله مدلل بولتمش اولمغله تنظیمه مأمور اولدیغمز اشبو تقریری طرفینك
حضورنده بعدالقرائه امضا و تحتم ایله دک. اولبابده فی ۲ نisan سنه ۹۹
میزلر، رأیلرنده متفق اولدقلمی حالده تقریری برقطعه اوله رق تنظیم
و مشترکاً امضا و تحتم ایدرلر. رأیلرنده مختلف اولدقلمی صورته تقریری
بشقه بشقه تنظیم ایلرلر.
میزلرک اختلافی، طرفینی صلح ایتک قابل اولمادیغنی صورته وقوعبولور.

میزلرک بوبابده کی وظیفه لری، یوقاروده بیان اولندیغی اوزره مجرد دعوائی تصحیح و مواد حکمیہ بی اعداد ایتمکن عبارت اولمغه تدقیقات و تحقیقاتلری ایله اولبابده کی رأی و مطالعه لری و رأی و مطالعه لرندہ کی اختلافلری دخی ینہ بو حدود دائرہ سنده منحصر در. یوقسه مسئلہ نك جهت حکمیہ سی محکمہ یه عائد اولدیغدن بوجہت حقندہ میزله بینده اختلاف متصور اوله ماز. میزله مختلف رأیلرده بولنوبده تقریرلرینی بشقه بشقه تقدیم ایتشلر ایسه اشو تقریرلر، مجلس حکمدہ و طرفین حضورندہ قرائت اولندقدن و طرفینک بوبابده کی افاداتی استماع و تدقیق ایدلکدن صکره بوکا دائر محکمہ جه برقرار اتخا ایدیلور. جهت حکمیہ دخی قرار مذکور اوزرینہ بنا قنور.

میزله متفق اولدقلری حالده آنلرک بو اتفاقلری مواد حکمیہ حقندہ محکمہ نك حریت فکریه سنی تحدید ایتیه یوب محکمہ مقتضی کوردیکی حالده تقریره مخالف اوله رق حکم ویره بیلور.

میزلرک ویره جکلری قرارلرک تابع استیناف اولوب اولمادیغی بحثه کلنجہ: مادامکہ محکمہ نك بر دعوائی میزله حواله سنه دائر ویردیکی قرار قابل استیناف اولمایوب برقرار اعدادی قیلندن معدوددر اشو قرار اساسینک متفرعاتندن معدود اولان میزله قرارلری دخی تابع استیناف اولوب اولمامقده قرار اساسی یه تابع اولمق لازمکلور.

❖ بشنجی فصل ❖

مشوش و پروزی بر دعوانك تسهیل رؤیتی ایچون محکمہ طرفندن اعضادن برینہ حواله سی تقدیرندہ اعضا طرفندن اولبابده تنظیم قنہ جق تقریره دائر در

بونده، اولا حواله واقعه دن بحث اولندقدن صکره اول دعوائه متعلق اوراقک هر برینک خلاصه ماللری و طرفینک افادات واقعه لری ذکر اولنوب

بعده خلاصہ دعوی ایلہ مدافعہ و دعوانک حل اولہ جق جہتلی درج
قلنہ جقدر.

صورت نومرو - ۱۳ ماده ۵۹

.. بیات محکمہ سی ریاست علیہ نہ

.. ده واقع ، ہ ہفتک صاحبی .. ده مقیم «ب» ایلہ مستأجری .. ده
مقیم «ح» افدی میانہ لرنده متحد اولوب محکمہ مزجہ در دست رؤیت بوانان
دعوانک مشوش اولماسندن طولایی تسهیل رؤیتی ایچون اوراق متفرعہ سیلہ
طرفہ فی ۳ نیسان سنہ ۹۹ تاریخندہ وقوعبولان حوالہ اوزرینہ اوراق
مذکورہ نک موضوع اولدینی ظرف ، لدی الفتح حاوی اولدینی اوراق بش
پارچہ دن عبارت اولوب «بورادہ اوراق مذکورہ نک جنس ونوعلری تاریخلریلہ
تعداد اولنور» اولدینی کورلمشدر .

«بورادہ اوراق مذکورہ دن ہر برینک تاریخلری و خلاصہ مألری درج
قلنور» عبارت اولدینی کورلمش اولماسیلہ طرفین بالجب مزبور «ب» ..
سویلہ مش و مزبور «ح» .. بالیان مزبور «ب» امضاسیلہ محضی بش قطعہ
سند ابراز واعطا ایلہ دی . مألری ، «بورادہ مذکور بش قطعہ سنداتک نوع
وتاریخلری ایلہ خلاصہ مألری یازیلور» عبارت اولدینی کورلمشدر .

تحقیقات واقعہ پہ کورہ مزبور «ب» نک دعواسی .. و مزبور «ح» نک
مدافعہ سی .. عبارت اولدینی اکلا شملغلہ ملفوف پوصلہ موجنبجہ جنس
ونوعلری کوستریلن اون قطعہ اوراق متفرعہ ، مظروف ومختوم اولہرق
طرف ریاستناہیلرینہ اشبو تقریر عاجزانہ ملہ لفاً تقدیم قلندی .



﴿ التتجی فصل ﴾

محکمه یه عرض اولنوبده صلحه رغبتلری مأمول اولان مخاصماتده مصلح تعینئی، محکمه جه توصیه اولنه رق موافقت اولندیغی حالده طرفینجه اولبایده صورت صلحی مبین تنظیم اولنه جق سنداته دائر

صلحک اهلیتی اولان کیمسه لردن صدور ایتمه سیله مصلح علیه ومصلح عنیهک احوال وشرائطی وعلی العموم احکامی، مجله نك کتاب صلحنده مفصلا بیان اولندیغندن کرک صلحک واکرکسه اولبایده تنظیم ایدیله جک سندک قواعد مرعیه یه تطبیقی ایچون مجله نك کتاب صلحنه مراجعت ایتمک لازمدر. بز، بوراده کتاب صلحک قواعد محتویه سنی بدرجه یه قدر جامع اولمق اوزره صلح عن الاعیاندن ۱۵۴۹ هجری ماده سی اوزرینه برسند تنظیم ایده جکز. بوبایده تنظیم ایدیله جک سند، طرفینه امضا وتختیم ایتدیریلور واول سندک زیری محکمه جه بالتصدیق اعلام اولمق اوزره طرفینه ویریلور.

صورت نومرو — ۱۴ ماده مجله ۱۵۴۹

... محله واقع بر طرفدن ... و اوچ طرفی .. نك تارلا وباغچه لری ایله محدود .. دونمدن عبارت بر قطعه ملک باغچه، مستقلا ملکم و تحت تصرفده ایکن بر آراق و قوعبولان غیبوبتمه بناء زیرده واضع الامضامدعی علیه ... طرفدن فضولی ضبط وتصرف اولمش و مذکور باغچه دن کفید ایله بکا تسلیم ایتمه سی طلب اولندقدن امر تسلیمده تغل و مسامحه ایله مشدر. بونک اوزرینه مذکور باغچه یی طرفه رد و اعاده ایتمه سنی مستدعی ... بدایت محکمه سنه بر قطعه عرضحال بالتقدیم اولبایده تسطیر قلنان احضار نامه اوزرینه عندالترافع محاکمه مزه مباشرت و افاده لرمز استماع اولندقدن صکره مدعی علیک ماده غصبی اقرار ایتمش اولماسندن طولای صلحه رغبتز آکلا شغله محکمه جه صلح خصوصی بالتکلیف میانه مزده دخی قبول اولندیغی عقبنده یه محکمه نك تنسیب واقعی اوزرینه دعوی وکیللردن .. افسدی ایله .. مصلح اولمق اوزره تعین اولنه رق محکمه خارجه چیلدی و آتی ده محرر

صورتده استلاف حصوله کله رک میانه مزده صلح وقوعبولدی. شویله که مصلحلرک تنسیبی اوزره زیرده واضع الامضا که مدعی یم، مدعی علیه ... دن ردو اعاده سنی دعوی ایتدیکم مارالیان باغچه مقابلنده مدعی علیه ک ... محله ... زقاغنده ... نومروده واقع خانه سنده ... مدت اوتورمق اوزره مدعی علیه ایله بالرضا صلح اوله رق مذکور باغچه نک دعواسندن مدعی علیه ک ذمتی ابرای عام ایله بری قیلدم. کذلک بن، - که مدعی علیه اولمق اوزره زیرده واضع الامضایم - مدعینک بوجه محرر صورت ابراسنی قبول و تحت تصرفده اولان مذکور خانه می تعیین ایدیلن مدتده اوتورمق ومدتک ختامنده ینه بکار ایله مک اوزره مدعی به تسلیمه راضی اولدم. مصلحلرک توسطی اوزرینه بالاده محرر حصوله کلن صورت صلح، اشبو سنده ربط ایله نسخین اوله رق تنظیم و طرفزدن امضا و تحمیت قلمشدر.

فی ۷ نisan سنه ۹۹

امضا	امضا
مدعی علیه	مدعی

بالاده محرر صلح سندینه واضع الامضا اولان مدعی ... ایله مدعی علیه ... نک خارج محکمه ده وقوعه کلوب متن سندده محرر اولان صورت صلح لرینی مین اشبو صلح سندی حضور لرنده بالقراءه ایکیسی دخی مآلنی شفاهاً بالرضا تصدیق ایله مش اولمالریله کیفیت ضبط جریده سنه بعد القید مندرجاتی تصدیقاً خرجی آلتوب اعلام اولمق اوزره طرفینه ویرلمشدر.

فی ۷ نisan سنه ۹۹ محکمه بدایت

﴿ یدنجی فصل ﴾

تحکیمنامه ایله حکم لک ورقة حکمه لری حقه در

تحکیم، یا امور عادیه و یا خود مواد تجاریه به متعلق اولور. ایکی صورتده دخی حکم لک، یا طوغریدن طوغری به یعنی محکمه به قبل المراجعة حصول موافقت لریله

تعیین اولنور. ویاخود محکمیله مراجعتدن صکره محکمه نك امر و تکلیفی
 وبو امر و تکلیفک طرفینجه قبول اولنماسی اوزرینه نصب ای دیلور. شوقدرکه
 امور تجاریله ده محکمه نك رؤیتی خارج وظیفه سی اولان خصوصاتده قانون
 تجارت ماده ۴۰ و مابعدی، محکمه جه حکم تعینی خصوصنده طرفینه ای دیله جک
 تکلیف طرفین ایچون مجبوری الاجرادر. ایمدی ایستر امور عادیهدن
 اولسون، ایستر محاکم تجارتک رؤیتندن منع اولنما دقلری امور تجاریهدن اولسون،
 تحکیمنامه، یا استدعا شکننده یازیلهرق محکمیله ویریلور و محکمه جه بعد القید
 محکملره حواله قنور. یاخود طرفین بیننده تحریر و امضا قنور. طرفین
 بیننده یازلدینی حالده یا محکملر دخی برابر اولدینی حالده ضبط ورقه سی
 صورتنده یازیلورکه بویولده یازیلان تحکیمنامه حکملره تبلیغ اولنمقدن
 مستغنی در؛ یاخود طرفین امضای مخصوصا یله نسختین اولهرق تحریر ایدرلر.
 فقط بومثللو تحکیمنامه لر، تبلیغدن مستغنی اولما دیغندن حکملره بعد التبلغ امر
 تحکیمی قبول ایتمه لری طلب اولنور و حکملرجه رؤیتی مجبوری اولان شرکت
 خصوصاتنده طرفین موافقت ایتمک لری حالده تحکیمنامه محکمه طرفندن
 قرارنامه صورتنده یازیلور.

استدعا شکننده یازیلان تحکیمنامه

صورت : نومرو ۱۵ ماده ۶۱

ارکری بدایت محکمی ریاستنه

لهوه قریه سنک طقسان سکر سنه سی واردات عشریه سنی نصفیت اوزره
 بالاشترک تعهد و التزام ایتمش اولما مزدن طولایی میانه مزده نحدث ایدن
 منازعه اوزرینه محکمه عالیله نجه جریان ایدن محاکمه مزده ایشک طرف مزدن
 حکملر نصبی صورتیله فصل و تسویه سی تنسب قلهرق تکلیف اولنمقدر. وشو
 جهت بزجه دخی دها زیاده موافق مصلحت کورلمش اولمغله میانه مزده منازع
 فیه اولان مسائلی بالذات رؤیت ایتمک یعنی اخرینی تحکیمه مأذون اولما مق،

اوراق دعوانک کندولرینه تسلیمی تاریخندن اعتباراً برآی طرفنده یعنی تام اوتوز کون مدتده رؤیت و حکم ایله اعلامنی تنظیم، اعطا اینک، بعد الحکم استیناف دعوایه هیچ بریمزک صلاحیتی اولماق و حکملرک محل اجتماعی مدعی علیک ... محله واقعه ... نومرولی خانه سی اولمق «الح» اوزره طرفزندن ... محله ... نومرولی خانه ده ملتزم «ب» افندی ایله ... محله ... نومرولی خانه ده ارزاق عسکریه متعهدی «ح» افدینک حکم نصب و تعیینی خصوصنده استلاف حصوله کلهرک قرار ویرلمشدر. صورت قرار دخی حکم اولمق اوزره نصبه قرار ویریلن مومی الیها «ت» ایله «ح» افدیله تبلیغ اولندقدن آنلر دخی قبول ایله مش اولمالریله اشبو تحکیمنامه ایکی نسخه اوله رق تنظیم و طرفزندن امضا و تحتم قلمشدر.

فی نیشان سنه ۹۹

امضا

امضا

مدعی

مدعی علیه

اشبو تحکیمنامه، لدی المطالعه یولنده تنظیم ایدلیکی کورلدکن و طرفینک حضورلرنده بالقرايه مندرجاتی شفاهاً دخی تصدیق ایدلدکن صکره طرفینه امضا و تحتم ایتدیرلمش و کیفیت تحکیم، ضبط جریده سنده قید ایدیلرک محکمه جه محفوظ اولان اوراق دعوی دخی طرفینه ویرلمش اولمغله ایفای مقتضاسیچون ... محله ... نومرولی خانه ده مقیم (ب) ایله ... ده مقیم (ح) افندی به حواله سنه قرار ویرلدی.

فی ۴ نیشان سنه ۹۹

محکمه بدایت

ارگری

تحکیمنامه ضبط ورقه سی صورتنده یازلدینی حالد شویله یازیلور.

صورت : نومرو ۱۶

اشبو بیک (الح) سنه سی ... کوننده ... محله کائن دکانده اوطور مقده اولدیغمز حالد ... ده مقیم ... صنعتده «ب» و ... ده مقیم امتعه تجارندن (ح) نزد مزه کلهرک ... تاریخلو برقطعه مقاوله نامه ایله میانلرنده موجود اولان

قوماندیت شرکتدن متولد اوله رق مزبور (ب) نک مزبور (ح) ذمتده
 ... غروش مطلوباتندن عبارت منازعه لینی حکم صقیله فصل وحسم ایتمک
 اوزره بزى تحکیم ایتمک ایسته دکلینی بیان و شرائط آیه اوزره بینلرنده ائتلاف
 حصوله کلدیکنی در میان ایله دیلر . شویله که :

منازعه مذکوره بی حکم ایله مک و میانه مزده تساوی آرا حصولنده طرفزدن
 ایسته دیگمزی (یاخود طرفلرندن ایسته دکلینی) حکم اوله رق انتخاب ایله
 برلکده حکم ایتمک و منازعه مذکوره بی اشبو تحکیمنامه نک تاریخندن اعتباراً
 ... آیده رؤیت و فصل ایتمک اوزره میانه لرنده ائتلاف حصوله کله رک اشبو
 شرائط اوزره بزه حکم اقتدارینی تفویض ایله دکلینی سویله دیلر .

بز دخی بونک اوزرینه بیخزده بالمشاوره مزبور (ح و ب) نک منازعه
 واقعه لینی شرائط محرره وجهله حکم ایتمک اوزره تودیع ایدیلن اقتداری
 هر بریمز قبول ایله دکدنصکره ماده مذکوره بی تدقیق و رؤیت ایتمک اوزره
 بزدن زیرده واضع الامضا اولان (ع) لک ... ده واقع ... نومرولی خانه سی
 محل حکم تعیین اوله رق مزبور (ب و ح) نک دخی دعوالرینه متعلق اولان
 اوراقی ... تاریخندن ... کون مرورنده یعنی اشبو ماه حالک ... نجی کوننده
 تسلیم ایله مک خصوصی قرارلشدیریلوب کیفیت، مزبوران (ب و ح) یه تفهیم
 و آنلر دخی اشبو صورتی قبول ایله مش اولمالر یله خصوصات مشروحه بی حاوی
 اشبو ضبط ورقه سی بالتظیم مزبوران (ب و ح) ایله طرفزدن امضا و تحتم
 قلمشدره .
 فی سنه

حکم

حکم

ح ب ... ده مقیم ... صنعتده ... ده مقیم ... صنعتده

ع

ط

بالکر طرفین بیننده تحریر اولندیغی صورتده تحکیمنامه

صورت : نومرو ۱۷

زیرده وضع ایتدیگمز امضالر ایله میانه مزده تگون ایدوب آیده محرر

اولان منازعه مزك حکمکر معرفتیله فصل ورؤیتنه اتحاد و اتفاق ایتدک .
 اولاً : منازعه مذکوره، زیرده امضاسی بولنان ... ده مقیم صنعتده
 (غ) ک مورثی (ب) ایله توتون تجارتی ایتک اوزره ... تاریخلو برقطعه مقاوله
 نامه ایله میانه مزده موجود اولدینی حالدده مدت مشروطه نیک انقضاسی حسیله
 منسخ اولان قوللقتیف شرکتدن متولددر .

ثانیاً : خصوص مذکور شرکت مقاوله نامه سیله طرفزدن ابراز اولنه جق
 دفاتر و سنداته بناء و قوانین و نظامات موضوعه یه توفیقارؤیت و حکم اولنه جقدر .
 ثالثاً : حکمکر اصول محاکمه یه رعایته مجبور اوله جقدر ایسه ده جلب و دعوت
 خصوصنده اصول محاکمه جه مشروط اولان مدتله رعایت اولنیه جقدر .
 رابعاً : محل حکم، ... محل اوله جق و اول محلده طرفزدن موقت
 بر اقامتگاه تعیین ایدیه جقدر .

خامساً : خصوص مذکورک اولوجهله رؤیتی ایچون ... ده مقیم ...
 تجارتدن (ح) و ... ده مقیم دعوی و کیلرندن (غ) نام کیسه لری حکم نصب
 و انتخاب ایله دیک .

سادساً : شاید مزبوران طرفندن اختلاف ظهوره کلور ایسه مؤخرأ
 اشتراك ایتک اوزره ... ده مقیم ... تجارتدن - فلان افندی بی احتیاطاً حکم
 نصب ایتدک .

سابعاً : اشبو دعوی، ... تاریخندن بدأ ایله ... تاریخنه قدر فصل ورؤیت
 اولنه جق و اولنمادینی حالدده حکمکر اشبو مدت خارجده کی حکم لری نافذ
 و معتبر اوله میه جقدر .

ثامناً : اشبو منازعه نیک اثنای رؤیتنده مباشر خدمتده استخدام اولنق
 و حکمکر نزدنده بولنق اوزره طرفزدن ... نام کسنه بی تعیین ایتدک . مباشر
 مزبورک اجرتی طرفزدن مناصفة تأدیبه اولنه جقدر .

تاسعاً : خصوص مذکوره متدار دفاتر، اوراق و سنداتی نوع، عدد
 و خلاصه مألرینی مین پوصله ایله برابر دعوانک رؤیتی ایچون تعیین اولنان
 مدتک اوچنجه کوننه قدر حکمکره تودیعه مجبور اوله جقدر .

مواد مشروحه بی حاوی اشبو تحکیمنامه ... تاریخده لستین اوله رقی
تنظیم وامضا ایله میانه مزده تعاطی قلندی. فی سنه امضال
محکمه طرفندن قرارنامه صورتنده یازلدینی صورتده شویله یازیلور:

صورت : نومرو ۱۸

... ده مقیم (ت) ایله ... ده مقیم (ح) میانه لرنده ... شرکتندن
متولد دعوالرینک رؤیتی ضمننده مزبور (ب) نک ... محکمه سنه ویرمش
اولدینی ... تایلخو عرفحال اوزرینه طرفین جلب و دعوت اولمش ایسه ده
دعوی مذکوره بوجه مشروح شرکتندن متولد وحل وحسمی قانون
تجارتک ۴۰ نجی ماده سنجه حکملاک عاند اولماسنه منی کیفیت مزبوران (ب)
و (ح) یه لدی التفهیم طرفلرندن حکم نصب ایتملی تکلیف اولمش
و مزبوراندن (ب) تکلیف مزبوری قبول و طرفندن ... افندی بی تعیین
ایله مش ایسه ده مزبور (ح) تکلیف مذکوری قبوله تردد و تعند ایتمش
اولغله ومدعی مزبور (ب) دعوانک حل وحسمی خصوصنده اصرار ایله مکله
مدعی علیه مزبور (ح) طرفندن دخی محکمه جه ... افندی تعیین قلنه رقی
دعوی مذکوره نظامات وقوانین متداوله ایله اصول محاکمه یه توفیقاً ...
مدته حکم تعیین قلنان مومی الیها طرفلرندن رؤیت و تحت حکمه آلتخ
خصوصنه قرار ویرلدی.

تحکیمنامه، اگر ضبط ورقه سی شکننده یازلمش ایسه ده کراک حکملاک و کراک
متخاصمین طرفلرندن قبول و قبولی مشعر امضالانمش اوله جفندن تحکیمنامه نک
تبلیغی و مجلس تشکیلی خصوصاته محل قالماز. اول حالده یالکر دعوانک
صورت رؤیتی حقه ده بر ضبط ورقه سی تنظیم اولنور. فقط تحکیمنامه اگر
دیگر صورتده تنظیم اولمش ایسه اول حالده حکملاک تبلیغ اولنور و آنلر دخی
قبوللریله مجلس حکمک تشکیلی و دعوی معروضه نک صورت حل وحسمی
حقه ده بر ضبط ورقه سی تنظیم ایدرلر.

حکمر طرفدن محاکمہ نك صورت اجراسنه وورقه حکمیه لری نك احکام
محتویہ سنه اساس اولق اوزره یازیله جق ضبط ورقه سی

صورت : نومرو ۱۹

اشبو بیک (الح) سنه سی ... کوننده زیرده واضع الامضا ... افدینک
خانه سنده اولدیغمز حالده ... ده مقیم (ب) و ... ده مقیم (ح) نزد مزه
کله رك طرفلرندن امضای مخصوصلرینی حاوی ویا مقاولات محرر لکندن
مصدق برقطعه تحکیم نامه ایله بزه حکم اقتدارینی تودیع و مذکور تحکیم نامه ده
معرف اولوب میانه لرنده محدث اولان منازعه لرینک حل و حسمتی بزه
حواله ایتدکلرندن کندولرینک تکلیف واقعلرینی قبول ایتدیگمز تقدیرده
بر مجلس حکم تشکیلی رجا ایتدیله ر. بونک اوزرینه بز دخی مذکور تحکیم نامه
مه نك تودیغنی بالتکلیف طرفلرندن تودیع قلمناسی اوزرینه کیفیت تحکیم،
طرفلرندن قبول اولنه رق مذکور تحکیم نامه اشبو ضبط ورقه سنه ربط و تعلیق قلندی.
مزبور (ب) و (ح) نك صورت تحکیم لری قبول اولندقدن صکره ...
محلده عقد مجلس ایدیلهرک تحکیم نامه ده مندرج اصول و شرائطه توفیقاً رؤیت
منازعه یه مبادرت قلندی. فی سنه امضال

مذکور تحکیم نامه نك مالی ... دن [] عبارتدر .

طرفین ... کونی کلوب دعوالرینه متعلق اوراق تسلیم ایتک اوزره
کندولرینه وقوعبولان تکلیفی قبول وزیرینی امضا ایتدیله ر.

امضا

امضا

حکمر

طرفین

حکمر طرفدن ویریله جک ورقه حکمیه ده اولا : تحکیم نامه ایله اوراق
دعوانک وقت تسلیمی، ثانیاً : تحکیم نامه نك خلاصه مالی، ثالثاً : دعوایی رؤیت
خصوصنده کی کیفیت مأموریتلری، رابعاً : استدعانک خلاصه مالی، خامساً :
محلی اجتماعی، سادساً : مدعینک افاده سیله ابراز ایده جکی اوراق خلاصه

[] بورده ده تحکیم نامه یازمالیدر .

مألری، سابقاً: مدعی علیہک اجوبہ سیلہ ایراز ایده جکی اورا قک خلاصه
مألری، ثامناً: قرار یازیلور. ورقة حکمیہ دخی محکمہ یه کوندر لکده محکمہ
زیرینی بالتصدیق طرفینه اعلام اولمق اوزره اعطا ایلر .

صورت : نومرو ۲۰ ماده ۶۱

... محلهه مقیم «ب» ایله ... محلهه ... خانههه مقیم «ع» میانه لرنده
لبوه قریه سنک سکسان سکر سنه سی واردات عشریه سنی نصفیت اوزره
بالاشترک تعهد والتزام ایتمش اولمالرندن طولایی تحت ایدوب ارگری بدایت
محکمہ سنجه در دست رؤیت بولنان منازعه لرینک حکم صفتیله طرفزدن فصل
ورؤیتی مین مزبور «ب» ایله «ع» طرفدن محرر تحکیمنامه، محکمہ مزبور دنک
فی سنه ... تاریخلو حواله سیله فی سنه ... تاریخنده خصوص مذکوره متعلق
اوراق سائرہ ایله معاً طرفزه تسلیم قلندی. مذکور تحکیمنامه فی ... سنه
تاریخیه مورخ اوله رق «ب» ایله «ع» امضالرینی حاوی وزیرنده «محکمہ
بدایت ارگری» مهربله حواله سنی محتوی اولدیغی کوریلهرک لدی المطالعه
مألی ... دن عبارت اولدیغی آکلا شغلعه وبویله تحکیمنامه
ایله احاله اولسان منازعه لهرک فصلی، اصول محاکمات حقوقیه نک ... نجی
ماده سنک احکامی اقتضاسندن بولمغله اوراق دعاوی میاننده مدعی مزبور
طرفدن ارگری بدایت محکمہ سنه تقدیم قلنان فی ... سنه تاریخلو عرضحال
قراءت ومطالعه اولندی.

خلاصه مألی ... دن عبارت اولدیغی کورلمشدر. طرفین، کندولرینه
وقوع بولان احضار اوزرینه دعوانک رؤیتی ایچون تحکیمنامه ده شرط اوله رق
گوستریلن ... نومرولو ... نک خانه سنه کله رک مدعی مزبورک افاده سی
صورلدقده مال عرضحالی تکرار ایله ... ادعا ایتمش و برقطعه مقاوله
نامه ابراز وارائه ایله مشدر. لدی القراءه فی ... سنه تاریخیه مورخ و مزبور

«ع» ایله «ب» امضالریله ممضی اولدیغی کوریلهرک مألنده ... دینلشدر. بونک اوزرینه مدعی علیه مزبور نه دیه جکی استفسار اولندقده ... سویله مش واشبو افاده لری خارجنده بر دیه جکری اولمادیغنی بیان ایله مش اولمالریله کیفیت مذاکره اولندقده ... تاریخنده قرار ویرلشدر.

امضا

امضا

اشبو تحکیمانه لدی المطالعه یولنده اولدیغی کورلمکله بالتصدیق اعلام اولمق اوزره طرفینه اعطا وتبلیغ قلمشدر. فی ۵ نیسان سنه ۸۴ اشبو ورقه حکمیه شو وجهله محکمه طرفندن تصدیق و طرفینه اعلام اولمق اوزره اعطا اولندقدن صکره حکمنک اجراسی اعلامات عادیه نك صورت اجراسی قواعدینه تابعدر.



﴿ سکرنجی فصل ﴾

رد اعضا حقنده در

رد اعضا خصوصی، استدعا ایله بیان اولمق لازمدر. اشبو استدعا ده خصمنک اسم و شهرتی و ردی مطلوب اولان اعضانک اصول محاکمه نك ۶۲ نجی ماده سنه مستنداً طرفیندن برینه وجودی ادعا اولنه جق سبب ردندن عبارت اولدیغی یازلمق واستدعا مورخ و ممضی بولمق لازمدر. قانونده «اعضادن برینک ردی» تعیرندن رییسک ردی استدعا اولمق جائز اولمادیغنی آکلاشیلور ایسه ده اعضا و رییسک محاکمه ده برر رأی بولمق جهتیه رییسک دنخی قانونده محرر اسبابدن طولایی ردی استدعا اولنه ییلور.

صورت : نومرو ۲۱ ماده ۶۲

... برایت محکمه منه

... ده مقیم «ب» نك علیهمه اقامه ایتدیگی آله جق دعواسنک رؤیتنه

دونکی کون محکمه عالیارنده مباشرت اولنمش ایسهده مرقوم «ب»؛ محکمه علیه لری اعضاسندن ... افدینک عموجه سی اولمغله صحابتنه مظهر اولماسی امور طبعیه دن اولدیغندن اعضای مومی الیهک محاکمه مذکورده بولنمامسنی استدعا ایلرم اولبایده ...

امضا

... ده مقیم «ح»

محکمه نك رد حکامه دائر ویره جکی قرار لر، درت نوعدر. بری: رد حکام استدعاسنک اصل دعوانک حکمی تفهیم اولندقدن صکره ویرلمش اولماسی، وبری: مدعی طرفدن درمیان اولنان اسبابک قانوناً مصرح اولان اسباب رددن اولماسی، ودیگری دخی: مدعی طرفدن درمیان اولنان سبب، اسباب رد اولمقله برابر مدعی طرفدن اثبات اولنه مامسی درکه اشبو اوچ صورتده استدعانک ردینه قرار ویریلور. و بو اوچ صورت قابل استیناف اولان قرارلردن اولدیغیچون اعلامه ربط ایدیلور.

دردیحیسی: استدعاده درمیان اولنان سبب، قانوناً مصرح اولان اسباب رددن اولمقله برابر مدعیسی طرفدن اثبات ایدلمش بولتمقدرکه بوسورتده استدعانک قبولنه قرار ویریلور. بوسورت ایسه قابل استیناف اوله میه جغندن اعلامه ربط ایدلمکه حاجت یوقدر. اولکی اوچ صورتده مستدعینک استدعا سنک ردینه ویریه جک قرار ایله معاً مستدعیدن قانوناً لازم کلن جزای نقدی دخی برابر حکم اولنور. ودردیجی صورتده یعنی استدعا محکمه جه لدی التدقیق والمحاکمه صحتی تبین ایدیکی حالدده استدعانک قبولیه اعضانک محاکمه ده بولنمامسنه قرار ویریلور.

استدعا وقتده ویرلمه دیکی حالدده ردینه دائر یازیله جق اعلام

صورت: نومرو ۲۲ ماده ۶۲

... ده مقیم (ح) طرفدن ... محکمه سنه ویریلن ... تاریخلو عرضحال

مطالعه اولندی.

خلاصه مالی . . . ده مقیم (ب) علیه اقامه ایتامش اولدینی آله جق دعواسندن طولایی محکمه مزبورده جه محاکمه لری اجرا قلمقده ایسه ده محکمه مذکوره اعضاسندن . . . افندی ایله بینلرنده خصومت دنیویه لری اولدیغنه مبنی اصول محاکمه حقوقیه قانون موقتک ۶۲ نجی ماده سی حکمنجه اعضای مومی الیهک محاکمه سنده بولنامسی طلبندن عبارتدر.

مدعی عمومی افندی حاضر اولدینی حالدده عرضحال مذکور علناً قرائت و تدقیقه مبادرت قلمقده مستدعی مزبور، عرضحالینک مالی تکرار ایله مش ایسه ده اعضای مومی الیهک بولنامسینی ادعا ایتدیکی محاکمه حقنده محکمه جه جریان ایدن تدقیقات، . . . تاریخنده ختام بوله رق محاکمه نک امر ختامی طرفینه تفهیم قلمش اولدیغنه و مستدعی مزبورک رد حکام استدعاسنک تاریخی . . . اولوب تاریخ مذکوره نظراً مستدعی مزبور استدعای واقعی اعضای مومی الیهک ردینی طلب ایتدیکی محاکمه نک ختام رؤیتندن صکره ویرمش بولندیغنه بناءً اصول محاکمه حقوقیه قانون موقتک ۶۲ نجی ماده سنجه مستدعی مزبور (ح) نک استدعاسنک ردینه و ماده مذکوره به استناداً کندوسندن . . . غروش جزای نقدی اخذینه . . . تاریخنده متفقاً ویریلن قرار، طرفینه تفهیم قلمدی.

مستدعی طرفندن درمیان اولنه جق سبب رده، قانوناً اسباب ردیه دن اولمادینی حالدده استدعاسنک ردینه دار یازیله جق اعلام.

صورت : نومرو ۲۳ ماده : ۶۲

. . . ده مقیم (ح) طرفندن . . . استیناف محکمه سنه ویریلن . . . تاریخلو عرضحال قرائت و مطالعه اولندی.

مالی، . . . ده مقیم (ب) علیه . . . بدایت محکمه سنده اقامه ایتامش اولدینی آله جق دعواسندن طولایی جریان ایدن محاکمه لری اوزرینه . . . تاریخنده علیه استحصالی ایتدیکی برقطعه اعلام حکمنه، مزبورک عدم قناعتله حکم ابتدایی

مذكورك استينافاً رؤيتي استدعا ايتش و محكمه استينافيه جه محاكمه لرينك استينافاً رؤيته مبادرت قلمش ايسهده محكمه مزبوره رئيسي فضيلتو... افدى محاكمه لرينك رؤيته مباشرت اولندقدن صكره مستأنف مزبور (ح) نك وقوع بولان ضيافت مخصوصه سنه اجابته... ده واقع چفتلكلرنده بر قاچ كون مسافر اولش و بوحال، مجله نك ۱۷۹۷ نجى ماده سنه مخالف اولدينى كجى بر رئيسك، طرفندن برينك اولوجهله دعوت مخصوصه سنه كيمسى، تمايلات وجدانيه سنك شخص مضيف لهنه انجذابي و بناء عليه احكام قانونيه نك لهنه تفسيريني مؤدى اوله جنى احوال طبيعيه دن بولنديغنه بناءً محكمه واقعه لرينك استينافاً رؤيته رئيس مومى اليه افدينك بولنماسى طلبندن عبارتدر.

مذكور عرضحال، مدعى عمومي افدى يه بعد التبليغ تعيين ايديلن كونده گندولرى و طرفين حاضر اولدينى حاليه عرضحال مذکور علناً قرائت و محتوياتنك تدقيقه مبادرت قلنهرق مستدعى مزبورك افاده سى صورلدقده استدعاسى مألنى تذكر ايش ايسهده عرضحال مذكوره رئيس مومى اليه... افدينك ردينه اساس انخا ايديلن سبب، احكام مجله يه مغايرتدن عبارت بولنشدر. حالبوكه رد حكامى موجب اولان اسباب، اصول محاكمه حقوقه قانوننك ۶۲ نجى ماده سنده تعداد ايديلن درت نوع اسبابه منحصر اولهرق رئيس مومى اليه كجيه مغايرتدن عبارت درميان اولنان حركتي، اسباب مذكوره مياننده داخل اولماديغنه و مدعى عمومي مومى اليه ك استماع اولنان مطالعه سى مستدعى مزبور طرفندن درميان اولنان سبب اسباب رديه دن اولماديغنه متدار اولوب بودخى نفس الامر موافق كوريلديكنه — و يا خود — مدعى عمومي مومى اليه ك استماع اولنان مطالعه سى، مستدعى مزبور طرفندن درميان اولنان سبب اسباب رديه دن اولماديغنه و بوندن طولايي رئيس مومى اليه ك ردى لزومه متدار ايسهده مدعى عمومي مومى اليه ك مطالعه واقعه سى نفس الامر موافق كورلمديكنه بناءً رئيس مومى اليه ك مازالبيان دعوت خاصه يه اجابت ايتديكى حقنده ادعا اولنان حركتي تدقيقه حاجت قالمق سزى مستدعى مزبور (ح) نك

رد حکام استدعاسنک ردینه و اصول محاکمه حقوقیه قانوننک ۶۲ نجی ماده سی
فقراً اخیره سی حکمنجه کندوسندن ... غروش جزای نقدی اخذینه ...
تاریخنده متفقاً ویریلن قرار طرفینه تفهیم قلندی .

مستدعینک در میان ایتدیکی سبب، اسباب ردیه دن اولوبده اثباتنه مقتدر
اولمادینگی خالد یازیله حق اعلام

صورت : نومرو ۲۴ ماده ۶۲

... ده مقیم (ح) طرفندن ... حکمه سنه ویریلن ... تاریخلو استدعا
مطالعه اولندی .

مألی، ... ده مقیم (ب) نک علیه اقامه ایتمش اولدینگی آله حق دعواسندن
طولایی محاکمه لرینک رؤیتنه مباشرت اولتمش ایسه ده مرقوم (ب) حکمه اعضا -
سندن ... افدینک عموجه سی اولدیغندن افدی مومی الیهک محاکمه لرنده
بولنامسی طلبندن عبارتدر .

مذکور عرضحال، اعضای مومی الیه ... افدی به بالحواله طرفلرندن اول
بابده یازیلان درکنارده مدعی مرقوم (ب) عموجه زاده سی اولمایوب حرمنک
دایسنک دایسی اولدینگی محرر اولمغله عرضحال مذکور مدعی عمومی ...
افدی به بعد التبلیغ تعیین ایدیلن کونده کندوسی و طرفین حاضر اولدینگی
حاله خصوص مذکور حقنده اجرای تدقیقاته ابتدارله عرضحال مذکور
واعضای مومی الیه طرفندن ظهرنده محرر درکنار علناً قرائت اولندی .
صکره نه دیه جکی و ادعاسی نه ایله اثبات ایده جکی مستدعی مزبور (ح) دن
لدی الاستفسار اعضای مومی الیهک خصمی مزبور (ب) به استدعاسنده بیان
ایتدیکی وجهله قرائتی مسموعاته مستند اولدینگی و بوراسنی اثباته مقتدر
اولهمیه جغنی آتیانله بشقه بردیه جکی اولمادینگی در میان ایله دی .

مدعی عمومی مومی الیه دخی مستدعی مرقومک دعواسنی اثبات

ايدمهديكي جهته استدعاسنك ردی و قانوناً لازم كان جزای نقدینك اعطاسيله محكومیتی یولنده بیان مطالعه ایلهدی و متعاقباً امر تدقیقك ختام بولدیغی طرفینه تفهیم اولندی.

ایجابی لدی المذاکره مستدعینك افاده و ادعاسی، قول مجردده قالدیغنه و اعضای مومی الیهك بیان ایدوب صحتی محکمه جه تحقق ایدن قرابت، اصول محاکمه حقوقیه قانوننك ۶۲ نجی ماده سنده محرر اسبابك ایکنجی قسنده داخل اولماغله ردی موجب اولمادیغنه بناءً مستدعی مرقومك استدعاسنك ردیله ماده مذکوره حکمنجه کندوسندن یوز غروش جزای نقدی آلنوب مال صندیغنه تسلینه متفقاً . . . تاریخنده قرار ویریلوب تفهیم قلندی.

﴿قوزنجی فصل﴾

اموال منقوله و غیر منقوله دعوارنده منازع فیهك کشفی ایجاب ایلهدیکی حالد کشفنه مأمور ایدیله جك اعضانك صورت مأموریتنی مبین محکمه طرفندن تسطیر قلنه حق قرارنامه ایله اعضا طرفندن اولبایدہ تنظیم و اعطا اولنه حق تقرير حقنده در.

بومعامله نك سبب جوازی، حقی دها زیاده میدانه کتورمك مطالعه سنه مبنی در. چونکه بالفرض ادعا اولنان ضرر و زیان عن الغیاب تقدیر اولنه میه جنی ایچون اولبایدہ ویریله جك حکم دخی بالطبع لزومی قدر مصیب اوله ماز. اعضانك صورت مأموریتنی مبین قرارنامه ده، اصحاب دعوانك تعریف قانونیسیله مدعا به و کشفی مستلزم اولان اسباب بیان اولندقدن و ماده کشف، محکمه طرفندن می تنسیب یوقسه طرفیندن بری جانبدن می طلب اولندیغی در میان ایدلد کدنصکره کشف اولنه حق مواد تعیین و اعداد اولنور. بونکله برابر اهل خبره کیلردن عبارت بولنه جنی، محل و وقت اجتماع نره سی اوله جنی خصوصتیری درج قلنور قرارنامه، اعضایه خطاب اوله حق و برقطعه صورتی طرفینه ویریله جکدر.

«ت» کشفی مستلزم اولان مواد مسائل تقدیریه دندر. بوجهته کشفی مستلزم موادی تعیین واعداد ایتک ناقابلدر.

فقط بردعوایه حکم ویریله بیلسی، کشفه محتاج اولوبده محکمه جه بوکا رعایت واجرای کشفیاته مبادرت ایدلیه رک دعوایه حکم ویریلور ایسه حکم واقع نقض اولنور. (جریده محاکم صحیفه : ۷۷۲)

ماده قانونیه ده کشفه مأمور ایدیله جک اعضاء لفظ مفردله ایراد ایدلمش اولماسندن کشفه کیده جک ذاتک یالکز اعضاءن بری اولماسی لازم کلوب عموم هیئتک کیتسی جائز اوله میه جنی وارد خاطر اولیور. لکن قانون بو شریطه یه رعایتسزلک حالنده معامله واقعه نک کان لم یکن حکمنده اوله جنی قیدیه تقید ایتدیکیچون مواد مهممه ده عموم هیئت دخی کیده بیلور. کشف خصوصی، مخصوص قرارنامه یه ربط اولنق و بودخی یا طرفینک طلبنه ویاخود محکمه نک طرفین حضورنده ویرلمش قرارینه مستند اولدیغنی مبین اولنق لازمدر. یوقسه طرفینک معلوماتی اولیه رق وقرارنامه مخصوصه ربط ایدلیه رک اجرا ایدیله جک کشفیات ایله ویریله جک قرار، کان لم یکن حکمنده قالور و حاکم بوصولده اقتدار قانونیسنی مجاوز ایتمش اولور.

برده مدعی، دعوا دن فراغته کشف مصارفنی تأدیه دن امتناع ایتک محتملدر. آنک ایچون کشفک قرارنامه یه ربطی لازمدر. تعیین ایدیله جک اعضاء کشفه قرار ویرن محکمه اعضاءندن اولمالیدر؛ چونکه اول محکمه اعضاء، صورت جریان ماده یی پک ایی بیله جکی جهته تحقیقات وکشفیاتک کیفیت اجراسنی دخی ده ایی بیلک لازمدر. فقط محل کشف، پک اوزاق اولور ایسه اول محکک داخل دائره سی اولدیغنی دیگر بر محکمه یه حواله ایتک جائزدر.

کشفک محکمه طرفندن می یوقسه طرفیندن بری جانبندن می طلب اولندیغنی بیان اولنق لازمدر. زیرا طرفیندن بری طلب ایدر ایسه، مصارف، اول امرده آندن استیفا اولنور؛ اما محکمه طوغریدن طوغرییه قرار ویرر ایسه مصارف، قرارنامه کندوسنه نافع اولاندن آلنور.

محل ايله وقت اجتماعك تصريحى ده لازمدرکه كشفدن طولايي وقوعه كله جك مصارفك تعينى قابل اوله بيلسون؛ زيرا محل اجتماعك ذكرى ايله بعد مسافه آكلاشيله جنجى كې يوم وساعتك ذكرنده دخى اعضا طرفدن ويريله جك تقريرده كشفياتك زمان ختاميله عودت خصوصى بشقه جه بيان اولنه حق. بوجهته كشفيات ايله اشتغال ايديلن مدت آكلاشيلور واولوجهله اهل خبره واعضانك يومه نرى تعين قنور.

كشف قرارى؛ يا طوغريدن طوغرى محكمه طرفدن كوريله جك لزوم اوزرينه ويريلور، يا خود طرفينك طلبى وطلبيرينك محكمه جه قبول اولناسى اوزرينه اعطا اولنور. شوقدرکه طرفينك طلبى محكمه يى ترويج مطلوبه مجبور ايتمز. كذلك طرفينك كشف قرارينى قبولدن امتناعلى؛ ترويج قراره مانع اولماز؛ زيرا كشفك لزومى؛ حكمك اعطاسنى تسهيل ايجوندرکه بوده محكمه يه عاندر. ايشته بوعلته مبنى كشف قرارينك غياباً ويرلديكى دخى واقعدر.
(جریده محاکم صحیفه: ۱۴۶۸)

صورت : نومرو ۲۵ ماده ۶۳

ارکرى بديت محکمسى اعضاندره احمد افندیه

... محله ساکن بربر «ب» ... نك ... محله کأن متصرف اولدینی اشجار متنوعه مغروسه يى شامل، معلوم الحدود برقطعه باغچه سنى سبزوات اكمك اوزره ... بدل ايله ... محله مقيم «ح» يه اوچ سنه مدتله ايجار وتسليم ايتديكى حالده مزبور «ح»؛ آرپه اكدیكى و او مناسبته باغچه ايجنه چفت حیواناتى ادخال ايله خلاف قانون ومقاوله استعمال ايتشدر. بوجهته باعث اولدینی ضرر وزیانك طرفته تضمینی ادعا ولدی المرافعه مزبور «ح»؛ ضرر وقوعنى انكار ايله مش. ماده مجوٹ عنهانك حلی محلنده اجراى كشفیانه متوقف اولق جهته كشف خصوصك مأموریتی، ذات عالیلرینه احاله سنه

قرار ویرلمش. اگر کشف قراری طرفیند بری جانبدن طلب اولنور ایسه شویله یازیلور.

ومزبور (ب) ماده نك اصولاً کشفی بالطلب، طلب واقعی دخی نفس الامرہ موافق کورلمش اولمق جهتیه کشف مأموریتنک ذات عالیترینہ احاله سنہ قرار ویرلمشدر. ایمدی مذکور باغچه ده مقدماری نه کبی شیر اکیلکده اولدیغی یعنی نه ایچون اعداد و تهیه ایدلیکی، آرپه اکیلوب اکیلدیکی و آرپه اکیسی باغچه ایچون برکونه وهن و ضرری مؤدی اولوب اولمادیغی و حیوانات ادخال ایدیلوب ایدلمدیکی، حیواناتک ادخالندن اشجار مغروسه یه برکونه ضرر وقوع بولوب بولمادیغی خصوصاری کشف و تحقیق ایله نتیجه سنی با تقریر بیان ایتمک اوزره — و یا خود طرفین اهل خبره تعییننده امتناع ایدر ایسه شویله یازیلور — طرفینک وقوعبولان امتناعلری اوزرینه اهل خبره اوله رق محکمه جه تعیین و انتخاب ایدیلن — اهل خبره اوله رق طرفینه بشقه بشقه انتخاب و تعیین ایتدیریلن ... مقیم باغچوان «ع» ایله ... محله مقیم بوستانی ... و ... یی بالاستصحاب اشبو نیشانک بشنجی چهارشنبه کونی ... قریه سنده ... دیمکله عریف بوستانلقدہ واقع اطرافی دیوار ایله محاط «۸» نومرولی مزبور «ب» نك باغچه سنه عزیمتله کشف ایللری قرار واقع اقتضاسندن اولغله اشبو قرار نامه تسطیر و برنسخه سی ذات عالیترینہ ارسال و دیگر برر نسخهلری طرفینه اعطا قلمشدر.

فی ۴ نیشان سنه ۹۹

اعضا طرفندن تنظیم اولنه حق تقریرده محکمه قرارنامه سیله کشف مأموریتنک صورت وقوعندن صکره قرارنامه ایله تعیین ایدیلن محله کیفیت عزیمتدن و طرفینک حضور و عدمندن و منازع فیه اولان محک مجملاً تعریفیه قرارنامه ده تحقیق و معاینه اولمق اوزره تعداد ایدیلن موادک صورت تحقیقندن و اولبابده کسب ایدیلن معلوماتدن و تحقیقاتک زمان ختامیه عودتدن بحث اولنه جقدر.

تقرير، اولوجهله تنظيم و اعضا ايله اهل خبره طرفدن امضا و تختم اولندقدن و برر صورتی طرفينه ويرلدکن صکره محکمه يه اعطا اولنه جقدر. شرائطک کافهسی، تحقیقاتی بر صورت منتظمه ده اجرا ايله حقیقی میدانه چیقارمق مقصدینه منی بر معامله در. طرفینک حضور و عدمندن بحث ایتک لازمدر. زیرا کندولری علاقه دار اولمق جهتیه تحقیقاته اساس اوله حق معلوماتی آنجق آنلر ویره بيله جکلزندن مأمور هر شیئی آنلردن صورمغه مجبوردر؛ اما آنلر کله مش اولور ایسه کله مک کندی قباحتلری اولدیغندن بشقه لرندن دخی صوره بیلور.

صورت : نومرو ۲۶ ماده ۶۲

... محلهه مقیم بربر «ب» نك ... قریه سنده متصرف اولدیغی باغچه سنی ... محلهه مقیم بوستانجی «ح» یه ایجار ایتسندن میانه لرنده ظهوره کلن ضرر وزیران دعواسندن طولایی طرفزندن کشفیات مقتضیه نك اجرا سنه دار فی ۴ نیسان سنه ۹۹ تاریخلو محکمه علیه لرینک برقطعه قرارنامه سی طرفزه تبلیغ قلمشدر. بونک اوزرینه اهل خبره اولمق اوزره تعیین اولنان باغچوان ... ايله بوستانجی ... و بوستانجی ... یی بالاستصحاب اشبو نیسانک بشنجی چهارشنبه گونی ساعت اوچده ... قریه سنده ... دیمکله عزیزف بوستانلرده واقع ... نومرو لی مزبور «ب» نك باغچه سنه عزیزمتله طرفین حاضر اولدیغی حالده اجرای کشفیاته باشلانمشدر. مزبور باغچه دیوار ايله محاط اولدیغی کوريله رك قپوسندن ایچرو کیرلدکده مستطیل الشکلی اولوب ماینلری آلتیشر آرشون فاصله ايله الحیر، نار، آرمود، توت و اما اولمق اوزره منتظم اوله رق بش صره اشجار مئره مغروس اولدیغی کورلمشدر. بونک اوزرینه اهل خبره طرفین ايله معاً اجرا قلنان معاینه و کشفیات نتیجه سنده مذکور باغچه نك شو صورتده آغاچله مغروس اولماسنه و مستأجرک زمان اجاره سنده بطل قلمش برپارچده بوستان علامی کورلمسنه کوره مذکور باغچه ثمراتندن انتفاع ایدمک

و اشجار آرمه لرنده بوستان و سبزوات اكمك اوزره تهیه و اعداد ایدلمش اولدینی
 و مستأجر، باغچه یه آرپه اكدیكى مشاهده اولمشدر. بوايسه كرك ارضه، و كركسه
 مغروس آغا جلره و هن و ضرری مؤدی اولدینی و مذکور باغچه حیوانات
 ادخال ایدلمش اولدینی پك واضح علامه میدانده در. ادخال ایدیلن
 حیوانات دخی اشجار مغروسه نك فلیز لرنی اكل و قطع ایلدكلى و بونك
 ویردیكى سبیته اشجاردن برطاقی قورودینی و برطاقنك دخی قوه نامیه لری
 تناقص ایتدیكى و مذکور باغچه نك قبل التخریب بش بیک غروش دكری اولدینی
 حالده الحاله هذه اوچ بیک غروش دكری اوله بیله جكى آكلاشلش و تحقیقات
 واقعه اكمال ایدلمشدر. بناءً علیه یوم مذکورده ساعت طقوزده عودت اولنه رق
 ایجاب ایدن اشبو تقریر تنظیم و کندمله اهل خبره طرفدن امضا و تحتم
 ایدیلهرك محكمه علیه لرنه تقدیم قلدی .

فی ٦ نیشان سنه ٩٩ اعضا

**

﴿ اونجی فصل ﴾

ضبط دعوی ورقه لرنه دائردر

ضبط دعوی ورقه لری، برسیاقده و بربر لریله برلشدیریلوب دفتر اوله بیله جك
 صورتده اولمق لازمدر. هر بر ضبط ورقه سی، عاند اولدینی دعوایه متعلق
 اوراق متفرعه ایله معاً بر ظرف ایچنه قونیه رق اولوجهله ضیاعدن محافظه لرنی
 تأمین ایله برابر عندالاقضا سهولته بولنه یملك ایچون ظرفك ظهیرینه دعوانك
 نیه دائر و کیمه عاند اولدینی واستدعانك نومروسی تحریر و ظرف دروننده
 موجود اوراقك نوع و عددینی مین برقطعه پوصله تنظیم ایدلیدر .
 حك وسیلتی و حقیقتی وقوعنی منع ایدن نظامك احکامی ضبط دعوی
 ورقه لرنده دخی مرعی در .

اشبو ضبط دعوی ورقه‌لرنده معاملات تحقیقیه به باشلامازدن اول آتیده کی صورتدن منضم اوله جفی اوزره ورقه بالاسنده رسم ایدلمش خانه لرك برنده محکمه یه تقدیم اولنان اوراقك نوعی، برنده عددی، برنده تاریخ، برنده نومروسی، آلتده ورقه‌نك صاغ طرفنده مدعینك اسمی، شهرتیه تابعیتی، صولنده مدعی علیه اسمی، شهرتی، تابعیتی ویکدیگرینه متقابل اولان بوایکی خانه‌نك آره‌سنده عرفخالده مندرج خلاصه دعوی وبعده عرفخالك خلاصه‌سی تحریر اولنور. بعده رئیس ایله اعضایه اصلنه مطابقتی تصدیق وامضا ایتدیریلور. طرفینك احضاریچون دعوتیه پوصله‌لرینك یازماسنه قرار ویریلور. معاملات تحقیقیه ده یعنی طرفینك تشکیله محکمه یه کیریشلده اول امرده رئیس ایله اعضای موجوده‌نك اسامیسی، ترجمان وار ایسه آنك دخی اسمی، طرفینك افاداتی وشهود اقامه اولنش ایسه اسم وشهرت وتابعیتلری، وطرفیندن اوراق ابراز اولنش ایسه ایجابنه کوره عینلری ایله خلاصه‌لری، ودعوایه تعلق ایدن احوالك تاریخ وقوعی، محکمه‌جه جریان ایدن تدقیقات ومذاکرات ایله ویریلن حکم وقرار یازیله‌جقدر.

دعوی، برکونده ضبط اولنه‌ماز ایسه یوم آخره امر تعلیق دخی ضبط ورقه‌سنده درج قلنه‌جقدر.

ضبط ورقه‌سنی اثنای ضبطده منتظماً یا عمق هم صعوبتی وهمده محاکماتك تأخر وتسلسلی مؤدی اولدیغندن ضبط کاتبی اولا عادی برورقه‌ده مختصراً ضبط ایتک لازمدر.

بالفرض، طرفینك افاده‌لرندن صکره خاطره کلوبده مؤخرآ تفصیل اولنه بیله‌جک صورتده یالکز اقراره، انکاره، اقامه شهوده، یمنه، دفعه، احوال ووقایعك تاریخنه دائر افادات ووقوعاتی مختصراً ضبط ایتلدر — هر حالده ضبط ورقه‌لرنده یالکز حکمه مدار اوله‌جق مواد یازیلوب یوقسه حکامی اقناع ایچون استدعا ولایحله لرك مندرجاتی تفصیل وتأیید یولنده وقوعبوله‌جق مقالاتك

ضبطه کچورلمه سی واستدعا ایله لایحه وسائر اورا قک دخی یالکز خلاصه لزی نیک درجیله اکتفا ای دلمه سی لازمدر - رئیس ایله اعضای موجوده اسامیس نیک بیانی، اول دعوانک رویت و محاکمه سنده کیلر حاضر اولدینی معلوم اولمق ایچون درکه حاضر اولانلر حکم و قرار واقعه دایر بیان رأی و مطالعه یه مجبور ای دلسون و محاکمه ده بولنیمان اعضانک مذاکره ده بولندینی دعوی اولدینی حالده حقیقته و قوف حاصل اولسون؛ چونکه ایجاب حاله کوره بولنمادقلرینی بیانله اعطای رأیدن امتناع ایدرلر. برده بر دعوا ده فساد قاریشدرلماسی محتمل اولوب او حالده ایسه بادی فساد اولانلر حقنده اشتکا عن الحکام دعواسی اقامه و مجازات قانونیه اجراسی طلب ای دیله بیله جکندن فساده سببیت ویرنلر کیلر اولدینی معلوم اولمق ایچون اسملرینک ذکر ی لازمدر. ترجمانک اسمی ده ذکر اولنمق و ضبط ورقه سی کندوسنه امضا ای تدرینک مقتضیدرکه ترجمان بولندیرمق ایجاب ای دن دعا ویده ترجمان بولندیرلمش اولدینی معلوم اولسون ده ایلروده بولندیرلماش دیه اعتراض ایله اعلامک جرحنه دایر در میان ای دیله جک ادعانک ردینه بر اثبات اولسون؛ چونکه ترجمان بولندیر یله حق یرده بولندیرلماسی اعلامک جرحنی موجدر .

صورت: نومرو ۲۷ ماده ۶۵

نومرو	تاریخی	عدد	استدعا
۱۰۵	فی ۵ نیسان سنه ۹۹	۱	
مدعی علیه	خلاصه دعوی	مدعی	
ارکریده دیویتدار محله . سنده ۵ نومرولی خانه ده مقیم احمد بن محمد	۵۰۰۰ غروش آله حق دعواسی	ارکریده . . . محله سنده ۸ نومرولو خانه ده ساکن یونان دولتی تبعه سندن بقال یورکی بن یوان	

خلاصه مالی مزبور احمد ذمتده بر قطعه سند مو جنبه ۵۰۰۰ غروش

آله جنی اولدیغی و کندوسندن دنعاتله طلب ایتدیگی حالدده هنوز ادا ایتمه مش اولماسندن بحثله مزبور احمدک اصولاً جلی و مطلوب اولان ۵۰۰۰ غروشک مع مضارف محاکمه تحصیلیه طرفه تسلیمی استدعاسندن عبارتدر.

مذکور خلاصه لدی القرانه یولنده کورلمش اولمغله طرفینک جلی اقتضا

ایدر. اعضا اعضا رئیس

** ** *

طرفین احضاراً وبالذات کله لریله رئیس محکمه ... افندی واعضا ... و ...

افندیلر ایله یونان قونسولاتوسی ترجمانی واسیلاکی افندی حاضر اولدیغی حالدده محاکمه لرینه ابتدار ونه دیه جکلی استفسار اولماسیله مدعی مزبور یورکی یوان مال عرنحالی تکرار ایله مذکور بش بیک غروشک تحصیلنه حکم اعطاسی دعوی و برقطعه سند ابراز و اراهه ایله دی. لدی المطالعه فی سنه تاریخیه مؤرخ و احمد امضاسیله ممضی اولدیغی کوریلهرک خلاصه مالی، «مرقوم یواندن هر نه زمان ایسترایسه ادا ایتک اوزره قرضاً ۵۰۰۰ غروش آلدیغی» خصوصندن عبارت بولتمشدر. مدعی علیه مزبور احمد دخی سؤال ایله سند مذکور کندوسنه اراهه اولندوقده سندده محرر امضا کندو امضاسی اولدیغی وادعا اولنان آقهبی مزبور یورکیدن قرضاً آلدیغی اقرار و اعترافله برابر مبلغ مذکور دن ۲۵۰۰ غروشی چارشوده واقع ۱۵ نومرولو تفکجی علی اوسته نیک دکاننده ... ایله ... حاضر اولدیغی حالدده ادا ایله یدندن برقطعه مقبوض علم و خبری آلمش. لکن نصلسه ضایع ایتدیکنی و شو صورتله سندده محرر مجموع دینک نصفندن ذمتی بری اولوب نصف دینگری حالا ذمتنده دینی وادایه هر زمان حاضر اولدیغی سویله مش و مذکور ۲۵۰۰ غروشی اولوجهله ویردیکنی مذکور دکانده حاضر بولتمش اولان ... ایله اثبات ایده جکنی علاوه بیان ایله مشدر. بونک اوزرینه نه دیه جکی مدعی مزبور یورکی به سؤال اولندوقده کندوسنه مذکور ۲۵۰۰ غروشک اولوجهله تأدییه اولندیغک اصلی اولمادیغی و سنداته قارشو در میان ایدیان دعوانک ینه سنداته

اثباتی ایجاب قانونیدن اولمغله مدعی مزبورک بوبابده شهود شخصییه اقامه سنه حق و صلاحیتی اولمادیغنی بیان واحدهما آخرک دعواسنده اصرار ایله مشلردر. بعده مدعی علیه مزبور احمده ضایع ایتدیکنی بیان ایله دیکی مقبوض علم و خبرینک اولوجهله ضیاعنی نه ایله اثبات ایده حکمی صورلدقده مذکور علم و خبرک ضیاعنی اثباته مقتدر اولهمیه جغنی و فقط مدفوعاتی شهود شخصییه ایله اثبات ایده حکمی حقدده کی افاده سنی تکرار ایله مش اولماسی اوزرینه کیفیت مذاکره اولندقدده سندله اثباتی قانوناً و عرفاً لازم اولوبده سنده مربوط اولان ادعاره قارشو درمیان ایدیلمن دعوالرک بش بیک غروشی متجاوز اولماسه دخی ینه سنداته اثبات اولنق لزومی اصول محاکمات حقوقیه نک سکسانجی ماده سی جمله احکامندن بولندیغنه و مدعی علیه مزبور مارالیان مقبوض علم و خبرینک ضیاعی ادعاسنی اثبات ایده مدیکنه بناءً مدعی علیه مزبورک شهود شخصییه اقامه سنه صلاحیتی اولمادیغنه دائر ویریلن قرار کندوسنه تفهیم اولندقدده حق استینافی باقی قالمق اوزره اساسه کیریشمسنی طلب ایله مش و وقت نامساعد بولمغله امر محاکمه نک اتمامی اشبو نینسانک یدنجی بازار ایرتسی کوننه تعلیق قلمشدر.

طرفین، مذکور بازار ایرتسی کونی کلوب رئیس افندی ایله اعضای سابقه و ترجمان افندی حاضر اولدقلری حالده اتمام محاکمه لرینه مبادرتله مدعی علیه مزبورک افاده سی صورلدقده مقبوض علم و خبرینی غیب ایتمش و طرفندن شهود شخصییه اقامه سنه جواز ویرله مش اولماسندن طولایی مدفوعات واقعه سنی آخر صورتله اثباته مقتدر اولهمیه جغنی و فقط مدعی مزبوره دخی یمین تکلیف ایتدیکنی سویله مش و مدعی مزبور دخی تکلیف ایدیلمن یمینی عندالسؤال قبول ایتدیکنی افاده ایله مش اولماسیله مبلغ مذکور ۲۵۰۰ غروشی مدعی علیه دن آلمادیغنه و حقی استیفا اتمه دیکنه دائر مدعی نک تحلیفه قرار ویرله سیله رسم مخصوصله خدمه معرفتیه کتیریلن انجیل شریف اوزرینه مدعی مزبور یورکییه وضع ید ایتدیریلهرک بر موجب قرار بالمواجهه تحلیفی اجرا قلمشدر. بونک اوزرینه طرفین بشقه بر دیه جکلری اولمادیغنی عندالسؤال سویله مش

اولاً لریله ختام محاکمه لرینه قرار ویریلوب تفهیم اولمشدر .
 کیفیت موقع مذاکره یه آندقدده مدعی علیه مزبور احمدک مزبور یورکی یه
 دینی اولان ۵۰۰۰۰ غروشدن ۲۵۰۰۰ نی تأدییه ایتدیکنی ویدندن علم و خبر
 آلمش اولدینی حالدده مذکور علم و خبری ضایع ایتدیکندن مدفوعاتی شهود
 شخصیه ایله اثبات ایده جکنی ادعا ایله مشدر. فقط مذکور علم و خبرک ضیاعی
 حقدده درمیشان ایتدیکی ادعاسنی اثبات ایده مه یوب قول مجردنده قالدیغنه
 و محکمه جه خصوص مذکور حقدده شهود شخصیه قبول اولمایه جغنه دائر
 محکمه جه ویریلوب تفهیم ایدیلن قرار قرینه نی حق استینافی باقی اولمق اوزره
 قبول ایتدیکنه و مدعی مزبور یورکی یه تکلیف ایتدیکی یمینی مزبور یورکی
 دخی قبول واجرا ایله مش اولدیغنه بناءً مذکور ۵۰۰۰۰ غروش مزبور یورکینک
 مرقوم احمد ذمتنده آله حق حقی اولدیغنه و مبلغ مذکورک مصارف محاکمه
 ایله برابر مزبور احمددن بالتحصیل مزبور یورکی یه اعطاسنه صورت قطعیه ده
 فی ۷ نیسان سنه ۹۹ تاریخنده متفقاً قرار ویرلمشدر. فی ۷ نیسان سنه ۹۹

اعضا	اعضا	رئیس
**	**	**

قانونک ۵۱ نجی ماده سنجه بالذات جلبه لزوم کوریلن موکلر، محکمه جه
 تصدیق اولنه حق معذرتلرینه منی کله مدکاری حالدده خانه لرینه کوندریله جک
 اعضانک افادات واقعیه مبین یازه جعی تقریره دائردر.

صورت : نومرو ۳ ماده ۵۱

... مقیم (ب) نک ... ده مقیم (ح) علینه اقامه ایتدیکی دعوی
 اوزرینه مزبور (ح) نک وکیلی ... ایله جریان ایدن محاکمه اثناسنده کندو.
 سنک بالذات جلبی ایله ... خصوص حقدده محکمه جه استجوابی وثبوت
 معذرتی جهتیله استجوابک خانه سنده اجراسی خصوصنه دائر محکمه جه
 ویریلن قرار اوزرینه اشبو ماه حالک ... کونی کاتب ... افندی ایله

فلان و فلان برابر اولدقلری حالدہ مزبور (ح) نک مقیم اولدینی ده
خانه سنه کیدیلهرک اولوجهله امر استجوابی اجرا و بوجه زیر ثبت و املا
قلندی. سؤال

الح

جواب

بوجه بالا امر استجواب ختام بولمغه اشبو ضبطنامه بالقرانه مزبور (ح)
مألی تصدیق و امضا ایدہ جکنی سویله مکله اولوجهله زیری امضا قلمشدر.
امضال

قانونک ۸۸ نجی ماده سنجه شهودک حرف بحرف افاداتنک ضبطنی
حاوی یازیله جق ضبط ورقه سنه دآردر

صورت : نومرو ۲۹ ماده ۸۸

. . . . مقیم (ب) ایله ده مقیم (ح) میانه لرنده متحدت دعوا-
لرندن طولانی مزبور (ب) نک اثبات مدعا ایتمه سنه مقدا قرار ویرلمش
ایدی. مزبور (ب) دخی استملرینی اولجه جریدهیه قید ایتدیردیکی و. و. و.
نام کیسه لری بالاحضار خصمی دخی حاضر اولدینی حالدہ حضور محکمه ده
استماع شهوده مباشرت اولنه جفی صروده خصمی مزبور (ح) شهادت واقعه-
لرینک مفصلاً آرو برورقه ده ضبطنی طلب ایله مشدر. مزبور (ح) نک اشبو
طلبی موافق قانون کوریلهرک موجبنجه اجراسی تنسیب قلمش اولماسی
اوزرینه شهود مزبوره نک بوجه زیر منفرداً استماعنه مباشرت قلمشدر.

طرف ریاستدن ویریلن امر اوزرینه دیوانخانه ده منتظر اولان شهوددن
(و) حضور محکمه یه چاغرلدی.

فقط مرقوم (و) شهادته مباشرتدن اول مدعی علیه مرقوم (ح) کندوسیه
خصومت دنیویه سی اولدیغندن بخله ردینی ایسته دی.
محکمه اسباب خصومتی صورتی.

مزبور (ح) دخی «اسباب معروضه علی التفصیل یازیلور» سویله دی.

مرقوم و. (اسباب مذکورہ نك كیت و کیفیت) بیان ایله دی.

مرقوم (ب) دخی (اسباب مذکورہ نك قبوله ویا موجب رد اوله میه - جغه دأر) ادعا ایله دی.

محکمه کیفیتی تأمل ایله (بوراده علل و اسباب یازیلور) بناءً علیه شاهد مزبورك قبول شهادتیه (ویا ردینه قرار ویردی .

بعده شهوددن و. حضور محکمه یه چاغرلدی افاده سی صورلدی

مزبور و. (بوراده کیفیت شهادت یازیلور) دیه شهادت ایله دی .

بونك اوزرینه مدعی علیه (ح) شهادت واقعہ نك (. . .) وجهله دعویاه عدم موافقتنی ادعا ایله دی.

محکمه لدی التأمل (علل و اسباب) شهادت واقعہ نك (دعویاه موافقت ویا عدم موافقتیه قرار ویردی.

بعده شهوددن (و) حضور محکمه یه چاغرلدی. افاده سی صورلدی. مرقوم و. (کیفیت شهادت) دیه شهادت ایله دی.

بونك اوزرینه مدعی علیه مزبور (ح) اشبو شاهد ایله (و) نك شهادتلیریننده وجهله اختلاف اولدیغنی درمیان ایله دی.

محکمه لدی التأمل (علل و اسباب) مزبوران و. ایله و. نك مارالبیان شهادت واقعہ لری (مانع قبول اولدیغنه ویا اولمادیغنه) قرار ویروب طرفینه تفهیم ایله دی.

بعده شهوددن و. حضور محکمه یه چاغرلدی. افاده سی صورلدی.

مزبور و. (کیفیت شهادت) دیه شهادت ایله دی.

بونك اوزرینه مزبور (ح) اشبو شهودك جمله سنه شهادت لرنده کاذب اولمادقلرینه یمین ویرلمه سنی ایسته دی.

محکمه دخی شهادتک یمین ایله تقویتنه لزوم کورمکله بالتنسب مزبورون و. و. لرك شهادت واقعہ لرنده کاذب اولمادقلرینه یعنی وجدانلرنده مستتر

اولان حقایقه مخالف شهادت ایتمه یوب طوغری سویله دکلیرینه دایر محکمه جه گندولرینه تکلیف ایدیلن یمنی قبول و مزبور (ح) مواجهه سنده اجرا ایله مشلدر.

بروجه بالا شهودک استماع شهادتی ختام بولمغله افادات واقعه لرینی مبین اشبو ورقه تحریر اولنهرق گندولرینه قرائت ایدلده مآلی و مندرجاتی تصدیق و امضا ایده جکلرینی بیان ایتمه لرله اولوجهله زیری گندولرینه امضا ایتدیرلمشدر.

ضبط دعوانک شاهدک محلنده تعیین حدود ایتمه سی قرارینی حاوی جهتی سویله یازیلور.

صورت : نومرو ۳۰

جریده ده محرر الاسم شاهد (ب) حضور محکمه یه چاغرادلی. خصمی مواجهه سنده مشهوداتی نهدن عبارت اولدیغی طرف ریاستدن کندوسنه سؤال اولندی.

مزبور (ب) دخی کلامه آغاز ایله مدعی (و) ایله مدعی علیه (و) میانه لرنده منازع فیه اولوب... محله بولنان... دونم تارلا مدعی مزبور (و) نک ارتا کندوسنه منتقل اولهرق متصرف اولدیغی بیلیکنه مبنی « اولوجهله شهادت ایدرم » دیهرک شهادتی تقریر ایله دی. رئیس مدعی مزبور و. نک اولدیغنه شهادت ایله دیکی تارلانک حدودی نه اولدیغی مرقوم (ب) دن صورتی، فقط مرقوم (ب) مذکور تارلانک حدودینی فی الحال تعیینه مقتدر اوله ماز ایسه ده محلنده تعیین و اراهه ایده بیله جکنی بیان ایله دی.

بونک اوزرینه محکمه شاهد مرقوم (ب) نک محلنده تعیین حدود ایتمه سی لزومنه قرار ویردی و طرفینه تعیین یوم ایتمه لرینی تکلیف ایله دی. طرفین بالمشاوره... نجی کوتی تعیین و محکمه دخی یوم مذکورده محل مزبوره کیتک اوزره ضبط کاتبی... افندی پی مأمور ایله دی. امضا

مأمور طرفدن مشهوداتی مبین یازیله جق تقریر

صورت : نومرو ۳۱

... ده مقیم (ب) ایله ... ده مقیم (ح) میانه لرنده متحدث اولان
 ... ده کأن اراضی دعواسنک محاکمه سنده مرقوم (ب) نك اثبات مدعا
 ضمنده شاهد اوله رق اقامه ایله دیکی و. نام کمنه شهادت واقعه سنده تعیین
 حدود ایده مه سنه و محلنده تعریف ایده جکنی بیان ایتمش اولماسنه مبنی
 محکمه جه ویریلن قرار اوزرینه شاهد مرقوم (ب) یه محلنده تعیین حدود
 ایتدیرلک اوزره اشبو ماه حالك ... نجی کونی مذکور اراضینک بولندیغی
 ... محله عزیمت و مرقوم (ب) ایله (ح) محل مزبورده بولنه رق ...
 قریه سی اهالیسندن و. و. نام کمنه لر دخی حاضر اولدیغی حالدده مذکور
 اراضینک حدودینی تعیین وارانہ ایتمه سی مرقوم (و) یه تکلیف اولندقدده
 مزبور (و) دخی مذکور اراضینک ... تعبیر اولنور محلندن بدأ ایله
 کندوسی اوکده و حضار اطرافده اولدیغی حالدده تعیین حدود ایتک اوزره
 دیمشدر که «شو اراضینک حدودی ... تعبیر اولنور ... جهندن ...
 تعبیر اولنور محله ... و ... تعبیر اولنور محلندن ... محله (الح)» منتهی
 اولور.

بروجه بالا مرقوم و. نك تعیین حدود حقه نده کی افاده سی ضبط و تحریر
 وزیر ی کندوسنه امضا ایتدیرلمش اولمغله مشهودات واقعه نی متضمن اشبو
 تقریر تنظیم قلمشدر.
 امضا

**

شهودک اقامتکاهنده استماع شهادته دائر محکمه طرفدن مرسل نائبک
 یازه جفی ضبط ورقه سی

صورت : نومرو ۳۲

... ده مقیم (ب) نك ... ده مقیم (ح) ذمتنده اولان ... غروش

آله جفندن طولایی میانہ لرنده متکون دعوانک ... محاکمہ سندہ مرقوم (ح) اولوجهہ بورجی اولدیغنی انکار ایتہسی اوزرینہ مرقوم (ب) اثبات مدعا ایده جکنی سویله مش وبالآخره اثبات مدعا ضمنده اسملرینی اولجه جریدهیه قید ایتدیردیکی (و.و.و.) نام کسنه لردن (و.و.) بی احضار ایله مش اولدینی حالده مرقوم (و) نک خسته اولماسدن طولایی افاده سنک اقامتکاهنده استماعنی طلب ایتشدرد. مرقوم (ب) نک طلب واقعی لدی التأمل موافق قانون گورلمش اولمغله اولوجهه مرقوم (و) نک اقامتکاهنده استماع شهادتی ایچون تعیین یوم اولنهرق افاده سنک ضبط و تحریر مأموریتی دخی چاکر لرینہ حواله قلمش اولماسی اوزرینہ اشبو ماه حالک ... نجی کونی مرقوم (و) نک بولندینی ... محله ... نومرولی خانہ سنه کیدلدی و خانہ ایچروسنده کندوسنک بولندینی او طه سنه کیرلده کنه کندوسی یتاقده اولدینی ووجهاً خسته بولندینی مشاهده اولندی.

مرقوم (ب) و (ح) حاضر اولدقلمری حالده حسب المأموریه افاده سنک استماعنه مبادرت اولنهرق بوجه زیر افاده سی ضبط اولندی.

مرقوم و. نک شهادتی نه دن عبارت اولدینی کندوسندن صورلدی. مرقوم و. دخی (کیفیت شهادت) دیه شهادت ایله دی.

مزبور (ح) دخی مزبور (و) نک اشبو شهادتی حقنده سکوت ایله دی. بوجه بالا مزبور (و) نک اشبو شهادت واقعہ سی ضبط و بوورقهیه تحریر قلندقدن صکره کندوسنه قرائت اولنهرق مألنی تصدیق ایتمش و عندالتکلیف امضا ایده جکنی سویله مش اولمغله زیری اولوجهه کندوسیلہ طرفینہ امضا ایتدیرلمشدر.

امضال

تزکیه شهوده دائردر

مستوره - صورت : نومرو ۳۳ مجله ۱۷۱۸

... مقیم (ب) ایله ... ده مقیم (ح) میانہ لرنده ... غروشندن

عبارت آله جق دعوالرینک جریان محاکمه سی ائناده مرقوم (ب) اثبات مدعا
 ضمنده زیرده اسم وشهرت لری محرر کسانى شاهد اوله رق اقامه ایتمش ایسه ده
 خصمی مرقوم (ح) شهود مزبورده نک شهادت لری حقه ده طعن ایتمش و بناءً
 علیه کندولرینک تزکیه لری ایجاب ایله مش اولماسی اوزرینه شهود مزبورده نک
 تعیین و اراهه سی ومدعی علیه (ح) نک بوکا سکوت ایله مش اولماسی اوزرینه
 طرف کزدن تزکیه لری تنسیب قلمشدر. ناموس و وجدانک کفالتی ونصفت
 وعدانت انسانیه کزک دلالتی وجهله شهود مزبورده نک عدل ومقبول الشهاده
 اولوب اولمادقلرینه دأر اولان معلومات صحیحه وحقیقیه وجدانیه کزک
 اسم لری زیرینه تحریر ایله ابراز آثار انسکانیتکاری بیورملری ایچون اشبو
 مستوره ورقه سی تحریر ومهوراً طرف عالیلرینه اسرا قلندی.

... ده مقیم ... زاده و. عدل ... ده مقیم ... اصنافدن و. بن و. نک
 ومقبول الشهاده درویا دکادر حالی بیلیورم ویا الله بیلور

تزکیه علیه — صورت: نومرو ۳۴

... ده مقیم (ب) ایله ... ده مقیم (ح) میانهلرنده متکون دعوانک
 محاکمه سنده مرقوم (ب) نک دعوانسی اثبات ایچون اقامه ایله دیکی و. و.
 نام شهودک علناً اجرای تزکیه لری مأموریتی بنده لرینه احاله قلمش اولماسی
 اوزرینه یوم معینده مزکیلرک بولندیغی ... محله واریلوب مزبوران (ب)
 و (ح) ایله شهود مزبورده دن و. و. حاضر اولدیغی حالده مزکی و. و. لره
 مستوره ورقه سی ابراز اولنه رق علناً اجرای تزکیه لری دخی تکلیف
 اولندی. مزکی مزبورون و. و. دخی (...). دیه سویله دیلر. مدعی علیه
 (سکوت ویا ۱۷۲۲ نجی ماده حکمنجه مزکی اولیه جقلرینه دأر مدافعات
 یازیلور) سویله دی.

بروجه بالا تزکیه نک علناً امر اجراسی ختام بولمغله طرفینک بو باده کی
 افاداتی حاوی اشبو ورقه تحریر و مزکیلر ایله طرفین لدی التکلیف زیرینی
 امضا ایله مشلردر.

قانونك ۹۵ نجی ماده سنجه یمینك اقامتگاهنده اجرا ایدلسنه دأر

یازیله حق تقریر

صورت : نومرو ۳۵

... ده مقیم (ب) ایله (ح) بیننده متحدت ... ده کأن ... حدودیله محدود ... نومرولو بر باب خانهك تصرفه دأر دعوالرندن طولایی گندوسیله مزبوره (ح) نك وکیلی (و) ایله جریان ایدن محاکمه لرنده مزبور (ب) نك دعواسنی اثباتدن اظهار عجز ایتمش اولماسی اوزرینه مرقوم (ح) یه قرار واقع موجبنجه اقامتگاهنده یمین تکلیف اولنحق اوزره ضبط دعواده معین اولدیغی اوزره اشبو ... کوننده مرقوم (ح) نك خانه سنه کیدلدی وخصمی مرقوم (ب) حاضر اولدیغی حالده ضبط دعوی کندوسنه قرائت اولنه رق موجبنجه یمین تکلیف اولندی. مرقوم (ح) اشبو تکلیفی قبول ایله دی (و یا خود ایله مدی) بونك اوزرینه « والله (ب) ایله ینکزده منازع فیه اولان اول خانه حاضر مزبور (ب) نك ملکی دکلدر دیه یمین ایت « دنیلدکده مزبوره (ح) دخی « والله مزبور (ب) ایله میانه مزده باعث دعوا من اولان اول خانه کندوسنك ملکی دکلدر « دیه یمین ایله دی.

بروجه بالا مرقوم (ح) یه تکلیف ایدیلن یمینی قبول و اجرا ایتکله صورت اجرا سنی مبین اشبو تقریر تحریر و قرائت ومالی تصدیق ایتدیرلکدن صکره کندوسنه ومرقوم (ب) یه امضا ایتدیرلمشدر.

افضال

❖ اون برنجی فصل ❖

برکیمسه یه عزو اولنان خط وختی انکار ایتدیکی حالده تدقیق و تطبیق ایچون تعیین ایدیلجک اهل خبریه نظارت ایدجک اعضانك مأموریتانی مبین محکمه جه اولبابده تسطیر قلنه حق قرارنامه ایله تطبیقات لازمه اجرا قلندقدن صکره اعضا طرفدن تنظیم قلنه حق تقریره دأردر

قرارنامه ده : دعوانك تعلق ایتدیکی اشخاصك تعریف قانونیسیله ماده نك

خلاصه منی و تطبیق خط و ختمه سببیت ویرن اسباب ایله اعضادن برینه خصوص مذکوره نظارت مأموریتنک صورت احاله منی و سندنک حالیه اهل خبردنک اسامیسی و کیفیت انتخابری یعنی طرفینک اتفایله منی یوقسه طرفینجه ائتلاف حصوله کله منی اوزرینه محکمه نک تنسیبیه انتخاب اولندقلری خصوصلری درج قنور.

سندنک حالی تعریف لازمدرکه برینک انکاره مجالی قالماسون؛ فقط بو مقصدی دها زیاده تأمین ایتمش اولمق ایچون تطبیق ایدیله جک اوراقک تطبیقنه قرار ویرلدیکی عقبنده محکمه کاتبه تسلیم ایلمسی و طرفینه امضا ایتدیلمسی دها مناسبدر. زیرا اوراق، محکمه کاتبه اولوجهله تسلیم ایدیلمور ایسه هم اهل خبره کیدر معاینه ایدر و صور تطبیق و تدقیقنه دار برتدیر ایخاذا ایدرلر ومدافع کسب معلومات ایدرک حقوقی محافظه ایلر. فقط بو صورتده اوراقک حالی حقیقده بر ضبط طوتمق لازمدرکه ضیاعدن و تبدیل و تغیردن مصونیتی تأمین ایلمسون. اوراقک تعریف حالی ایسه کاغدنک رنگ و جسامت ایله شکلی و یازونک جنس و نوعی و چیزکی و یا حقیقتی وار ایسه آنلرکدخی اوصافی و الحاصل اوراقی تمیز و تخصیص ایدر احوال سارهی وار ایسه آنلری دخی بیاندن عبارتدر. اهل خبره نک اسامیسنک لزوم ذکر ای آشکاردر. عددینک اوچه منحصر اولماسی دخی تساوی آرا حصولی کی مشکلاته محل قالماق ایچوندر.

اهل خبره نک، طرفینک اتفایله منی یوقسه محکمه نک تصویبیه منی انتخاب اولندقلرینک لزوم ذکرینه کلنجه: چونکه محکمه اهل خبره تعیینه قرار ویردیکی حالده طرفینی استمزاجه هر حالده مجبوردرکه شاید طرفین انتخاب ایدمک ایسته نیلن اهل خبره دن برینک اسباب نظامیه منی ردنی طلب ایدر. ایسته بوندن طولایی اگر طرفین انتخاب خصوصنده اتفاق ایتمشر ایسه اوله بر رد ادعاسنه قیام ایتدکلری خصوصی آکلا شلق ایچون کیفیت اتفایلی

درج قنورکه اساس تدقیقات و محاکمه یه کیریشلدکن صکره مجوٹ غنه اولان دعوايه قیام ایتمکه صلاحیتلری اولماسون. اگر اتفاق ایتمه مشر ایسه عدم اتفاقلری بر سبب نظامی یه مستند اولوب اولمادینی و در میان ایدلمش اسباب نظامیه محکمه جه قبول اولنوب اولنمادینی خصوصلری آکلا شلق و بوضورتله ایلروده اعتراضه محل قالماق ایچون محکمه نك امر تصویب دخی درج قنور.

صورت : نومرو ۳۶ ماده ۹۷

... محله مقيم (ب) نك ... محله ... خانه ده مقيم متوفی (خ) نك ورثه سی علینه مورثلرینك خط و ختمیه محرر و مختوم یدنده اولان برقطعه سندله متوفی (خ) نك ذمتده اون بیک غروش آله جنی اولماسندن طولایی ... بدایت محکمه سنه اقامه ایتمکی دعوی اوزرینه مرقوم (پ) ایله متوفای مزبور (خ) نك منحصرأ وارثی اولان (ع) احضارأ محکمه یه کللری ایله اجرا قلنان محاکمه لرنده مرقوم (ع) سند مذکورده کی خط و ختمك مورث مرقوم (خ) نك اولدیغنی انکار ایتمسینه ایجاب قانونیسی طرفینه بعدالتفهم سند مذکورك خط و ختمی تطبیق و تدقیق ایتمك اوزره طرفلرندن اوچ نفر اهل خبره نك تعیینی خصوصی طرفینه بالتکلیف، آنلر دخی قبول ایتمشدر. یینلرنده بالمشاوره عرفحالچی اصنافدن ... ده مقيم . ط . ایله کتبه دن ... ده مقيم . ل ... و مجاردن ... ده مقيم . م . اقدیلری انتخاب ایتمکلری خصوصنده متفق اولدقلرینی جوابأ بیان ایله مش اولمالریله اجرا قلنه جق تطبیقات و تدقیقاتك بر صورت سالمه و منتظمه ده وقوعه کلمسه نظارت ایتمك مأموریتی دخی محکمه جه ویریلن قرار اوزرینه ذات عالیرینه توجیه واحاله قلمشدر. ایمدی میانه کزده تقرر ایده جك وقت و محله اهل خبره اولمق اوزره تعیین ایدیلن مارالبیان . ط . ایله . ل . و . م . اقدیلری بالاستصحاب تدقیقات لازمه یه مبادرت ایتمك اوزره منازع فیه اولان سند، محکمه باش کاتبی نزدینه ترکله طرفینه امضا ایتمدیله رك طرف عالیرینه

گوندلمش وسند مذکور مائی و مستطیل الشکل تخمیناً اون بش ساتیترو طولنده برکاغده محرر اولوب یازوسی قالینجه بر قلم ایله یازلمش ثلث اولدینی وایکنجی سطرنده «آلدام» کلهسی چیزیلوب یرینه «آدم» یازلمش وسطرك نهایتنده «بورجمدر» کلهسی «ذمتده» کلهسنگ اوزرینه چیقمش اولدینی ومهری خط ثلث ایله حک اولنش (خ) استخی حاوی اولوب فی ... سنه ... تاریخنده محرر اولدینی عند المعاینه آکلاشلش اولمغله اجرای مقتضاسی ایچون اشبو قرارنامه تسطیر و طرف عالییرینه تسیر قلندی. فی ۸ نیسان سنه ۹۹

قانونک ۱۰۰ نجی ماده سنجه اساس تطبیق اوله حق اوراق، آخر بر قضاده بولنان اشخاص یدنده اولدینی حالده تطبیقاتک اول قضاجه اجراسی لزومه دائر یازیله حق تقریر

صورت : نومرو ۳۷

... ده مقیم (پ) ایله ... ده مقیم (خ) میانه لرنده اولان آله حق دعوالرینک محکمه علیه لرنجه رؤیتی ائشاده مرقوم (پ) دن ابراز اولنوب خصمی (خ) طرفندن انکار اولنان سندک تدقیق و تطبیق ایچون انتخاب اولنان اهل خبره به نظارت مأموریتی چاکرلرینه حواله بیورلمش اولماسی اوزرینه حسب القرار اشبو ... کوننده ... محله اهل خبره ایله طرفین حاضر اولدینی حالده تدقیق و تطبیقه مقیاس طوتیله حق اوراقی اولوب اولمادینی مرقوم (پ) دن سؤال اولندقدده ... محله ... نام کیمسه نک نزدنده مرقوم (خ) نک مقاولات محرری طرفندن امضاسی مصدق برقطعه مقاولهسی اولدینی سویله مشدر. شو حاله کوره تدقیقات و تطبیقات لازمه نک بوراده و هیئت عاجزانه مزجه اجراسی ممکنسز بولنش اولمغله ایجابنک اجراسیچون اشبو تقریر تنظیم و محکمه علیه لرنجه تقدیم قلندی.

امضا
مأمور

محكمه دخی اشبو تقریرك ظهیرینی شویله شرح و اعلام ایدر .
 اشبو تقریر قرائت و مطالعه اولنه رق ایجابی لدی التامل مدعی مرقوم
 (پ) نك اساس تطبیق اولمق اوزره اراهه ایتدیکی . . . مقاوله نامه سی . . . ده
 كان . . . قریه سنده . . . نام کیسه نك نزدنده بولندینی آکلاشیش اولماسنه
 و قریه مذکوره . . . محكمه سنك دأرہ سی خارجنده اولمق جهتیله تطبیقات
 و تدقیقات قانونیه نك . . . محكمه سنجه اجرایی ممکن اولمادیغنه و بویله مقیاس
 تطبیق اوله رق کوستریله جك اوراقك اصحابی، دیگر برشهر و قصبه ده مقیم
 اولدقلری حالده تطبیق خط و ختمه مأمور اولان ذانك تقریری اوزرینه
 تطبیق خط و ختم خصوصنده مجنده اجرایی و محكمه جه بوباده اعلام
 و یريله بیلمی اصول محاکمه حقوقیه قانون موقتك ۱۰۰ نجی ماده سی احکامی
 اقتضاسندن بولندیغنه مبنی تطبیقات و تدقیقات واقعه مذکور . . . قریه سنك
 منسوب اولدینی . . . محكمه سی معرفتیله اجرا ایدمك اوزره طرفینك
 محكمه مذکوره یه مراجعت ایتلرینه و تطبیق ایدیله جك سندله آکا دار
 اوراقك حین طلبده محكمه مذکوره ریاسته با مذکره لفا کوندرلمسنه . . .
 تاریخنده متفقاً قرار و یرلدی .

امضا

**

مأمورك جریان معاملیه نی حاوی یازه جنفی ضبط ورقه سی

۳۸

صورت: نومرو

. . . ده مقیم (پ) ایله . . . ده مقیم (خ) میانه لرنده منازع فیه اولان
 سندك تدقیق و تطبیق معاملاتنده طوتیلان ضبط ورقه سیدر .
 قرارنامه تاریخی منازع فیه اولان اوراق عدد اهل خبره نك اسامی سی
 . . . فی . . . سنه . . .

منازع فیه اولان بالاده محرر سندك تدقیق و تطبیقی اجرا ایده جك
 اولان مازالیان اهل خبره یه نظارت مأموریتی طرفه حاله اولندیغنه دار
 مذکور قرارنامه صورتی و منازع فیه اولان سندك تسلیمی عقبنده اشبو ضبط

ورقه سنک تحریرینه مبادرت اولندی؛ طرفین ایله اهل خبره حضور محکمه ده اولدقلری حالده تدقیقات و تطبیقات واقعه اجرا اولنق اوزره... محکمه سی داره سنده واقع قلم او طه سی تخصیص قلندیغدن اشبوماه حالک... نجی کونی... ساعتده اهل خبره ایله طرفینک محل مذکوره کللری کندولرینه تفهیم قلندی.

امضا امضا امضا امضا امضا
خ ب اهل خبره مأمور

اهل خبره و طرفین یوم معینده مذکور... محکمه نك تلم او طه سنه کلدی لر. طرفینه اساس تطبیق اوله حق اوراق تعیین ایتلری تکلیف اولندی. مدعی، مدعی علیه نك چوق اوراق اولدینی کبی از جمله کندو طرفندن محرر مکاتبی بولندیغنی بالیان آنلری ابراز ایله دی. مدعی علیه اسباب بیان ایتکسزین اتفاق ایتدی. بعده مدعیدن قانوناً اساس تطبیق اوله حق اوراق بولوب بولنادینی صورلدی - بوبابده مدعی یه اول اوراق نهدن عبارت اوله بیله جکی تعریف اولنمالی - مدعی... کیسه ده... مقاوله نامه سی و... داره ده... داره مقبوض علم و خبری اولدیغنی ولدی السؤال آنلری... کوننده کتیره بیله جکنی سویله یه رك امهالی ایستدی... مدعی اولوجهله امهال اوله رق طرفینک و اهل خبره نك... کوننده... ساعتده کللری کندولرینه تفهیم و کیفیت تعلیق قلندی.

امضال

یوم معینده طرفین و اهل خبره کلدی. (ویا خود... (ب) کله جکنه داره وضع امضا ایتمشیکن تغیب ایتدیکندن کیفیتک محکمه یه عرضه قرار ویرلدی) مدعی مرقوم نزدنده مقاوله نك وجودینی بیان ایتدیکی... نام کسته نك لاجل التجاره... محله کیدرک اول مقاوله نی دخی برابرنده آلدینی و... داره سی دخی مذکور علم و خبری محل تطبیقه اسرایه موافقت ایتدیکنی بالیان داره مزبورده بولنان مذکور علم و خبرک محکمه معرفتیه کتیرلمنی ایستدی.

بونک اوزرینه مذکور علم و خبری... داره دن بامذکره ایسته مک

اوزره کیفیتك عرضنه واجتماعك . . . كونه تعلیقنه قرار ویریلهرك کیفیت طرفینه واهل خبریه تفهیم قلندی .
امضالر

یوم معینده طرفین كلش ایسهده مذکور علم و خبر ورود ایتمدیكندن اجتماعك . . . كونده . . . ساعتده تعلیقنه قرار ویریلهرك طرفینه واهل خبریه تفهیم قلندی .
امضالر

طرفین واهل خبره كلدی . جلی طلب اولنوب مظروفاً ظهور ایدن مذکور علم و خبر دخی طرفین حضورنده فتح ولدی القراءه . . . تاریخلو . . . مائنده اولدینی کورلدی . بعده ایسته دیکی علم و خبر اشبو علم و خبر اولوب اولمادینی مدعی یه صورلدی . مدعی دخی لدی النظر طلب ایتمدیکی علم و خبر اولدینی سویلهدی .

بونك اوزرینه مذکور علم و خبر مدعی علیه ارانه اولندی . یازو و امضاسنی اقرار ایله برابر منازع فیه سندي انكارده اصرار ایلهدی . بعده مذکور علم و خبر اهل خبریه تودیع قلنه رق اجرای تطیقاته مباشرتلی . امر و تکلیف اولندی .

اهل خبره، موجبنجه بر طرفه چکیلهرك اجرای تطیقاته باشلا دیلر . نتیجه تحقیقاتلرنده منازع فیه سند، خط رقه و مذکور علم و خبر تعلیق یازو ایله محرر اولدیغندن یکدیگریله قابل تطیق و توفیق اولمادینی متفقاً بیان ایتمیلر . بونك اوزرینه قابل تطیق بشقه اوراق بیلوب بیلدیکی مدعیدن صورلدی . مدعی « یوقدر » دیدی — و یا خود وار ایسه آنلرك احضارینه تثبث اولنور — بعده اهل خبریه مدعی علیه استکتاب ایتملی امر و تکلیف اولندی . اهل خبره دخی مدعی علیه استکتاب ایتمدی . یازوسنی حاوی ورقه نی منازع فیه سندله تطیقه مبادرت ایتمیلر . نتیجه تحقیقاتده . . . دیه سویله دیلر . بعده منازع فیه سندك حین امضاسنده حاضر بولمش و یا خود بویابده دیگر معلوماته واقف کسان اولوب اولمادینی مدعیدن صورلدی . مدعی دخی و . و

نام کسنه لر سندك حین امضاسنده حاضر بولنمش اولدقلرینی ولدی السؤال
آنلری... کوننده... ساعتده کتیره جکنی سویله دی و کیفیت یوم مذکوره
تعلیق قلندی. فی سنه امضالر

یوم مذکورده اهل خبره و طرفین حاضر اولدیغی حالده مدعی، اسملرینی
قید ایتدیردیکی فلان و فلانی مجلس اجتماعه کتیردی منازع فیہ سند
کندولرینه اراہه ایدیلهرک آنلردن و. (شویله) و (و.) (....) دیه افادانده
بولدیلر. افاده لری ضبط و کندولرینه قرائت اولندقدن صکره لدی التکلیف
امضا ایده جکلرینی بیان و اولوجهله امضا ایتدیلر.

بعده نتیجه تحقیقاتی حاوی تقریرک تنظیمی، اهل خبره یه امر اولنهرق
طرفینک... کوننده... ساعتده... محکمه سنه کللری تفهیم قلندی.

امضالر

اعضا طرفدن ویریله جک تقریرده: نظارت مأموریتنک کندوسنه سبب
احاله سی، اهل خبره ایله طرفینک تعیین ایدیله جک یوم و ساعتده صورت
جلبلریله حضورلری، تدقیقات واقعه ختامنده صورت جریاننی یعنی منازع
فیہ اولان سندك خط وختمی محکمه نك امر تطبیقده اساس و مقیاس طوتدیغی،
یاخود طرفینک اتفاق ایتدکلری، اوراقله می تطبیق اولنمش یوقسه مدعی علیه
استکتابمی ایدلمش و یاخود منازع فیہ سندده کی خط وختم مشهور و متعارف
اولماسیله می ثبوت بولمش ایسه بورالری وانکار اولنان خط وختم، مدعی علیه
اولوب اولمادیغی سندلرک اعاده قلندیغی خصوصلری یازیلور.

سندك یازلدیغی و وضع امضا وختم اولندیغی کورنلر وار ایسه آنلرک
افاده لری ضبط و کندولرینه امضا ایتدیریلور و بوخصوص دخی درج قلنور.
تقریرک زیری اهل خبره ایله برابر اعضا طرفدن امضا وختیم اولنور.
نظارتن مراده، اهل خبره و طرفینی جلب ایله وقت و محل اجتماعی تعیین

ایتمك، صور تحقیقه بی نظامی داره سنده یورتمك، اهل خبره ایله طرفینك افادات ومدافعاتیله رأی ومطالعهلرینی ضبط ایله مك، مشكلاته تصادف اولندیغی حالده محكمه رئیس ایله مخبره ایتمكدن عبارتدر.

طرفین یابالذات ویا بالوكاله كلیرده مدعی كمز ایسه تطبیق ایدیله جك اوراق رد اولنور؛ یعنی تطبیقه محل اولمادیغنه قرار ویریلور. اگر مدعی علیه كمز ایسه غیابنده تدقیقاته کیریشیلور.

اهل خبره نك بیان ایده جكلری رأی ومطالعاه، تحریری ویا شفاهی اوله - جغه دار قانونده برصراحت یوقدر. آجق تقریری مشترکاً امضا ایتملری مشروط اولماسندن رأیلرینی شفاهی ویرملری مطلوب اولدیغی آکلاشیلور. اهل خبره نك اختلاف آراسی تقدیرنده آندن بحث اولنمایوب یالکز اکثریت اولان طرفك رأی ومطالعاه سی بیان اولنور. معامله وقرار دخی آنك اوزرینه بنا قننور.

صورت : نوسرو ۳۹ ماده ۱۰۴

... بدایت محكمه سی ریاست علیه

... ده مقیم «ب» نك متوفی «ح» نك خط و ختمیله مختوم یدنده اولان برقطعه سندی موجبنجه منجرأ وارثی ... ده مقیم «ع» دن اون بیک غروش آله جغتك تحصیلی ادعا ایله مسندن طولایی مزبور «ع» ك انکارینه بناء سند مذکورده کی خط و ختمك لزوم تطبیقی حقنده ویریلن قرار اوزرینه اول باده طرفینك اتفاقیله اهل خبره اولمق اوزره تعیین قننان ... و ... و ... نك اجرا ایده جكلری تحقیقات و تدقیقاته نظارت ایتمك مأموریتنك بزه توجیه واحاله سنه دار تسطیر واعطا قننان فی ... سنه تاریخلو قرارنامه نك حالی، تعریف بیوریلان ملفوف سندله معاً آنوب مطالعه اولندی.

طرفین ایله اهل خبره، اشبو ماه حالك یدنجی بازار ایرتسی کونی ساعت بشده ... محله کلملری خصوصنه دار اصولاً ایدیلن دعوت اوزرینه وقت ومحل مذکورده بالذات کلمش اولمالریله مارالبیان قرارنامه بالقراه کیفیت شفاهاً

دخی تفصیل و توضیح قلندی. بعدہ تطبیقہ مقیاس طوتیہ جق اوراقی تعیین ایتماری، طرفینہ تکلیف اولندقدہ مرقوم «ب»... محکمہ سنک برقطعه اعلامی ایله متوفای مرقوم «ح» نک خط وختی اولدیغنه حکم ایلدیدی. مبلغ محکوم به، هنوز نا تحصیل اولمق مناسبتیله الان یدنده اولان برقطعه سندی اولدیغی کبی مزبور «ح» نک ضبطیه اداره سنده... نام کسنه یه کفیل بالنفس اولدیغی مشعر اولوب الان محفوظ اولدیغی استخراج قلنان برقطعه کفالت سندی دخی بولندیغندن آنلرک تطبیق و تدقیقه مقیاس طوتیاسنی طلب ایله مش. مرقوم «ع» ایسه محکمہ جه متوفاتک اولدیغنه قرار ویریلوب اولوجهله حکم ایدیلم سنده، متوفاتک اولدیغنه کندوسی قانع اولمایوب دعوایی استیناف ایده جکنی وضبطیه دائره لری اشخاصی، شبهه تصنیعدن بری اوله جق وجهله تحقیق ایتمه مکده اولمالری جهته بحث اولنان کفالت سندی دخی تطبیقه مقیاس اولهمیه جغنی جوابایان ایله مش. شو صورتله اتلاف حصولی ناقابل اولدیغی کورلمشدر. بونک اوزرینه مرقوم «ب» پدری متوفی... ایله متوفای مرقوم «ح» میانه لرنده... تاریخنده منعقد و مقاولات محرر لکندن مصدق و الان محفوظ اولوب بالاخره کتیره جکی بر مقاوله نامسی اولدیغنی سویله مش. بو ایسه اصول محاکمه حقوقیه نک طقسان طقوزنجی ماده سنده اساس تطبیق اوله بیله جک اوراق میاننده تعداد ایدیلمن اوراقدن بولنمش اولمغله مذکور مقاوله نامه یی کتیر مسی امر و تکلیف اولنمشدر. اخترا مرقوم (ب) مذکور مقاوله نامه یی کتیر مش اولمغله لدی النظر بیاض و مربع الشكل یکرمی سانتیمترو طولنده برکاعده محرر اولوب فی سنه تاریخنده ثلث یازو ایله یازلمش و ثلث یازو ایله محکوک اوله رق «ح» امضا وختی محتوی اولدیغی کورلمشدر.

بونک اوزرینه اجرائی تطبیقاته مباشرت لری اهل خبره یه تکلیف اوله رق اولبایده اجرا ایله دک لری تدقیقات، تطبیقات و مذاکراتی نتیجه سنده یکدیگریه قارشولاشدیریلان منازع فیه سند ایله مذکور مقاوله نامه نک مرسوم اولدقلری،

خط ثلث اولدینی و وھلہ اولی دہ مشابہترینہ حکم اولنہ ماز ایسہ دہ بو حال،
مقاولہ نک غایت سرعتی و سندنک تانی ایلہ یازماسندن منبعث اولوب بودخی
علی حدہ دقت اولندقدہ ہر حرفک بلا فرق یکدیگرینک عینی اولدینی
آکلاشلدیغندن مذکور سند ایلہ مقاولہ نامہ دہ کی یازو ومہر دخی بربرینک
عینی اولدینی بیان اولنمشدر۔ شو حالہ کورہ منازع فیہ اولان سنددہ کی خط
و ختم، عزو اولنان متوفای مرقوم «ح» نک اولدینی تحقق ایش اولغلاہ
اشبو تقریر تنظیم و تختم اولنہرق تقدیم قلمنمشدر۔ فی سنہ


امضا

وقوع حال، متن تقریردہ عرض اولدینی و جھلہ بولندینی تصدیق قلمنور۔

اہل خبرہ

فی سنہ





ملکی ہادی اعلامانہ دائرہ

﴿ برنجی فصل ﴾

اعلامات ابتدائہ حقندہ در

اعلام، مصالح بشری قانون عدالتہ توفیقاً تألیفہ مکلف اولان حکامک
رأی ومطالعہ لرینی مبین برورقہ در.

اعلامات، ضبط دعوالہ موافق اولہ رق یازیلہ جقدر . درونلرنده ضبط
دعوادن مستخرج اولوق اوزرہ اول امرده: عرضحاک محکمہ یہ تاریخ اعطاسیلہ
مطالعہ اولدینی، ثانیاً: خلاصہ مالی، ثالثاً: طرفینک صورت جلب واحضار لریلہ
حضور وعدملری، رابعاً: ادعا ومدافعات، خامساً: واقعہ لری ومحاکمہ نک ختام
بولدینی یازلدقندن صکرہ ویریلن حکمک علل واسبابیلہ مواد قانونیہ سی،
سادساً: اول حکمک تاریخ اعطاسیلہ اتفاق ویا اکثریت آرایلہ ویرلدیکی
خصوصلری درج قلنہ جقدر.

طرفینک تعریف قانونیلریلہ اقامتکاهلرینک لزوم ذکر ی شرط اولدیغنه
دائر بر فقرہ نک عدم تصریحی، واولبابده وقوعہ کلہ جک نقصان، اعلامک
نقضنی موجب اولمادیغنه دلالت ایدر . مع هذا شرط قننامسی، استدعا
بجشدہ شرط کوسترلمہ سیلہ اکتفا ایدلمش اولماسنه مبنی در . فقط شرائط
مذکورہ یہ عدم رعایت، استدعا کبی اعلامک ردینی موجب اولہ ماز؛ چونکہ
استدعانک ردی دخی آکا دائر اعتراضاتک اساسہ کیریشمزدن اول در میان
اولنماسنه منوط ایدی .

محاکمه ده جریان ایدن ادعا ومدافعاتک عدم ذکر، شبهه سز اعلامک
نقضنی موجب در .

بو قیلدن اولمق اوزره بدایه صادر اولان بر اعلامک معامله تبلیغیه سی
اجرا اولمادیغنه دایر استیناف محکمه سنده در میان اولنان اعتراض، طرفین
حضورنده موضوع بحث ایدلمه مش و محکمه جه نظر اعتباره آلتماش اولماسی،
نقض حکمی مستلزم اولمشر . (جریده محاکیم صحیفه ۱۹۷)

کذلک طرفینک استناد ایتدکری اورا قک جلب و مطالعه ایدلمه سی
و طرفین حضورنده موضوع بحث ایدیلهرک اولبایده ایدیلهرک استجواب
اوزرینه محکمه جه ویریلهرک قرارک اعلامده ذکر اولنماسی، نقض حکمی
مستلزم اولمشر . (جریده محاکیم صحیفه ۳۳۷)

کذلک اقامه اولنان شهودک رد شهادتلی حالده اسبابنک اعلامده
درج قلمماسی، نقض حکمی مستلزم اولمشر . (جریده محاکیم صحیفه ۳۹۱)
ینه احد طرفینک استناد ایتدیکی ابرانامه، دعوایه عدم تعلق سبب مجریله
رد ایدیلوبده مذکور ابرانامه نک جلب و خلاصه و یا عیناً اعلامده درج
ایله دعوایه عدم تعلق جهتک بوضورتله تحقیق قلمماسی، نقض حکمی مستلزم
اولمشر . (جریده محاکیم صحیفه ۴۷۲)

ینه گذشته حقنده در میان اولنان اعتراض، محاکمه فقره سنده مسکوت
عنه براغیلوبده اعلامک حکم فقره سنده اعتراض مذکور اوزرینه برقرار
ویرلمش اولماسی، نقض حکمی مستلزم اولمشر . (جریده محاکیم صحیفه ۲۰۱۷)
علل و اسبابک لزوم بیانی، حاکم، حکمی اسباب قانونیه وطبیعیه ایله
تقویت ایدهرک حکم واقعک حقیقته مقرون اولهرق ویرلمش اولدیغنه اطمئنان
حصولنه خدمت ایتک ایچوندر . بو دخی اعلامک نقضنی موجب اولان
اسبابندر؛ فقط باشلوجه موادک اسبابی بیان اولنوبده اول مواد اصلیه دن
مستتج موادک علتلرینک بیان اولنماسی موجب نقض دکدر .

مواد قانونیه نک درجی خصوصی، قید وقوعی اولمق کرکدر؛ چونکه

حکام، ایشلرک سورنجه مه ده قالماملری ملاحظه سنه و دیگر برهینک رأیله گندینه متعلق دعوائی حکم جائز اولمادیغنه منی استیدان و استیضاحدن ممنوع اولدقلری و کندولرینه عرض اولنان دعوالره قانونده کرک قابل تطبیق اوله جق ماده بولنسون، کرک بولنماسون هر حالده بر حکم و قرار ویرمهکه مجبور بولندقلری جهته بر ماده قانونیه تماش اتمهین ادعالر حقنده ویریلن حکم و اعلاملرک مواد قانونیه مستند اوله ماملری ضروریدر. بوايسه البته موجب نقض اولماق ایجاب ایدر.

تاریخک لزومی بدیهیدر. اعلامک اتفاق ویا اکثریت ایله ویرلدیکنک بیانی ایسه طرفینک حق استیناف و اعتراضلری اولوب اولمادیغنی وهله آکلاملرینه خدمت ایتمک ایچوندر. بنا برین بوشرطه رعایتسزک دخی اعلامک نقضی موجب اولماز.

شرائط مجوٹ عنها، اعلاماتک یالکز اصول محاکمهیه مطابقتی تعیین ایدر. حالبوکه اعلاماتک نقضی، یالکز اصول محاکمهیه عدم مطابقت جهته منحصر اولمایوب بلکه دعوانک متعلق اولدیغنی قانونک رعایتی شرط ایتدیکی احکامه عدم رعایت دخی اعلاماتک نقضی موجبدر.

بنابرین بالفرض: مجلهیه تعلق ایدن دعوانک محاکمه سیله اعلامنی طوغری اجرا و تنظیم ایتمش اولمق ایچون اول امرده مطلقا کتاب الدعوانک مسائل کلیه سنی فکرده طومتق وبعده اول دعوانک متعلق اوله جنی اجاره و شهادت گی کتابلرک دخی كذلك قواعد عمومیه سنی نظردن کچورمک لازمدر؛ چونکه کتاب الدعوائی، دعوانک صورت اقامه سنی تعریفی تعیین ایتدیکی کبی ماده نک متعلق اوله جنی دیگر کتاب دخی دعوانک جهت حکمنی بیان ایدر.

بونلرک بیان ایتدیکی احکامه رعایت خصوصنده ذهول ایتمک دخی اعلامک نقضی موجب اولور. مثلا: عین دعواسنده، نقلی قابل ایکن مدعاهک مجلس حکمده احضار اولنماسی و عقار دعواسنده، محل ایله حدودینک عدم بیانی ایله کتاب الشهاده و التحلیفده شهودک تزکیه اولنماسی و حاکم طرفندن بلا

طلب یمین تکلیف اوله جق محللرده تکلیف اولنماسی کبی .
 دعوانک متعلق اولدینی قوانین سائره خصوصنده دخی بویله در. بوبابده
 یالکز بر صورت یازمق کافی اوله جق ایسه ده کثرت استعمال ایله اهمیتلرینه
 بناءً بر قاج صورتک یازماسی تنسیب قلمشدر .

صورت : نومرو ۴۰ ماده ۱۳۶

... ده مقیم (ب) طرفدن ... بدایت محکمه سنه تقدیم قلنان فی ...
 تاریخلو واون بش نومرو لی عرضحال قرائت و مطالعه اولندی .
 خلاصه مالی، ... ده مقیم (ح) ذمتنده جهت قرضدن بیک غروش آله جفی
 اولدینی و وعده سی حلول ایتمش بولندینی حالده هنوز آله مامش اولدیغندن
 بخله مرقوم (ح) نک جلیله مطلوبی اولان مبلغ مذکور بیک غروشک مع
 فائض و مصارف محاکمه کندوسندن تحصیلی خصوصنک تحت حکمه آلتامسی
 طلبندن عبارتدر .

برای محاکمه تبلیغ اولنان برنجی دعوتیه ورقه سیله تعیین قلنان کونده
 طرفین محکمه یه کله رک مدعی مرقوم (ب)، خصوص مذکورک محاکمه
 و محاصمه سنه، تحلیفه و اعتراض علی الحکمه، متوقف اولدینی امورک کلیسنه،
 اخری دخی توکیله مأذون اولمق اوزره طرفندن دعوی وکیلرندن ...
 افدینک وکالتی تسجیل ایتمش و مدعی علیه مرقوم (ح) اصالةً محاکمه یه کلش
 اولمغله محاکمه لرینه لدی الابتدار مدعی وکیل، مالی عرضحالی شفاهاً دخی
 تکرار و موکلنک مرقوم (خ) یه وقت حصادده ویرمک اوزره فی ۱۵ تشرین
 اول سنه ۹۹ تاریخنده بلاسند بیک غروش اقراض ایتدیکی و وعده اوزرینه
 بر سنه مرور ایله دیکی حالده الان اخذینه دسترس اوله مامش اولدیغندن
 مبلغ مذکورک کندوسندن تحصیلی و فائضنک تأدیسه سی لازم اولدینی وقتدن
 بالحساب اولوجهله یورودلمسی خصوصنی دعوی، و مدعی علیه مرقوم (ح)
 موکلی مرقوم (ب) نک یدندن و مالندن وقت مذکورده تأدییه ایتک اوزرم

قرضاً بيك غروش آلدیغنی طوعاً اقرار و اعتراف ایتشدرد. آنجق کندوسی اهل زراعتدن اولوب معیشتی صرف محصولات ارضیهیه منحصر اولدیغنی و آلدیغنی دینک تأدییه سنی تعلیق ایتدیگی طقسان سکر سنه سنک وقت حصادنده چکرکه ظهور ایتسیله عموم صره سنده کندوسی دخی زرع ایتدیگی تخم نسبتده جزئی برشی آله بیلوب اوجهتله فوق العاده متضرر اولدیغنی و بنا برین بورجی وقتده تأدییه ایتدیگی کی الان دخی تأدییهیه اقتدار کسب ایده مدیکندن طقسان طقوز سنه سنک وقت حصادینه قدر امهال اولماسنی طلب ورجا ایله مش وفائض خصوصنده محکمه نك قرارینه تبیعت ایده جکنی بیان ایتشدرد.

بونک اوزرینه مدعی وکیلی دخی عندالسؤال مدعی علیه مرقوم (ح) نك اهل زراعتدن اولوب معیشتی محصولات ارضیهیه منحصر اولدیغنی و دینک تأدییه سی، تعلیق اولدیغنی سنه چکرکه نك ظهور یله عمومک متضرر اولدیغنی تصدیق ایله مش ایسه ده مرقوم (ح) نك چفت حیواناتی لزومندن فضله اولمغله آنلرک فروختیله ائمانندن دینی ویره بیله جکنی درمیان ایله مشدر.

طرفین بالاده محرر افادادن بشقه دیه جکلری اولمادیغنی عندالسؤال سویله مش اولمالریله امر محاکمه لرینک ختام بولدیغنی تفهیم قلمشدر.

ایجابی لدی المذاکره مدعی وکیلی . . . افندی موکلی (ب) نك مدعی علیه ذمتده آله جنی اولوب تحصیلنی طلب و دعوی ایتدیگی بيك غروشک الان ذمتده دینی اولدیغنی مدعی علیه (ح) اقرار و اعتراف ایتش اولماسنه مبنی مرقوم (ح) نك مجله نك ۱۸۱۷ ماده سی حکمنجه اقرار یله الزامنه فقط مدعی علیه مرقوم (ح) نك لزوم امهالی استناد ایتدیگی اسباب واقع و متحقق اولوب شوجهتله سرد ایله دیگی معذرت، اعداز مقبوله و مشروعده دن اولدیغنی کی وکیل مومی ایله، مرقوم (ح) نك چفت حیواناتنک فروختیله اولوجهله مطلوب آچه نك قابل تحصیل اولماسی حقنده کی ادعاسنک ترویج و اجراسی مرقوم (ح) نك آفت سماویه ایله متضرر اولماسندن منبعث حالنه کوره بر معامله مفراطه اولمغله مبلغ محکوم بهک کله جک حزیران ابتداسنه قدر تعلیق تحصیلیه

مرقوم (ح) نک اصول محاکمه حقوقیه نک ۱۲۶ ماده سی حکمجه امهاله ومدعی وکیل مومی ایله، فائضک حلول اجلدن اعتباراً حساب ایدلمه سنی طلب ایله مشدر، آنجق مقاوله شفاهیة فائض تأدیة سی مشروط اولمادیغی کبی اولبایده رسمی براخطار دخی وقوعبولمادیغنه وشو حالده آنجق استدعانک محکمه یه قیدی اولان فی ۵ نیشان سنه ۹۹ تاریخندن اعتباراً فائض طلبنه حق اوله بیله جکنه منی تاریخ مذکور دن مبلغ محکوم به، بیک غروشه یوزده بردن حساب ایدیلن . . . غروش فائضک اصل ماله ضمیمه من حیث المجموع بالغ اولدیغی . . . غروشک زمان تأدیة یه قدر گذشته سی بشقه جه حساب ایدلمک اوزره امهال اولتان وقتده مرقوم (ح) دن تحصیلیه مرقوم (ب) یه اعطاسنه واعلام زیرنده کوستریان . . . غروش مصارف محاکمه نک حقسز چیقان مرقوم (ح) یه راجع اولمق اوزره شمذیک مدعی مرقوم (ب) دن آلماسنه فی سنه تاریخنده صورت قطعیه ده قرار ویریلوب طرفینه تفهیم قلندی. فی سنه محکمه مهری

صورت اخری : نومرو ۴۱ ماده ۱۳۶

. . . طرفندن . . . تقدیم قلنان فی سنه تاریخلو و . . . نومرولی عرضحال قرائت ومطالعه اولندی.

خلاصه مآئده کندوسنیک بوندن مقدم نتاجاً مالی اولدیغی حالده ضایع اولان سیاه طونده، ایکی اوک آیاغی بیاض، بش یاشنده بررأس بارگیری . . . ده مقیم (ب) یدنده بولنوب ضابطه یه ضبط ایتدیرمش اولغله مذکور بارگیرک بالاسترداد کندوسنه تسلیمک تحت حکمه آتمسلیله حکم واقعک موقتاً اجراسی استدعا اولمشدر.

طرفین تعیین قلنان کونده احضاراً بالاصاله کلشدرلر. محاکمه لرینه ابتدار اولندوقده مدعی مرقوم (ع) حکومت قوناغی حولیسنده باغلی بولنان سیاه طونده، ایکی اوک آیاغی بیاض، بش یاشنده بررأس بارگیری مستقلاً

ملکنده اولان قصر اغندن طوغمش مالی اولدیغی حالده برارالق ضایع اولمش ومؤخرأ مدعی علیه مرقومک یدنده ظهور ایتمش و بوجهتله مدعی علیه مرقوم مذکور بارکیره بغیرحق وضع ید ایتمکده بولغش اولغله مذکور بارکیرک آلیویرلمسیله کندویه تسلیمی طلب و دعوی ایتمشدر .

مدعی علیه مرقوم مذکور بارکیری ... تاریخنده ... ده مقیم (ع) دن ... غروش مقابلنده اشترا ایله بدنده شرأ ملکی اولغله بحق وضع ید ایتمکده اولدیغی سویلهمش و هر بری آخرک دعواسنی انکار ایله مشدر .

بونک اوزرینه مجله نك ۱۷۵۹ ماده سی حکمنجه اثبات مدعا ایتسی، مدعی یه اولندقده مذکور بارکیرک تکلیف اولوجهله نتاجأ ملکی اولدیغی ... مدرسه سنده طلبه دن ... و ... ایله مذکور بارکیری ارأه و تعیین ایدرک اثبات ایلمکله شاهدان مرقومانه نهدیه جکی مدعی علیه مرقومدن صورلدقده شاهدلرک بویابده خطا ونسیانلری اولدیغی سویله مشدر .

شاهدان مرقومان اولا سرأ باورقه مستوره ... مدرسه سنده مقیم و مدرسیندن ... و ... افندیلردن وبعده کسان مرقومان حضور محکمه یه جلب ایله کندولرندن علناً تزکیه ایدیلرک عدل و مقبول الشهاده اولدقلری تحقق ایلدی . مدعی، مجله نك ۱۷۴۶ الحی ماده سی حکمنجه مذکور بارکیری آخره صتاماش ویا هبه ایله مه مش ویا خود بشقه بر صورتله ملکندن چیقارماش اولدیغی فقره لری اوزرینه تحلیف اولندقدن صکره طلب ایتدیکی موقت اجرا حقنده حقسز چیقدیغنده مذکور بارکیری رد ایده جکنه دار نه درلو تأمینات ویره جکی مدعیدن صورلدقده ... ده مقیم فلانی کفیل ویره جکنی سویله مش و عقبنده مرقوم فلانی محکمه یه احضارله ماده کفالتی تقریر ایتدیره رک کیفیت طرفیندن ممضی برقطعه سنده ربط ایدلمشدر .

بونک اوزرینه طرفین افادات سابقه لری خارجنده بر دیه جکلری اولمادیغی لدی السؤال سویله مش اولمالریله ختام محاکمه لری تفهیم اولمشدر .
ایجابی بالذاکره مدعی مرقوم نتاجأ ملکی اولدیغی حالده برارالق غیب

اولماسیله اخیراً مرقوم (ب) یذنده ظهور ایدن مارالیان بارکیرنک استردادینی دعوی اتمهسنه مقابل مدعی علیه مرقوم نتاج دعواسنی انکار ایله مشدر. آنجق مدعی مرقوم، دعواسنی اولوجهله مقبول الشهاده اولدقلرینی عندالتزکیه مستبان اولان مارالذکر شاهدان ایله اثبات مدعا ایتدیکنه وبر صورتله ملکندن چیقارمامش اولدیغنه دار تکلیف ایدیلن یمنی قبول واجرا ایله مش بولندیغنه بناءً مذکور بارکیرک مدعی علیه مرقومدن استرداد ایله مدعی مرقومه اعطا وتسلینه وحکم واقعک موقتاً اجراسی حقدنه مدعی مرقومک وقوعبولان ادعاسنه کلنجه: مذکور بارکیرک دعوانک استینافنه قدر تأخیر ردی، مدعی علیه طرفدن آخر طرفه قاجیرلماسی کبی مدعی ایچون برضرک وقوعنی مستلزم اوله بیله جکنه ومدعی مرقوم دعواى استینافنده حقسز چیقدیغنی حالده مذکور بارکیری رد و اعاده ایده جکنه معتبر کفیل ویرمش وماده کفالت قاعدهسنه موافق سنده ربط ایدلمشدر. بوکا بناءً حکم واقعک دنخی موقتاً اجراسنه وزیرده بروجه مفردات محرر . . . غروش مصارف محاکمه نک حقسز چیقان مدعی علیه راجع اولوق اوزره شمذیک مدعی مرقومدن آلتماسنه فی سنه . . . تاریخنده اکثریت آرا ایله قرار ویرلمش وصورت قرار طرفینه تفهیم قلمشدر. فی سنه

« صورت اخیری » : نومرو ۴۲ ماده کذا

..... طرفدن ویریلن فی سنه تاریخلو عرضحال

قرائت ومطالعه اولندی.

خلاصه مآلی، متوفی پدردن بالانتقال تحت تصرفده بولنان . . . ده واقع برقطعه ترلاسنی . . . ده مقیم (ب) افندی ضبط وزارت ایله مکده اولدیغندن بحثله مذکور تارلادن کفید ایتدیرلمسی ایچون مرقوم (ب) نک جلییه ایجاب ایدن محاکمه لیزنک اجراسی استدعاسندن عبارتدر. طرفین تعیین اولنان کونده احضاراً محکمه یه اصالة کلمرلیله صاحب ارض

مقامنده اولان اراضی مأموری حاضر اولدینی حالده محاکمه لرینه مباشرت اولندقدہ مدعی مرقوم؛ مال عرفی شفاهاً تکرارله . . . ده واقع . . . حدود ایله محدود . . . دونمدن عبارت پذیردن بالانتقال مستقلاً متصرف اولدینی برقطعه ترلا تحت تصرفده ایکن مدعی علیه مرقوم طرفدن ضبط و زراعت اولنمقده اولدیغندن مرقوم (ب) یه مذکور تارلادن کف ید ایتدیلمه سیله طرفه تسلیمی بارای صاحب ارض دعوی ومدعی علیه مرقوم مارالذکر تارلای . . . ده مقیم فلاندن بشیوز غروشه تفرغ ایله مش و بو جهتله مذکور تارلا تفرغاً ملکی اولمغله مذکور تارلایه بحق وضع ید ایتمکده اولدینی درمیان ایدهرک مدعینک دعواسنی انکار ایله مشدر. کرحه مذکور تارلایه ذی الید اولدینی مدعی علیه ک تحت اقرارنده بولمیش ایسه ده مجله نک ۱۷۵۴ نجی ماده سی حکمنجه بو مثللو عقارده ذی الیدک تصادق طرفین ایله ثابت اوله مایوب بینه ایله ثبوتی مقتضی اولدیغنه بناءً مدعی علیه ذی الید اولدینی اثبات ایتمه سی مدعی مرقومه تکلیف اولندقدہ . . . ده مقیم و اعتبارلری متحقق اولان . . . و . . . ایله مدعی علیه مرقوم مذکور تارلایه ذی الید اولدینی اثبات ایتدکن و کندوسنک ثبوتی وضع یدینه قرار ویرلدکن صکره مدعی علیه انکاری اوزرینه مدعی یه؛ مجله نک ۱۷۵۸ نجی و اصول محاکمه نک ۶۸ نجی ماده لری حکمنجه درمیان ایتدیکی دعواسنی اثبات ایتمه سی تکلیف اولندقدہ اتیان پنه دن اظهار عجز ایله تحلیفه طالب اولمش و مدعی علیه دخی مجله نک ۱۷۶۹ نجی ماده سی حکمنجه دعواسنی اثباتدن اظهار عجز ایدهرک مدعینک تکلیف ایتدیکی یعنی قبول واجرا ایده جکنی سویله مش اولمغله مدعی علیه؛ مذکور تارلا بر وجه مشروع مدعینک اولمادیغنه دار تحلیفه ویریلن قرار اوزرینه بالمواجهه یمن ایله مشدر. بونک اوزرینه طرفین افادات مشروح لری خارجنده بر دیه جکلری اولمادیغنی سویله مش اولمالریله محاکمه لرینک ختام بولدینی تفهیم اولمشدر.

کیفیت موقع مذاکره قونلدقدہ مدعی؛ اقامه ایتدیکی دعواسنی اثبات

ایده مدیکنه ومدعی علیه، بر موجب قرار یمین ایتدیکنه بناءً مجله نك ۱۸۱۹ هجری
ماده سی حکمنجه منازع فیہ اولان مذکور تارلا حقنده مدعینک، مدعی علیه
بلاینه معارضه دن منعیه مذکور تارلانک مدعی علیه یدنده ابقاسنه وزیرده
محرر... غروش مصارف محاکمه نك بعده حقسنز چقان مدعی مرقومه راجع
اولمق اوزره شمذیلک مدعی علیه مرقومدن آلتاسنه فی سنه تاریخنده متفقاً
ویریلن قرار طرفینه تفهیم قلمشدر . فی سنه

مجله نك ۱۶۳۷ هجری ماده سنجه محکمه طرفندن بر شخص ثالثک جلیبیه
جریان ایده جک محاکمه به دار یازیله جق اعلام

صورت : نومرو ۴۳ ماده: ۱۱۵

... مقيم (ح) طرفندن... محکمه سنه ویریلن... تاریخلو استدعا
قراأت ومطالعه اولندی.

خلاصه مالی،... ده مقيم (ب) نك مستأجراً اقامت ایتمکده اولدیغی...
ده واقع... طرفلری ایله محدود... نومرولو بزباب خانه، بوندن مقدم
پدری متوفی (ع) ک مستقللاً ملکی ایکن مرقوم (ع) بوندن... سنه مقدم
وفات ایدرک وراثتی کندینه و مرقوم (ع) ک صلیبه کیره قیزی (ط) ایله زوجه
منکوحه متروکه سی (ن) یه منحصر اولمغله متوفای مرقومک اموال متروکه
سارهمی میاننده مذکور خانه دخی کندولرینه انتقال و اولوجهله مشترکاً
مدکلری اولدیغی حالدده ورثه مرقومه دن مزبورده (ط) خانم مذکور خانه یی
فضولاً وبغیر حق مستقللاً ضبط وتصرف ایتمکده والحاله هذه مرقوم (ب) یه
ایجار وبدل ایجاری اخذ ایله نفسنه صرف واستهلاك ایله مکده اولماسیله مرقوم
(ب) نك مذکور خانه یه اولان وضع یدینک تزعیله حصه ارثیه شرعیله لری
وجهله تصرفلرینک تحت حکمه آدیلماسی استدعاسندن عبارتدر.

طرفین علی الاصول تسطیر قلنان دعوتیه ورقه سیله تعیین ایدیلن کونده

محکمہ یہ اصالتاً کلشردر. عرضحال مذکور مواجہہ لرنده قرائت اولندقدن
 و طرفینک صفتری بالتحقیق مدعی علیہ مرقومک منازع فیہ اولان مذکور خانہ بی
 ادعا اولندیغی اوزره مزبورہ (ط) خانمدن بالاستیجار اولوجهله مستأجراً
 تصرف ایتمکده اولدیغی ارانہ واعطا اولنان ایجار قونطور اتوسی مألندن آکلا-
 شدقدن صکرہ کیفیت لدی التذکر مدعی مرقومک مذکور خانہ دن طولای
 اولان تصرف دعواسنی مستأجر علیهنده اقامہ ایتدیکنہ وبویلہ مأجور دن
 طولای مستأجر علیهنہ اقامہ اولنہ جق دعوانک محاکمہ سنده موجرک دخی
 حضوری، مجله نک ۱۶۳۷ نجی ماده سی ایجابندن بولندیغنه بناء محاکمہ واقعہ نک
 موقتاً تعلیقنہ وموجرہ مزبورہ (ط) خانمک جلبنہ ویریلن قرار اوزرینہ
 مزبورہ (ط) اصول محاکمہ حقوقیہ قانون موقتک ۱۱۵ نجی ماده سنجہ تسطیر
 قلنان دعوتیہ ورقہ سیلہ تعلیق ایدیلن کونده بالذات ومرقوم (ح) ایله (ب)
 دخی محاکمہ نک تعلیق ایدلیکی یوم مذکورده محکمہ یہ کلش اولمالریلہ محاکمہ لرینہ
 مبادرت اولندی. عرضحال مذکور تکرار حضور لرنده قرائت اولنہ رق مدعی
 مرقوم (ح) نک ادعاسی استفسار اولندقدن عرضحال مألنی تکرار لہ مرقوم (ب) نک
 مستأجراً اقامت ایتمکده اولدیغی مذکور خانہ دن کفید ایتہ سنی دعوی وبر
 قطعہ دفتر قسام ابراز وارانہ ایبلہ دی. لدی المطالعہ... تاریخلہ مورخ واول
 وقت قضای مذکور نأجی بولنان... افندینک ختمیلہ مختوم اولہ رق مألندہ
 متوفای مرقوم (ع) ک وراثتی مرقوم (ح) ایله مزبور تان (ط) و (ف) یہ منحصر
 اولدیغی محرر اولوب اموال متروکہ میانده منازع فیہ اولان مذکور خانہ دخی
 کوریلہ رک تقدیر ایدیلن قیمتی اموال متروکہ سائرہ نک قیتمیلہ برابر ورثہ
 مذکورہ یہ بحکم الفرائض تقسیم ایدلمش اولدیغی کورلدی.

بونک اوزرینہ مدعی علیہ، مستأجر مرقوم (ب) نک افادہ سی صورلدقدنہ
 منازع فیہ اولان مذکور خانہ بی مزبورہ (ط) خانمک مستقلاً ملکی اولدیغی
 بیلہ رک استیجار ایتمش واولوجهله مستأجراً اقامت ایتمکده بولنمش اولغله
 مزبورہ (ط) خانمک مذکور خانہ یہ استقلال ملکیتی خلافتدہ بر حکم لاحق

اولمادجه مذکور خانه دن نزع ایده میه جکنی بیان ایله دی. بعده لدی السؤال محکمه یه جلب اولنان مزبوره (ط) خانم دخی مذکور خانه کر چه پدر لری متوفای مرقوم (ع) دن اولوجهه منتقل اولوب مشترکاً مالک لری اولدیغی حالده کندوسی مذکور خانه یه یکر می سنه دن برو بلا نزع تصرف ایتمکده و بناء علیه دعوا ده مرور زمان اولوب بو مثللو دعاوینک ممنوعیت استماعی دخی حکم قانون ایجابندن بولمقده اولمغله مرقوم (ح) نک مذکور خانه حقنده اولان مداخله سنک منعی ادعا و مرقوم (ح) دخی مزبوره (ط) نک یکر می سنه دن برو بلا نزع تصرفی حقنده کی ادعاسنی بعد التصدیق مزبوره (ط) نک اشتراک ملکیتی اقرار و اعترافدن صکره مرور زمانله دفع دعوی اتمه سی واهی اولدیغی در میان ایله مش و هر ایکی طرفک مرور زمان مسئله سی حقنده بشقه بر دیه جکلری اولمادیغی لدی السؤال آکلا شلمش اولماسی اوزرینه بوجهت حقنده ختام محاکمه لری طرفینه تفهیم قلندی. بعده ایجابی بالذا کره مدعی مرقوم (ح) نک منازع فییه اولان مذکور خانه نک اشتراک ملکیتی حقنده کی ادعاسنه قارشى مدعی علیها مزبوره (ط) خانم دعوا ده مرور زمان اولدیغی ادعا ایتیش ایسه ده اشبو دعواسنی مذکور خانه نک پدر لردن منتقل مال مشترکلری اولدیغی اقرار و اعترافدن صکره در میان ایتدیکنه و مجله نک ... ماده سنجه تقادم زمان اسقاط حقى موجب اوله میه جغه بناء مدعی علیها مزبوره (ط) خانم مرور زمان حقنده در میان ایتدیکی دفعی؛ مسموع و التفاته شایان اولمغله ادعاسنک ردینه متفقاً ویریلن قرار طرفینه تفهیم قلنش و ذات مسئله حقنده بشقه بر دیه جکلری اولمادیغی لدی السؤال آکلا شلماسی اوزرینه بوجهت حقنده دخی محاکمه نک ختام بولدیغی طرفینه تفهیم قلندی.

ایجابی لدی التذکر مدعی مرقوم (ح) مرقوم (ب) نک مزبوره (ط) دن بالاستیجار مستأجراً تصرف ایتمکده اولدیغی مارالبیان خانه کندوسیله مزبور تان (ط) و (ف) یه ارتأ منتقل مال مشترکلری اولدیغی حالده مزبوره (ط) مستقلاً ضبط و تصرف ایتمکده اولماسندن بحثله مرقوم (ب) نک مذکور خانه دن کف

ید ایتھسنی ادعا ایله مسی اوزرینه دعوانک تعلق جهته مزبوره (ط) خانم جلب ایله استجواب اولندقدہ دعوا دہ مرور زمان اولدیغنی سویله مش ایسه ده مرور زمان حقدہ اولان اشبو دفعی، مسوع والتفانه شایان کورلمه مش اولماسنه مبنی بروجہ بالا متفقاً رد ایدلمش اولدیغنه ومدعی مرقوم (ح) نک مذکور خانہ نک مورثری متوفی (ع) دن منتقل مال مشترکری اولدیغنی حقدہ کی دعواسی مارالیان دفتر قسام ایله مثبت و مزبوره (ط) خانمک اولباده وقوعبولان اقراریلہ مؤید بولنمش اولماسنه مبنی مرقوم (ح) ایله مزبور تان (ط) و (ف) نک مذکور خانہ یی دفتر قسام موجبہ تصحیح اولنان مسئلہ میراثری اوزره مشترکاً تصرف ایتھلرینه ومدعی مرقوم (ح) مستأجر مدعی علیہ مرقوم (ب) نک تحت استیجارندہ اولان مذکور خانہ دن کف ید ایتھسنی ادعا ایتمش ایسه ده مجله نک ۴۳۰ نجی ماده سنجہ شیوع طاری عقد ایجاری افساد ایتھ مکده اولماسنه نظراً مستأجر مرقوم (ب) نک قبولنه مبنی مزبوره (ط) خانمک حصہ مصیبه - سندہ عقد اجاره باقی قالمق اوزره مرقوم (ح) نک حصہ سندہ عقد اجاره نک فسخته و مرقوم (ت) نک حصہ سندہ دخی قبولنه موقوفا عقد اجاره نک بقاسنه . . . تاریخندہ متفقاً ویریلن قرار طرفینہ بعد التفہیم مذکور خانہ یی نقدر مدت وقاچ غروش بدل ایله استیجار ایتمش ومدت اقامتی ندن عبارت بولنمش اولدیغنی مرقوم (ح) نک حصہ سندہ فسخ اجاره دن طولایی بر دیه جکی اولوب اولمادیغنی مستأجر مرقوم (ب) دن سؤال اولندقدہ مذکور خانہ یی مزبوره (ط) خانم دن ۵۰۰۰ غروش بدل ایله . . . تاریخندن اعتباراً . . . تاریخنه قدر یعنی برسنه مدتله استیجار ایتمش ومذکور خانہ کندوسنه . . . تاریخندہ تسلیم اولنہرق تاریخ مذکور دن اعتباراً مدت اقامتی ایکی آہ بالغ اولدیغنی بعدالیان بدل ایجار مذکوری مزبوره (ط) خانمہ پیشیناً تأدیہ ایله مش اولدیغندن مذکور خانہ ده اقامت ایله دیکی ایکی آی مدتک تام اولہرق بدل ایجارینک بعدالتزیل بدل ایجار دن اجاره نک فسخ اولدیغنی مرقوم (ح) نک حصہ سنہ اصابت ایدن مقدارینک طرفنه تأدیہ سنی طلب ودعوی وبرقطعه ایجار قونطور اتوسی ابراز

واعطا ایله دی. لدی المطالعہ... تاریخیه مورخ و. و. امضالیله ممضی اوله رق مألئ (....) عبارت اولدیغی وظهرنده زیری مؤجره مزبوره (ط) امضا- سیله ممضی اوله رق بدل ایجار اولان ۵۰۰۰ غروشک تمامها استیفا قلندیغی عباره سی کورملکله نه دیه جکی مؤجره مزبوره (ط) خانمه صورلدقده مذکور قونطوراتونک مألئ تصدیق ایله مش وهرایکی طرفک بشقه بر دیه جکلری اولمادیغی لدی السؤال آکلاشلمش اولماسیله ختام محاکمه لری طرفینه تفهیم قلندی. کیفیت، مذاکره اولندقده منازع فیه اولان مذکور خانه نک مزبوره (ط) خانمک مستقلاً تصرفدن نزعیله بحسب الوراثه کندوسی و مرقوم (ح) ایله مزبوره (ف) بینلرنده مشترکاً و مشاعاً تصرفلرینه واجاره نک مرقوم (ح) حصه سنده فسخته دار بروجه بالا لاحق اولان حکم وقراردن صکره مرقوم (ح) نک حصه سی حقده فسخ اجاره دن طولای حادث اولان مسئله یه دار جریان ایدن محاکمه نتیجه سنده مستاجر مرقوم بر موجب قونطوراتو مذکور خانه یی بشیک غروش بدل ایله استیجار ایتمش، بدل ایجاری اولان مبلغ مذکوری پیشیناً ویرمش و مذکور خانه ده مدت اقامتی ایکی آیدن عبارت بولنش اولدیغندن بدل ایجاردن مذکور ایکی آیلق بدلی بعدالتنزیل متباقی مقداردن دخی اجاره نک فسخته حکم ویریلن مرقوم (ح) نک حصه سنه اصابت ایدن مقدارک تنزیلنی ادعا ایتمش؛ مزبوره (ط) خانم قونطوراتوسنک مندرجاتی تصدیق ایله مشدر.

ایجابی لدی التذکر مذکور خانه نک ایکی آیلق کیراسی اولمق اوزره حساب ایدیلن ۸۳۳ غروش ۱۲ پاره مزبوره (ط) خانمک استحقاقی اولان اجرتی اولمغله مبالغ مذکوره یی بدل ایجارک مجموعی اولوب مقبوضی اولان ۵۰۰۰ غروشدن توقیفه و مرقوم (ح) نک مأجورده اولان حصه سنده اجاره منفسخ اولدیغندن حصه ارثیه سنه کوره ایجاردن اصابت ایدن ۲۷۶۱ غروش ۳۲ پاره نک مزبوره (ط) دن اخذیله مستاجر مرقومه اعطاسنه، مزبوره (ط) نک مأجورده اولان حصه سنه کوره بدل ایجاردن حصه سنه اصابت ایدن ۱۳۸۰ غروش ۳۶ پاره

مقابلنده اجاره‌نك بقاسنه و مزبوره (ف) خانمك دخی مأجورده اولان حصه‌سنه كوره بدل ایجاردن حصه‌سی اولان ۵۲۰ غروش مقابلنده قبولنه، موقوفاً اجاره‌نك بقاسنه، مذکور خانه غیرقابل تقسیم اولمغه مستأجر مرقوم (ب)... تاریخندن مزبوره (ط) خانمك حصه‌سیچون یوز کون و مزبوره (ف) خانمك حصه‌سی ایچون ۶۰ کون اقامت ایتدکن صکره... تاریخندن اعتباراً مذکور خانه‌حقنده اجاره‌نك فسخته حکم ویریلن مرقوم (ح) یه تسلیننه... تاریخنده متفقاً ویریلن قرار طرفینه تفهیم قلندی.

بر بدایت محکمه‌سنده جریانه ایدنه محاکمه‌یه مدافیرلی منضمه یاریلمه‌وره استدعا

صورت: نومرو ۴۴ ماده ۱۱۷

... برایت محکمه‌سنه

... ده مقیم... صنعتنده (ب) نام کسنه... ده مقیم... صنعتنده
 (خ) نام کسنه‌نك شراً تحت تصرفنده اولان... ده واقع... حدودیه
 محدود... نومرولی برباب خانه‌یه مستحق چیقارق مذکور عقاردن کف
 ید ایله طرفنه تسلیننی مرقوم (ب) دن بالادعا مرقوم (خ) یی محکمه‌ علیه‌لرینه
 جلب و خصوص مذکور حقنده محکمه‌لرنجه محاکمه‌لری اجرا قلتمقده اولدینگی
 مسموع عاجزانه‌م اولمشدر. مرقوم (ب) نك مرقوم (خ) دن دعوی ایتدیگی
 مذکور خانه‌ی مقدما... ده مقیم خالدن بالاشترک اولوجه‌له تحت
 تصرفنده اولدینگی حالده... تاریخنده... غروش مقابلنده مرقوم (ح) یه
 صاتمش و اولوجه‌له صاتمش اولدیغ دخی مرقوم (خ) نك شراً تصرفنی مبین
 یدنده بولنان تصرف سندی مألله مثبت بولتمش اولدیغنه و مرقوم (خ) نك
 مرقوم (پ) ایله خصوص مذکور حقنده جریان ایدن محاکمه‌لرنده
 محکومیتی حالده منزل مذکورک ثمنی ایله بنده‌لرینه مراجعتی احکام قانونیه
 ایجابنددر. شو حالده محکمه‌ علیه‌لرنده جریان محاکمه‌لری و جوهله بنده‌لرینه

متعلق و حقوقه طوقنور بولندیغنه بناءً اثنای محاکمه لرنده حاضر بولنهرق طرف چا کرانه مه عاقد اولان حقوقی مدافعه ایتمک اوزره اصول محاکمه حقوقیه قانون موقتک ۱۱۷ نجی ماده سی حکمنجه مداخله واقعه مک قبولی و اساس ماده یه متعلق محاکمه نک تاخیری خصوصنی استدعا ایلرم.

بر شخصی نالک مراد سید جریانه ایده جک محاکمه رار یازیلرجه اعلانه

صورت : نومرو ۴۵ ماده ۱۱۷

... ده مقیم (پ) طرفندن ... محکمه سنه ویریلن ... تاریخلو
عرفحال قرائت و مطالعه اولندی.

خلاصه مالی؛ ... ده مقیم (خ) نک ... ده واقع ید ضبط تصرفده
اولان ... حدودیله محدود و متماز ... اوطه لی بر باب خانه کندوسنک
ملکی اولدینی حالده مرقوم (خ) بغیر حق وضع ید ایتمکده اولغله مذکور
خانه دن کف ید ایتمی ایله طرفنه تسلیمی و مصارف محاکمه نک کندوسنه
تحمیل ادعاسندن عبارتدر .

طرفین ... محکمه یه کلش اولملریله (بوراده ۴۲ نومروده کورلدیکی
اوزره خانه یه وضع ید خصوصنک ثبوتی یازیلور) ادعاسنی مرقوم (پ) دن
استفسار اولندقده عرفحالک مالی تکرار و مذکور خانه پدری متوفی
(غ) دن منتقل ارتناً ملکی اولغله مرقوم (خ) نک کف ید ایتمسنی دعوی
و مرقوم (خ) مرقوم (پ) نک دعواسنی انکارله برابر مذکور خانه یی
... ده مقیم (ف) دن ... تاریخیده اشترا ایله مذکور خانه اولوجهله
ملك مشتراسی اولدیغنی ادعا ایلمش و محکمه جه طرفیندن قعیسنک اثبات
مدعا ایتمی لازم اولدیغنی جهتی در دست تعیین بولمش ایکن مرقومان (پ)
ایله (خ) بیننده جریان ایدن محاکمه یه مداخله طلبنی متضمن ... ده مقیم
(ع) امضالی محکمه یه ویریلن ... تاریخلو استدعا طرفین حضورنده علناً

قرائت اولمسی و مذکور استدا اثنای محاکمه ده یعنی محاکمه واقعه نك حکم حاله کلمه مش اولدیغی بر وقتده تقدیم قلمش اولمغله اصول محاکمه حقوقیه قانون موقت نك ۱۱۷ نجی ماده سی حکمنجه مرقومان (پ) ایله (خ) بینده جریان ایدن محاکمه نك تأخیرینه و مداخله یی طلب ایدن (خ) ك لزوم جلبنه قرار ویرلمش اولمسی اوزرینه مرقوم (پ) نك طلیله مرقوم (غ) طرفه تسطیر قننن دعوتیه ورقه سیله تعیین و محاکمه نك جریانی تعلیق ایدیلن یومده طرفین محکمه یه کلمش اولملریله محاکمه لرینه مبادرت و مرقوم (غ) نك اخیراً تقدیم ایتمش اولدیغی مارالیمان مداخله یی متضمن عرفحال، علناً قرائت اولمشدر. مالی، (۴۴) نومروده کی استدا خلاصه سی یازیله جقدر) عبارت اولدیغی کورلمشدر.

مرقوم (غ) ك مرقومان (پ) ایله (خ) بینده جریان محاکمه یه مداخله سی حقنده کی ادعاسی نه یه مستند اولدیغی استفسار اولندقده عرفحالی مالی تکرار و منازع فیه اولان مذکور خانهدی کندوسندن اشترایتمش اولدیغی (ف)، مدعی مرقوم (پ) نك پدری و مورثی اولمغله بوبابده مذکور خانه حقنده مرقوم (پ) نك حق تصرفی قالدیغنی بیان و مرقوم (پ) دخی مرقوم (غ) ك پدری (ف) دن تلقی ملک ایتمش اولدیغی حقنده کی ادعاسنی انکار ایله مشدر. بونك اوزرینه مذکور خانهدی مرقوم (پ) نك پدری متوفی مرقوم (ف) دن اولوجهله اشترایتمش اولدیغنی اثبات ایتسی، مرقوم (غ) ه تکلیف اولندقده برقطعه طاپو سندی ابراز و ارايه ایلدی. لدی المطالعه . . . تاریخیه مورخ و . . . مهریله مختوم اوله رق مالی « . . . » دن عبارت اولدیغی کورلمشدر.

مذکور طاپو سندی، مدعی مرقوم (پ) یه ارايه و جوابی نه اولدیغی سؤال اولندقده بوبابده بشقه بر دیه جکی اولدیغنی سویله مشدر. مرقوم (غ) ك مداخله واقعه سی اساسی و مقبول کورلمش اولماسیله مداخله واقعه نك قبوله و اساس مصلحته متعلق اورا قك بالتکرار قرائتیه ویریلن قرار اوزرینه مدعی مرقوم (پ) نك اصل دعوی حقنده تقدیم ایتمش اولدیغی

عرفحال ایله مدعی علیه مرقوم (خ) ایله جریان محاکمهیه دأر اولان ضبط ورقهسی کندولریله مرقوم (غ) حضورلرنده قرائت اولندی. هر برینک ذات مصلحت حقنده استفسار اولنان افادهلرنده مرقوم (پ) ایله مرقوم (خ) افادات سابقه لرندن بشقه بر افادهلری اولدیغنی سویله مش و مرقوم (خ) دخی بوجه محرر منازع فیه اولوب مرقوم (خ) دن شرأ تحت تصرفنده اولان مذکور خانیهی مرقوم (غ)، مدعی مرقوم (پ) نك پدری (ن) دن اشترا ایتیش اولدیغنی تحقق ایتشدر. بناءً علیه مرقوم (پ) نك مذکور خاننده حق مداخلهسی قلمدهیغنه بناءً مرقوم (پ) نك مذکور خانیه مداخله ومعارضه دن منعی دعوی ولدی التکلیف منازع فیه اولان مذکور خانیهی مرقوم (غ) دن اولوجهله اشترا ایتیش اولدیغنه دأر اولان طاپو سندی ابراز ایلدی. لدی المطالعه (. . .) عبارت اولدیغنی کورلمش و بوندن بشقه بر دیه جکلری اولدیغنی هر بری درمیان ایله مش اولمیریله محاکمه لرینک ختامی کندولرینه تفهیم اولندی .

کیفیت لدی التذکر مدعی مرقوم (ب)، منازع فیه اولان مارالبیان خانیه کندی پدری متوفی (ف) دن بالانتقال ملک موروثی اولدیغندن بختله مدعی علیه مزبور (خ) نك مذکور خانهدن کف ید ایتسنی ادعا ایتیش و مرقوم (خ) دخی مذکور خانیهی مرقوم (غ) دن بالاشترا یدنده اولوجهله ملک مشتریسی بولمق صورتیله دفع دعوی ایتشدر. شو حالده بوجه بالا مرقومان (پ) ایله (خ) میانهلرنده جریان ایدن دعوایه مرقوم (غ) ك وقوع بوب اصول محاکمه حقوقیه قانون موقتینک ۱۱۷ نجی مادهسی حکمنجه قبول اولنان وصحت و مقبولیتی حقنده محاکمه جه قناعت حصوله کلن مداخله دعواسیله اصل دعوایه دأر جریان ایدن تحقیقاته نظراً دعوایه مداخله ایدن مرقوم (غ) منازع فیه اولان مذکور خانیهی مدعی مرقوم (پ) نك پدری (ف) دن اشترا ایتیش اولدیغنی ابراز ایتدیگی مارالبیان طاپو سندی مندرجاتی ایله ثبوت بولمشدر. مرقوم (پ) نك مذکور خاننده حق مداخلهسی قالمامش

اولدیغنه و مرقوم (غ) ك متوفی مرقوم (ف) دن اشترا ایتمش اولدیغی مذکور خانہ بی مؤخرأ مدعی علیہ مرقوم (خ) یه صاندیغی ینه ابراز و قرائت اولنان سالف الذکر طاپو سندیلہ تحقق ایتشد.

لدی المذاکره مرقوم (غ) نك مدعی علیہ مرقوم (خ) یه مذکور خانہ نك تصرفدن طولای معارضه دن منغنه و كرك دعوا ی اصلیه ایله، كرك دعوا ی فرعیه دن متكون مفرداتی زیرده محرر اولان مصارف محاکمه نك مدعی مرقوم (پ) یه راجع اولق اوزره مرقوم (خ) دن اخذینه . . . تاریخنده قابل استیناف اولق اوزره متفقاً ویریلن قرار طرفینه تفهیم قلمشدر.

موطك جلبید اجرا اییدمك محاکمه دار اعلامات

صورت : نومرو ۴۶ ماده ۵۱

. . . ده مقیم (ب) طرفندن ویریلن . . . تاریخلو عرضحال قرائت و مطالعه اولندی.

خلاصه مالی، . . . ده مقیم (خ) نك وضع ید ایتمکه اولدیغی . . . ده واقع . . . حدودیله محدود برباب دکان کندی ملک موروثی اولدیغی حالده مرقوم (خ) مذکور دکان کندوسندن . . . تاریخنده اشترا ایتمش اولدیغی بهانه ایدهرك کف یدله تسلیمدن امتناع ایتمکه بولتمش اولدیغندن مرقوم (خ) یه مذکور دکاندن نزع ید ایتدیرلمه سیله طرفنه تسلیمی خصوصنك مصارف محاکمه ایله برابر تحت حکمه الیرماسی استدعاسندن عبارتدر.

طرفین . . . محکمه یه کلهرك مرقوم (پ) کندو طرفندن محاکمه و مخاصمه یه و صلح و ابرایه دعوی و کیلارندن (ع) افدینك و کالتنی تسجیل ایتشد. مرقوم (ع) افدینك مرقوم (پ) طرفندن و کالة و مرقوم (خ) نك اصالة محاکمه لرینه ابتدار و افاده لری استفسار اواندقده مدعی وکیل مرقوم، مال

عرفهائی بعد التکرار مرقوم (خ) نک مذکور دکان کف یدله موکله تسلینی ادعا ایشدر.

مدعی علیه مرقوم دخی مذکور دکان کرچه مدعی مرقوم (پ) نک ملکی ایسه کنوسندن . . . تاریخنده . . . غروش مقابلنده بالمایعه یدنده اولوجهله ملک مشتری اولدیغی بیان ایله مشدر. مذکور دکانی اولوجهله مرقوم (پ) دن اشترایتمش اولدیغی اثبات اتمه سی حقنده ویریلن قرار اوزرینه مرقوم (خ) . . . تاریخلو بر قطعه طاپو سندی بالا پراز مالی، (. . .) عبارت اولدیغی کورلمشدر. نه دیه جکی مدعی وکیل مومی ایله . . . افندیق سؤال اولدوقده کرچه موکلی مذکور دکانی تاریخ مذکورده مرقوم (خ) یه صاتمشیسه ده بیع واقعی قطعاً واقع اولمایوب وفاً وقوعبولدیغنه و بدل وفای بالا خره تادیه ایله مش بولدیغنه منی مدعی علیه مرقوم (خ) نک مذکور دکانی مجرد حکمی قلامش اولان فراغ بالوفادن طولانی ضبط و توقیف اتمه سی یولسز اولغله مذکور دکانک مرقوم (خ) نک یدندن استرداد ایله موکلی مرقوم (پ) یه تسلینی ادعا ایشدر. لکن مدعی اصیل مرقوم (پ) نک تقدیم ایتدیکی استدعاسنده محرر اولان ادعاسی مدعی علیه مرقوم (خ) ایله میانه لرنده اصلاً مبیعه سبقت ایتدیکنه دار اولدیغی حالده مرقوم (پ) نک وکیلی (ع) افدینک اثنای محاکمه ده درمیان ایتدیکی دعواسی، موکلی ایله مدعی علیه مرقوم بیننده بیع بالوفا جاری اولدیغنه متداردر. شو حالده اصلک نفی، بیعه، وکیلک بیعک، وفا قیدیه مقید اوله رق وقوعنه دار اولان کلامینی یکدیگرینه، متناقض کورلدیکنه و تناقض ایسه مانع ملکیت بولدیغنه منی کلامین متناقضینک اسباب صدوری اکلا شلق اوزره وكالة محاکمه سی جریان ایتکده اولان مدعی اصیل مرقوم (ب) نک اصول محاکمه حقوقیه قانون موقتک ۵۱ نجی ماده سی حکمنجه جلبی لزومه محاکمه جه قرار ویرلمشدر. بونک اوزرینه کنوسنه تسطیر قلنان دعوتیه ایله تعیین اولسان کونده و دیگر لری محاکمه نک تعلق ایدلیکی پومده طرفین محاکمه یه کلش اولمالریله مذکور استدعا ایله جریان محاکمه یی حاوی

ضبط ورقه سی مواجه لرنده قرائت اولندی. مدعی مرقوم (ب) به توجیه خطاب اولنه رق ایراد اولنان سؤال لر اوزرینه کندوسی اوقور یازار ودرستجه اکلار طاقندن اولوب استدعاسنده موضوع مهر کندوسنک اولدیغی کبی امضاسی دخی خط دستیله محرر یازوسی اولدیغی و متن استدعا، دیکرینک یازوسیله یازلمش ایسه ده مالی اداره سنه مطابق اولدیغی سویلدکن صکره استدعاسنده منازع فیه اولان مذکور دکانی مدعی علیه مرقوم (ح) به اصلا صتامش اولدیغی محرر بولندیغی حالده وکیلی (ع) افدینک مضبوط اولان افاده سنده کندوسنک مذکور دکانی وفا صتامش اولدیغی سویلشدر. بناءً علیه کندوسیله وکیلنک افاداتی بینده تناقض بولنش اولمغله نه دیه جکی مرقوم (ب) دن صورلدقده کندوسیله وکیلنک افاداتی بینده تناقض اولیوب استدعا ده جریان بیعک نفیتدن مقصد، بیع قطعی اولوب اطلاق واقع ایسه وفاً بیعک وقوعه شامل اولدیغنه مبنی کلامین بینده تناقض اولدیغی سویلشدر. مدعی علیه مرقوم (ح) دخی تناقضک وقوع و عدمی، محکمه نک تقدیرینه منوط اولدیغی بیان ایلمش ولدی السؤال هر برینک بشقه برافاده لری اولدیغی اکلشلمش اولمغله ختام محاکمه لری تفهیم اولندی.

کیفیت مذاکره اولندقده مدعی مرقوم (ب) نک مذکور دکانک ادعای ملکیتی ایله استردادینه دار اقامه ایتدیکی دعوایه قارشو مدعی علیه مرقوم (ح) نک مذکور دکانی مرقوم (ب) دن ... تاریخنده ... غروش مقابلنده اشترا ایتدیکنه دار درمیان ایتدیکی دفعی، بوجه بالا اثبات ایتدیکنه وکرچه مرقوم (ب) نک وکیلی مؤخرأ موکلی ایله مدعی علیه بینده مذکور دکانه دار جریان ایدن بیعک وفا طریقله وقوع بولدیغی درمیان ایلمش ایسه ده مجله نک ۱۶۵۲ و ۱۶۴۷ نجی ماده لرجه وکیل مرقوم (ع) افدینک افاده واقعه سی موکلنک مهر و امضاسیله ممضی و مهور اولان استدعاسی مندرجاتیله متناقض کورلدیکنه و اخیراً ویریلن قرار اوزرینه جلب واستنطاق اولنان موکل مرقوم (ب) استدعانک مندرجاتی تصدیقیله برابر استدعا ده نفی مطلق،

وفاً ببعك نفیتی دخی مستلزم اوله میه جغندن بحثله کلامینده تناقض اولدیغنه
 دائر درمیان ایتدیکی افاده سی تألیف تناقضه مدار اوله میوب مجله نك مارالبیان
 ۱۶۴۷ نجی ماده سنجه نفی بیع مطلق، وفا طریقله بیعك عدم وقوعنه دخی
 شامل اولوب کلامین بینه تناقض بولندیغی بدیهی اولغله مدعی وکیل مرقوم
 (ع) افدینك دفع واقعی مسموع والتفاوته شایان کوریله مه مشدر. بناءً علیه
 مدعی مرقوم (ب) نك ادعاسنك ردیله مذکور دکاندن طولای مرقوم (ح) یه
 مداخله و معارضه دن منع و (... الخ)

طرفیندن برینك وفاتنده محاکمه نك تعطیلنه و تکرار تعقیبی حالنده
 صورت جریان محاکمه یه دائر یازیله جق اعلام

صورت : نومرو ۴۷ ماده ۵۳

... ده مقیم (ب) طرفندن ... محکمه سنه ویریلن عرضحال قرائت
 و مطالعه اولندی .
 خلاصه مالی، ... ده مقیم (ح) ذمتده مطلوبی اولان ... غروشك
 تحصیل استدعاسندن عبارت بولمشدر .
 طرفین ... کلمش اولملریله محاکمه لرینه بالابتدار مرقوم (ب) عرضحالی
 مائی تکرار و برقطعه سند ابراز ایلدی . لدی القراءه (...) عبارت اولدیغی
 کورلدکن صکره سند مذکور مرقوم (ب) یه ارانه اولنه رق نه دیه جکی صورلدی .
 سند مذکورده موضوع مهر و امضایی انکار ایلش اولغله مرقوم (ح) نك
 اصولاً استکتابنه و وقتك مساعده سزلیک حسبیله امر استکتابك یوم آخرده
 اجراسی ضمنده محاکمه نك تعلیقنه قرار ویرلمشدر . بو حالده (و . و . و)
 امضالریله ممضی و ... تاریخله مورخ محکمه یه نسختین اوله رق تقدیم اولنان
 عرضحالده ... ده مقیم (ب) نك ... پدرلری (ح) علیه اقامه ایتمش اولدیغی
 آله جق دعواسندن طولای محاکمه لری در دست رؤیت ایسه ده پدرلری مرقوم

(ح) ... کوننده وفات ایتکله کیفیت اصول محاکمه حقوقیه قانون موقتک
 ۵۳ نجی مادهسی حکمنجه مرقوم (ب) یه تبلیغ اولنق اوزره وقوع حالی مین
 اولان اخبارنامه لرنیک تنظیم و تقدیم ایدلیکی محرراولدیغی کورلمشدر. مرقوم
 (ب) ایله متوفی مرقوم (ح) بینده جریان ایتکده بولنش اولان محاکمه لری
 اصول محاکمه حقوقیه نک ۱۱۶ نجی مادهسی حکمنجه حکم اعطاسنه صالح اولماق
 یعنی ختام محاکمه حالنه کله مش اولق حسیله طرفینجه مارالیان وقوع وفاته
 دار اولان اخبارنامه، صدور حکمه مانع بولنسنه منی متوفای مرقوم (ح) نک
 ورثهسی طلبلریله مذکور اخبارنامه مدعی مرقوم (ب) طرفه بالتبلیغ اصول
 محاکمه حقوقیه قانونک ۵۳ نجی ماده سنجه محاکمه واقعه جاریه نک تعطیلنه قرار
 ویرلمشدر. بونک اوزرینه مدعی مرقوم (ب) تکرار محکمه یه بالمرآجه متوفای
 مرقوم علمینده آچدیغی آله حق دعواسندن طولانی ورثه سنک جلبنی ایسته مشدر.
 اولبابده تسطیر قلنان دعوتیه ورقلریله تعیین ایدیلن کونده مرقوم (ح) نک
 ورثهسی اولق اوزره ... ده مقیم (و. و. و.) نام کسنهلر محکمه یه اصالة
 کیش اولملریله محاکمه لرنه مبادرت و مرقوم (ب) نک استدعاسیله مارالیان
 سند، مرقوم (ح) نک حیاتنده جریان محاکمه یی حاکی اولان ضبط دعوی
 ورقهسی مواجهه لرنده قرائت اولندی. افاده لری استفسار اولندقده مرقوم
 (ب) افادات سابقهسی خارجنده برده جکی اولمادیغی سویله مش وورثه
 مرقوم کندولرنه ابراز اولنان سند، مورثلری متوفای مرقوم اولوب
 اولمادیغی طایمادقلرنی بیان ایشلردر. بونک اوزرینه متوفای مرقوم (ح) نک
 حال حیاتنده جریان ایدن محاکمه کنده سنک استکتابنه ویرلمش اولان قرار
 بالطبع منسخ اولق جهتیله ورثه مرقومه نک سند مذکوره دار معلوماتلری
 اولمادیغی حقنده اولان افاده لرنه نه دیه جکی مدعی مرقوم (ب) دن صورلدقه
 متوفای مرقوم خط و ختمک اجرای تطیقتی طلب ایله مشدر. اولوجه
 متوفای مرقوم تطیق خط و ختمه دار ویریلن قرار اوزرینه اصول محاکمه نک
 ۹۷ نجی ماده سنجه طرفینه اهل خبره تعیین تکلیف اولندی. آنلر دخی بالرضا

طرفلندن (و. و. و.) نام کسسنه لری بالانتخاب محکمه یه احضار و صورت قبول مأموریتلرینی تقریر ایتدیرمش اولمالریله محکمه جه تطبیق خط و ختمک اجراسی خصوصنده نظارت ایتک اوزره محکمه اعضاسندن... افندی بالتعین خصوص مذکوره دائر... تاریخلو برقطعه قرارنامه تسطیر قلمش ایدی.

مذکور قرارنامه ده (قرارنامه ایچون ۳۶ نومرویه مراجعت اولنه) دیه یازلمش و مأمور مومی الیه طرفندن محکمه یه تقدیم اولنان... تاریخلو تقریرنده... محرر اولدیغی کورلمشدر. بونک اوزرینه مذکور تقریر طرفین حاضر اولدیغی حالده علناً قرائت و افاده لری استفسار اولندقده ورثه مرقومون (... دیه سویله مش. بوندن بشقه بردیجکلری اولمادیغنی هرایکی طرف بیان ایله مش اولمالریله ختام محاکمه لری طرفینه تفهیم اولندی.

ایجاب کیفیت بالماذا کره مرقوم (ب) نک متوفی مرقوم (ح) ایله حیاتنده جریان ایدن محاکمه لرنده مرقوم (ح) مرقوم (ب) طرفندن ابراز اولنش اولان سندده موضوع مهر و امضایی انکار ایتمش اولوق جهتیله کندوسنک استکتابنه قرار ویرلمشدر. لکن اخیراً اثنای محاکمه ده مرقوم (ح) نک وقوع وفاتی و وفات خبرینک ورثه سی طرفندن محکمه یه اخباریله وقوعبولان طلبلرینه مبنی مذکور اخبارنامه نک مرقوم طرفنه تبلیغی اوزرینه اصول محاکمه نک ۵۳ نجی ماده سنجه محاکمه نک تعطیلنه قرار ویرلمشدر. مدعی مرقوم (ب) تکرار محکمه یه بالمراجعه ورثه مرقومه نک جلبنی طلب ایتمشدر. بونک اوزرینه تسطیر اولنان دعوتیه ورقه لرلیله تعیین اولنان کونده مرقوم (ب) نک ورثه مرقومه (و. و. و.) ایله جریان ایدن محاکمه لرنده ورثه مرقومه دخی مورثلرینه عزو اولنان سندده موضوع مهر و امضایی طانیمقدمه اولدقلرینی سویله دکلرینه و متوفای مرقوم (ح) نک حیاتنده کندوسنک استکتابنه ویرلمش اولان قرارک انفساخنی جهتیله اصول محاکمه نک ۹۷ نجی ماده سنجه متوفای مرقوم (خ) یه عزو اولنوب ورثه مرقومه طرفندن طانمادیغنی درمیان اولنان مارالبیان سندده موضوع مهر و امضانک تطبیق و تدقیقنه دائر محکمه جه ویریلوب قرارنامه یه ربط اولنان قرار اوزرینه

خصوص مذکوره نظارت اتمک اوزره مأمور ایدیلن اعضا طرفدن اجرای تطبیقاتی حاوی اولبایده تسطیر اولنوب خلاصه مآلی بالاده مسطور اولان تقریرده ورته مرقومه طرفندن سند مذکورک طائلیان مهر و امضاسی متوفای مرقومک ظفریاب اولنوب محکمه‌ده دخی ابراز اولنان . . . مقاولات محررلکندن مصدق تعریف قانونیسی تقریر مذکورده محرر برقطعه مقاوله‌سنده کی مهر و امضاسیله تطابق و توافق ایتدیکنه دائر مندرج اولان رأی و مطالعه، محکمه‌جه دخی قرین صواب کورلمشدر. بو جهته متوفای مرقوم (ح) یه عزو و اسناد اولنان سند مذکورده موضوع مهر و امضا گندوسنک مهر و امضاسی اولدینی تحقق ایتدیکنه مبنی مرقوم (ب) نک ادعا کرده‌سی اولان . . . غروشک الخ.

قرار قرینه‌ی حاوی یازیلجهو اعلامه دائر

قرار قرینه اوله‌رق ویریلن قرار علمینه استیناف ایده‌جک اولان طرفه، استیناف محکمه‌سنه مراجعتی ایچون آلتمش آلتنجی ماده حکمنجه برهفته مهل ویریلور؛ یعنی قرار قرینه تفهیم اولندقدده، استیناف ایده‌جکندن بحثله قرار مذکورک اعلامه ربطیله تبلیغی طلب ایذنه خرج اعلامی گتوروب اعلامی آلمق ایچون برهفته مهل ویریلور. بومدده خرج اعلامی گتوروب اعلامی آلور ایسه استیناف محکمه‌سندن استیناف ایتدیکنه دائر علم خبر کتورمک اوزره ینه برهفته مهل ویریلور. اگر برهفته‌نک ایچنده خرج اعلامی کتیرمز ایسه اساس دعوانک رؤیتنه دوام اولنور.

صلاحیت محکمه و مرور زمان حقنده ویریلن قرارلرک برای استیناف اعلامه ربطی طلب اولندقدده محکمه ابتدایه‌جه ایدیلجه‌جک معامله، قانونده مصرح دکلسه‌ده، صلاحیت محکمه و مرور زمان دعواسنه قیام ایدنلر، اکثریا ایثی عقده تأخیره دوشومک مقصدینه مبنی اولدیغنه و بو قرارک تفهیمندن

صکره اعلام اعطاسی، بودعوايه قیام ایدلمک اختیارینه براغلسه، مقصوده، تأخیر
رؤیت دعوی اولمق جهتیه اعلامی آلمیه جغه بناءً بوایکی قراردن طولانی
محکمه قرار قرینه دأر اولان ماده حکمنجه عمل ایتک جائز اولماید.

صورت: نومرو ۴۸

..... عرضحال قرائت و مطالعه اولندی

خلاصه مآلی، . . . ده مقیم (پ) ذمتنده آله جنی اولان . . . غروسک
تحصیلی استدعاسندن عبارتدر.

طرفین احضاراً تعیین ایدیلن کونده بالاصاله محکمه یه کلمشدر. محاکمه لرینه
مبادرت اولندقده مدعی، عرضحالی مآلی تکرارله مبلغ مذکورک تحصیلنی
طلب و دعوی ایله دی . مدعی علیه دخی اولقدر غروش کندوسندن
قرضاً آلدیغنی اقرار و فقط مبلغ مذکوری بتمامها تأدیبه ایدوب حتی یدندن
مقبوض علم و خبری دخی آلدیغنی تذکار ایله دی . بونک اوزرینه مذکور
علم و خبری کتیروب بالارانه اثبات مدعا ایله مسی، مدعی علیه مرقومه تکلیف
قلمش ایسه ده مدعی مرقوم کندیسی مدعی اولدیغنی جهتله دعوانک اثباتی
گندینه عايد اولدیغنی سویله مش وهر ایکی طرف اثبات دعوی کندیلرینه
عايد اولدیغنی خصوصنده اصرار ایتمشدر. عندالسؤال بشقه بر دیه جکلری
اولوب اولمادینی آکلاشلاقدن صکره محاکمه لرینک بوجهتنک ختام بولدیغنی
طرفینه تفهیم اولنمشدر.

ایجاب کیفیت تذکر اولندقده مدعی علیه، مدعینک دعواسنی دفع
ایتدیکنه و شو جهتله بینه اقامه سی مجله نک ۱۶۳۲ نجی ماده سی حکمنجه
کندوسنه عايد اولدیغنه بناءً مدعینک اعتراض مذکورینک ردیله اقامه بینه
خصوصی مدعی علیه مرقومه عايد ایدوکنه دأر . . . تاریخنده متفقاً
ویریلوب تفهیم اولنان قراره، مدعی راضی اولمایوب استیناف ایده جکنی

بالیان، قرار مذکورک اعلامه ربطی طلب ایتشدرد. قرار مذکورله اصول محاکمه نك ۶۶ نجی ماده سی حکمنجه اعلامه ربطی تنسیب قلندی.

مدعی عمومی مدافع ایتدیکی صورته تنظیم اولنه هو اعلامه رادرد

مدعی عمومیلرک مواد حقوقیه ده مداخله لری، «مجبوری» و «اختیاری» قسملرینه منقسمدر. تشکیلات محاکم نظامنامه سنک ۶۵ نجی ماده سنده محرر و مصرح اولان ماده دأر دعوالرنده مدعی عمومیلر محاکمه ده بولنوب بیان مطالعه یه مجبوردر؛ یعنی محاکمه، بو مثللو دعوالرده مدعی عمومی بولندیرمز و مطالعه سی آماز ایسه بویابده ویریلان اعلام نقض اولنور. ماده مذکورنک خارجنده کی دعوالرده مدعی عمومی بولندیرمق تقدیری و اختیاری اولدیغی کی مدعی عمومی بولندیغی حالده دخی حقیقه بیان مطالعه ایتک ویا ایشی محاکمه نك عدالتنه حواله ایله مک شقلری بیننده مختاردر.

صورت : نومرو ۴۹

..... عرضحال قرائت و مطالعه اولندی.

خلاصه مالی، عبارت بولنشدرد. طرفین احضاراً تعیین قلنان کونده اضالته کلرلیله تعلق حسیله مدعی عمومی اقلدی حاضر اولدیغی حالده محاکمه لرینه ابتدار و صورت ادعا ومدافعه لری استفسار اولندقدده مدعی مرقوم، مرقوم (پ) ذمتنده آله جنی اولان ... غروشک تحصیلنی دعوی ومدعی علیه مرقوم کندوسی ... قصبه سی اهالیسندن اولغله بودعوانک گندی اقامتگاهنده رؤیتی مقتضی اولدیغی بیان ایتشدرد. مدعی مرقوم مدعی علیه مرقومک اقامتگاهی، کرچه افاده سی وجهله ... قصبه سی ایسه ده مادامکه محاکمه جه ایدیلن دعوته اجابت ایتشدرد، آرتق بشقه صعوباته حاجت براغلامق ایجاب ایده جکنی درمیان و بوندن بشقه افاده لری اولمادیغی

آیان ایتمشلردر . بو بابه مطالعه سی نه اولدینی مدعی عمومی مومی الیهدن
سؤال اولدوقده دعوی، مدعی علیه اقامتکاهی محکمه سنده کورملک، اصول
محاکمه حقوقیه نك ۱۸ نجی ماده سی احکامندن اولوب مدعی علیه مرقومک
اقامتکاهی ایسه، . . . قصبه سی اولدینی تصادق طرفین ایله مثبت اولدیغنه
و بو جهته محکمه نك دعوی معروضه یی رؤیت ایتسی دائرة صلاحیتی
خارجنده بولدیغنه بناءً دعوی معروضه نك . . . نك بدایت محکمه سنجه
رؤیتی، موافق قانون اوله جنی یولنده بیان مطالعه ایله مش ومتعاقباً محاکمه لرینک
ختام بولدیغی طرفینه تفهیم اولمشدر .

ایجاب مصلحت لدی التذکر مدعی علیه اقامتکاهی . . . قصبه سی
اولدیغنه ومدعی عمومینک مطالعاتی نفس الامر موافق ایدوکنه منی مدعی
مرقومک دعواسنک ردیله مدعی علیه اقامتکاهی محکمه سنه مراجعتنه دار
. . . تاریخنده متفقاً ویریلن قرار طرفینه تفهیم قلندی .

۵۰ صورت اخیری : نومرو

... ده مقیم (پ) طرفندن ... محکمه سنه ویریلن ... تاریخلو عرفحال
قرائت اولندی .

مألنده، ... ده مقیم (ح) ذمتمده مطلوبی اولان ... غروشک تحصیل
استدعاسندن عبارتدر .

طرفین، . . . محکمه یه کلش اولمالریله محاکمه لرینه ابتدار ومدعی مرقومک
ادعاسی استفسار اولندی . مال عرفحالی بعدالتکرار مبلغ مذکورک تحصیلنی
شفاهاً دخی دعوی وبرقطعه سند ابراز واعطا ایله دی . لدی مطالعه . . .
عبارت اولدینی کورلمشدر . انحق سند مذکوره یاپشدرلمش اولان پول درت
بیکنن آلتی بیک غروشه قدر سند وسائرہ یازلمسی لازمکن اوراق صحیحهدن
اولدینی حالده مدعی مرقومک اقراض ایتمش اولدینی درون سندده محرر

اولان مبلغ اونیك غروشدن عبارت بولندیغنه بناء رسم تمغا نظامنامه سنك
 ... محی ماده سنجه فضله اولان درت بیك غروش ایچون اخذی لازم
 کلن ... غروش جزای تقدی ویرمسی، مدعی مرقومه تکلیف اولندی .
 مرقومك، خصوص مذکور حقنده مدافعه سی اولمغله تعلق واقعه منبی مدعی
 عمومینك جلیله مدافعه واقعه سی حقنده محاکمه لرینك اجراسنی طلب ایله مشدر .
 مدعی مرقومك ادعای واقعه سی، تشکیل محاکم قانوننك ۶۵ محی ماده سی حکمنجه
 موافق نفس الامر کورولمشدر . اوراق دعوی، بدایت محکمه سی مدعی عمومیسی
 ... افندی یه بعد التبلیغ انضمام رأیله تعیین ایدیلن کونده طرفین کله رك مدعی
 عمومی حاضر اولدیغی حالده اوراق مذکوره حضور لرنده قرائت اولندی .
 بونك اوزرینه ادعاسی، مدعی مرقومدن سؤال اولندقد . . .
 اولدیغی سویله مش . مدعی عمومی مومی ایله ... یولنده بیان مطالعه
 ایله مش اولمالریله کیفیت لیدی التذکر مدعی مرقومك ادعای واقعه سی . . . شو
 وجهله شایان قبول کوریلهمیه رك ادعاسنك ردیله طلب اولنان ۱۰۰۰ غروش
 جزای تقدی بی ویرمسی تکلیف اولندی . مبلغ مذکوری محکمه وزنه سنه
 تسلیم ایله دکن صکره ابراز ایله دیکی سند مذکور مدعی علیه ارايه اولنهرق
 افاده سی صورلدی . الخ .

ریاضورد

مدعی مرقومك، مدعی عمومینك حضوری حقنده اولان ادعاسی
 موافق قانون کوریلهمیه مش اولمغله بو بایده کی ادعاسی رد ایدلدی . جزای
 تقدی حقنده اولان مدافعه سی صورلدقده . . . سویله مش ایسه ده جزای تقدی
 حقنده کی مدافعه سی ده . . . عبارت اولوب بو ایسه شایان قبول کوریلهمیه رك
 ادعاسنك ردینه وطلب اولنان . . . غروش جزای تقدی بی ویرمسی تکلیف
 اولندقد . تکلیف واقعی قبولده تعلق ایله تمیز دعوی ایده جکنی بیان
 وقرار واقعك قرارنامه صورتنده اعطاسنی طلب ایتش اولمغله . . .
 تاریخنده متفقاً ویریلن قرار، مذکور قرارنامه یه ربط اولندی .)

وظیفه داور

صورت: نومرو ۵۱

... ده مقیم (ب) طرفدن ... بدایت محکمه سنه تقدیم اولنان ...
تاریخلو عرضحال قرائت اولندی.

خلاصه مالی، ... ده مقیم (ع) ذمتنده ... تاریخلو امره محرر برقطعه
سند موجبجه آله جنی اولان ... غروشک مع فائض و مصارف محاکمه
تحصیلی خصوصندن عبارت اولدینی کورلمشدر.

طرفین تسطیر قلنان اوچنجی احضار ورقه سی اوزرینه بالاصاله محکمه یه
کلیش و ماده مذکوره نك تعلق واقعه مبنی ویریلن خبر اوزرینه مدعی
عمومی معاونی ... اقدی دخی حاضر اولدینی حالدیه محاکمه لرینه ابتدار اولندی.

مدعی مرقوم عرضحالی مالی تکرارله مطلوبی اولان مذکور ...
غروشک مع فائض و مصارف محاکمه تحصیلی طلب و سند

مذکوری ابراز و اعطا ایله دی. لدی القرائه ... تاریخله مورخ و امضاسیله
مضی اولدینی کوریلهرک متنی دخی « ... ده مقیم (ب) یه و یا امرینه
مرور ایده جک ایامک گذشته سیله ... غروش تأیه و ایفایه مدیونم »

عباره سنی حاوی اولدینی کورلمشدر. مدعی علیه مرقوم دخی مرقوم
(ب) نك آله جنی استناد ایتدیکی سند، امره محرر اولوب بو نوع سندات
اوزرینه مؤسس ادعایک محاکماتی، محاکم تجارتده کوریله جکنه بناءً دعوی
معروضه نك عائد اولدینی محکمه تجارتیه لزوم حواله سنی درمیان ایتشدر.

مدعی ایسه دعوانک حقوق محکمه سنه عائد اولدینی بیان
ایله هر ایکی طرف ادعای واقعه لرنده اصرار و بشقه بر دیه جک لری
اولمادیغنی تذکار ایله مشلردر. مدعی عمومی معاونی ... اقدینک افاده سی
دخی استفسار اولندقدیه دعوی واقعه نك مؤسس اولدینی سند مذکوره،

گرچه امره محرر ایسه ده متنده، وعده ذکر اولمادیغنی وفائض ویرلک شرطی مندرج بولندیغنی جهته قانون تجارتک ۱۴۵هجی ماده سی حکمنجه عادی سند حکمنده اولدیغندن دعوی مذکورہ نک تجارت محکمه سنه حواله سی اقتضایتمه جکی یولنده بیان مطالعه ایله مشدر.

کیفیت لیدی التذکر، مدعی علیه مرقوم سند مذکورک امره محرر اولدیغندن بحثله دعوانک محکمه تجارتیه لزوم حواله سنی دعوی ایتمش ایسه ده سند مذکورک عادی سند اولدیغنه دأر مدعی عمومی معاونتک اولبابده اولان مطالعه واقعه سی نفس الامرہ موافق واحکام قانونیه به مطابق کورلدیکنه مبنی دعوی مذکورہ نک رؤتی، محکمه نک صلاحیتی داخلنده اولدیغنه دأر ویریلن قرار طرفینه تفهیم قلندقدن صکره اساس دعوانک محاکمه سنه مبادرت اولنمشدر.

مدعی علیه مرقومک جوابی نه اولدیغنی استفسار اولندقدہ سند مذکورک یازوسی کندو یازوسی اولمادیغنی وکندوسی اوقور یازار طاقندن بولندیغنی حالده آخرک یازوسیله ظهور ایدن بویله سنده اعتبار ایدمه جکنی بیان ومدعی مرقوم دخی کرچه سنده محرر اولان یازو، مدعی علیه مرقومک کندو یازوسی دکلسه ده زیرنده موضوع اولان مهر کندوسنک اولدیغنی ... محکمه سی مقاولات محررلکنک وقوع بولان تصدیقندن آکلاشیله جغنی درمیان ایله مش وهرایکی طرف افادات مشروحه لری خارجنده بشقه بردیہ جکلری اولمادیغنی بیان ایتدکاری ایچون ختام محاکمه لری تفهیم قلنمشدر.

کیفیت مذاکره اولندقدہ مدعی علیه مرقوم، کندوسی اوقور یازار طاقندن اولدیغنی حالده آخرک یازوسیله ظهور ایدن سنده اعتبار ایتمه جکنی بیان ایله سند مذکورک حاوی اولدیغنی مبالغ مذکورہ نک ذمتده دینی اولدیغنی انکار ایتمش ایسه ده سند مذکورک زیرنده موضوع مهر کندوسنک اولدیغنی، مذکور ... محکمه سی مقاولات محررلکنک اصول وقاعده سنه توفیقاً وقوع بولان تصدیقیله مؤید اولدیغنه بناءً مدعابه اولان مبلغ مذکور ...

غروشه، ایام گذشته سی اوله رق حساب ایدیلن ... غروشك ضمیمه بالغ اولدیغی ... غروشك مرقوم (ح) دن تحصیلنه، ... غروش خرج اعلام، ... غروش صورت، ... غروش تبلیغ و ... غروش ورقه بهاسی که جمعاً ... غروشك حقسز چیقان مرقوم (ح) یه راجع اولمق اوزره مرقوم (ب) دن اخذ واستیفا اولماسنه ... تاریخنده متفقاً ویریلن قرار طرفینه تفهیم قلندی .

صورت اخری : نومرو ۵۲

... ده مقیم فاطمه زهرا بنت حسن امضاسیله ... بدایت محکمه سنه تقدیم قلنان ... تاریخلو عرضحال قرائت اولندی .

خلاصه مآلنده، کندوسنی تطلیق ایدن ... ده مقیم ... نام زوج سابقی طرفدن نفقه تقدیری لزومنی مستدعی اولدیغی کورلمشدر .

طرفین تبلیغ قلنان برنجی احضار ورقه سی اوزرینه محکمه یه کلش اولمالریله تعلق واقعه بناء بدایت محکمه سی مدعی عمومی معاونی ... افندی حاضر اولدیغی حالده محاکمه لرینه ابتدار اولندی . مدعیه مزبورده مال عرضحالی بعد التکرار مرقوم (ت) کندوسنی ... تاریخنده تطلیق ایله مش اولمغله، بویله مطلقه اولان برزوجه نك نفقه سی، عدت معینه نك مرورینه قدر زوجی اوزرینه واجب بولمغله ایجاب ایدن نفقه نك تقدیر یله مرقوم (ت) دن بالتحصیل کندویه اعطاسنی طلب ایله مشدر . مرقوم (ت) دخی مزبورده فاطمه زوجه سی ایکن تطلیق ایله دیکنی، محکمه جه تقدیر اولنه حق نفقه نی اعطا و تسلیمه مهیا اولدیغنی بیان وانبا ایش ایسه ده خصوص مذکور، شرعاً رؤیتی مقتضی اولان مواددن اولمق جهتیله اصول محاکمه نك ... نجی ماده سی موجباً طرفینک محکمه شرعیه لزوم مراجعت لرینه و ... غروش خرج اعلام ... غروش صورت ... غروش تبلیغ خرج لر یله ... غروش ورقه بهاسنک مزبورده

فاطمه به راجع اولمق اوزره مدعی علیه مرقوم (ت) دن آلتاسنه . . . تاریخنده ویریلوب طرفینه تفهیم قلنان قراره، مزبورہ فاطمه قانع اولمایوب استیناف ایدہ جکنی بیان ایله دیکندن قرار واقع اولوجهله اعلامه ربط قلمشدر .

صورت اخیری: نومرو ۵۳

. . . ده مقیم (ب) طرفندن . . . محکمه سنه ویریلن . . . تاریخلو عرفحال قرائت اولندی. خلاصه مألنده . . . ده مقیم (ح) دن مبايعه ایتدیکی ۴۰ کوفه پورتقالک تسلینده امتناع ایلمکده اولمغله مرقوم (ح) نک مذکور پورتقاللری تسلیمه مجبور طوتلای و مذکور پورتقاللر، مائل تلف اولمق جهتیهله مرقوم (ح) نک اصول محاکمه حقوقیه قانون موقتک ۳۳ نجی ماده سنجه مستجلاً جلی استدعا اولمشدر .

خصوص مذکورک مواد مستجله دن اولدیغنه محکمه جه قناعت حصوله کلش اولمغله اصول محاکمه نک ۳۳ نجی ماده سنه توفیقاً فی الحال دعوتی مشعر تسطیر قلنان دعوتیه اوزرینه، طرفین محکمه یه کلر یله محاکمه لرینه ابتدار اولندی. مرقوم (ب) نک افاده سی استفسار اولندقدہ عرفحال نک مالی تکرار ایله دکن صکره نه دیه جکی مرقوم (ح) یه سؤال اولندقدہ کندی اقامتکاهی . . . قصبه سی اولوب جلب اولندیغی محکمه، لاجل التجاره موقتاً بولندیغی محل اولدیغنه و اصول محاکمه حقوقیه نک ۱۸ نجی ماده سنجه هر دعوی مدعی علیه ک اقامتکاهی محکمه سنده کورملک لازم بولندیغنه بناءً اساس دعوا یه جواب اعطاسنه مجبور ایلمکسزین محکمه نک مرقوم (ب) طرفندن اقامه اولنان دعوا یی رؤیتدن امتناع ایتیبی لزومی بیان و بوجهت، وظیفه یه متعلق اولمغله مدعی عمومی افدینک حضورینی طلب ایتش اولمقدن ناشی مدعی عمومی افدینک جلبنه و اول امرده وظیفه مسئله سنک تدقیقنه محکمه جه قرار ویرلمشدر.

بدایت محکمه سی مدعی عمومی . . . افندی حاضر اولدیغی حالده

اوراق دعوی تکراراً حضور لرنده قرائت ایله افاده لری صورلدی. مدعی مرقوم (ب) افادات سابقه سنی تکرار ایتمش و مرقوم (ح) دخی مرقوم (ب) نک اصل اقامتکاهی... قصبه سی ایسه ده جلب اولندیغی محکمه دأره سنده صورت دائمه ده تجارتله اشتغال ایتکده اولماسی و دردست رؤیت اولان دعوانک ذاتاً مواد مستجله دن بولنماسی، دوام محاکمه یه برسبب قانونی اوله بیله جکنی بیانله افادات مسروده لری خارجنده بر دیه جککری اولمادیغی هر ایکی طرف درمیان ایله مشدر.

مدعی عمومی افدینک مطالعه سی صورلدقده افندی مومی ایله دخی مدعی علیه مرقوم (ح) قانوناً اقامتکاهی... قصبه سی اولغله مدعی مرقومک دعواسنی عرض ایتدیکی محکمه، دوام محاکمه یه صلاحیتدار اولمادیغی سویله مش و امر محاکمه نک ختام بولدیغی طرفینه تفهیم قلمشدر.

ایجاب کیفیت مذاکره اولندقده مدعی علیه مرقوم (ح)... سویله دیکنه و اصول محاکمه نک ۱۸ نجی ماده سی،... حکمنی متضمن اوله رق مدعی عمومی افدینک مطالعه واقعه سی دخی نفس الامر موافق کورلدیکنه بناء مدعی مرقوم (ب) نک دعوا ی مذکورده سیله مدعی علیه مرقومک اقامتکاهی محکمه سی اولان... قصبه سی بدایت محکمه سنه مراجعت حتی باقی قالمق اوزره دعوا ی معروضه یی رؤیت محکمه نک وظیفه دار اولمادیغنه و مفرداتی زیرده محرر اولان... الخ.

صورت اخیری: نومرو ۵۴

... طرفندن ویریلن عرضحال قرائت اولندی. خلاصه مالی... دن عبارتدر.

عرضحالده دخی محرر اولدیغی اوزره مدعی علیه مرقوم (ح) نک معلوم بر اقامتکاهی بولنماسنه مبنی اصول محاکمه حقوقیه نک ۲۸ نجی ماده سنجه تنظیم

و تسطیر اولنان دعوتیه و ورقه سنک بر نسخه سی محکمه نك دیوانخانه سنده تعلیق،
 بر نسخه سی ... ولایت غزته سیله و دیگر بر نسخه سی در سعادته ... لسانی
 اوزره نشر اولنان ... غزته سیله نشر و اعلان اولندی. مذکور دعوتیه
 ورقه سیله طرفینک محکمه یه کلری ایچون تعیین ایدیلن بیک الح سنه سی شهر
 شعبانک ۱۰ نجی کونی مدعی مرقوم (ب) محکمه یه کلدیکی کبی مدعی علیه مرقوم
 (ح) دخی بالذات کش اولمغله محاکمه لرینه ایتدار اولندی. صورت ادعاسی مدعیدن
 استفسار اولندقدمه مال عرضحالی تکرار له غایب عن المجلس ... ده مقیم (ع) ه
 اقراض ایتدیکی ... غروشک اداسنه مدعی علیه مرقوم (ح) کفیل اولدیغندن
 مطالبه خصوصنده کی خیار قانونیسی حسبیه مبالغ مکفول بهانک بحسب الکفاله
 مرقوم (ح) دن تحصیلنی دعوی و برقطعه سند ابراز ایله دی. لدی المطالعه ...
 تاریخلو ... امضالی اولوب متی، (ع) «ك» (ب) یه اصیلاً مدیون اولدیغنه
 دایر عباره سنی حاوی و ظهیری دخی (ح) امضاسیله مضی بولتمشدر. مالی، درون
 سندده «مدیون کوستریلن (ع) بورجی ویرمز ایسه بن ویرزم» شکل کفالتی
 محتوی اولدیغی کورلمکله سند مذکور، مدعی علیه مرقوم (ح) یه اراه اولندقدمه
 ظهر سندده موضوع (ح) امضاسی کندی امضاسی اولدیغنی اقرار و شکل
 کفالتی اعترافله برابر ظهر سندده محرر اولان صورت کفالتله نظراً کندوسنک
 (ع) ه اولان کفالتی (ع) ك دینی عدم تأدییه سنی شرطنه معلقدر. بصورت کفالتله
 کوره ایسه مرقوم (ب) مدیونی اولان (ع) دن آله جغنی رسماً طلب ایله مدجکه
 و (ع) ك تأدییه دینده امتناعی ظاهر اولمادجقه کندوسنک کفالتله مؤاخذه سی
 جائز اولمادیغنی حالدده مرقوم (ب) نك کندوسنی مطالبه ده مخیر عدیله مطلوبنی
 طوغریدن طوغری کندوسندن ایسته سی مخالف قانون اولدیغنی بیان و علیینه
 اقامه اولنان اشبو دعوادن طولایی قانوناً مکفول له اولان (ع) ه حق رجوعی
 اولمغله اصول محاکمه نك ۱۸ نجی ماده سنجه مرقوم (ع) ك دخی جلی ایله
 محاکمه لرینک اولوجهله رؤیتی لزومنی درمیان ایتمشدر. لدی السؤال، مرقوم

(ب) دخی آله جغنی میدیونی اولان (ع) دن طلب و دعوی ایتمه مش اولدینی آکلاش لدن صکره لدی التامل؛ مدعی علیه مزبور (ح) نک (ع) ه جهت کفالتدن منبعث اولان حق رجوعی؛ اولباده اولان سندله متحقق اولدیغنه و مرقوم (ح)؛ (ع) ک دخی لزوم جلبی ایله محاکمه لرینک برلکده رؤیتی حقنده اولان دفعی بدایت جریان محاکمه ده درمیان ایتدیکنه بناءً مرقوم (ح) نک دفع واقعنک قبولیه محاکمه نک موقتاً تعلیقنه و مرقوم (ع) ک اصولاً جنبه قرار ویرلمشدر.

مرقوم (ع) طرفنه دعوتیه تسطیر قلنه رق تعلیق ایدیلن یومده مرقوم (ع) ایله مزبوران (ب) و (ح) محکمه یه کیش اولمالریله محاکمه لرینه مبادرت و مذکور عرفحال ایله ضبط دعوی حضور لرنده قرائت اولندی.

نه دیه چکی مرقوم (ع) دن سؤال اولندوقده اساس دعوایه جواب ویرمکسزین کندوسنک اقامتکاهی ... قصبه سی اولوب کندوسی دخی دعواده مدعی علیه اولدیغنه و هر دعوی؛ مدعی علیه اقامتکاهی محکمه سنده کورلمک لابد اولماسنه بناءً جلب اولدینی محکمه ده قبول محاکمه یه قانوناً برکونه مجبوری اولمادیغنی بیان ایله مشدر. بوجهت؛ محکمه نک وظیفه سنه متعلق دیمک اولغله تعلیق جهتیله احضار اولنان مدعی عمومی افندی حضورنده مرقوم (ع) ک افاده سی تکرار ایتدیرلدکن صکره مرقوم (ب) نک دخی افاده سی استفسار اولندی.

مرقوم (ع) ک اقامتکاهی ... قصبه سی اولدینی اعترافه برابر دعوانک مدعی علیه اقامتکاهی محکمه سنده کورلمک قاعده سی؛ دعوا ی اصلیه مدعی علیه لرینه مخصوص اولوب یوقسه بومثلو حادث اولان دعوالرده مدعی علیه اولانلر؛ دعوا ی اصلیه ده مدعی علیه اولانلرک محکمه سنه تابع اولمالری؛ قانوناً استثنا اولنان احکامدن اولغله مرقوم (ع) ک وظیفه حقنده اولان دفعی؛ خلاف قانون اولدینی بیان و هر ایکی طرف اشبو افاده لری خارجنده بشقه بر دیه جکلری اولمادیغنی سوبله ملری اوزرینه مطالعه سی استفسار اولنان مدعی عمومی مومی - ایله دخی مرقوم (ع) ک دعواده مدعی علیه اولدیغنه بالاستناد؛ علیه اقامه

اولنان دعوان طولای محاکمه سنک اقامتکاهی ... محکمه سنده لزوم جریانی سویله مش ایسه ده مرقوم (ع) ک مدعی علیه اولماسی، مؤخرأ حادث اولان کفالت مسئله سنه کوره اولوب دعوا ی اصلیه ده مدعی علیه (ح) اولدیغنه و بویله دعوا ی اصلیه ایله دعوا ی فرعیه مدعی علیه لری تعارض ایتدکده اعتبار، دعوا ی اصلیه ده مدعی علیه اولانک اولدیغی اصول محاکمه حقوقیه نک ۱۸ نجی ماده سی فقره استثنایه سی احکامندن اولدیغنه بناء مرقوم (ع) ک وظیفه حقنده اولان اعتراضی، مخالف قانون اولدیغی یولنده بیان مطالعه ایله مش اولغله محاکمه لرینک ختام بولدیغی طرفینه تفهیم قلندی.

ایجاب کیفیت مذاکره اولندقده مدعی علیه مرقوم (ع) ک جهت کفالتدن مرقوم (ح) علیه آچدیغی دعوان طولای حق رجوعنی اثبات ایدن مرقوم (ح) ک طلبیه محکمه یه جلب اولنان مرقوم (ع) ک جاب اولدیغی محکمه، کندی اقامتکاهی محکمه سی اولمادیغندن محکمه نک رؤیت دعوا یه وظیفه دار اولمادیغنی ادعا ایتمش. مرقوم (ع) ک جلب اولدیغی محکمه کندی اقامتکاهی محکمه سی اولمادیغنی بدیهی بولمیش ایسه ده بومثللو دعوا ی اصلیه ایله دعوا ی فرعیه مدعی علیه لری اجتماع ایتدکده دعوا ی اصلیه ده مدعی علیه اولان شخصک اقامتکاهنه اعتبار ایتک اصول محاکمه نک ۱۸ نجی ماده سی فقره استثنایه سی احکامندن بولدیغنه ومدعی عمومی افندینک مطالعه واقعه سی موافق نفس الامر گورلدیکنه بناء مرقوم (ع) ک وظیفه حقنده اولان اعتراضک ردینه ... تاریخنده متفقاً ویریلوب طرفینه تفهیم اولنان قراری، مرقوم (ع) عدم قبول ایله استیناف ایده جکنه بناء قرار واقعک اعلام صورتنده اعطاسنی طلب ایله مکله قرار مذکورک اعلامه ربطی تنسب قلندی.

اشبو یازیلان علامات صورتلری، وقوعاتک صورت جریانی ترتیبی اوزره یازیلان صورتلردر. برده مجله نک بر ماده سی اوزرینه فرضی اوله رق زهنده ترتیب اولنه جق محاکمه صورتی اوزرینه اعلام تنظیم ایتک قاعده سی

وارد رکه بواصول، باب ^{مشيخته} نوابك فعلاً نیابته اهلیتلی تفتیش و امتحان اولنق اوزره قاعده الحاذ اولمشدر.

بو قاعده، بجهنك اعلام اولنق ایسته نیلن ماده سی اوزرینه اولان تصویر دعوی ایله مدعی و مدعی اوله جق اشخاصی تعیین و هر برینك اقامه ایده جکی صورت دعوی ایله آکا مقابل ایراد اولنه جق مدافعات ترتیب و آکا کوره اعلامی تنظیم اولنقندن عبارتدر.

بو بابتده یازیله جق اعلامك، خطادن سلامتنی تأمین ایتمش اولنق ایچون اعلامات ابتدایه بحثنده بیان اولندیغی وجهله «کتاب الدعوی» نك مسائل کلیه سنی و تصویری مراد اولنان مسئله نك متعلق بهی اولان کتابك كذلك قواعد کلیه سنی مطلقاً در خاطر ایتك لازمدر.

مسئله اوزرینه اعلام تنظیم اولنق خصوصنده اك زیاده مشکلاته تصادف اولنان شی، مسئله دن مدعی و مدعی علیی استخراج ایتك مسئله - سیدر؛ زیرا بعض مسائلده هر هانکی طرف مدعی یا پلسه جائز اوله بیلور ایسه ده (۴۷۹نجی ماده یه باق) بر طاقم مسائلده، (مثلاً) : سیاق مسئله، موجری مدعی یا مق ایجاب ایدرکن مستأجری مدعی یا مق، دعوانك عدم صحتنی موجب اولدیغی کبی (۵۲۲ و ۵۰۸ ماده لره باق) دیگر بر طاقم ماده لرده ده بر طرفی مدعی یا مق مرجع اولور. (۴۷۸ ماده یه باق) ایمدی مسئله دن مدعی و مدعی علیی استخراجده مشکلاته تصادف اولندیغی حالده یالکز او مسئله نك مفادینه حصر نظر اولنمایوب ماقبلی و مابعدینی تدقیق و اصل مأخذی اولان کتب فقهیه یی تتبع، اکثریا استخراج مطلوبه خدمت ایدر. برده مسئله اوزرینه اعلام یا بیلیر. او حالده اعلام، هم مسئله یی تمامی تمامنه محیط اوللی همده خارجنه چیقما ملیدر.

آتی ده صورتی محرر اعلامك مستند اولدیغی ماده قانونیه که - محال له فوت اولوبده محال علیه آکا وارث اولسه حواله نك حکمی قلماز -

ماده سیدر. حلی مشکل اولق جهتنجه خیلجه شهرت بولمشدر. فی الحقیقه وهله نظرده ماده مذکورهدن مدعی و مدعی علیه چیقارمق مشکل گورینور. لکن مجوٹ عنه اولان اشبو مسئلهنک ماقبلنه نظر اولندقدہ مدعی و مدعی علیه سهولته تعین ایدر. زیرا «حوالهنک حکمی قالماز.» ترکیبنک دلالتیله حوالهنک حکمی حاوی اولان مجلهنک ۶۹۰ نجی مادهسنه مراجعت اولندقدہ کوریلورکه حوالهنک حکمی، محیلک برائت ذمتندن عبارتدر. اویله ایسه فرض ایدلم که: زید، معین برمقدار دینی ایچون داینی عمروی برادرزادهسی بشیر اوزرینه حواله مطلقه صحیحه ایله حواله ایدر؛ بعده محال له عمرو فوت اولور. محال علیه بشیر، آکا منحصرأ وارث قالور. بونک اوزرینه بشیر، بحسب الارث انتقال ایدن حق زیددن طلب ودعوی، زید دخی مبلغ مدعا به ایله متوفی عمروی بشیر اوزرینه حواله ایتمش اولدیغندن بحثله ذمتی بری اولدیغنی و بنابرین بشیرک دعواسنک ردینی ادعا ایلر. ایشته بونک اوزرینه ماده مذکوره حکمنجه زیدک دفع واقعتک ردیله مبلغ مدعا بهی اعطایه حکم اولنور.

صورت: نومرو ۵۵ ماده مجله ۷۰۰

... ده مقیم (ب) امضاسیله ... محکمهسنه ویریلن ... تاریخلو
عرضحال قرائت اولندی.

خلاصه مألده ... ده مقیم ایکن بوندن مقدم وفات ایدن عموجهسی
(ع) ک ... ده مقیم (ط) ذمتده برقطعه سند موجبنجه ... غروش
آلهجنی بولنش و مرقوم (ع) مبلغ مذکوری قبل الاستیفا وفات ایدوب
ورائتی کندینه منحصر اولمش اولغله مورثی، مرقوم (ع) ک مرقوم (ط)
ذمتده آلهجنی اولان مارالبیان ... غروشک مرقوم (ط) دن تحصیله
طلب واستدعا اولمشدر.

علی الاصول تبلیغ قلنسان برنجی دعوتیه ورقه لری طرفین ایله یوم معینده محکمه یه کلر یله لدی الاستجواب مدعی مرقوم (ب) عرضحالی مألنی شفاهاً دخی تکرارله متوفای مرقوم عمی وکندوسی متوفای مرقومک حصراً وارثی اولدیغنه دائر... تاریخلو وقضای مذکور نأبی بولنان... افدینک امضا وخاتمی حاوی... محکمه شرعیه سندن معطی برقطعه اعلام ایله مذکور سندی ابراز ایله دی. لدی المطالعہ... تاریخیه مورخ امضاسیله ممضی اولدیغی و خلاصه مألنی،... عبارت ایدوکی کورلمشدر.

سند مذکور ارانه اولنه رق نه دیه چکی مدعی علیه مرقوم (ط) دن سؤال اولندقدہ سند مذکورده موضوع امضا ومهر کندوسنک امضا ومهری اولدیغنی وسند مذکورک حاوی اولدیغنی مبلغ مذکور متوفای مرقوم (ع) ایچون ذمتده دینی بولندیغنی اقرار ایتشدر. آتجق کندوسی، دانی متوفای مرقوم (ع) ی حیاتنده دین مذکور ایله مدعی مرقوم (ب) اوزرینه اوچی ده حاضر وراضی اولدقلری حالده حواله مطلقه ایله حواله ایتمش اولمغله وحواله نك حکمی محیلک دیندن براننی مستلزم بولمغله مرقوم (ب) ک کندو- سندن سنه طلبنه حتی اولمادیغنی سویله مشدر. مدعی مرقوم (ب) دخی دعوی اولنان حواله بی بعدالتصدیق محال له مرقوم (ع) ک وفاتی وکندوسنک حصراً وارث بولنمسی مناسبیله حواله مذکورہ نك حکمی قلمادیغنی بالیان مبلغ مذکورک تحصیلچون حکم اعطاسنی دعوی ایتشدر. بونک اوزرینه طرفین افادات مبسوطه لری خارجنده بشقه بردیہ جکلری اولمادیغنی عندالسؤال سویله مش اولمالریله ختام محاکمه لری تفهیم قلمشدر.

ایجابی لدی المذاکره، مرقوم (ط) مدعینک مورثی (ع) ذمتده دینی اولان... غروشه مدعی مرقوم (ب) اوزرینه حواله ایتمش اولدیغندن بخله ذمتی بری اولدیغنی مقام دفعده ایراد ایتشدر. آتجق محال له متوفای مرقوم (ع) ک وراثتی، مدعی مرقوم (ب) ه منحصراً اولدیغنه ومجاهه نك ۷۰۰ لنجی

ماده سنده « محال له فوت اولوبده محال علیه آکا وارث اولسه حواله نك حكمی قالماز. » دیو مصرح اولوب حواله نك حكمی ایسه محیلک برائت ذمتندن عبارت اولماسنه کوره محال لهك فوتی و محال علیهك منحصر آکا وارث اولماسیله محیلک ادعا ایتمدیکی برائت نك حكمی قالماش ومدعی مرقوم (ب) ك متوفی داین مرقوم (ع) ه وراثتی اعلام شرعی مرقوم ایله ثابت اوله رق مدعی مرقوم (ب) مورثی مرقوم (ع) ك حقوقنی اکتساب ایله مشدر. بناء علیه مبلغ مذکور... غروشك مرقوم (ط) دن بالتحصیل وارث مرقوم (ب) یه اعطاسنه ... غروش مصارف محاکمه نك حقسنر چیقان مرقوم (ط) یه راجع اولوق اوزره اول امرده مرقوم (ب) دن اخذینه ... تاریخنده صورت قطعیه ده متفقاً قرار ویریلوب طرفینه تفهیم اولندی.

﴿ ایکنجی فصل ﴾

غیاباً ویریلین اعلاملر مقننه در

اعلامده، عرضحالك خلاصه سی، طرفینك صورت جلبلریله دعوته اجابت ایتمه لری اوزرینه اوچر کون مدته اوچ احضار کوندرلدیکی، مدعینك طلبیله مدعی علیه حقنده اصول محاکمه حقوقیه نك ۱۴۴ و ۱۴۵ هجری ماده لرینه توفیقاً غیاباً رؤیت محاکمه یه قرار ویرلدیکی ومدعی علیهك حقوقنی محافظه ایچون طرفندن محکمه جه وکیل مسخر تعیین قلدینی یازلدقن صکره اولا: مدعینك، بعده وکیل مسخرك افاده لری یازیلور وماده یه قرار ویریلوب قرارك غیاباً ویرلدیکی دخی بیان اولنور.

صورت : نومرو ۵۶ ماده ۱۴۴

..... طرفندن ویریلن عرضحال قرائت اولندی . خلاصه مآلی،
..... دن عبارت بولمشدر.

طرفین برای محاکمه محکمه کلمری ایچون کوندریان اوچ احضاریه لریک
زیرینی امضا ایتدکاری حالد مدعی مرقوم کلش ایسه ده مدعی علیه ایام معینه ده
بالذات کلکدن وکیل کوندرمکدن تمرد و امتناع ایتمشدر . مدعی مرقوم ایسه
حکم غیابی اعطاسی طلبنده بولمش اولمغله اصول محاکمه حقوقیه نک ۱۴۴ و ۱۴۵ نجی
ماده لری احکامنه توفیقاً اولوجهله غیباً رؤیت محاکمه قرار ویرلدی .

مدعی علیه مرقوم . . . نک حقوقی محافظه ایچون طرفندن دعوی
وکیللرندن . . . اقدی وکیل مسخر نصب اولندقدن صکره غیباً رؤیت محاکمه
ابتدار اولندی . صورت ادعاسی مدعیدن استفسار اولندقدن مال عرضحالی
بعد التکرار مدعی علیه مرقوم ذمتنده جهت قرضدن . . . غروش
آله جنی اولدیغندن مبالغ مذکورک کندوسندن تحصیلنی دعوی وکیل مسخر
مومی الیه ایسه مدعینک دعوی مذکورهنی انکار ایتمش و مدعی مرقوم بر
وجهله اثباتی اولمادیغنی بالبیان مدعی علیه دینی بالذات انکاری حالنده
مدعی علیه یمن تکلیف ایده جکندن مدعی علیه تحلیفه تعلیقاً محکوم
ایدلمسنی طلب ایله مش وافادات مسروده لری خارجنده برده جکلی اولمادیغنی
طرفین سویله مش اولمالریله محاکمه لری ختام بولدیغنی تفهیم قلمشدر .

ایجاب کیفیت مذاکره اولندقدن مدعی علیه، اصولاً اوچر کون مدتله
بشقه بشقه تبلیغ قلنان اوچ قطع احضاریه لر ایله تعیین قلنان کونده کله مش
و مدعی مرقوم، مدعی علیه دینی بالذات انکاری حالنده یمن تکلیف
ایده جکنی بالبیان مدعی علیه مبلغ مذکورک اداسیله محکومیتنی طلب
ایتمشدر . بوطلی دخی قانونه موافق بولمش اولماسنه مبنی مدعی علیه، اعتراض

علی الحکم ایله مدعینک دینی بالذات انکار ایده جک اولدینی حالده اولوجهله تحلیفه تعلیقاً مدعی مرقومک ادعا ایتدیکی . . . غروشک ذیل اعلامده محرر مصارف محاکمه ایله برابر مدعی علیه مرقومدن تحصیلنه فی . . . سنه . . . تاریخده قابل اعتراض اولمق اوزره غیاباً و متحداً ویریلن قرار طرفینه تفهیم اولندی.

صورت اخری : نومرو ۵۷ ماده ۱۴۸

. طرفندن ویریلن عرضحال قرائت و مطالعه اولندی.
 خلاصه مألده، . . . ده مقیم ایکن وفات ایدن (ب) ذمتده با سند آله جنی اولان . . . غروشی قبل الاستیفا مرقوم (ب) وفات ایدوب ترکه سنه کیر اوغللری . . . ده مقیم . . . و . . . و . . . واضع الید اولدقلرندن بحشله مرقومونک محکمه یه بالجب مبلغ مذکورک مع مصارف محاکمه واضع الید اولدقلری متوفای مرقومک ترکه سندن تحصیلنه حکم اعطاسی استدعا اولمشدر.
 طرفین تبلیغ قلنان برنجی احضاریه ورقه سیله تعیین قلنان کونده اصالة محکمه یه کلش اولمالریله محاکمه لرینه بالابتدار صورت ادعاسی مدعیدن استفسار اولدقدده استدعاسی مألنی شفاهاً دخی تکرار و بر قطعه سند اراز ایلدی.
 سند مذکور لدی المطالعه، فی . . . سنه . . . تاریخله مورخ و «ب» امضاسیله ممضی اولوب مألنی، دن عبارت اولدینی کورلدی.

کیفیت مدعی علیه تفهیم ایله نه دیه جکلری صورلدقدده برکونه معذرت مشروعه سی اولمقسزین ایچلرندن . . . نام کسنه محاکمه یه طور شتمقدن تمرد و امتناع ایدرک محکمه دن حیتمش و اصول محاکمه حقوقیه نک ۱۴۸ نجی ماده سنه توفیقاً آرو آرو تبلیغ قلنان ایکنجی و اوچنجی دعوتیه ورقه سی اوزرینه یوم معینده محکمه یه کلکدن ینه تمرد و امتناع ایتش و مدعی مرقوم کلین حقدده غیاباً، کلنر حقلرنده ده و جاهاً محاکمه لرینک رؤیتی طلب ایتش اولمغه

متردد مرقومک حقوقی محافظہ ایچون طرفندن دعوی وکیلرندن . . .
افندی وکیل مسخر نصب وتعیین قلدقدن صکرہ مدعی علیہم مرقوموندن
. . . و . . . و . . . و . . . و . . . و . . . و . . . و . . . و . . . و . . .
نک غیابنده رؤیت محاکمہ لرینہ
ابتدار اولندی .

مدعی مرقوم سند مذکور منطوقنجه متوفای مرقوم ذمتنده . . . غروش
آله جنی اولدینی حالده قبل الاستیفا وفات اتمکله ومتوفای مرقومک ترکہ سنه
مدعی علیہم مرقومون واضع الید اولمالریله مبلغ مذکورک مدعی علیہمک
واضع الید اولدقلمری متوفای مرقومک ترکہ وافیه سندن تحصیلنی طلب
ودعوی ایلدی .

سند مذکور مدعی علیہم مرقوموندن . . . و . . . و . . . و . . . وکیل مسخر
مومی الیه لدی الارأه، نه دیه جکلری صورلدقده مزبوران . . . و . . .
. . . سند مذکورده موضوع امضا پدرلری مورثلرینک امضاسی اولدینغی
وترکہ یه کندیلمری واضع الید بولندقلمری اقرار ایتمش وکیل مومی الیه
ایسه سند مذکورده موضوع امضاء، موکلنک پدری امضاسی اولدینغی
بیلمدیکنی و مرقومان . . . و . . . و . . . و . . . و . . . و . . . و . . .
و قرار، و اقرار، حجج قاصرددن اولمق جهتیله موکلنه ساری اولیه جغندن
موکلنک اشبو حکمدن استثنایا طوتلمسینی علاوهً بیان ایله مشدر .

وکیل مومی الیهک افاده سنه نه دیه جکی مدعیدن صورلدقده سندده موضوع
امضاء، متوفانک اولدینغی مدعی علیه مرقوم اعتراض علی الحکم ایله بالذات
انکار ایده جک اولور ایسه تطبیق، تدقیق و یمین تکلیفیله اثبات ایده جکنی
بیان ایله مش و بونک خارجنده بر دیه جکلری اولدینغی ایکی طرف جواباً
سویله مش اولمالریله محاکمہ لرلی ختام بولدینغی تفهیم اولنمشدر .

ایجاب کیفیت مذاکره اولندقده مدعی علیهمدن مرقومان . . . و . . .
. . . و . . . مدعی مرقومک اولوجهله مورثلری ذمتنده . . . غروش آله جنی

اولدیغنه دار ابراز ایتمدیکی سندده کی امضا، مورتلرینک امضاسی و مبلغ مذکور دینی اولدیغنی اقرار ایتمش. بوکا مبنی مجله نك ۱۶۴۲ ماده سی حکمنجه حصه دینلری اولدیغنی حساب ایدیلن . . . غروشک واضع الید اولدقلری ترکه متوفای مرقومدن اوله رق کاندولرندن زیرده محرر مصارف محاکمه دن حصه لرینه اصابت ایدن . . . غروشله برابر تحصیلنه، وکلین . . . حقنده حکم واقعک عدم سرائتی حقنده کی وکیل مسخر مومی الیهک افاده واقعه سی موافق اصول و قانون ایسه ده مدعی مرقوم انکار اولنان امضا متوفانک امضاسی اولدیغنی مدعی علیه اعتراض علی الحکم ایله بالذات انکار ایده جک اولور ایسه تطبیق، تدقیق و یمین تکلیفیه اثبات ایده جکنی بیان ایتدیکنه و بو افاده سی موافق قانون اولدیغنه مبنی مرقوم . . . و . . . نك اعتراض علی الحکم ایله دین مذکوری و سندده موضوع امضایی بالذات انکار ایده جک اولور ایسه علی الاصول تطبیق و تدقیق ایتدیلمک و پدرینک امضاسی اولدیغنی تبیین ایتدیکی حالده کندوسنه یمین تکلیف اولنق اوزره اولوجه له تطبیق و تدقیق ایله تحلیفه تعلیقاً و مرقوم . . . و . . . ک دخی بالحساب حصه دینی اولان . . . غروشک زیرده محرر مصارف محاکمه دن هر برینک حصه سنه اصابت ایدن . . . غروش ایله برابر مرقوم . . . و . . . دن تحصیلنه فی سنه تاریخنده مدعی علیهم مرقوموندن . . . و . . . حقلرنده و جاهاً و مرقوم . . . نك حقنده قابل اعتراض اولمق اوزره غیاباً و متحداً قرار ویریلوب طرفینه تفهیم قلندی . فی سنه

صورت : نومرو ۵۸ ماده : ۱۴۲

. . . ده مقیم (ب) طرفندن . . . بدایت محکمه سنه اعطا اولنان . . .
تاویخلو عرضحال قرائت اولندی.
خلاصه مألنده، . . . ده مقیم (ع) ذمتده آله جنی اولان . . . غروشک
تحصیلی خصوصی طلب اولندی.

تبلیغ قلمن او چنجی دعوتیہ ورقہ سی ایلہ تعین ایدیلن کوندہ مدعی
 علیہ مرقوم کلش ایسہدہ مدعی مرقوم (ب) کلدیکنہ و مدعی علیہ مرقوم
 اصول محاکمہ یہ توفیقاً حق محاکمہ نك سقوطی طلب ایلدیکنہ منی اصول
 محاکمہ حقوقیہ نك ۱۴۲ نجی مادہ سی احکامنہ توفیقاً مرقوم (ب) ك حق
 محاکمہ سنك موقتاً سقوطنہ و ... غروش اعلام و ... غروش تبلیغ
 خرجیلہ ... غروش ورقہ بهاسی کہ جمعاً ... غروش مصارف محاکمہ نك
 مدعی (ب) ہ راجع اولمق اوزرہ مرقوم (ع) دن اخذ واستیفا اولماسنہ ...
 نارینخنده متفقاً ویریلن قرار صورتی مرقوم (ع) ہ تبلیغ اولندی.

صورت اخری : نومرو ۵۹

... طرفدن ویریلن عرضحال قرائت اولندی .
 خلاصہ مالی ، ... ذہ مقیم اولدینی حالہ مؤخرأ خانہ سنی فروخت
 ایلہ الحالہ ہذہ محل اقامتی بیلنمہن (ح) نام کسنہ ذمتندہ ... غروش
 آلہ جغنك تحصیلی استدعاسندن عبارتدر .
 جلبی استدعا اولنان (ح) ك اقامتکاهی معلوم اولماق جهتیلہ اصول
 محاکمہ نك ۲۶ نجی مادہ سی حکمنجہ محکمہ جہ تسطیر قلمش اولان دعوتیہ
 ورقہ سنك بر نسخہ سی ... تاریخندہ محکمہ دیوانخانہ سندنہ تعلیق و بر نسخہ سی
 ... ولایتی غزتہ سیلہ و دیگر بر نسخہ سی دخی درسعادتنہ نشر اولنان
 ... غزتہ سیلہ نشر و اعلان ایدلمش اولدینی حالہ مرقوم (ح) ظهور
 ایتہ مش اولمغلہ معاملہ واقعہ مذکورہ مرقوم (ب) ك طلبیلہ ایکنجی دفعہ
 اولہرق ... تاریخندہ و اوچنجی دفعہ اولہرق ... تاریخندہ تکراراً اجرا
 قلمش ایسہدہ صوک اعلاننامہ ایلہ طرفینك محکمہ یہ کلگری ایچون تعین
 ایدلمش اولان کوندہ مرقوم (ب) کلدیکی حالہ مرقوم (ح) بالذات
 ظهور ایتدیکی کبی بروکیل دخی کوندرمہ مش . مدعی مرقوم ایسہ حکم غیابی

طلبنده بولمیش اولمغله دیوانخانهده تعلیق قلمش اولان دعوتی مشعر اعلاننامه ایله مذکور اعلاننامه یی حاوی اولان غزته لر، مجلس حکمه کتوریلهرک قرائت اولمیش و اصول قاعده سنه موافق تنظیم و اعلان قلمش اولدیغی عندالمعاینه آکلاشلشدر. بونک اوزرینه اصول محاکمه حقوقه نک ۱۴۴ و ۱۴۵ نجی ماده لر ای احکامنه توفیقاً اولوجهله غیاباً رؤیت محاکمه یه قرار ویرلدکن و کلین مدعی علیه مرقوم (ح) ک حقوقی محافظه ایچون طرفدن ... افسدی وکیل مسخر نصب اولندقدن صکره غیاباً رؤیت محاکمه یه ابتدار اولندی.

مرقوم (ب) ک افاده سی استفسار اولندقدن عرضحالی مألنی بعدالتکرار مبلغ مدعا بهک مرقوم (ح) دن تحصیلنی دعوی و وکیل مومی ایله مدعی مرقومک دعواسنی انکار ایتشدر. دعواسنی نه ایله اثبات ایده جکی مدعی مرقومدن صورلدقده ... ده مقیم و ... و ... نام کسنه لر ایله اثبات ایده جکی سویله مشدر.

مدعی مرقومک مارالذکر کسان ایله اثبات مدعا ایتسنه قرار ویرلمسی اوزرینه اشخاص مرقومانی کتورمه سی ایچون مدعی مرقوم امهال اولندی. تعیین ایدیلن کونده طرفین کله رک مدعی مرقوم ضبط جزیده سنده اسملرینی قید ایتدیردیکی ... ده مقیم و ... و ... نام کسنه لر ای احضار ایلدی. اشخاص مرقومه نک آرو آرو استماع اولندقدن مدعی مرقومک دعواسنه مطابق و اصول و قانونه موافق ایضای شهادت ایتیش اولمالریله بونلره نه دیه جکی وکیل مسخر مومی ایله سؤال اولندقدن شاهد مرقومانک عدالتلری کندوسنجه مجهول اولمغله اجرای تزکیه لرینی طلب ایلدی. بونک اوزرینه شاهدان مرقومان، اول ... ده مقیم و ... و ... نام کسنه لر دن سراً وبعده محکمه حضورینه کتوردیلهرک علناً اجرا قلنان تزکیه لرنده، عادل و مقبول الشهاده اولدقلری خبر ویرلمش و ایکی طرفک بشقه بر دیه جکی اولدیغی لدی السؤال آکلاشسی اوزرینه محاکمه لرینک ختام بولدیغی تفهیم ایدلمشدر.

کیفیت مذاکره اولندقدده (ب) که مرقوم (ح) علیه اقامه ایتدیکی
 دعوان طولایی مرقوم (ح) که اقامتگاهی معلوم اولماق جهتیه اصول
 محاکمه نك ۲۶ نجی ماده سنجه محکمه دن تسطیر و غزته لر ایله تواریخ مختلفه ده
 اوچ دفعه نشر و اعلان اولنان دعوتیه لرده تعیین ایدیلن مدته مرقوم
 (ح) محکمه یه کله مش اولغله قانون مذکورته ۱۴۴ و ۱۴۵ نجی ماده لرجه
 طرفدن وکیل مسخر تعیینه غیاباً جریان ایدن محاکمه لرده وکیل مومی ایله
 مدعینک دعواسنی انکار ایله مش. آجق مدعی مرقوم دعواسنی لدی
 التزیکه مقبول الشهاده اولدقلمی مستبان اولان مارالذکر شاهدان آبات مدعا
 ایله ایتدیکنه بناء مدعی علیه مرقوم (ح) اعراض علی الحکم ایله بشقه کونا
 بر مدافعه سی اولدیغی حالده ایجابی اجرا اولنمق اوزره کندوسندن طلب
 ودعوی اولنان ... غروشک تحصینه ... الخ.

صورت اخری : نومرو ۶۵

... عرضحال قرائت اولندی.

خلاصه مالی (...). دن عبارتدر.

طرفین تسطیر قلنان برنجی دعوتیه ورقه سیله محکمه یه کله رک محاکمه لرینه
 ابتدار اولندی. مدعی مرقوم، مال عرضحالی تکرارله مدعی علیه حیواناتیه
 ... ده واقع باغچه سنده ایراث ایتدیکی ضررک تضمینی طلب ایله مشدر. مدعی
 علیه دخی حیواناتی، کرچه مذکور باغچه یه قضاء داخل اولمش ایسه ده برکونا
 ضرر ایقاع ایتمکسزین چیقارلدیغی بیان ایله مش اولغله اصول محاکمه نك ۶۳ نجی
 ماده سنجه مذکور باغچه ده ادعا اولندیغی وجهله ضرر ایقاع ایدیلوب ایدلدیکی
 خصوصنک کشفی ضمنده طرفلرندن اهل خبره تعیینی طرفینه تکلیف اولنمش
 ووقتک مساعده سزلکی جهتیه امر محاکمه یوم آخره تطبق قلمش ایدی.

یوم معینده مدعی مرقوم کلمش ایسه ده مدعی علیه بالذات کلدیکی کبی
 بر وکیل دخی کوندرمه مش ومدعی، حکم غیابی طلبنده بولنمش اولغله اصول

محاکمه نك (سابقده اولدینی کوی) غیاباً رؤیت محاکمه یه ایستار اولندی. مذکور عرضحال و ضبط جریده سی وکیل مسخر مومی الیه حضورنده تکراراً قرائت اولنه رق اهل خبره تعیین ایتداری حقیقده ویریلن قرار بالتکرار طرفینه تکلیف اولندقدن آنلر دخی تکلیف مزبور ی قبول و طرفلرندن اهل خبره تعیین ایتمش و محکمه جه دخی طرفیندن تعیین قلنان اهل خبره یه نظارت ایتک اوزره محکمه اعضاسندن . . . افندی نایب تعیین ایدیلهرک خصوص مذکور برقطه قرارنامه یه ربط قلمش ایدی.

مذکور قرارنامه ده . . . بازلش و نایب مومی الیه دن اخیراً وارد اولوب طرفین حضورلرنده قرائت اولنان . . . تاریخلو و نایب مومی الیه . . . ایله اهل خبره و . . . و . . . امضالی تقریرک مالی دخی (. . .) دن عبارت اولدینی کوریلهرک طرفینک بویابده برکونا افاده لری اولدینی دخی آکلاشلش اولسی اوزرینه محاکمه لرینک ختام بولدینی طرفینه تفهیم قلندی.

کیفیت لدی المذاکره مدعی علیه مرقوم (ح) دعوته اجابت ایتمه مش اولمقدن ناشی اصولاً وکیل مسخر تعیینیه عن الغیاب جریان ایدن محاکمه ده مدعینک ادعا ایتدیکی ضرروزیانی، وکیل مسخر مومی الیه انکار ایتمش ایسنده خصوص مذکورک کشفی ضمنده تسطیر قلنان قرارنامه اوزرینه اولبایده نایب مومی الیه ایله اهل خبره دن محضی اوله رق وارد اولوب طرفین حضورنده قرائت اولنان تقریرده (. . .) دیه محرر اولدیغنه و طرفینک تقریر مذکورک مندرجاتنه بر دیه جکلری اولدینی آکلاشیلهرق صورت کشف و تحقیق محکمه جه دخی موافق اصول و قانون کورلدیکنه بناءً تقریر مذکورده تقدیر ایدیلن . . . غروش ضرر و زیانک مدعی علیه مرقوم (ح) دن حصیلنه و اهل خبره نك اجرت یومیه لری اولمق اوزره محکمه جه تقدیر ایدیلوب مدعیدن اخذ اولنان . . . غروش ایله نایب مومی الیه ک مصارف ضروریه سی اولان غروشک دخی کذلک مرقوم (ح) دن حصیلنه و مفروقاتی زیرده محرر . . .

غرو شک مرقوم (ح) ه راجع اولمق اوزره (ب) دن اخذینه . . . تاریخنده قابل اعتراض اولمق اوزره غیاباً و متفقاً ویریلن قرار طرفینه تفهیم قلندی.

❖ اوچنجی فصل ❖

اعتراض علی الحکم حقنده در

بر حکم غیابی به اعتراضی جاوی تنظیم اولنه حق استدعاده، بر نومرویده محرر استدعا شرائطنه رعایت اولندقدنصرکه محکوم له طرفندن سبق ایدن دعوی ایله آنک اوزرینه غیاباً لاحق اولان حکم و اعلامی دفع و جرح ایدر اسباب و علل یازلمق لازمدر. علل و اسبابک بیانی، سرد اولنه حق علل و اسباب اولجه معلوم اولوبده محاکمه نك اوزامامسی ایچونددر. یوقسه استدعانك بوشرائطی جامع اولمامسی، تأخیر اجرا حقنده کی حکمنی اسقاط ایتمز.

صورت: نومرو ۶۱ ماده ۱۵۵

. . . برایت محکمه سی ریاسته

. . . ده مقیم . . . نك ذمتمده . . . غروش آله جنی اولدیغنی متضمن، محکمه علیه لرینه تقدیم ایتمش اولدیغنی عرضحال اوزرینه غیابمه اجرا قلمش اولان محاکمه ده مدعابه اولان مبالغ مذکور نك طرفندن تحصیلنه قرار ویریلهرک تنظیم اولسان فی سنه تاریخلو و . . . نومرولو اعلام فی سنه تاریخنده طرفینه تبلیغ قلندی.

حکم مذکوره قناعت ایتمدیگمه اصول محاکمه حقوقیه نك ۱۵۱ نجی ماده سی حکمنجه اعتراضه صلاحیتیم اولدیغنه ومدعی مرقومک تحصیلنی دعوی

ایتدیکی مبالغ مذکورہ بورجم اولدینی حالده مؤخرأ تماماً تأدیه ایله کیفیت تأدیه بی مین یدندن برقطعه مقبوض علم و خبری دخی آلوب لدی الحاجه ابراز ایده جکمه منبی علیهمده صادر اولان اعلام مذکور حکمنک فسخیه و جاهاً محاکمه مزک اجراسنی استدعا ایلرم اولبایده .

اعتراض على الحكم اعلامنده اعتراض على الحكم استدعاسنک خلاصه سنی، طرفینک جلیبریه استدعانک اصولنه توفیقاً تنظیم و وقت معینده تقدیم قلندیغی تحقیق ایدیلوب قبول اولندیغنه دائر قرار ویرلدکنصکره معترض علیک افاده سیله صادر اولان اعلام غیابینک خلاصه سی معترضک مدافعه، افادات، اعتراضاتی و معترض علیک مدافعاتی یازیلور .

حکم اولک فسخ وابطالنه دائر صورت

صورت : نومرو ۶۲ ماده ۱۵۸

..... طرفندن ویریلن اعتراض على الحكم استدعاسنی قرائت اولندی .

خلاصه مآلی، (بوراده استدعانک تاریخ، نومروسی، خلاصه سی درج اولنه جقدر.)

طرفین تبلیغ قلنان برنجی احضاریه ورقه سی ایله یوم معینده اصالة محکمه یه کلش اولمالریله معترض مرقومک استدعاسنی قرائت اولنه رق اصول وقاعده سنه توفیقاً تنظیم وقانوناً معین اولان مدتده تقدیم قلندیغی آکلاشیلوب قبول و محاکمه وجاهیه لرینه مبادرت اولندی . مدعی علیه، استحصال ایتمش اولدینی اعلام غیابی مذکور مفادینی تکرار و اعلامده تاریخی مندرج سندی ابراز واعطا ایلدی .

اعلام غیابی مذکور لدی القرائه، فی ... سنه ... تاریخیله مورخ اولوب خلاصه مآلی، (بورده امضاسنی استکتاب ایله اثبات ویمینه تعلیقاً

مدعی علمیدن ... غروشک تحصیلنه دأر بر حکم غیابی خلاصه سی که سند دخی مندرج اولدینی حالدہ یازیلہ جقدر .

سند مذکور بالا رانہ نہ دیہ جکی معترض مرقومدن صورلدقده سندده کی امضا کندوسنک اولدینی کبی حاوی اولدینی مبلغ دخی دینی بولندینی حالدہ مبلغ مذکوری مقدما تماماً معترض علیہہ تأدیہ ایوب ذمتی بری اولدینی ودینی ادایہ دأر معترض علیہ مرقومدن مقبوض علم وخبری دخی آلدینی بیانلہ مذکور علم وخبری ابراز ایلدی .

علم وخبر لدی المطالعہ فی سنہ ... تاریخیہ مورخ و ... امضاسیہ ممضی اولہرق مالی، ... دن عبارت اولدینی کورلمشدر .

بونک اوزرینہ مذکور علم وخبر معترض علیہ مرقومہ ارانہ اولندقدہ امضاسنی انکار ومعترض مرقوم سندده کی امضا، معترض علیہک خطدستیہ امضاسی اولدینی تذکار ایتمش اولمغلہ معترض علیہ مرقوم استکتاب اولہرق محکمہ درونندہ اهل خبرہ تعیین قلنان ... ده مقیم و ... و ... نام میز لره ارانہ اولندی .

مذکور علم وخبرده موضوع امضا ایلہ معترض علیہک محکمہ ده یازمش اولدینی یازو بر شخصک یازوسی اولدینی متحداً بیان وورقہنک ذیانی امضا ایلدیلر . بونک خارچندہ بردیہ جکی اولدینی ایکی طرف بیان ایلش اولمالریلہ محاکمہ لرینک ختام تفہیم اولندی .

ایجابی مذاکرہ اولندقدہ معترض علیہ مرقوم سند مذکورده کی امضا کندوسنک اولدینی انکار ایلش ایسده مجلہنک ۱۶۱۰ نجی ماده سی حکمنجہ معترض علیہ استکتاب ایلہ یازوسی اهل خبرہ دن و ... و ... لره ارانہ اولندقدہ مذکور یازو ایلہ علم وخبرده موضوع امضا بر شخصک یازوسی اولدینی خبر ویروب شو حالدہ مذکور علم وخبرده کی امضا، معترض علیہ مرقومک کندو امضاسی اولدینی آکلاشلدیغنه بناء حکم اولک فسخ وابطالیلہ معترض علیہ مرقومک معترض مرقومہ بلا وجه معارضہ دن منغنه و حکم اول مصارفنک

هر حالده معترض مرقومه عائد اولماسنه واشبو محاکمه دن طولانی زيرده مفرداتی
محرر مصارفك بعده حقسز چيقان معترض علیهدن آلتحق اوزره معترض
مرقومه دن اخذينه فی سنه . . . تاریخده متفقاً ویریلن قرار طرفینه
تفهیم قلندی . فی سنه

« حکم اولك تصدیقنه دائر صورت »

صورت : نومرو ۶۳ ماده ۱۵۸

. . . طرفدن ویریلن اعتراض علی الحکم استدعاسی قرائت و مطالعه
اولندی .

خلاصه مالی، (بورده استدعانك تاریخ ونومروسیله خلاصه سی درج
اولنه جقدر .)

طرفین تبلیغ قلنان برنجی دعوتیه ورقه سیله تعیین قلمش اولان کونده
محکمه یه اصالة کلمش اولدقلندن معترض مرقومك استدعاسی قرائت و مطالعه
اولنه ربق اصول وقاعده سنه توفیقاً تنظیم وقانوناً معین اولان مدته تقدیم
قلندیگی اکلاشیلوب قبول ومحاکمه وجاهیه لرینه مبادرت اولندی .

مدعی علیه مرقوم استحصال ایتمش اولدیگی اعلام غیابی مذکورک
مفادینی تکرار واعلامده تاریخی مندرج سندی ابراز ایلدی .

اعلام غیابی مذکور لدی القرائه . . . تاریخیه مورخ اولوب خلاصه
مالی، (بورده امضاسی استکتاب ایله اثبات ویمینه تعلیقاً مدعی علیهدن . . .
غروش تحصیلنه دائر بر سند دخی مندرج اولدیگی حالده حکم غیابی
خلاصه سی یازیله جقدر .)

سند مذکور بالارائه، نه دیه جکی معترض مرقومدن صورلدقده مدعی
مرقومك کندوسندن طلب ایتمدیگی . . . غروش دینی بولندیگی حالده مبلغ

مذکور می مقدماً معترض علیه تأدیبه ایدوب ذمتی بری اولدیغنی و دینی ادایه
دائر معترض علیه مرقومدن مقبوض علم و خبری آلدیغنی بیانه مذکور علم
و خبری ارانه ایلدی.

علم و خبر لدی المطالعه... تاریخله مورخ و... امضاسیله ممضی اولوب
مألی،... عبارت اولدیغنی کورلمشدر.

مذکور علم و خبر معترض علیه مرقومه ارانه اولندقدده امضاسنی انکار
و معترض مرقوم سندده کی امضا معترض علیه کندی خط دستیه امضاسی
اولدیغنی تذکار ایش اولغله معترض فیه اولان علم و خبر، معترض علیه
یازوسی... و... و... نام میزله ارانه اولندقدده علم و خبرده موضوع
امضا ایله محکمهده یازمش اولدیغنی یازو بیننده کرچه برنوع مشابته وار
ایسهده تعمیق نظر اولندقدده یکدیگریک غیری و بنابرین آرو آرو ایکی
شخصک یازوسی اولدیغنی متحداً بیان و ورقه نك ذیلنی امضا ایلدیله. بونک
خارجنده برده جکلری اولدیغنی ایکی طرف بیان ایش اولمالریله محاکمه لرینک
ختم بولدیغنی تفهیم اولندی.

ایجابی مذاکره اولندقدده معترض علیه مرقوم، مذکور علم و خبرده
گندوسنک اولدیغنی ادعا اولنان امضاسنی انکار ایش اولماسی اوزرینه مجله نك
۱۶۱۰ نجی ماده سی حکمنجه معترض علیه، استکتاب ایله یازوسی اهل خبره دن
... و... و... لره ارانه اولندقدده مذکور یازو ایله علم و خبرده کی
امضا برجهتله مشابه ایسهده حقیقت حالدده بشقه بشقه شخصلرک یازوسی
اولدیغنی خبر و یروب شو حاله نظرآ مذکور علم و خبرده کی امضا، معترض علیه
مرقومک امضاسی اولدیغنی اکلاشلدیغنه بناء حکم اولک تصدیقیله معترض
مرقومک معترض علیه مرقومه بلا وجه معارضه دن منغه و حکم اول مصارفیه
برابر اشبو محاکمه دن طولایی زیرده مفرداتی محرر مصارفک معترض مرقومدن
آلتق اوزره معترض علیه دن اخذینه... تاریخنده متفقاً قرار ویریلرک طرفینه
تفهیم قلمشدر. (بورهده مصارفک مفرداتی یازیله جقدر).

« حکم اولک تعدیل و اصلاحه دائر »

صورت : نومرو ۶۴ ماده ۱۵۸

.... « ب » طرفدن ویریلن . . . تاریخلو اعتراض علی الحکم استدعاسی

قرائت اولندی .

خلاصه مالی، . . . ده مقیم « ح » ذمتده بیک غروشی، طرفدن ممضی برقطعه سنده مربوط و دیگر بیک غروشی، بلا سندهک جمعاً ایکیدیک غروش آله جنی اولدیغندن بحثله تحصیلنی طلب ایتسی اوزرینه اولبایده جریان ایدن محاکمه غایبده مذکور ایکی بیک غروشک مرقوم « ب » دن تحصیلی تحت حکمه آلمشدر. حکم مذکور ۵۰ . تاریخنده تبلیغ قلمش ایسهده عن الغیاب ویرلش اولماسنه وسنده مربوط اولان مذکور بیک غروش ذمتده الان باقی اولوب آنحق بلا سند ادعا اولنان دیگر بیک غروش بورجی اولدیغنه بناء حکم غایبی مذکورک فسخیله محاکمه وجاهیه لرینک اجراسی استدعاسندن عبارت بولمشدر .

طرفین تبلیغ قلنان برنجی دعوتیه ورقه سیله تعیین ایدیان کونده محکمه یه گلش اولدقلرندن معترض مرقومک استدعاسی قرائت اولنهرق اصول وقاعده سنه توفیقاً تنظیم وقانوناً معین اولان مدته تقدیم قلندیغنی اکلاشیلوب قبول و محاکمه وجاهیه لرینه شروع اولندی .

معترض علیه مرقوم، استحصال ایتش اولدیغنی اعلام غایبی مفادینی تکرار ایتدی . مذکور اعلام غایبی لدی القرائه . . . تاریخله مورخ اولوب بروجه آتی اولدیغنی کورلدی . مرقوم « ح » ک مرقوم « ب » ذمتده بیک غروشی، طرفدن ممضی برقطعه سنده مربوط و دیگر بیک غروشی، بلا سندهک جمعاً ایکی بیک غروش آله حق دعوی ایتسی اوزرینه طرفین دعوت قلمشدی .

تعیین اولنان کونده مرقوم « ب » اصالة کلدیکی کی بروکیل دخی کوندرمه مش

اولماسنه منی حقوقی محافظه ایچون... افندی وکیل مسخر تعیین قانهرق
محاکمه غیابیه لرینه شروع اولندی.

مرقوم «ح» عرضحالی مائی تکرار ومذکور بیک غروشک سنديني
ابراز ایلدی. سند، لدی المطالعه... تاریخیه مورخ و «ب» امضاسیله ممضی
اولهرق مائی،... عبارت اولدیغی کورلمشدر. مذکور سند وکیل مسخر
مومی الیهه بالارائه نه دیه جکی استفسار اولندقدده سند مذکورده کی امضا
موکلنک امضاسی اولدیغی سویلیدیکی کبی بلا سند ادعا اولنان مذکور بیک
غروش دخی موکلنک دینی اولدیغی بیان ایلشدر.

مدعی مرقوم دخی مرقوم «ب» عندالاعتراض سند مذکورده کی امضایی
انکار ایتدیکی ولدی الاستکتاب کندی یازوسی اولدیغی تبین ایلدیکی حالده یمین
تکلیف ایده جکی کبی سنده مستند اولمایان مذکور بیک غروش دعواسنی
اثباتدن اظهار عجز ایلش اولدیغندن مرقوم (ب) انکاری حالنده کذلک
یمین تکلیف ایله جکنی درمیان ایلدی. بونک اوزرینه سنده مستند اولان مذکور
بیک غروش دعواسی ایچون مرقوم (ب)، سندده کی امضایی انکار ایتدیکی
وعندالاستکتاب یازوسی اولدیغی تبین ایلدیکی حالده یمین تکلیف اولتحق اوزره
اولوجهله اثبات ویمینه وسنده مستند اولمایان مذکور بیک غروش دعواسنی
مرقوم «ح» اثبات ایده مدیکنه بناء مرقوم «ب» عندالاعتراض انکار ایتدیکی
حالده یالکز یمین تکلیف ایدلمک اوزره یمینه تعلیقاً ادعا اولنان مذکور ایکی
بیک غروش ایله... غروش مصارف محاکمه نک مرقوم «ب» دن تحصیلیه
مرقوم «ح» اعطاسنه... تاریخنده قرار ویرلیدیکی خصوصندن عبارت
اولدیغی کورلدی.

سند مذکور بالارائه نه دیه جکی معترض مرقومدن سؤال اولندقدده سنده
موضوع اولان امضا کندوسنک امضاسی اولدیغی اقرار وحاوی اولدیغی
مذکور بیک غروش دینی اولدیغی تذکارله برابر سنده مستند اولمایان دیگر
بیک غروش دعواسنی انکار ایلش ومعترض علیه مرقوم طرفندن دعوی

اولنان مذکور بیک غروش زیادہ آہ جق ذمتدہ دینی اولمدیغنه دائر تکلیف ایدیلن یمینی قبول واجرا ایله ایکی طرف بشقه بردیه جکلری اولمدیغنی بیان ایلش اولمالریله محاکمہ لرینک ختام بولدیغنی تفہیم اولتمشدر.

ایجابی لدی المذاکره معترض علیہ مرقوم تحصیلنی طلب وعوی ایتدیکی مذکور بیک غروشدن عبارت بر قسم آہ جغنک مستند اولدیغنی سندده موضوع امضا کندوسنک امضاسی اولدیغنی معترض مرقوم اقرار واعتراف ایلش اولسنه بناءً حکم اولک سنده مستند اشبو دعوايه عائد اولان حکمنک تصدیقیه مذکور بیک غروشک معترض مرقومدن بالاخذ معترض علیہ مرقومه اعطاسنه فقط معترض علیہ مرقومک بلا سند طلب ایتدیکی دیگر بیک غروش دعواسنی معترض مرقوم انکار ایتدیکنه ومعترض علیہ مرقوم، دعوی مشروحہ سنی اثباتدن اظهار عجز ایتدیکی کبی مبالغ مذکورہ دینی اولمدیغنه دائر تکلیف ایلدیکی یمینی دخی معترض مرقوم قبول واجرا ایلش بولمسنه مبنی اعلام اولک بوکا دائر اولان حکمنک فسخ وابطالیله بلا سند اولان مذکور بیک غروش دعواسیچون معترض علیہ مرقومک معترض مرقومه بلاوجه معارضه دن منعه وحکم اول مصارفک ہر حالده معترض مرقومه عائد اولماسیله اشبو محاکمہ دن طولایی زیرده مفرداتی محرر مصارفک معترض ایله معترض علیہ طرفلرندن مناصفہ تأدیہ وایفا اولنحق اوزره معترض مرقومه دن اخذینہ... تاریخندہ قرار ویریلهرک طرفینہ تفہیم قلندی. (بورده مصارفک مفرداتی یازیلہ جقدر).

اعتراض استدعاسنک مدت نظامیہ سندہ ویرلمہ مسندن ناشی ردینہ دائر یازیلہ جق اعلام

صورت : نومرو — ۶۵

... طرفندن... محکمہ سنہ ویریلن اعتراض علی الحکم استدعاسی قرائت

اولندی.

خلاصه مالی، . . . عبارتدر.

طرفین برنجی دعوتیه ورقه سیله تعیین قلمش اولان کونده محکمه یه اصالة کلمش اولمالریله معترض مرقومک استدعاسی قرائت اولنهرق اصول وقاعده سنه توفیقاً تنظیم قلمدینگی فقط معترض فیله اولان اعلام غیابینک تاریخ تبلیغی بیك الخ رجبک اون بشنجی کونی اولدینگی حالده مذکور اعتراض استدعاسی، سنه مذکوره شعبانک اون بشنجی کوننده محکمه یه اعطا قلمش اولسنه نظراً مذکور استدعانک مدت نظامیه خارجنده ویرلدیکی اکلشلسدر. بومثلو مدت نظامیه خارجنده ویریلن استدعالک عدم قبولی، اصول محاکمه حقوقیه نک ۱۵۲ نجی ماده سی ایجابندن بولندیغنه بناءً مذکور اعتراض علی الحکم استدعاسنک ردینه و معترض علیهدن استیفا اولنان حکم اول مصارفی ایله اشبو حکمدن طولانی مفرداتی زیرده محرر . . . غروش مصارف محاکمه نک معترض مرقومه راجع اولمق اوزره معترض علیه مرقومدن اخذینه الخ .

(کذا مصارفک مفرداتی بوره ده یازیله جقدر).

معترضک کلامسی اوزرینه استدعاسنک ردینه دار یازیله جق اعلام

صورت : نومرو ۶۶

. . . طرفندن ویریلن اعتراض علی الحکم استدعاسی قرائت اولندی.

خلاصه مالی، (. . .) دن عبارتدر.

طرفین علی الاصول اوچنجی دعوتیه ایله تعیین ایدلش اولان کونده معترض علیه محکمه یه کلدیکی حالده معترض مرقوم محکمه یه بالذات کلدیکی کبی طرفندن بروکیل دخی کوندرمه مش ودعوتیه اجابت ایتمین بومثلو معترضک استدعالرینک ردی، اصول محاکمه نک ۱۵۹ نجی ماده سی حکمی ایجابندن بولمکش اولمغله ماده مذکوره حکمنه توفیقاً بردها حق اعتراضی قالماق اوزره معترض مرقومک استدعاسنک ردینه و معترض علیهدن استیفا اولنان حکم اول مصرفی ایله اشبو حکمدن طولانی مفرداتی زیرده محرر . . . غروش

مصارف محاکمه نك معترض مرقومه راجع اولمق اوزره معترض عليه دن اخذينه . . . تاريخنده الح (بورهده مصارفك مفرداتی كوستریله جكدر)

معترضك، معترض عليه عليه استحصال ایتدیكى حكم غیابی اوزرینه معترض علیه طرفدن وقوعه بوله جق اعتراض على الحكم استدعاسی حقه دیازیله جق اعلام.

صورت : نومرو ٦٧ ماده ١٥٩

. . . طرفدن ویریلن اعتراض على الحكم استدعاسی قرائت اولندی.
 خلاصه مالى، . . . ده مقیم (ح) ذمتنده . . . غروش آله جنى اولماسدن طولایى عليه استحصال ایتدیكى حكم غیابی عليه مرقوم (ح) اعتراض على -
 الحكم دعواسی اقامه ایدرك محكمه جه اشبو دعوانك اجراى محاکمه سى ضمنده ایدیلن دعوته اجابت ایتمه مش اولدیغندن مؤخرأ مرقوم (ح) کندو عليه اوله رق حكم غیابی اولك فسحنى متضمن . . . تاريخنده براعلام غیابی دخى استحصال و طرفه . . . تاريخنده تبلیغ ایلش ايسه ده کندوسنك دعوته اجابت ایتمه مش اولماسی لعذر وقوعه بولدیغنه و عليه ویرلمش اولان حكم، عن الغیاب اعطا قلمش بولدیغنه بناءً محكمه نك حكم مذکوردن رجوعی طلبنى متضمن بولمشدرد.
 طرفین على الاصول تسطیر قننان برنجی دعوتیه ورقه سیله تعیین ایدیلن کونده محكمه یه اصالة کله رك مذکور اعتراض على الحكم استدعاسی اصول وقاعده سنه موافق تنظیم ومدت قانونیه ایچنده اعطا قندینی اكلاشلقدن صکره قبولیه محاکمه وجاهیه لرینه مبادرت اولندی.

مذکور اعتراض على الحكم استدعاسیله مرقوم (ب) ك مرقوم (ح) عليه اولجه استحصال ایتدیكى اعلام غیابی ایله اخیرأ مرقوم (ح) ك مرقوم (ب) عليه استحصال ایتدیكى اعلام غیابی، مواجهه لرنده قرائت اولندقدده مرقوم (ب) ك مرقوم (ح) عليه اولجه استحصال ایتدیكى اعلام غیابینك مالى، (بورهده اثبات ویمینه تعلیقأ براعلام غیابی صورتی درج اولنور) مرقوم (ح) ك اخیرأ مرقوم (ب) عليه استحصال ایتدیكى اعلام غیابینك مفادى،

(بورهده معترض علیہک عدم اجابتی اوزرینه استحصال ایتدیکی حکم غیابینک معترض علیهنه اولان احکامنک فسختی متضمن براعلام غیابی خلاصهسی درج ایدیلور) متدار اولدیغی کورلدی.

بونک اوزرینه دعواسنی کیلر ایله اثبات ایده جکی مرقوم (ب) دن سؤال اولندوقده مرقوم (ح) ذمتنده اولوجهنله مطلوبی اولان بیک غروش الان آله جنی اولدیغی . . . ده مقیم و . . . نام کسنه لر ایله اثبات ایده جکنی سویلکله بونلری محکمهیه کتور مسیچون کندوسی اصولاً امهال و امر محاکمه تعلیق قلمش ایدی.

یوم معینه مرقوم (ب)، جریدهده اسملرینی قید ایتدیردیکی کسانى محکمهیه احضار ایدرک خصمی مرقوم (ح) مواجههسنده استماع شهادتلینه مبادرت اولندی. آنجق مرقوم (ح) شاهدان مرقومان (ب) ک برادرلری اولغله قانوناً لهنه شهادتلی جائز اولدیغی بیان ایلش و مرقوم (ب)، بوجهتی معترف اوله رق بشقه شاهدی اولدیغی دخی سویلش اولغله مجله نك ۱۷۰۰ نجی مادهسی حکمنجه مرقومان . . . و . . . و . . . ک برادرلری (ب) لهنه شهادتلی جار اولدیغنه دار ویریلن قرار اوزرینه مرقوم (ح) ه برتکلیفی اولوب اولدیغی مرقوم (ب) دن استفسار اولندوقده یمن تکلیف ایتدیکنی بیان ایلدی.

مرقوم (ح) کندوسنه تکلیف ایدیلن یمنی قبول واجرا ایلش وایکی طرف بشقه برده جکلری اولدیغی سویلش اولمالریله محاکمه لرینک ختام بولدیغی کندولربنه تفهیم قلندی.

کیفیت مذاکره اولندوقده مرقوم (ب) ایله مرقوم (ح) نك اجرا قلنان محاکمه وجاهیه لرنده مدعی مرقوم (ب) ک اثبات مدعا ایچون اقامه ایتدیکی مارالذکر شاهدان، بوجه محرر رد ایدلیکنه و بشقه شاهد اقامه ایده میهرک مرقوم (ح) دخی کندوسنه تکلیف ایدیلن یمنی قبول واجرا ایلش بولدیغنه مبنی مرقوم (ب) ک دعواى مذکورده سیله مرقوم (ح) ه معارضه دن منعنه و . . الخ

﴿دردنجی فصل﴾

اعتراض الغير

اعتراض الغير، اصلی عرضحالک صورت تحریری حقنده قانونک برشی شرط ائمه مسندن، عرضحاله موجب رد اوله جق فضله بر قیدک علاوه سنه احتیاج اولمادینی اکلاشیلور.

بوصورته اعتراض الغير اصلی عرضحالنده، سائر عرضحاللرده درجی لابد اولان قیودات درج و تحریر اولندقدن صکره عرضحالی تقدیم ایتدیکی محکمه جه ویریلن اعلامک نه صورته حقوقه طوقندینی حکم و اعلام واقعه، اعتراض الغير صفتیه اعتراضه فسخی طلب اولندینی خصوصی تحریر اولنور.

اعتراض طاری ایچون عرضحال اعطاسنه احتیاج اولدیغدن بوکا دائر قیودات و شرائط بیاننه دخی حاجت کورلمدی.

صورت : نومرو ۶۸، ماده ۱۶۴

... بدایت محکمه سی ریاستنه

... ده مقیم «ب» ک یدندن ومانندن تاریخ مداینه دن ایکی سنه مرورنده تأدییه ایتک اوزره استقراض و قبض ایتمش اولدیغم ... غروش مقابلنده مالم اولان بر عدد آلتون قبضه لی قلیجیمی رهن ایله و عده مذکوره ایچنده تأدییه دین ایتدیکم حالده رهن مذکورری رد و اعاده ایتک، و ایده مدیکم صورته فروختیله اثماندنز آله جغنی استیفا ایله مک اوزره بنمزده مقاوله اولتمش ایدی.

حالبوکه مرقوم «ب» قبل حلول الاجل رهن مرقومی ... ده مقیم «ح» یه بیع ایله کدن صکره مرقوم «ح» غبن فاحش ایله تغیر اولندیغنی بالادعا مذکور قلیجک بایع مرقوم (ب) ه ردیله بدلنک استردادینی طب ایله مسندن ناشی تحدث

ایدن مخاصمه لری اوزرینه، حکمه علیه لرنجه اجرا قلنان محاکمه لری نتیجه سنده، بیع مذکورده تغیر وغبن فاحش اولمادیغنه وبنابرین مرقوم «ح» ک استرداد بدله صلاحیتی اولمامغله ادعاسنک ردینه دار قرار ویریلوب اعلامه ربط اولمشدر .

آنحجق حسب المقاوله دینک تأدیسه سی ایچون تعیین قلنان ایکی سنه هنوز حلول ایتمه مش اولدیغی جهته مرقوم «ب» ک رهن مذکورده یالکتر حق حبسی اولوب رهنی بیعه حتی اولمادیغنه، واولوجهله مرقوم «ح» صاتمسیله بیع وشرانک محکمه علیه لرنجه تصدیق واعلامه ربط قلنسی، حقوقه طوقدیغنه ومرقوم «ب» اولان دینی حلول اجلده تأدییه ایده حکمه وبیع مذکوری مجیز اولمادیغنه مبنی اعلام مذکورک حکمنه معترض بولندیغمدن مومی الیها (ب) و (ح) افندیلرک جلبلریله محاکمه مزک اجرا وبیع مذکورک فسخیله مذکور قلیچک کالاول مرهون قالمسی استدعا ایلرم اولبایده اراده

فی سنه

اعتراض الغیر اعلامی دخی اعلامات سابقه مثللو یازیلور. شو قدرکه بونده، اولا اعتراض ماده سنک مقبول اولوب اولمادیغنی خصوصی قرار آلتنه آلتور. بعده اساسه کیریشیلور.

صورت : نومرو ۶۹ ، ماده ۱۶۹

... طرفدن ویریلن اعتراض الغیر استدعاسی قرائت و مطالعه اولندی: خلاصه مائی، (بورده ۳۸ نومروده کی استدعا خلاصه سی یازیلور). معترض مرقوم ایله (ب) و (ح) تبلیغ قلنان اوچنجی احضاریه ورقه لری ایله تعیین ایدیلن کونده اصالة محکمه یه کلش اولمالریله محاکمه لرینه ابتدار اولندی .

صورت ادعا ومدافمه لری استفسار اولندوقده معترض مرقوم، عرضحالی مائی تکرار وفسخنی طلب ایتدیکی اعلام حکمنک رد وجرحیله مرهون اولان

مذکور قلیچک مرقوم (ح) دن بالاخذ مرتہن مرقوم (ت) افندیہ تسلینی تذکار ایدرک برقطعه سند ابراز ایلدی .

مذکور سند لدی القرائه، فی سنه ... تاریخلو و (ط) و (ب) امضالریله ممضی اولوب مآلی، (بوراده بینرندہ مداینه ایله رهنک صورت عقدینه دار ایکی نسخه اوله رق تعاطی ایلدکری سند خلاصه سی یازیلور) عبارت اولدیغی کورلدی .

سند مذکور، مرقوم (ب) ه اراہ، ونه دیه جکی سؤال اولندقدہ سندک مآلی تصدیق وامضا کندو امضاسی اولدیغی بیان ایله برابر مذکور قلیچی مرقوم (ح) ه مدعینک اذنی اولمقسزین بیع ایتمش اولدیغندن اهل وقوفک تقدیر ایدہ جکی قیمتک مدعی مرقومده اولان آله جغه محسوب ایدیلوب فضله قالور ایسه مدعیه ادایه حاضر اولدیغی سویله دی وقوعبولان طلب اوزرینه معترض فیہ اولان حکم اعلامنی ابراز ایتدی. لدی القرائه مذکور اعلامک مآلی، (بوراده اعلامک خلاصه سی یازیلہ جقدر) عبارت اولدیغی کورلمشدر .

کیفیت مذاکره اولندقدہ معترض مرقومک اعتراضه اساس اتخاذا ایتدیکی رهن ماده سنک مستند اولدیغی سندک مال وامضاسی، معترض علیه مرقومک تحت اعترافده اولدیغنه، ودینک تأدیہ سی تعلیق اولندیغی مدت حلول ایتہ مش ایکن مرتہن مرقوم «ب» ک اولوجهله مرهونی رهن معترض مرقومک اذنی اولمقسزین صامسی، معترض مرقومک حقوقه طوقور بولندیغنه بناء معترض مرقوم طرفدن درمیان اولنان ماده اعتراضک اساسلی ومقبول اولد- یغنه قرار ویریلوب طرفینه تفهیم قلمشدر. بونک اوزرینه اساس محاکمه لرینک رؤیتنه مبادرت اولندقدہ معترض مرقوم افادات سابقه سنی تکرار ومعترض علیه مرقوم «ب» دخی افادات سابقه سی خارجده دیه جکی اولمادیغی تذکار ایتمش اولمالریله نه دیه جکی مرقوم (ح) ه صورلدقدہ مذکور قلیچی بایع مرقومه رد واعاده ایتک ایجاب ایتدیکی حالدہ رد ایدہ جکنی فقط تعمیری ایچون

... غروش صرف ایتمکله مبلغ مرقوم ایله ثمن بیع اولمق اوزره مرقوم (ب) ه تأدیه ایتدیکی ... غروش که جمعاً ... غروشک مرقوم (ب) دن تحصیانی دعوی ایتمش و مرقوم (ب) او قدر مصرفک و قوعنی تصدیق ایدوب بشقه دیه جکلری اولدیغنی دخی سویله مش اولمالریله محاکمه لرینک ختام بولدیغنی طرفینه تفهیم اولنمشدر.

ایجابی لدی المذاکره، معترض مرقوم طرفندن درمیان اولنان اعتراض قبول اولنمش اولماسنه و جرحی ادعا اولنان اعلام حکمی مجرد معترض فیه اولان مادهیه منحصر اولوب بشقه بر حکمی شامل اولمادیغنه منبی اعلام مذکور حکمنک اصول محاکمه حقوقیهنک ۱۶۹ نجی مادهسی حکمنجه کلیاً جرح وابطالیله مذکور قلیجک مرقوم (ح) دن بالاخذ دینک وقت اداسی حلونه قدر حق حبسی اولمق جهتیله معترض علیه مرقوم (ب) ه اعطاسنه و معترض علیه مرقوم (ب)؛ مرقوم (ح) طرفندن قلیجک تعمیرینه صرف ایدلدیکی بیان اولنان ... غروشک صرفنی تصدیق ایتمکله، مبلغ مذکورک ثمن بیع اولان ... غروشه بالضم بالغ اولدیغنی ... غروشک مرقوم (ب) دن تحصیلیله مرقوم (ح) ه اعطاسنه و ... غروشندن عبارت اولان مصارف محاکمه نک مرقوم (ب) دن آلمسنه فی ... سنه تاریخنده متفقاً قرار ویریلهرک طرفینه تفهیم قلمشدر. فی ... سنه

صورت اخی : نومرو ۷۰، ماده

... طرفندن ویریلن اعتراض الغیر استدعاسی قرائت اولندی .

خلاصه مالی، (بوراده برقوللقتیف شرکتک مدیر مسؤلی علیه لاحق اولان حکمه قارشى شرکادن بری طرفندن معطی اعتراض الغیر ادعاستی حاوی راستدا خلاصهسی یازیله) دن عبارتدر .

علی الاصول تسطیر قلنان دعوتیه ورقهسیله تعیین ایدیلن کونده معترض مرقوم (ع) ایله معترض علیهما (ب) و (ح) اصالةً محکمهیه کلش اولمالریله

محاکمه لرینه ابستار اولندی. اعلام معترض فيه، مواجهه لرنده قرائت اولندقدده خلاصه مآلی، (بورایه اعلامك خلاصه سی یازیله جقدر) دن عبارت کورلمشدر. معترض مرقوم (ب) ك ادعاسی صورلدقدده عرضحالی مآلی تکرارله شرکا- سندن اولدیغی... شرکتی مدیری علیه لاحق اولان حکم وقرار، کفالت متسلسله قانونیه حسیله بالوجوه وطوغریدن طوغری حقوقه طوقنور اولدیغنه و حکم مذکور... وجهله مغایر قانون اوله رق لاحق اولمش بولندیغنه بناءً حکم مذکورك رد وجرحیله یکیدن محاکمه لرینك رؤیتی طلب ایله دی.

مرقوم (ح) دخی مرقوم (ع) ك مدیرلری ایله جریان ایدن محاکمه اوزرینه علیه لاحق اولان حکم، حقوقه طوقدینی حکم اولنسه دخی معترض مرقوم (ع) ایله مدیر مسؤللری بیننده موجود اولان قوللقتیف شرکتی، کفالتی متضمن اولدیغی کبی وکالتی دخی شامل اولدیغنه، وشو حالده مرقوم (ب) مرقوم (ع) طرفندن وکالت قانونیه یی حاز اوله رق محاکمه اولدیغنه، اصول محاکمه حقوقیه نك ۱۶۱ نجی ماده سی حکمنجه اعتراض الغير دعواسی محاکمه سابقه ده اصالة، وکالة محاکمه یه جلب و دعوت اولنمایانلر طرفندن اقامه اولنمق لازم بولند- یغنه بناءً اعتراض الغير ادعاسنه مرقوم (ح) ك حقی اولدیغنی بیان ایله دی. ایکی طرف افادات واقعه لرنده اصرار ایلمش اولمالریله محاکمه لرینك ختام بولدیغی طرفینه تفهیم قلندی.

ایجابی لدی المذاکره، مرقوم (ع) اعتراض الغير ادعاسنه قیام ایله مش ایسه ده اعلام معترض فیه ده، محکوم علیه اولان (ب) مرقوم (ع) ك شرکاسندن بولندیغی... قوللقتیف شرکت لرینك مدیر مسؤلی اوله رق مرقوم (ب) هر خصوصه اولدیغی کبی محاکمه ایچون دخی وکالت قانونیه یی حاز بولدیغنه وشو حالده معترض مرقوم (ع) محاکمه ده وکالة بولنمش دیمك اولدیغنه بناءً اصول محاکمه حقوقیه قانوننك ۱۶۱ نجی و ۱۷۰ نجی ماده لری احکامنه توفیقاً مرقوم (ع) ك اعتراض الغير استدعاسنك ردینه و مرقوم (ح) برکونا ضرر

وزیان ادعاسنده بولنماملغه مجرد اشبو محاکمه دن طولایی زیرده مفرداتی
محرر... غروش مصارف محاکمه نك الخ (زیر اعلامده مفرداتی یازیلیر)

صورت اخری: نومرو ۷۱ ماده، ..

... طرفدن ویریلن اعتراض غیر استدعاسی مطالعه اولندی.

خلاصه مآلی، (داینک آله جغنی کیفیلدن تحصیلنه دأر استحصال ایتدیکی
اعلام علیه مدیونك اعتراض غیر ادعاسی متضمن بر استدعا خلاصه سی
یازیلور) دن عبارتدر.

طرفین... کیش اولمالریله محاکمه لرینه ابتدار ومعترض فیہ اولان اعلام،
مواجهه لرنده قرائت اولندی.

خلاصه مآلی، (اعلام معترض فیہك خلاصه سی یازیلور) دن عبارت
اولدیغی گورلدی.

نه دیه جکی معترض مرقومه دن صورلدقده عرضحالی مآلی تکرارله کیفیلی
علیهنه معترض علیه مرقومك اقامه ایتدیکی دعوانك محاکمه سننده بالذات
بولنه مادیغنه، وعلیهنه لاحق اولان حکمك اجراسی بالاخره کیفیلنك ادا ایله
گندوسنه مراجعتی مستلزم اولمق جهتیله حقوقه طوقنور بولندیغنه بناءً
حکم وقرار مذکورك رد وجرحیله محاکمه لرینك یکیدن رؤیتنی طلب ایتدی.
معترض علیه دخی بوجهت، فسخ حکمی استلزام اتمیه جکنی درمیان ایتمش
ولدی السؤال، ایکی طرفك بشقه بر دیه جکی اولمادیغی آ کلاشلش اولدیغندن
محاکمه لرینه ختام ویریلهرك تفهیم اولندی.

ایجابی مذاکره اولندقده معترض مرقوم کیفیلنك محاکمه سننده بالذات
بولنمادیغنی سبب اتخاذ ایله علیهنه لاحق اولان حکمه اعتراض غیر طریقیه
اعتراض ایله مش ایسه ده معترض مرقومك درمیان ایتدیکی سبب مذکور، اعتراض
غیر طریقیه اعلام معترض فیہك فسخنی استلزام ایدر اسبابدن بولنمادیغنه بناءً
اصول محاکمه حقوقیه نك ۱۷۰ نجی ماده سنجه استدعاسنك ردینه الخ

اعتراض طاری به دأردر

صورت : نومرو ۷۲ ، ماده ۰۰۰

... طرفدن ویریلن عرضحال قرائت اولندی .

خلاصه مآلی، ... ده مقیم (ح) نام کسنه ایله بطریق الشراء مشترکاً متصرف اولدقلری ... ده واقع ... حدود ایله محدود برباب خانهدی مرقوم (ح) مستقلاً ضبط ووضیع ید ایتمکه اولغله مذکور خانهدن کفید ایتدیرلمسیله علی الاشتراك تصرفلرینک تحت حکمه آدیلماسی استدعاسندن عبارتدر .

طرفین ... کلش اولمالریله محاکمه لرینه ابتدار اولندی . مدعی مرقوم عرضحالی مآلی تکرار وبرقطعه طاپوسندی ابراز ایله دی . لدی المطالعه ... تاریخیه مؤرخ اوله رق مآلی، (مرقوم ب) ایله مرقوم (ح) ک اشتراك تصرفلرینه دأر) اولدیغی کورلدی .

نه دیه جکی مدعی علیه دن سؤال اولندقده منازع فیه اولان مذکور خانهد، کندوسنک مستقلاً ملکی اولوب حتی مذکور خانهدن طولانی مقدا ... ده مقیم (ع) ایله ... بدایت محکمه سنده سبق ایدن محاکمه لرنده، کندوسنک استقلال ملکیتنه حکم وقرار ویرلمش وبوکا دأر برقطعه اعلام دخی استحصال ایله مش اولدیغدن مدعی مرقومک مذکور خانهد حقنده کی اشتراك تصرف ادعاسی واهی اولدیغنی بیان ومذکور اعلامی ابراز ایله دی .

لدی القرائه ... تاریخیه مؤرخ و ... بدایت محکمه سی مهریله مختوم اوله رق مآلی (بوراده اثبات ید ایدلمکسزین مرقوم (ع) ک ادعا ایتدیکی ملک مطلق دعواسنی اثباتدن اظهار عجز ایتسی اوزرینه مرقوم (ح) ک تحلیفی ایله مذکور خانهدیه استقلال ملکیتی حقنده بر حکم اعلام درج اولنور) قرار ویرلدیکندن عبارتدر .

مرقوم (ب) ایسه (ح) ک ادعاسنی استناد ایتدیکی اعلام مذکور، علی -

الطریق المواضعه ویلمش بر اعلام اولوب بونده، مرقوم (ح) ک ثبوت
 یدینه دأر بر فقره کورلمه مش اولماسی وبومثللو عقاراتک امر تصرفی، قانوناً
 برسند رسمی به مستند اولمق لازمه دن اولدیغی حالده مرقوم (ع) ک مذکور
 خانه حقنده ادعا ایتدیکی ملک مطلق دعواسنی او یله برسند استناد ایتمه مش
 واثبات مدعا ایچون ایدیلن تکلیف اوزینه همان اظهار عجز ایله ایشی، مرقوم
 (ح) ک تحلیفنه حواله ایله مش بولماسی، ادعا ایتدیکی مواضعه به دلیل اولدیغی
 بیان ایلدی. طرفینک بشقه بر دیه جکلری اولمادیغی آکلاشیله رق محاکمه لرینک
 ختام بولدیغی طرفینه تفهیم قلمشدی.

کیفیت لدی المذاکره مرقوم (ح) ک ادعاسنی استناد ایتدیکی اعلام مذکور
 حقنده مرقوم (ب) طرفدن درمیان اولنان اعتراض تدقیق اولندقدنه مرقوم
 (ب) ک ادعاسی وجهله عقاراتک امر تصرفی، قانوناً برسند رسمی به مستند
 اولمق لازم اولدیغی حالده مرقوم (ح) ک ادعاسنی او یله برسند استناد ایتمه سی،
 واثبات دعوی ایچون ایدیلن تکلیف اوزینه همان اظهار عجز ایله ایشی
 خصمک تحلیفنه حواله ایله مش اولماسی، ومتن اعلامده قانوناً لابد اولدیغی
 اوزره اثبات یده دأر بر فقره کورلمه مش اولماسی و مرقوم (ب) ک ادعا
 ایتدیکی اشتراک تصرف، سند رسمی به مستند بولماسی، اعلام مذکورک مواضعه
 استحصال ایدلمش اولدیغنه دلیل بولدیغنه بناء مرقوم (ب) ک اعلام مذکوره
 دأر درمیان ایتدیکی اعتراضک اساسی ومقبول اولدیغی آکلاشلغله اصول
 محاکمه حقوقیه نک ۱۶۷ نجی ماده سنجه اعتراض واقعک قبولیله اول امرده
 اعلام معترض فیهک فسخ حکمنه قرار ویرلدی.

بعده اساس دعوی حقنده مدافعهری نه اولدیغی مرقومان (ب) و (ح) دن
 صورلدقدنه بشقه بر دیه جکلری اولمادیغی سویله مش اولمالریله محاکمه لرینک
 ختام بولدیغی تفهیم قلمدی.

ایجابی مذاکره اولندقدنه مرقوم (ب) ک مذکور خانه به اشتراک ملکیت
 دعواسنی، مارالیان دأپو سندینه استناد ایتدیکنه و مرقوم (ح) ک استقلال

ملکیت دعواسنی حکمی فسخ اولنان اعلام معترض فیه استناد ایله مذکور
 طاپو سندینه قارشو برکونا مدافعهده بولمادیغنه منبی مذکور خانهدن مرقوم
 (ج) کف ید ومستقلاً تصرفدن منغه و مرقوم (ب) ایله مشترکاً ومشاعاً
 متصرف اولمالرینه. الخ

بشنجی فصل

استیناف حقندهدر

استیناف عر ضحالنده، مستأنف ومستأنف علیہک اسم، شهرت، صنعت
 ومحل اقامتیری، استیناف اولنان حکم وقرار ایله اول حکم وقرارک هانکی
 محکمهدن صدور ایتدیکی، مستأنفه هانکی تاریخده تبلیغ اولدینی، استینافک
 اسبابی وقانوناً تعیین اولنان مدت ظرفنده - که بومدت، اصول محاکمه نیک
 ۳۱ نجی و ۳۲ نجی ماده لرنده مذکوردر - مستأنف علیہک ویا وکیلنک
 محکمه یه کلسی طلی، مستأنف حقسز چیقار ایسه مستأنف عامهک استیناف
 محکمه سی مصرفیه قانوناً تصدیق اولنه حق مصارف سفریه وضرر وزیانک
 تضمنه بر قوی کفیل کوسترلیدیکی، بونک، موقع رسمیدن مصدق کفالت
 سندینک عر ضحاله ربط ایدلیدیکی ماده لری تحریر اولتمق لازمدر،
 بوشراطدن برینک نقصانی، استدعانک ردینی موجبدر. بونده صراحت
 قانونیه اولدیغندن دها زیاده تفصیله حاجت یوقدر.

صورت: نومرو ۷۳، ماده ۱۸۶

... استیناف محکمه سی ریاست علیه سنه

سعادتلو اقدام

... ده مقیم بربر اصنافدن علی آغانک ... غروش آله جفنگ تحصیل

ضمننده . . . بدایت محکمه سنده علیهمده اقامه ایتمش اولدینی دعوی اوزرینه
بالمحاکمه، مبلغ مذکورک طرفزدن لزوم تحصیل تحت حکمه آلوب اعلامه
ربط قلمش واعلام مذکور، فی . . . سنه . . . تاریخده طرفزه تبلیغ ایدلمشدر.
حکم واقع، کورک اصول محاکمهیه، کورک احکام صریحه قانونیهیه مغایر
اولمقدنشای استیناف دعوایه مبادرت ایلهدم .

آنحوق شاید حقسز چیقار ایسه مرقوم علی آغانک مصارف سفریه سیله
محکمهجه تصدیق اولنه جق کافه ضرر وزیانی تضمین ایده حکمی متعهد . . . ده
مقیم صرافاندن «بولو» بی . . . محکمه سی مقاولات محررلکی طرفدن مصدق،
اشبو عرضحاله مربوط برقطعه کفالت سندی ناطق اولدینی اوزره کفیل
ارانه ایتدم. مرقوم علی آغانک محکمهجه تعیین اولنه جق کونده بالذات کلسی
ویا خود طرفدن بروکیل کوندرمسلیله دعوامک استینافاً بالرویه حکم
مذکورک نقض وفسخنی طلب ایدرم اولیابده

امضا

. . . ده مقیم . . . اصنافدن

«و.»

کفالت سندنده هانکی ماده دن طولای ظهوره کله جک ضرر وزیان
ومصارفک تضمینه کفالت اولندینی آکلاشلق ایچون اولا ماده نک مجملاً
تعریفی وکفالتک وقوعی تحریر اولنور.

صورت : نومرو ۷۴، ماده ۱۸۶

بادی ترقیم کفالتنامه اولدرکه

. . . مقیم «ب» و . . . ده مقیم «و» میانه لرنده ظهوره کلن آله جق دعوا-
سنگ، . . . بدایت محکمه سی طرفدن تحت حکمه آلتسندن طولای مرقوم
«و» ک . . . محکمه سنده اقامه ایله دیکی دعوا ی استینافده حقسز چیقیدینی
تقدیرده مستاتف علیه مرقوم «ب» ک استیناف محکمه سی مصارفی وقانوناً

تصدیق اوله جق مصارف سفریه سیله کافه ضرر و زیانک تضمینی ایچون مرقوم
 «و» ه کفیل و ضامن اولدیغیمی مین اشبو کفالت سندم ترقیم و امضا قلندی .
 فی سنه ده مقیم صرافاندن
 «بولو»

حکم اولک تصدیقنه دأر اعلام

صورت : نومرو ۷۵ ، ماده ۱۹۶

ردوس قصبه سندم ساکن اصحاب املا کدن محمد ادريس ايله قصبه
 مذکورده مقیمینه اصحاب املا کدن اسلام شریف بینلرنده متکون زقاق منازعه سی
 ماده سندن طولایی ردوس بدایت محکمه سندن صادر اولان ۲۲ جزیران تاریخی
 و قرق ایکی نومرولو اعلام حکمنه عدم قناعتله دعوانک استینافاً رؤیتنی، مرقوم
 محمد ادريس، ساقز استیناف محکمه سی حقوق دأر سنه و یرمش اولدیغی عرضحال
 و متفرعاتنده استدعا، وارکریده مقیم تجاردن نیقو حیطو امضاسیله ممضی
 و مصدق برقطعه کفالتنامه اعطا ایلهمش و استیناف استدعاسی ايله لایحه و کفالتنامه
 صورت مصدقه لری دعوتیه ورقه سیله معاً مرقوم اسلام شریفه تبلیغ قلنمش
 و تعیین قلنان کونده طرفین اصالة کلش اولمغله اجرای محاکمه لرینه ابتدار
 و اوراق موجوده مواجهه لرنده قرائت و افاده لری استفسار اولندی .

اعلام مذکورده، مرقوم محمد ادريسک یدنده بولنان و ایکی سنه دنبرو
 مستقلاً مالی اولان آلتون اوزرینه مصنوع برچفت زمرد کویه بی، بوندن
 بریحق سنه مقدم ضایع ایتمش اولدیغندن و بوکره مذکور کویه بی مرقوم محمد
 ادريسک یدنده بولدیغندن بحثله مذکور کویه لرك کندوسنه اعطاسنک تحت
 حکمه آلتاسنی مرقوم اسلام شریف استدعا ایلهمش و اصولاً جریان ایدن
 محاکمه و جاهیه لرنده مرقوم محمد ادريسک انکارینه مقارن، مذکور کویه نك
 برسنه دن بری مستقلاً مالی اولدیغنی سراً و علناً لدی التزکيه مقبول الشهاده

اولدقلری اخبار اولنان ارکریده پالور طوز محله سی اهالیسندن وقیوجی اصنافدن . . . و . . . و . . . نام کسنه لر ایله مجله نك ۱۷۵۷ مجی ماده سی حکمنجه بالمواجهه اثبات ایتمش اولدیغدن مذکور کویه نك مرقوم محمد ادریسك یدندن اخذیله مرقوم اسلام شریفه اعطاسنه ومصارف محاکمه نك مرقوم محمد ادریسه تحمیلنه بدایهً بالاتفاق قرار ویرلدیکی محرردر.

مستأنف مرقوم محمد ادریسك . . . تاریخی ومهریله محتوم لایحه سی مندرجاتی، مرقوم اسلام شریف، سالف البیان کویه ایکی سنه دن بری مستأنف علیه مرقومك مستقلاً مالی اولدیغنی دعوی ایتمشکن اقامه ایلدیکی شاهدان مرقومان، مذکور کویه برسنه دنبری مستأنف علیه مرقومك مستقلاً مالی اولدیغنه شهادت ایدوب شهادت واقعه، مرقوم اسلام شریفك دعواسنه موافق بولمادیغنی جهتله ارگری بدایت محکمه سنجه رد ومدعیدن دعواسنه مطابق دیگر شاهد طلب ایدمك لازمکلیرکن شاهدان مرقومانك شهادتلیر بالقبول علیه حکم ایدمك یولسز وخلاف قانون اولدیغندن حکم واقعه ک فسخنی طلبندن عبارتدر.

مستأنف علیه مرقوم اسلام شریفك . . . تاریخی وامضاسیله ممضی جواب لایحه سی مضمونی، مذکور کویه لر برسنه دنبری مستقلاً مالی اولدیغنه دأر شاهدان مرقومانك شهادتلیر مدعاسندن اقل ایسه ده بواقلیت، شهادت واقعه نك ردینی موجب اولمایه جغه وبدایهً صادر اولان حکم، قانونه موافق اولدیغنه بناءً حکم واقعه ک تصدیقیله مصارف محاکمه وضرر وزیانك مستأنف مرقومدن تحصیلنه قرار اعطاسی استدعاسندن عبارتدر.

طرفین استجواب اولندقه ایکیسی ده لایحه لری مندرجاتی تکرار وبونك خارجنده بردیجکلری اولمادیغنی تذکار ایتلریله محاکمه لرینك ختام بولدیغنی تفهیم اولندی.

ایجابی لدی المذاکره، مستأنف مرقوم محمد ادریس، مستأنف علیه ک اقامه ایتدیکی شاهدلر، مذکور کویه برسنه دنبری مستأنف مرقومك مستقلاً مالی

اولدیغنه شهادت ایدوب حالبوکد مستأنف علیه مرقوم اسلام شریف، مذکور کوبه لر ایکی سنه دنبرو مستقلاً مالی اولدیغنی دعوی ایلش اولدیغنه و شهادت واقعه، دعواسنه موافق اولماغله، ارگری بدایت محکمه سنجه ردی لازمه دن ایکن رد ایدلیوب شهادت مذکوره اوزره علیه حکم اولمش ایدوکنه بناءً حکم مذکورک فسختی طلب ایلش ایسه ده شهادتک دعوايه موافقتی یا اکا تامیله مطابقتی و یا خود مشهود بهک مدعا بهدن اقل اولماسی صورتی اولدیغنی، مجله نك ۱۷۰۷ ماده سی احکامندن اولدیغنه، و شاهدان مرقومانک بو باده کی شهادت لری مدعا بهدن اقل ایسه ده ماده مذکوره حکمنجه قبوله شایان و حکم اول، شو جهته قانونه موافق بولندیغنه بناءً حکم اولک تصدیقنه و مصارف محاکمه ایله مستأنف علیه مصارف سفریه سی و ضرر و زیانی اوله رق ذیل اعلامده محرر اولان . . . غروشک مستأنف مرقوم محمد ادریسنن بالتحصیل مستأنف علیه اعطاسنه . . . تاریخنده درجه ثانیه ده متفقاً قرار ویریلهرک طرفینه تفهیم قلندی .

حکم اولک فسخیله یکیدن رؤیتنه دار اعلام

صورت : نومرو ۷۶

. . . ده ساکن تجاردن (ب) ایله . . . ده مقیم بقال اصنافدن (ح) میانه لرنده (سابقده کی سرنامه کی یازیله) .

اعلام مذکورده، مرقوم (ب) مرقوم (ح) علیه اقامه ایتدیکی ۳۰۰۰ غروش آله حق دعواسندن طولای جریان ایدن محاکمه و جاهیه لرنده، مرقوم «ح» ک انکارینه مرقوم «ب» شهود شخصیه ایله اثبات مدعايه قالمش ایسه ده خصوص مذکورده شهود شخصیه قبول ایدلمدیکنه، و مرقوم (ح) اولوجهله آله جنی اولدیغنی سندله اثباته مقتدر اولدیغنه بناءً مرقوم «ح» ک تحلیفیه مذکور ۳۰۰۰ غروش آله حق دعواسندن طولای مرقوم (ب) ک مرقوم «ح» معارضه دن منعه و . . . الخ قرار ویرلیدیکی محرردر .

مستأنف مرقوم «ب» ك ... تاریخلو و امضاسیله ممضی لایحه مندرجاتی، مرقوم «ح» علیه اقامه ایتدیکی دعوانك اثباتی ایچون اقامه ایتك ایسته دیکی شهود شخصیه نك محكمه جه قبول اولنمایوب سند ایسته نلسی، مخالف قانون اولدیغندن حکم واقعك فسخی طلبندن عبارت در.

مستأنف علیه مرقوم «ح» ك . . . تاریخلو و امضاسیله ممضی لایحه جوابیه سی مضمونی، (اعتراض لایحه سی رده دأردر) دن عبارت در.

طرفین استجواب اولندوقده لایحه لری مندرجاتی تکرار وبونك خارجنده برده چکلری اولمادیغنی تذکار ایتلریله محاکمه لرینك ختام بولدیغنی تفهیم اولندی. ایجابی لدی المذاکره، مستأنف مرقوم (ب) ك مستأنف علیه «ح» علیه اقامه ایتدیکی ۳۰۰۰ غروش آله حق دعواسندن طولای بدایه جزیان ایدن محاکمه و جاهیه ده، مرقوم «ب» ك اثبات مدعا ایچون اقامه ایتك ایسته دیکی شهود شخصیه، محكمه جه قبول اولنمایوب سندله اثبات مدعا ایتسی تکلیف اولنمش و سند ابراز ایده مه مسی اوزرینه مرقوم «ح» ك اجرای تحلیفه مرقوم «ب» ك معارضه دن منعه حکم و قرار ویرلمش ایسه ده بومثللو بشیک غروشی متجاوز اولمایان اقراض و استقراض ادعالرینك، شهود شخصیه ایله اثباتی مجاز اولدیغنی، اصول محاکمه حقوقیه نك ۸۰ نجی ماده سی احکامندن بولنمش و محكمه مزبورده نك بوجواز قانونی به مخالف حکم و قرار ویرمش اولماسی، مخالف قانون اوله رق مستأنف مرقومك درمیان ایتدیکی اعتراض، موافق قانون کورلمش اولماسنه بناءً اصول محاکمه نك ۱۹۶ نجی ماده سنجه اعلام ابتدائی مذکورك فسخیله یکیدن فصل دعوايه دأر قرار تفهیم اولندی.

بدایه اقامه ایتك ایسته دیکی شهود ایله اثبات مدعا ایتسی مستأنف مرقومه تکلیف اولندوقده اسملرینی جریده یه قید ایتدیروب یوم معینه محكمه یه احضار ایتدیکی . . . ده مقیم . . . و . . . نام کسنه لر ایله مرقوم «ح» ذمتده ادعا ایتدیکی اوچیک غروش الان آله حق حق اولدیغنی بالمواجهه اثبات ایله دیلر.

شاهدان مرقومانه نه ديه جكي مرقوم (ح) ه صورلدقده عدالتلری
گندوسنجه مسلم ايسه ده کندوسنك مرقوم (ب) ه دینی اولمادینی ادعاسنی تکرار
ایلش در.

بونك اوزرینه شاهدان مرقومانك اولاسرا ... ده مقیم ... و ... لردن
بعده کسان مرقومان حضور محکمه یه کتوردیلهرک علناً اجرا قلنان تزکیه لرنده،
عادل ومقبول الشهاده اولدقلری آکلاشلش و طرفینك افادات مشروحهلری
خارجنده برديه جکلری اولمادینی آکلاشلش اولغله محاکمه لرینك ختام بولدیغی
تفهیم قلندی .

ایجابی لدی المذاکره، مستاتف مرقوم، مرقوم (ح) ذمتده اولوجهله
آله جنی اولدیغی . . . ده مقیم مقبول الشهاده اولدقلری مستبان اولان
. . . و . . . ایله اثبات ایتدیکنه بناءً الح .

صورت اخری: نومرو ۷۷ ماده

. . . ده ساکن تجاردن (ب) ایله . . . ده ساکن اصنافدن (ح) میانه لرنده
(مابعدی سابقده کی)

قرارنامه مذکورده، مرقوم (ب) ك مرقوم (ح) علیه اقامه ایتدیگی . . .
غروش آله جق دعواسندن طولایی جربان ایدن محاکمه وجاهیه لرنده، مرقوم
(ح) کندوسندن ادعا اولنان مبلغ مذکورى مدعی مرقومه بتمامها تأدییه
وايفا ایله دیکنی بیانله دفع دعوی ایله مشدر . بونك اوزرینه تصدی ایتدیگی
دفعی اثبات ایتسی، مرقوم (ح) ه تکلیف اولندقده مدعی مرقوم (ب) کندوسی
مدعی اولق جهتیله اثبات دعوی کندینه عائد اولدیغی ادعا ایله مش ايسه ده
مجله نك ۱۳۱ نجی ماده سنجه اثبات دعوی، مدافع مرقوم (ح) ه عائد اولدیغنه
دائر ویریلن حکم و قرار طرفینه بعد التفهیم، مرقوم استیناف دعوی
ایده جکلدن بحاله قرار مذکورك اعلام شکننده اعطاسنی طلب ایله مکله
قرار مذکور قرارنامه یه ربط ایدلدیگی محرردر.

مستأنف مرقوم (ب) ك . . . تاریخلو و طزفندن مضمی لایحه اعتراضیه سی مندرجاتی، (. . .) دن عبارتدر .

مستأنف علیه مرقوم (ح) ك . . . تاریخلو و طزفندن مضمی لایحه جوابیه سی دخی (. . .) دن عبارتدر .

طرفین استجواب اولندوقده لایحه لری مندرجاتی تکرار و بشقه بر دیه جکلری اولمادیغنی تذکار ایله مش اولمالریله محاکمه لرینک ختام بولدیغنی تفهیم قلندی .

ایجابی لدی المذاکره، مستأنف مرقوم (ب) کندوسی مدعی اولمق جهتیله دعوانک اثباتی کندیینه عائد اولدیغنی ادعا ایله اعلام ابتدائی علمینه اعتراض ایش ایسه ده مستأنف علیه مرقوم (ح)، مرقوم (ب) ك دعواسنی دفع ایتدیکنه، و اول امرده دفعك لزوم ثبوتی حکم قانون اقتضاسندن بولدیغنه بناء اثباتک مستأنف علیه (ح) عائد اولدیغنه دأربدايه للاحق اولان حکم و قرار، احکام قانونیه یه موافق اولغله حکم ابتدائی مذکورک تصدیقیله بروجه مشروح اساس دعوی دخی تحت حکمه آلتحق اوزره درجه اولی محکمه سنه اعادسنه و . . . الخ .

قابل استیناف اولماق جهتیله استیناف استدعاسنک ردینه دأرذر

صورت : نومرو ۷۸، ماده ۱۹۶

کرماستی قصبه سی ساکنلرندن و اصحاب املا کدن مصطفی صالح ایله قصبه مذکورده مقیم تبعه دولت علیه دن یورکی پنايوط بینلرنده متحدت ایکی بیك غروش آله حق دعواسندن طولانی، کرماستی بدایت محکمه سی حقوق دأره سندن اعطا اولنان . . . تاریخ و یوز ایکی نومرولی اعلام حکمنه عدم قناعتله دعوانک استینافاً رؤیتی، مرقوم مصطفی صالح طرفندن بروسه محکمه استینافیه سی حقوق دأره سنه ویریلن عرضالده استدعا، و کرماستیله مقیم صراف عورام یا قو امضاسیله مضمی و مصدق برقطعه کفالتنامه اعطا اولندی .

استیناف استدعاسی، لایحه و کفالتنامه صورت مصدق‌لری، مستأنف علیه مرقوم یورکی پنايوطه بعدالتبلیغ دعوت واقع اوزرینه طرفین تعیین قلنان کونده اصالة کلوب مستأنف مرقوم مصطفی طرفندن استینافاً، اعتراضاً، اعاده محاکمه عمر صبری افندی بی مسجلاً توکیل ایدلمش اولمغله محاکمه لرینه ابتدار واوراق موجوده، مواجهه لرنده قرائت اولنهرق افاده لری، مستأنف وکیلی عمر صبری افندی ایله مستأنف علیهدن استفسار قلندی.

اعلام مذکورک خلاصه مالی، مستأنف مرقوم مصطفی صالحک مرقوم یورکی پنايوطدن مطلوبی اولان ایکی بیک غروشک اعطاسنه دار اقامه ایلدیکی دعوی اوزرینه جریان ایدن محاکمه لرنده مرقوم مصطفی مذکور ایکی بیک غروشک یورکیدن مطلوبی اولدیغندن تحصیباتی دعوی ایتمش ایسده مبلغ مذکوری ادا ایله دیکنه دار یدندن سند آلمش اولدیغندن بو سندی ابراز ایله اثبات مدعا ایده جکنی سویله مش ومدعی مرقوم مصطفی صالح دخی مرقوم یورکینک دعوی دفعی انکار ایله برابر کندوسی مدعی اولمق جهتیله دعواسنک اثباتی، کندوسنه عاند اولوب دعواسنی بینه ایله اثباته مقتدر اولدیغنی بیان ایتشد. ایجابی لدی التذکر مدعی، مدعی علیک دعواسنی دفع ایتدیکنه و مجله نك ۱۶۲۱ و ۱۶۳۲ ماده لری حکمنجه اثبات مدعا، مدعی علییه عاند بولندیغنه بناءً مدعی علیه یورکینک مبلغ مذکوری ایفا ایله دیکنه دار بیان ایتدیکی سندی ابراز ایله دعوی دفعی اثبات ایتسنه متفقاً ویریلن قرار لدی التفهیم، مدعی مرقوم مصطفی قرار مذکوری استیناف ایده جکندن اعلامه ربطیه کندیسنه تبلیغی طلب ایتمکله قرار مذکورک اعلامه ربطی تنسیب ایلدیکی بیاندن عبارتدر.

مستأنف مرقوم مصطفی صالح امضاسیله مضی و . . . تاریخیه مورخ استیناف لایحه سنده خصمی مرقوم یورکی پنايوط ایله بدایه رؤیت اولنان محاکمه لرنده، خصمی مرقوم یورکینک مبلغ مذکور ایکی بیک غروشی کندوسنه اعطا ایلدیکنه دار علم و خبر ابراز ایله اثبات مدعا ایتسی لزومنه محکمه

مذکورہ جہ قرار ویرلش ایسہدہ کندوسی، خصوص مذکورہ مدعی اولوب مجلہ احكام عدلیہدہ مسطور قواعد فقہیہ و اصول محاکمہ حقوقیہ قانون موقتک آلتمشنجی مادہسی احکامنجه اقامہ بینہ کندویہ عائد اولدیغنه بناءً مادہ مذکورہ حکمنجه اعلام ابتدائی مزبورک فسخیله مبلغ مذکورک مع مصارف محاکمہ خصمی مرقوم یورکین تحصیلنه قرار اعطاسی طلبی محرردر. مستأنف علیہ مرقوم یورکی پنايوطک امضاسیله ممضی وفی ۱۰ اغستوس سنہ ۹۹ تاریخیلہ مورح اولہرق اعطا ایلهدیکی جواب لایحهسی، بدایه جریان ایدن محاکمہ لرنده بیان ایلهدیکی کبی دین مذکور ایکی بیک غروشی تماماً مستأنف مرقوم مصطفی یه بالاعطا یدندن مقبوض علم وخبری آلمش اولدیغنه ومع مافیہ اساس دعوی ایکی بیک غروش طلبندن عبارت اولوب قانوناً استینافی غیر قابل مواددن بولندیغنه بناءً، دعوی استینافک ردیلہ مصارف محاکمہ نک مرقوم مصطفی دن تحصیلی طلبنی متضمندر.

طرفین استجواب اولندقدہ مستأنف وکیلی عمر صبری افندی، لایحه مندرجاتنی تکرارله بدایه ویریلن قرار، مستأنف علیہک ایراد ایلهدیکی دفعی اثباته دار اولوب بوقرار دخی اصول محاکمہ حقوقیہ قانون موقتک آلتمش آلتنجی مادہسی حکمنجه قرار قرینه دن معدود اولویغنه بناءً قابل استیناف اولدیغنه، خصمی مرقومک بوکا دار اولان اعتراضاتی واهی اولدیغنی بالیان موکلنک دعواسنک اثباته حواله اولماسنی طلب ایتمش ومستأنف علیہ مرقوم یورکی، دعوی وافادات سابقه سنده اصرار کوسترمشدر.

بشقه بردیه جکلری اولمدینی آکلاشلمسی اوزرینه محاکمہ نک ختام بولدیغنی تفهیم ایدلی .

ایجابی لدی المذاکره مستأنف مرقوم مصطفی صالح، مرقوم یورکی پنايوطدن مطلوبی اولان ایکی بیک غروشی کندوسنه اعطا ایلهدیکنه دار مرقوم یورکینک علم وخبر ابراز ایله اثبات مدعا ایتسنه دار کرماسنی محاکمہ بدایتندن ویریلن قرار، خلاف قانون اولماسندن طولای فسخیله اقامه

بینه، کندوسنه عايد وقرار مذکور قرار قرينه دن معدود اولمق جهتيله قابل استیناف اولديغنی بیان ایتمش ایسه ده مستأنف علیه، مرقوم یورکی پنايوطک ویرمش اولديغنی جواب لایحه سنده بیان اولديغنی اوزره اساس دعوی ایکی بيك غروش طلبدن عبارت وبش بيك غروش دن اولديغنه وبو مثللو بش بيك غروش دن بولنان و مقداری معین اولان دعوالره دار ویریلن قرار قرينه لرك، حکمك لحوق دن اول اصول محاکمه حقوقه قانون موقتک ۱۷۷ نجی ماده سی احکامجه استینافی جائز اولمادیغنه بناءً استیناف واقعک ردینه و... الخ...

استدعانک ردینه دائردر.

صورت: نومرو ۷۹

... ده مقیم (ب) ایله ... ده مقیم (ح) بینده متحد آله جق دعوا-
سندن طولایی ... بدایت محکمه سندن صادر اولان ... تاریخلو و ...
نومرلی اعلام حکمنه عدم قناعتله دعوانک استینافاً رؤیتنی مرقوم (ب) ک...
استیناف محکمه سنه ویرمش اولديغنی عرضحال و متفرعاتنده استدعا و ... ده
مقیم ... امضاسیله نمضی و مصدق برقطعه کفالتنامه اعطا ایله مشدر.
استیناف استدعاسی ایله لایحه و کفالتنامه، صورت مصدقه لری دعوتیه
ورقه سی مرقوم (ح) تبلیغ اولنه رق تعیین قلنان کونده طرفین اصالةً
محکمه یه کلش اولمالریله محاکمه لرینه ابتدار و اوراق موجوده مواجهه لرنده
قرائت اولندی.

بوصیره مستأنف علیه مرقوم اعلام ابتدائینک تاریخ تبلیغه نظراً
استیناف استدعاسی مدت قانونیه خارجنده ویرلمش اولغله استیناف استدعاسنک
ردینی ادعا ایله دی.

مستأنف مرقوم (ب) دخی ایشی، محکمه نك رأینه حواله ایتدیکنی بیان

ایله هر ایکی طرفك بشقه بر دیه جکلری اولمادیغی آکلاشلغله ختام ویریلهدرک
محاکمه لری تفهیم قلندی .

ایجابی لدی المذاکره اعلام مستأنف به، ... تاریخنده تبلیغ قلمش اولدیغی
حاله استیناف استدعاسنک ... تاریخنده ویرلمش اولماسنه نظراً استیناف
استدعاسی، اعلام مستأنف بهک تاریخ تبلیغندن اعتباراً بش ماه صکره ویرلمش
اولدیغی آکلاشلش اولغله اصول محاکمه حقوقیهنک ۱۸۵ نجی ماده سنجه
استیناف استدعاسنک ردینه و... الخ .

﴿ ایکنجی فصل ﴾

« اعاده محاکمه »

عرضخالده اعاده سی ادعا اولنان حکم و اعلامک اسباب اعاده سی ماده لری
علاوه اولنه جقدر .

صورت : نومرو ۸۰ ماده ۲۰۲

« ... بدایت محکمه سی ریاستنه »

... محله مقیم ... ایله میانه مزده متحدث درتیک غروش آله حق
دعواسندن طولایی محکمه علیه لرنجه جریان ایدن محاکمه ده، مبلغ مذکورک
طرفزدن لزوم تحصیلنه دأر (...) تاریخنده ویریلن حکم وقراره، اعلامه
ربط اولتمش و اعلام مذکور ... تاریخنده طرفه تبلیغ قلمشدر .

آنحقوق حکم مذکورہ آئیدہ بیان اولنہ جق اسبابہ منی قناعت اولنہ مدیغندن
محاکمہ مزک اعادہ سنی طلب ایدہ رم .

شویله که: اولاً محل اقامتم . . . قصبه سنی اولوب بوجهت، محکمه یه دخی
معلوم اولدینی و هر دعوی، مدعی علیک اقامتگاهی محکمه سنده کورملک قانونک
احکام صریح سندن بولندینی و بواعراض حقدنہ و قتیله دخی طرفدن سکوت
ایدلمدیکی حالده مرقوم . . . ک دعواسنک اقامتگاهم محکمه سنه نقل اولنمایوبده
محکمه علیه لرنجه رؤیت و فصلنه تشبث اولنمسی، اصول محاکمه حقوقیه نک
ایکیوز ایکنجی ماده سنک طقوزنجی فقره سنه بسبتون مخالفدر . . .

ثانیاً خصم مرقوم . . . طرفدن مطلوباتی اثبات ایچون ابراز و محکمه یه
ارائه اولنان دفترده، مدیون اولق اوزره کوستریلن علی اوسته کندوسی
اولمایوب . . . ده مقیم دیگر بر بر علی اوسته اولدینی؛ حتی کچنلرده مرقوم
علی اوسته ایله . . . بدایت محکمه سنده سبقت ایدن محاکمه لری اوزرینه مبلغ
مذکورک سالف الذکر دفترده محرر فقره ایله مرقوم دیگر بر بر علی اوسته دن
تحصیلنه حکم صادر اولمش و شو صورتله دفتر مذکورہ استناداً محکومیم حقمک
خصم طرفدن استعمال اولنان برحیله یه هدف اولدینغی مؤید بولنمشدر .

اشته اسباب مذکورہ نظامیه یه بناء اعادہ محاکمه طلبنی مشعر اولان اشبو
استدعای عاجزانه مک بالقبول محاکمه مزک اعادہ سیله احقاق حق بیورلماسنی
استدعا ایدہ رم اولبایده
فی سنه

اعادہ محاکمه اعلامندہ، طرفینک جلبدن صکره استدعانک مدت نظامیه
ایچنده ویریلوب ویرلمدیکی و حکمک اعادہ سیچون درمیان اولنان اسباب، موافق
اولوب اولمادینی یازیلیر .

اگر موافق دکل ایسه استدعانک ردیله قانوناً ایفاسی مشروط اولان
تضمینات حکم اولنور؛ اگر موافق قانون ایسه طرفین هیئت اولی لرنه ارجاع
اولنهرق اساس محاکمه یه دائر طرفینک مطالعاتی و محکمه نک اولبایده کی
قراری یازیلیر .

صورت: نومرو ۸۱ ماده ۲۱۳

... طرفدن تقدیم اولنان اعاده محاکمه استدعاسی قرائت و مطالعه اولندی.

خلاصه مآئنده... (بوراده ۴۴ نومروده کی استدعا خلاصه سی درج اولنور) خصوصی استدعا اولمشدر.

مستدعی مرقوم خصمنک ضرر و زیانی تضمینه مدار اولق اوزره بشیوز غروش محکمه صندوقه تسلیم ایتدکن و طرفین تعیین اولنان کونده احضاراً محکمه یه اصالة کلوب اعاده محاکمه استدعاسنک مدت نظامیه ایچنده تقدیم اولدینی آکلاشلدقن و کیفیت طرفین حضورنده دخی بالبحث برکونا اعتراض ظهور ایتدکن صکره مدعی عمومی افندی حاضر اولدینی حالد محاکمه لرینه مبادرت و اعلام معاددن به، مواجهه لرنده قرائت اولندی. (بوراده اعلام عیناً درج اولنور)

بونک اوزرینه اسباب اعاده یی بیان ایتسی، معید محاکمه مدعی مرقوم تکلیف اولدقدن عرضحاکک مآئنی شفاهاً دخی تکرار و اول امرده استدعاسنک قبولیله اعلام مذکور حکمنک تأخیرینه و محکمه یه ویرمش اولدینی بش لیرانک کندوسنه اعاده سنه قرار ویرلدکن صکره بالمحاکمه حکم سابقک فسختی طلب ایله دی.

نه دیه چیکی مدعی علیه صورلدقدن مدعی مرقومک سرد ایتدیکی برنجی سبب حقدن قانونه توفیقاً بیان حقیقت ایتسی محکمه یه حواله ایله دیکنی و ایکنجی سبب حقدن یعنی طرفدن حیل استعمال اولدینی مسئله سنه کلنجه: مرقوم (ب) ک کندیسنه اولقدر غروش دینی اولدینی کندی خط دستیه محرر دفتر ایله مثبت و متحقق بولمش اولدینی حالد طرفدن استعمال حیل یه بر مجبوری بولنماش اولغله بویابده کی افاده سی واهی و بی اساس اولدینی بیان ایتدی.

واقع اولان سؤال اوزرينه طرفينك بالاده محرر افادادن بشقه برديه -
جکلری اولماديني آکلاشدی .

مطالعهي نهدن عبارت اولديني مدعي عمومي افديدن سؤال اولندوقده
مدعي مرقومك درميان ايتديكي اسباب اعاده دن ايکيسي دخی قانونك استئنا
ايتديكي احوال دن اولمغله اولبابده کی استدعاسنك رديله مدعي مرقومك دعوای
مذکوره يه قیامی، مجرد اعلام سابق حکمنك اجراسنی تأخیر مطالعه سنه مبنی
اولمغله محکمه جه آلمش اولان بش لیرانك بالتوقیف مدعي عليه اعطاسی
وقانونك امر ايتديكي جزای نقدينك مدعي دن آلماسی لزومنی درميان
ایله دیکندن محاکمه لیرينك بوجهتی ختام بولديني تفهيم اولمشدر .

ایجاب کیفیت لدی التذکر مدعي مرقوم (ب) حکم سابقك بالاعاده اصلاحی
ایچون استناد ايتديکی ایکی سبیدن بری: کندی اقامتکاهی ... قصبه سی اولوب
بوجهت، محکمه جه دخی معلوم اولديني، ودعوانك محکمه مذکوره يه نفلی مقتضی
بولنديني حالده محکمه جه رؤیت اولنماسی، اصول محاکمه يه مخالف اولديني
مسئله سی اولوب بوجهت نظر مطالعه يه آندوقده، فی الواقع مدعي مرقومك
اقامتکاهی ... قصبه سی اولديني قبل المحاکمه محکمه جه دخی معلوم ایديسه ده
دعوانك مدعي عليه اقامتکاهی محکمه سنده کوريله چکنه دأر اولان احکام
قانونیه، ذات ^{مصطلحه} وظائف دن اولان بوکي دعاویده، طرفین دن بری اساس
محاکمه يه کیریشمزدن اول نقل خصوصنی استدعا ایتدکجه تطبیق اولنهمیه جغه
ومدعي مرقوم ایسه اولوقت سکوت ایدوب حق شکایتی اسقاط ایله مش اولماسنه
بناءً مدعي مرقومك بیان ايتديکی اشبوسببی، جواز قانونی یه مستندا اولمادیغندن
ومدعي عليه طرف دن ایدیلن حيله نك محکمه يه تأثیر ایله مش اولماسدن عبارت
اولان ایکنجی سببه کلنجه: اشبو ماده يه دأر اولان ضبط دعوایه لدی المراجعة،
مدعي عليه، دعواسنی اولوجهله مدعي طرف دن بیان اولنان دفتر ایله اثباته
تشبث ایله مش ایسه ده اوصیرده ده مدعي طرف دن مدعي عليه ایله اولان
دیگر برآله حق منازعه لیرینی اثبات ضمننده ابراز وارانہ ایدیلن بردفترده

محکوم به اولان مبالغ مذکور نك ذمتنده دینی اولدینی کندی خط دستیله محرر اولدینی کورملکله ومدعی، اشبو دفتره کندی خط دستیله محرر ایدوکنی اقرار ایتکلله حکم مذکور اشبو دفتره بالابتنا صادر اولمشدر. بوکا ایسه اعلامده مدعی علیه طرفندن تشبث ایدیلن صورت اثباتیه دن بحث اولنماسی دلیل اولوب شوو حالده مدعی علیه طرفندن استعمال ایدلیکی ادعا اولنان حیله نك محکمه یه تاثیر ایتمه مش اولدینی محقق وشو جهتله مدعینك اشبو ایکنجی سینك دخی واهی و بی اساس اولدینی آکلاشدیغندن مدعینك وقوع بولان اعاده محاکمه استدعاسنك ردینه، ومدعی مرقومدن اصول محاکمه نك ۲۱۳ نجی ماده سی حکمنجه درت یوز غروش جزای نقدی اخذینه، وبدل تضمین اوله رق مدعی دن آلوب محکمه صندیغنده موقوف اولان بش یوز غروشك مدعی علیه دوچار اولوب محکمه جه مصدق اولان ضرر و زیانی ایچون مدعی علیه ویرلمسنه فی سنه تاریخنده اکثریت ایله قرار ویریله رك صورت قرار طرفینه تفهیم قلندی.

سنه فی

صورت: نومرو ۸۲ ماده ۲۱۴

... طرفندن ویریلن اعاده محاکمه استدعاسی قرائت ومطالعه اولندی.
 خلاصه مالی، ... ده مقیم (ب) ك مرقوم (ع) طرفندن ممضی برقطعه پولچه ایله ذمتنده ... غروش آله جق دعوی ایتسی اوزرینه اجرا قلنان محاکمه لرنده مبلغ مذکور ك کندوسندن تحصیلنه دار ویریلن حکم و اعلام، طرفینه فی ... سنه تاریخنده تبلیغ قلنش ایسه ده حکم مذکوره عدم قناعتله اعاده محاکمه صورتیله اعتراض ایده جکنی بیان ایله دی. اسباب اعاده دن اولمق اوزره درمیان ایتدیکی اعتراضی دخی ادعای واقعه پولچه یه مستند اولمق جهتیه تجارت محکمه سی اولمایان محالرده دعوی کوره جك اولان بدایت حقوق محکمه سنك تمامیه محکمه تجارت شکلی اکتساب ایتسی لازمه دن اولدینی و بوراسنی مدعی علیه ایله سبقت ایدن محاکمه لرنده اساسه کیریشمزدن مقدم

ایمان ایله دیکی حالده محکمہ نك بوشریطه یه رعایت ایتمه سیله اصول محاکمہ نك بسبتون اخلال ایدلمش اولماسی خصوصندن عبارت اولدیغی کورلمشدر .
 مستدعی مرقوم؛ خصمك ضرر و زیاننه مدار اولمق اوزره محکمہ صندیغنه بش یوز غروش تسلیم ایتدکن، و طرفین تعیین قلنان کونده احضاراً محکمہ یه بالاصاله کلوب اعادہ محاکمہ استدعاسی، مدت معینه ظرفنده تقدیم و اصولنده تنظیم اولدیغی کوریلوب طرفینك بوجهت حقننده بر دیه جکلری اولمادیغی عندالسؤال آکلاشلقدن صکره مدعی عمومی . . . افندی حاضر اولدیغی حالده مذکور عرضحال ایله اعلام سابق قرائت اولندی.

اعلام مذکور، فی سنه تاریخیه مورخ و مهریله مختومدر . مالی،
 (بوراده، مدعی علیه اقراری تحتنده بولنان پولچه منظوقجه مدعی یه . . .
 غروش اعطا ایله محکومیتندن، و معید مدعی مرقومك مدعی علیه ایله محاکمه لرنده اساس محاکمه یه کیریشمزدن اول محکمہ نك دعوا ی مذکور دینی رؤیت اثناسنده محکمہ تجارت شکلی آلماسنه دأر درمیان ایتمش اولدیغی اعتراضك ردندن باحث بر اعلام ابتدائی یازیله جقدر) دن عبارت اولدیغی کورلمشدر .
 بونك اوزرینه اعادہ محاکمه ادعاسنك مستند اولدیغی اسبابی بیان ایتسی، معترض مرقومه تکلیف اولندقده مال عرضحالی بعد التکرار محکمہ نك پولچه یه مستند اولان دعوا لرینی رؤیت اثناسنده تشکیلات محاکم قانوننك اونجی ماده سیله ذیل قانون تجارت احکامنه توفیقاً تجاردن منتخب ایکی اعضای موقته بولندیر مق و دعوا یی اصول محاکمه تجارتیه توفیقاً رؤیت و فصل ایتمک ایجاب ایتدیکی و بورالرینی بدایه جریان ایدن محاکمه ده اساسه کیریشمزدن اول درمیان ایتدیکی حالده محکمہ نك بودعوا یی هیئت وصفه اصلیه سیله رؤیت و حکم ایتسی، اسباب موجبہ اعاده دن اولدیغی و بنا برین حکم سابقك اعاده سیله تکرار محاکمه لرینك رؤیتنی طلب ایتدی.

مدعی علیه مرقوم دخی معترض مرقومك درمیان ایتدیکی اشبو اعتراضی، اعادہ محاکمه یی موجب اسبابدن اولمادیغی ادعا ایله مش و ایکی طرف

افادات سابقه لری خارجنده بر دیه جکلری اولمادیغنی سولیشدر .
 مطالعه سی نهلردن عبارت اولدیغنی مدعی عمومی مومی الیهدن لدی السؤال
 مدعی مرقومک در میان ایتدیکی سبب مواد صریحه قانونیه مستند، و بدایه
 جریان ایدن محاکمه لرنده اعتراضی اساسه کیریشمزدن اول اتیان ایله دیکی اعلام
 مذکور مندرجاتندن منضم اولغله حکم سابقک لزوم اعاده سی بیان ایتمش
 اولدیغندن محاکمه لرنیک بوجهتی ختام بولدیغنی طرفینه تفهیم اولمشدر .
 ایجاب کیفیت لدی التذکره، معترض مرقوم حکم سابقک لزوم اعاده سنه
 دأر بیان ایتدیکی سبب، پولچه یه مستند بر دعوانک حقوق محاکمه لرنجه رؤیتنه
 حاجت منی ایله ذیکر حالده بونی رؤیت ایده جک اولان حقوق محاکمه سی،
 هر حالده تجارت محاکمه سی شکل وصفتنی اکتساب ایتسی، احکام قانونیه
 اقتضاسندن ومدعی ملیک، علیهنه اقامه ایتمش اولدیغنی دعوی بوقیلدن
 اولدیغندن عبارتدر .

فی الحقیقه اساسی پولچه یه مستند اولان ادعایه، اساساً تجارت محاکمده
 گورلمک لازم کلیر. فقط محاکم تجارت هنوز تعمیم ایتهمش اولماسنه منی بویله
 تجارت محاکمه سی اولمایان یرلرده تگون ایده جک دعاوی تجاریه حقوق
 محاکمه لرنده گورلمک ایجاب ایتدیکی حالده حقوق محاکمه لری ذیل قانون تجارت
 احکامنه توفیقاً تامیله تجارت محاکمه لری شکل وصفتنی حاز اولمق یعنی موجود
 اعضای دائمه دن ماعدا امور تجاریه یه واقف تجار طرفندن منتخب ایکی موقت
 اعضا، حین محاکمه ده حاضر بولندیرمق و اصول محاکمه تجارته توفیقاً رؤیت
 وفصل ایتک لازمه دن اولدیغنی و بورالرنی، معید مرقوم اساسه کیریشمزدن
 اول در میان ایتدیکی حالده محاکمه اصول وقاعده مذکوره یه رعایتده ذهول
 ایله مش و بوشریطیه رعایتسزک، اصول محاکمه جه اولباده و یریله جک حکم
 و اعلامک مفسوخیتنی مستلزم شرایط جمله سندن اوله رق اصول محاکمه
 حقوقیه نیک ایکی یوز ایکنجی ماده سنک طقوزنجی فقره سنه موافق گورلمش
 اولغله مدعی مرقوم طرفندن بویاده تقدیم قلنان استدعانک قبولیه محاکمه

صديغنده موقوف بولنان بش يوز غروشك كندوسنه رد واعاده سنه، واعلام سابقك حكمي، يالكز برجهته منحصر اولمغله حكمك تأخير اجراسنه قرار ويريلوب طرفينه تفهيم قلندي.

محكمه على الاصول تجارت محكمه لري هيئت وصفتنه افراغ اولنه رق طرفين دخي هيئت اولالرينه ارجاع ايدلكدن صكره اساس محاكمه لرينه مبادرت اولندي.

مدعي مرقوم (ب)، اعلام معاديه مذكوره مندرج دعواسني تكرر ومذكور پولچهي ابراز واعطا ايله مسي اوزرينه مدعي عليه، مذكور پولچيه كندوسنك ايسهده في سنه تاريخيله مورخ اولديني حالده مدعينك آكا استناداً اقامه ايتديكي دعوايي حاوي استدعاء في سنه تاريخنده اعطا قلمش وشو صورته آرهدن سكر سنه مدت مرور ايله مش وپولچهدن منبعث دعوالرك بش سنه مرورندن صكره استماع اولنماسي، تجارت بريه قانوننامه هايوننك ۱۴۶ نجى ماده سي احكامندن بولنش اولمغله و محكمه نك مذكور پولچهدن متولد دعوايي اولوجهله رؤيت ايتسي، خلاف نظام بولمغله اعلام سابق احكامنك فسح والغاسيله مدعي مرقومك دعواسنك رديني طلب ودعوى ايتدي.

مدعي مرقوم دخي بوسبب، حكم سابقك فسحني ايجاب ايتيه جكني بيانله برابر عندالسؤال اشبو مرور ايدن سكر سنه مدته بركونه دعواسي سبقت ايتديكني سويله مش و طرفين بشقه برافاده لري اولماديعني لذي السؤال آكلا- شلماسي اوزرينه محاكمه لرينك ختام بولديني طرفينه تفهيم اولنمشدر.

ايجابي لذي المذاكره مدعي عليه مرقومك درميان ايتديكي مرور زمان مسئله سي عندالتدقيق واقع ايسهده مدعي عليه، حضور محكمه ده مذكور پولچيه كندوسنك اولديغني ومدعي نك دني ذمتنده باقي بولنديغني محاكمه اولي ده طابعاً اقرار ايله ديكي كبي اعاده رؤيت اولنان اشبو ايكنجي محاكمه ده دخي سالف الذكر پولچهنك منطوقني اقرار ايله ديكنه وتقادم زمان ايله هيچ بروقت حق ساقط

اولماید جنی، احکام قانونیه دن بولندیغنه بناء مدعی علیک بوبابده اولان اعتراضک ردیله حکم سابقده مذکور اولدیغی اوزره مبلغ مذکور... غروشک زیرده مفرداتی محرر اولان ومدعیدن استیفا قلنان... غروش مصارف محاکمه ایله برابر معید مدعی علیهدن بالتحصیل مدعی به اعطاسنه فی سنه تاریخنده درجه اولی ده متفقاً قرار ویریلوب طرفینه تفهیم قلندی فی سنه

﴿ یدنجی فصل ﴾

« تمیزه دأردر »

تمیز اعلاماتنک صورت تنظیمه سی ایله رعایت اولنمق لازم کلن شرائط، جریده محاکمه مفصلاً مذکور اولدیغندن بوبابده بر تمیز استدعاسی ایله کفالت سندینک صورتلری یازلمغله اکتفا ایدیایر.

تمیز استدعاسنده، یوم، شهر و سنه تاریخلری؛ مدعی علیک اسم و شهرت و محل اقامتلری؛ تمیزی استدعا اولنان اعلامک هانکی محکمه دن ویرلدیکی، نه وقت تبلیغ ایدلیدیکی، قانون و نظامه نه جهتله مغایر اولدیغی خصوصلری بیان اولنمق لازمدر.

شرائط مذکوره درج اولنماز ایسه استدعا رد اولنور. یعنی محکمه طرفیندن اعتراض وقوعنه انتظار ایتمکسزین دخی رد ایدر.

صورت: نومرو ۸۳ ماده ۲۲۱

محکمه تمیز ریاست علیه سنه

... ده مقیم (ب) ه سبزوات آکمک اوزره ایجار ایتدیکم ... ده

واقع . . . دیکلہ عریف بر قطعہ بوستانہ مزروعات اگلش اولماسندن طولای میانزده محدث ایدن منازعه اوزرینه . . . بدایت محکمہ سنجہ جریان ایدن محاکمہ من نتیجہ سنده، علیہندہ صادر اولان اعلام، فی سنہ نارینخندہ طرفہ تبلیغ قلمشدر.

مستاجر مرقوم (ب) ک مذکور بوستانہ اولوجهلہ مزروعات اگسی خلاف شرط و مقالہ اولدینی کبی عرفاً بوستانلق ایچون اعداد و تہیہ ایدلمش اولان مذکور بوستانہ مزروعات اگسی، بوستان ایچون وھن و ضرری مؤدی بولندینی حالده اعلام مجوٹ عنہدہ مذکور بوستانہ مزروعات اگلش اولماسی تجویز اولنہرق اولوجهلہ حکم اولماسی، مغایر قانون و نظام بولمش اولدیغندن تمیزاً فسخ احکامیلہ قانون و نظامہ توفیق ایدلمسنی استدعا ایدرم. اعلام مجوٹ عنہک . . . مقالوات محررلکندن مصدق صورتیلہ لایحہ اعتراضیلہ ینہ . . . مقالوات محررلکندن مصدق کفالت سندی، نسختین اولہرق مربوطاً تقدیم قلمش اولمغله اقتضاسنک ایفاسی بایندہ

«کفالت سندی»

صورت: نومرو ۸۴ مادہ ۲۲۱

. . . دە مقیم (ب) ایلہ . . . دە مقیم (ح) میانہ لرنده . . . دە واقع بر قطعہ بوستانک ایجار و استیجاری کیفیتندن طولای ظهور ایدن منازعه اوزرینه . . . محکمہ سنجہ صادر اولان حکم و اعلامہ، مرقوم (ح) عدم قناعتلہ تمیز دعوا یہ قالمش اولدیغندن حقسز چیقیدینی تقدیرده نظاماً تعین ایدہجک محاکمہ مصارفی ایلہ کافہ ضرر و زیانی تأدیہ و ایفایہ ضامن و متعهد اولدیغمی مبین اشبو کفالت سندی تنظیم و اعطا قلندی.

﴿سکزیجی فصل﴾

«اشتکا عن الحکام حقنده در»

اشتکا عن الحکام استدعاسنده، سبب شکایت اولان ماده ایله شکایت دعواسی کیمک علیهنده اولدیغی، اسباب قانونیه سی نه ایدوکی؟، نه دن نشئت ایتدیکی؟، نه ایله اثبات اولنه جنی؟ خصوصری درج اولندقدن صکره تاریخ وامضا ویا مهر قونیلور.

اشبو استدعا، طوغریدن طوغری به استیناف محکمه سی ریاست اولاسنه اعطا اولنه جنی کبی تشکیلات محاکم قانوننک سکسان طقوزنجی ماده سی حکمنجه عدلیه مفتشلکنه دخی ویریه بیلیر.

صورت: نومرو ۸۵ ماده ۲۶۲

... محکمه سی ریاست علیهنه

... ده مقیم (ب) ذمتنده، طرفندن محرر برقطعه سند موجبنجه مع فائض آله جغم اولان بش بیک بش یوز غروشدن طولایی تکون ایدن منازعه اوزرینه ... بدایت محکمه سنده جریان ایدن محاکمه مزده، فائض خصوصی خلاف مقاوله اوله رق تاریخ استدعا دن بالحساب مبلغ مزبور دن درت بیک بشیوز غروشک تحصیلیه طرفه تأدیه سنه دائر حکم ویرلشدر.

بوکا قانع اولمادیغمدن، لاجل الاستیناف، ... استیناف محکمه سنه مراجعتله علی الاصول خصمک جنبی طلب ایتمش واولوجهله محاکمه یه کیریشتمش اولدیغم حالده رئیس محکمه ... افندی، مبلغ مزبوری درت بیک بش یوز غروشه تنزیل ایله حکم ایله مش اولدیغنه وبونلردن مدعابه می؟ یوقسه محکوم به اولان مبلغه می؟ اعتبار اولنه جغنه دائر قانونده برصراحت اولمایوب سکوت ایدلمش

اولماسنه بناءً دعواى معروضه نك قابل استيناف اولوب اولمايه جغه دار
محكمه قرار ويره ميه چكنى بيان ايتمش و بويابده كي مجبوريت قانونيه دن بختله
احقاق حق ايتمى لزومى ميين طرف عاليرينه ايكيشر هفته مدتله اوچ
قطعه مخرطه تقديم قلمش اولدينى حالده ينه فكر و ذهاب سابقده اصرار
ايله مش واشبو اصرار ايله احقاق حق دن استنكافى دخى حاكم مومى اليهك،
مرقوم (ب) ه شريكلىكى مناسبتيله اولان محبت و صحابتدن نشئت ايتمشدر.

بو ايسه حاكم مومى اليه عليهنده شكايه ايديه بيلك صلاحيتنى ويرمش
اولماسنه، و حاكم مومى اليهك شو و جهله احقاق حق دن استنكافى، بويابده
تقديم ايتديكم مارالبيان اوچ قطعه مخرطه نك اوراق مديرلكندن معطى
بولنان . . . نومرولر ايله اثبات ايديه چكمدن، اشبو عرضالمك بالقبول،
اصولاً حاكم مومى اليه تبليغيه آله جق جوابدن صكره محاكمه مزك رؤيتى
باينده و هر حالده فى سنه

افطار

استدعائك قبوله دار محكمه جه ويره جك قرار نامه ده، استدعائك قانونه
كيفيت موافقتيله قبولى، و مشتكى عنه لزوم تبليغى خصوصلى يازيله چقدر.

صورت: نومرو ۸۶ ماده ۲۶۷

. . . ده مقيم (ح) امضاسيله محكمه يه اعطا قلمان فى . . . تاريخلى
عرضحال لى المطالعه، مضمونى، . . . ده مقيم (ب) ايله استيناف محكمه سنده
استينافاً در دست رؤيت بولنان منازعه لرئى فصل و رؤيتله احقاق حق
ايتمكدن محكمه مذكوره رئيسى . . . افدى، استنكاف ايتمكده اولديغندن،
جلبى و محاكمه لرئىك اجراسى طلبنى حاوى اولدينى كورلدى.
مشتكى مرقوم (ح) يى جلب ايله كندوسندن شفاهاً دخى استيضاح

کیفیت اولندقدہ، عرضحالی مآلئی تأیید واستدعاده محرر مخطرہ لری ابراز ایله دیکنه، و عرضحال مذکور، اصول محاکمہ نک باب نامندہ بیان اولنان شرائط وقواعد موافق تنظیم ایدلمش اولق جھتیلہ عرضحال مذکورک قبولیلہ... استیناف محکمہ سی ریسی... افسدی یہ تبلیغنه متفقاً قرار ویرلدی. فی سنه

اشکا عن الحکام اعلامندہ، عرضحاک و عرضحانک قبولنه دأر اولان قرارنامہ نک خلاصه مألری، عرضحال ایله قرارنامہ نک مشکی عنہ طرفه تبلیغی اجرا قلندیغی، آنک اوزرینہ مشکی عنہن آنه جق جوابنامہ نک خلاصه سیله جلیبری، مدعی عمومینک حضوری ومطالعہ سی، عند المحاکمہ درمیان ایدہ جکلری افاداتی ایله دعوانک عدم ثبوتی حالندہ مشکینک ادعاسنک ردیلہ جزای تقدی ومشکی عنہک مصارف سفریه وسارہ تصدیق اولنه جق ضرر وزیاننک تضمینیلہ محکومیتی ودعوانک ثبوتی تقدیرندہ مشکی عنہک، مشکینک مصارف سفریه ومحاکمہ سیله حقندہ ایدیلن غدردن ترتب ایدہ جک ضرر وزیاننک تضمینیلہ محکومیتی خصوصاری بیان اولنور.

انتظار

اشکا عن الحکام دعواسی، بدایه رؤیت اولنور مواددن اولق جھتیلہ مشکی عنہ، برنجی دعوتیه پوصله سیله کلزسه کندوسنه ۱۴۵ هجری ماده حکمنجه ایدکنجی واوچنجی دعوتیه پوصله سی کوندریلیر. کلدیکی حالده غیاباً مشکینک دعواسنه باقیلیر.

صورت: نومرو ۸۷

... ده مقیم (ب) ک... استیناف محکمہ سی ریسی علیہندہ اقامہ ایتدیکی اشکا عن الحکام دعواسدن طولای ایدیلن دعوت اوزرینہ مزبور (ب)

ایله رئیس مومی الیه ... افندی اصالةً محکمه به ککش اولمالریله مدعی عمومی ... افندی حاضر اولدیغی حالده مذکور اشکا عن الحکام عرضحالیه عرضحال مذکورک قبولنی مشعر قرارنامه، ومشتکی جانبندن ویریلن لایحه جوابیه مواجهه لرنده قرائت اولندی.

مذکور اشکا عن الحکام عرضحالتک مالی، (بوراده ... نومروده واقع عرضحالتک مالی یازیلیر) افاده سنی متضمن در. قرارنامه دخی، (بوراده ... نومروده کی قرارنامه درج اولنه) بیانندن عبارت بولنمشدر.

لایحه جوابیه نك خلاصه مفهومی دخی، (بوراده لایحه درج ایدیلیر) طرفین لدی الاستجواب، مشتکی مرقوم، استدعاسی مألنی تکرارله رئیس مومی الیه محکمه لرجه در دست رؤیت اولان دعوالرینی فصل ایتسیله احقاق حق ایله مسی حقنده کندوسنه تقدیم قلنان مخطرله لری رد ایتسی، خصمنه اولان دوستلغندن نشئت ایدوب بوجهتله خصوص مذکورک تعویق رؤیتنده قصدی اولدیغی وبوندن مقصدی، خصمی مرقوم (ب) ه وقت قزاندرمق اولوب رئیس مومی الیه، مرقوم (ب) ه اولان دوستلغنی دخی مقر بولندیغی وبوحال، رئیس مومی الیه احقاق حقندن استکافی مؤید اولدیغی کبی اصول محاکمه نك ۲۵۶ نجی ماده سیله بوماده بی مفسر اولان ۲۵۹ نجی ماده به دخی موافق بولنغله حقنده شوصورتله وقوعه کلن غدرندن طولایی ترتب ایدن ضرر وزیانک رئیس مومی الیه تضمینی خصوصاتندن عبارتدر .

مشتکی عنه مومی الیه دخی، مشتکی مرقوم ایله خصمی مرقوم (ب) میانه لرنده متکون منازعه لری، محکمه لرنده رؤیت اولنغنده اولدیغی صروده اساس دعوا به کیریشمزدن اول مبلغ مدعا بهک بشیک بشیوز ومبلغ محکوم بهک درت بیک بشیوز غروش اولدیغی کورلدکده، بونلردن مدعا به اولان مبلغه می؟ یوقسه محکوم به اولان مقدارده می؟ اعتبار ایله آکا کورده دعوانک قابل استیناف اولوب اولمادیغی تعیین ایتک مسئله سی اوزرینه شبهه عارض اولدیغی کبی ذاتاً مبلغ مدعا بهک جمله سی دخی اصل مال اولمایوب بشیکی مجاوز ایتسی،

فائضك اصل ماله ضمیله حاصل اولغله بو باده دخی بشیك غروش اصل مالی حاوی دعوالرمی؟ یوقسه فائضك حساب و ضمیله بشیكی تجاوز ایدن ادعالمی؟ قابل استیناف اولور؟ مسئلهسی اوزرینه كذلك شبهه عارض اولمشدر .

بو خصوصده قانونه مراجعت اولندقدده برکونه صراحت کورلمه مش اولماسیله تأمل ایتك اوزره برمدت منتظر اولمالرینی طرفینه تکلیف ایتدیکنی و بو خصوصک فصل ورؤیتی حقنده مشتی طرفندن ویرلدیکی بیان اولنان اوچ قطعده مخطرهلرک اولوجهله ویرلدیکی، قیده لدی المراجعة آکلاشلش ایسه ده کثرت مصالح جهتیله تعقیب مقتضایه مقتدر اولمادقلاری کبی مسئله مشکوکه هنوز حل اولنماش اولدیغندن دعوایی تعویقه مجبور اولدیغنی و مرقوم (ب) ک خصمی مرقوم (ح) بی مکتب شریکلیکی مناسبتیله سودیکنی و کندیسيله آره صره قونشدیغنی اعترافله برابر کندیسی موقع مأموریتنه کلدکده خصوصیت احوالی ترکله هیئت اجتماعیه وکالتندن عبارت صفت مجله حاکمیتی اکتسا و اغراض نفسانیه دن تعری ایله منفعت و ملاحظه عامه بی معیار اتخاذ ایتکده اولدیغندن مرقوم (ب) ه اولان دوستلغنک بوباده برکونه تأثیری اولمایه جغنی بیان ایله مشدر . مشتی ایسه رئیس مومی الهک، دعوانک قابل استیناف اولوب اوله میه جغنی مسئلهسی حقنده قانونک سکوتنه و بنا برین دعوانک تعویقه اولان مجبوریتنه دائر بیان ایتدیکی سبب، اشبو تصاحبدن منبعث مقصدینی یوروتک ایچون اختراع اولنمش برهانه اولدیغنی و تصادف ایدیله جک مشکلات اوزرینه برسبب فوق العاده دنناشی دعاوینک آز مدته تأخیری جائز اولسه ده صوک مخطرهنک تاریخندن مستبان اوله جغنی وجهله بویله بر دعوانک یدی سکز آی تأخیری، موافق قانون و عدالت اوله میه جغنی سویله مشدر. مذکور مخطرهلرک اعطاسنی مثبت اولق اوزره اوراق مدیرلکندن اعطا اولنمش نومرولری ابراز وارانه ایله دکده صوک مخطرهنک تاریخی، فی سنه و شکایت استدعاسنک تاریخی، . . . اولدینی لدی المعاینه کورلمشدر.

مشتكى عنه مومى اليه دخی سؤال اولندقدە بوبابده كى قصورنى اعترافه
 برابر اشبو قصورى، سوء قصددن نشئت ايتديكى افاده ايله مشدر .
 افادات مسروده لرى خارجنده برديه جكلرى اولمادىنى عندالسؤال
 اكلاشلمش اولماسيله مدعى عمومى مومى اليه كى مطالعه سى سؤال اولندقدە
 رئيس مومى اليه . . . ك بوبابده قصورى اولدينى اقراريله مثبت اولدينى كى
 قصور واقى قصددن نشئت ايتديكى حقدە كى افاده سى دخی جواز قانونى يه
 مخالف اوله رق مخطر دلره شكایت استدعاسنك تاريخلرندن مستبان اولدينى
 اوزره دعوانك سكرز آى مدتله تأخيرينه سببیت ويرمسيه مجروح اولديغنه
 وبوحال، اصول محاكمه حقوقيه نك ۲۵۲ هجى و ۲۵۹ هجى ماده لرينه موافق
 بولنديغنه مبنى رئيس مومى اليه كى احقاق حقدن استكافيله محكوميتى، ومحكوميت
 واقعه سى، قانون جزاجه مستلزم جزا احوالدين اولمامغله يالكنز مرقوم (ح)
 طرفندن وقوعى اثبات اولنه جق ضرر وزيان ايله مصارف محاكمه نك رئيس
 مومى اليه تضييى خصوصلرينك تحت حكمه آلتماسنى طلب ايله مشدر .
 محاكمه لرينك ختام بولدينى طرفينه تفهيم اولندقدن صكره ايجاب كيفيت
 لى المذاكره مشتكى مرقومك دعواسنك فصل ورؤيتندن امتناع اولنقدە
 اولديغنه دار درميان ايتديكى شكايته مقابله مشتكى عنه، رئيس مومى اليه . . .
 افدى دعوانك تأخير رؤيتى منازع فيه اولان مسئله نك قانونده بولنمايان مسائل
 مغلقة دن اولماسيله تنبعه محتاج بولماسندن نشئت ايتديكى بيان ايتمشدر .
 كچه قانونده محل تطبيق بولنمايان مسائل مشكله ايجون لاجل التبع،
 دعاوى معروضه يى بروقت مناسبه تعليق ايتك جاز اوله بيلور ايسه ده مذكور
 مخطر دلره شكایت استدعاسنك تاريخلرندن اكلاشدينى اوزره رئيس مومى اليه كى
 منازعه مذكوره يى تعويق ايتمى، قات قات حد مناسبه خارجنده كورلديكنه،
 وحكام، مواد حقوقيه عانده عرض اولنه جق دعاوى حقدە قانونده صراحت
 اولمسه ويا خود تفسيرى ناقابل صورته معلق برماده اولسه دخی رأى
 ووجدانلرينه تبعيته برحكم وقرار ويرمكه مجبور دلره . حتى بوقبل خصو -

صا تندن طولای استیذانک منع وقوعی قاعده سی، دعاوی معروضه نك سور نجهده ده قالملمری ملاحظه سنه منی وضع اولندیغنه بناء رئیس مومی الیهک بوبابده تقصیراتی وقوعبولدیغی کبی تقصیرات واقعہ سی دخی سوء قصددن نشئت ایله دیکی مرقوم (ب) ایله اولان دوستلغیله مؤید اولغله و مستکی عنه، رئیس مومی الیهک تقصیرات واقعہ سیله مشتکی مرقوم طرفندن درمیان اولنان صورت اثباتیه، اصول محاکمه حقوقیه نك ۲۵۲ نجی و ۲۵۹ نجی ماده لری احکامنه موافق گورلمکله رئیس مومی الیه... افندی نك خصوص مذکور حقنده احقاق حقندن استنکافیله محکومیتنه قرار ویریلهرک طرفینه تفهیم اولندی.

ضرر و زیانی بیان ایتسی، مشتکی مرقوم (ج) تکلیف اولندقدہ کندوسی... غروش معاشله... محکمه سنده ضبط کاتبی اولغله دعوانک رؤیتنه اولوجهله امتناع اولدیغی وقتدن اعتباراً احقاق حق ضمنده... محکمه سی نزدینه کلکه حاصل اولان مجبوریت و مأموریتندن انفکاک ایچون آدیغی مآذونیت اوزرینه مأموریتندن انفکاکنده بر موجب قرارنامه نصف معاشه نائل اولدیغندن بو یوزدن کندوسنه ترتب ایدن ضرر ایله خرج راهنک تضمینی و ضرر واقع... غروش اولدیغی کبی مصارف مزبوره دخی مفرداتی یوصله ده کوسترلیدیکی وجهله... غروشندن عبارت اولدیغی سویله مشدر.

مشتکی عنه مومی الیه ایسه مشتکی مرقومک اولوجهله کاتب اولدیغی بو ماده دن طولای مآذوناً مأموریتندن انفکاکندن خرج راه قرارنامه سنه توقیقاً نصف معاش آلماسی لازم کله جکنی بیان ایله مش و فقط مشتکی مرقومک مقصدینی، مخلندن استدعا تقدیمیه دخی اجرا ایتسی قابل اولدیغی جهتله شکایتیه صلاحیت کسب ایله دیکی وقتدن اعتباراً یرینه دیکرینی بالتوکیل مأموریتندن انفکاک ایله اولوجهله استیناف محکمه سی نزدینه کیتکه بر مجبوری اولمادیغندن یالکیز مأموریتنی ترکه مجبور اولدیغی مدت ایچون وقوعبولان ضررینک تضمینی طلبه حتی اوله بیله جکنی و خرج راه ایچون قانونده برصراحت اولمادیغی سویله مشدر.

بشقه برديه جکلری اولمادیغنی سویله ملری ومدعی عمومی مومی الیه دخی
 دعوانک بوجهتنده مقتضای عدالتک ایفاسی رأینده بولندیغنی درمیان
 ایله مسی اوزرینه محاکمه لرینک ختام بولدیغنی تفهیم اولمشدر .
 کیفیت مذاکره اولندقدده مشتی مرقوم بوخصوصدن طولانی مأموریتی
 ترکه لرینه دیکرینی بالتوکیل نصف معاش آلماسندن طولانی شکایت کسب
 صلاحیت ایله دیکی . . . زماندن شمدی یه قدر مرور ایدن سکرز آیده معاشندن
 محروم قالدیغنی . . . غروشله غروش مصارف راهیه نک مشتی عنه مومی الیه
 تضمینی طلب ایله مش ایسه ده مشتی مرقومک شکایت کسب صلاحیت
 ایله دیکی زماندن بری . . . محکمه سی زردینه کلمکه مجبوری اولمایوب بو باده کی
 مجبوریتک محاکمه ایچون جلب اولندقلری مدتدن اعتبار اولغاسی، موافق حق
 وعدالت اولدیغنه و جلدلریله محاکمه نک دوام ایتدیگی مدت، ایکی آیدن عبارت
 بولندیغنه منی اشبو ایکی آیده مشتی مرقومک نصف معاشی اولوب خزینهدن
 استیفا سی، قانوناً قابل اولمایان . . . غروشک مشتی عنه مومی الیه دن اخذیله
 مشتی مرقومه اعطاسنه و مشتی مرقومک ادعا ایتدیگی خرج راه حقنده
 مشتی عنه ک حقی چیقدیغنی تقدیرده اخذینه صلاحیتی تصریح قلمش
 اولماسنه نظراً مشتیکنک دخی ایدیلن غدردن ناشی ضرر وزیانی استیفا یه
 حقی اوله جغنی طبیعی اولدیغنه و مأموریتندن انفکاک ایله محکمه استیفا ه
 کلسی، مجبوریت تحتنده اولوب بو مجبوریت دخی غدر واقعه دن ناشی اولمق
 لازم کلدیکنه بناءً مشتی عنه ک، مشتیکنک بو باده اولان ادعاسنه قارشو
 اعتراضاتنک ردیله مشتیکنک مصارف راهیه اوله رق دوچار اولدیغنی . . .
 غروش ضررک، مشتی نهدن بالتحصیل مشتی یه اعطاسنه و مصارف محاکمه
 اولوب مفرداتی محکمه طرفندن مصدق زردده محرر . . . غروشک دخی
 مشتی عنه مومی الیه راجع اولمق اوزره شمذیلک مشتیکنک التماسنه فی سنه
 تاریخنده درجه اولاده متفقاً قرار ویریلوب صورت قرار طرفینه تفهیم
 قلدی .

صورت : نومرو ۸۸ ماده : ۲۶۹

... طرفدن ویریلن عرضحال قرائت و مطالعه اولندی .

خلاصه مالی، ... ده مقیم (ب) ایله ذمتنده اولان ... غروش
آله حق دعواسندن طولایی ... محکمه سنده محاکمه اولمقده اولدقلری،
وادعاسی، مرقوم (ب) طرفندن ممضی برقطعه سنده مربوط اولمق جهتیله
حق میدانده اولدیغی حالده محکمه ریسی، کندوسنی بلاموجب حقسز چیقاره -
جغنی آکلامسیله حسبالمجوریه کندوسنه ... مجیدیه ویرمک صورتیه مظهر
حق اولدیغی و فقط مذکور مجیدیهلرک هر برینه صورت مخصوصه ده چاق
اوجیله عدد ارقامدن یدی رقمی یازو جهتنده ییلدیزلرک آراسنه چیزوب
قوناغنده اولدیغی حالده ویرمش وعقبده کندوسنه مدیون اولدیغی ییلدیگی
... ده مقیم بقال اصنافدن (ط) بی کوندررک آله جغنی ایسته دیکنده ریس
مومی ایله، مرقوم بقاله کندوسنه اعطایتمش اولدیغی سالف البیان اشارتلی
مجیدیهلردن ویرمش و بقال مرقوم کلدیکنده بو آله جغنی ریس مومی الیهدن
اخذ ایتدیکنی بالیان، آدیغی مجیدیهلرک اولوجهله اشارتلی اولمالرینی اتیان
واظهار حیرت ایده رک بو حالی، اطرافده کی اصنافه دخی کوستردیکندن
وماده رشوتی قرینه قاطعه رتبه سنده اولان اشبو اماره دن بشقه بیغرض
کیسه لر ایله دخی اثبات ایده جکندن بخله ریس مومی ایله افدینک جلیله
محاکمه لرینک بالاجرا ترتب ایده جک حاله کوره مقتضاسنک ایفاسی استدعا -
سندن عبارت بولمشدر .

عرضحال مذکور، اصول وقاعده سنه توفیقاً یازلمش اولمغله قبولنه دائر
تنظیم ایدیلن قرارنامه مخصوص ایله معاً مشکی عنه ... محکمه سی ریسی
... افندی طرفنه تبلیغ اولنوب جوابنامه سی آلدقدن وماده مشتکانک
قبل المحاکمه حقیقی آکلامسیله جغنی تحقق ایتدکدن صکره طرفینک جلبنه قرار
ویرلمشدر .

بونك اوزرينه اولباده تسطير وتبليغ قلنان اوچنجي احضاريه لر ايله طرفين، تعيين ايديلن كونده محكمه يه اصالة ككش اولمالي ايله مدعي عمومي ... حاضر اولديغي حالده محكمه لر ينك رؤيته مبادرت وعرضحال مذكور ايله مذكور قرارنامه و طرفينك اعتراض وجوابنامه لري حضور لر نده قرائت اولندي.

مشتكى مومى اليهك خلاصه شكاياتي، (بوراده استدعا مألندن بحث اولنور) دأر اولوب مذكور قرارنامه نك مالى ده ... دن عبارت بولمشدر.

مشتكى عنه مومى اليهك جوابنامه سي خلاصه سي دخی مشتكى مرقومك ادعا ايتديكي رشوت ماده سنك اصلي اولماديغي ودعوا سنده حقسز چيقه جغني استشمام ايتسي واقع ايسه ده حقسز لغنه حكم اولنمق اوزره بولماسي، مطلوباتي اثبات ايجون ابراز ايتمش اولديغي سنده محرر امضاء خصمي طرفدن انكار اولنمغه عند الاستكتاب خصمك يازوسيله توافق ايتديكي، اولباده تعيين قلمش اولان ميزلرك اخبارندن نشئت ايتديكني وبعده خصمك قابل تطبيق اوله جق اوراقي مشتكى مومى اليه خبر ويرمسيله اجرا قلنان تطبيقاده، خصمك سنده موضوع امضا كندی امضاسي اولديغي على الاصول ويريلن خبردن آكلاشمش اولماسيله مبلغ مدعا بهك، خصمندن بالتحصیل مشتكيه اعطاسنه قرار ويرلديكني و مشتكى مومى اليهك بو حالده اخذ رشوت ادعاسنه قالقشمسي، كنديسي بدایت محكمه سي رئيسي اولديغي ... قصبه سنك متفندانندن اولوب شعار انسانيته و قانون عدالته مخالف مقاصد مجبوله سي نفوذيله اجرا ايتكي اوته دن برو اعتيادله مأموريني دائماً تحكمی آتته المَق داعيه سنده بولنديغي حالده كندی زماننده بو مقصدينه نائل اوله ماديغندن اخذ ثار واهالي يه نفوذيني اظهار هوسندن منبعث اولديغي و مرقوم بقال (ط) ه ادعا اولنديغي وجهله اچقه ويرمديكي كبي كندوسيله بركونه آليش ويريشي دخی اولمايوب حتى كندوسني اصلا طانماديغي و كندوسيله اخذ و اعطاسي اولماديغي خصوصي جمله جه معلوم بولنديغي و بومسئله، محضاً آتھام ايجون

اختراع اولتمش بر صنیعه اولدیغنی بیانله مشتکی مومی الیهک مفتری جزاسنه اوغرادماسی طلبندن عبارت اولدیغنی کورلمشدر.

طرفین لدی الاستجواب، مشتکی مومی الیه، افادات سابقهسنی تکرارله رئیس مومی الیهک مرقوم بقال ایله کرچه آلیش ویریشی یوغیسهده بردفعیه مخصوص اولمق اوزره کندوسنه . . . قیه یاغ صاتمیش اولدیغنی و رئیس مومی الیهک مرقوم بقال (ط) ه تأدییه ایتدیکی آچه، مذکور یاغ آچهسی اولدیغنی و بونی، مرقوم بقال ایله مجیدیه لری کوستردیکی اصنافدن . . . و . . . ایله اثبات ایده جکنی سویله مش و رئیس مومی الیه دخی مشتکی مومی الیه، مرقوم بقالک مشتریلرندن اولمق جهتیله بقال مرقومک مشتکینک لهنه شهادت ایتسی استبعاد اولنه مایه جنی کبی مشتکینک بیان ایتدیکی اصنافدن دیگر کیسه لری دخی اخبار لری قابل اوله ییلور ایسهده بونلرک اخبار لری مشتکی مرقومک معلوم اولان نفوذی تأثیریه اوله جغندن و بوبانده وقوعه کله جک اخبار و شهادتک عوض و غرضدن سالم اوله مایه جنی درکار بولمغله قبوله شایان اوله مایه جنی افاده ایتیش و محکمه نک بو خصوصده نظر دقتی جلب ایتدیکنی علاوه ایله مشدر.

بونک اوزرینه اثبات مدعا ایتسی، مشتکی مومی الیه تکلیف اولندوقده احضار ایتدیکی بقال (ط) ایله . . . و . . . لردن مرقوم بقال (ط) اولوجهله رئیس مومی الیه صاتمیش اولدیغنی یاغ بدلی اولمق اوزره کندوسندن آله جنی اولان . . . مجیدیه بی آدیغنی و مذکور مجیدیه لری یازو جهتده ویلیدیزلرک آراسنده عدد ارقامدن یدی رقی چاقی ایله چیزلمش اولدیغنی و بو حالی اطرافده کی اصنافه دخی ارابه ایله دیکنی تذکار و مرقوم . . . و . . . مذکور اشارتلی مجیدیه لری مرقوم بقال (ط) یدنده کوردکلری و رئیس مومی الیه دن آدیغنی کندولرینه سویله دیکنی اخبار ایله مشدردر.

مخبرون مرقومون بیغرض اولوب اولمادقلری و الحاله هده برکونه سوء حرکتده بولنوب بولمادقلری اصناف کتخدالغندن با ورقه لدی الاستعلام،

وارد اولان جوا بنامه ده مخبرون مرقومونک غرض سزلقاریله حسن حاللرینک تصدیقنده تردد اولدیغی اشعار اولمشدر.

لدی التذکر، مخبرون مرقومونک حسن احوالی تصدیقنده تردد ایدلدیکندن بشقه اخبارات واقعه لری یالکز مذکور مجیدیه لری مرقوم بقال (ب) ک یذنده کورمکن عبارت اولوب مذکور مجیدیه لر کیمک طرفندن ویرلدیکی ونه مقصده منبویرلش اولدیغی خصوصنده کی معلوماتلری، مرقوم بقال (ط) ک کندولرینه افاده سنه مستند اولدیغی سویله دکلیرینه و مرقوم بقالک مشککی عنه رئیس مومی الیهدن آلدیغی بیان ایتدیکی مذکور اشارتلی مجیدیه لرک رئیس مومی الیهدن اخذی محقق اولمایوب، اولسه دخی مشککی مومی ایه طرفندن رشوت اوله رق ویرلدیکی ادعا اولنان مجیدیه لر اولدیغی معلوم اولمادیغنه وشوجه تله اخبارات مذکوره یه، مجله حکمنجه شهادت اطلاق اولنهمیه جغنه و اصول محاکمه حقوقیه نک ۲۶۰ نجی ماده سنده رشوت ماده سنک اثباتی، بیغرض کیمسه لرک شهادت لری ایه اوله بیله جکی مصرح اولوب شو حاله کوره مخبرون مرقومونک اخبارات واقعه لری مدار حکم اوله میه جغنه بناء مخبرون مرقومونک اخبارلرینک ردینه متفقاً قرار ویریه لرک مشککی مومی ایه تفهیم و بشقه صورتله اثبات مدعایه مقدر اولوب اوله میه جغنی سؤال اولندی. اخر وجهله اثبات مدعا ایده میه جغنی و مشککی عنه مومی ایه دخی کندی حسن حالیه مارالبیان مخبرلر، مشککی مومی الیهک مستأجر لری اولدیغی کی متفندان اولق حسیله کندیسندن از هر جهت خوف واحتراز ایدر ضعفادن اولدیغنه و مشککی مومی ایه مقاصد حکمانه سنی دأماً ترویجه ساعی ایدوکنه دأر . . . قصبه سی مجلس اداره سنندن برقطعه مضبطه ابراز ایه مش وعندالسؤال مشککی مومی ایه یمین تکلیف ایده جغنی سویله مش اولماسی اوزرینه مشککی عنه مومی ایه دخی ادعا اولنان مجیدیه لری مشککیدن آلمادیغنه دأر تکلیف ایدیلن یمینی قبول وبلمواجهه اجرا ایه مشدر.

بشقه بر افاده لری اولمادیغی عندالسؤال آکلاشلی اوزرینه مدعی

عمومی مومی الیهک مطالعه سی لیدی الاستفسار مشتکی مومی الیهک عزو
 واسناد ایله دیکی ماده رشوتی اثبات ایچون اقامه ایتمدیکی مارالبیان کسانک
 اولباده کی افادات و اخبارات واقعه لری کتاب الشهاده احکامنه موافق اولمادیغی
 جهتله مدار حکم اوله میه جفی و حسن حاللرینک تصدیقده تردد ایلدیکی
 ومشتکی عنه مومی الیهک ادعا ایتمدیکی برائتک خلافتی مثبت اوله رق مشتکی
 مومی الیه دعواسنه موافق بینه اقامه ایتمدیکی ومشتکی مومی الیهک طلیله
 مشتکی عنه مومی الیه تحلیف اولندیغی جهتلیله استدعاسنک ردی لزومنی
 بیان ایله دیکندن محاکمه لرینک بوجهتی ختام بولدیغی طرفینه تفهیم اولمشدر.
 ایجابی لیدی المذاکره مشتکی مومی الیهک ترویج مرام ایچون مشتکی عنه
 مومی الیه . . . مجیدیه ویردیکنه دار ادعاسنی اثبات ضمنده اقامه ایله دیکی
 شهود، دعواسنه موافق شهادت ایده مدکلری کی کندولرینک بیغرض
 اولدقلرینه دخی اطمئنان حاصل اولماسنه ومذکور مجیدیه لرك اولوجهله
 اشارتلی اوله رق رئیس مومی الیه طرفندن مرقوم بقال (ط) ه ویرلمسی
 ثبوت مدعایه قرینه اوله بیلور ایسه ده مذکور مجیدیه لرك رئیس مومی الیه
 طرفندن بقال مرقومه اولوجهله ویرلمش اولدیغی ذاتاً مثبت اولمادقن بشقه
 طرفندن ویرلمش اولسه دخی نه مقصده منی ویرلمش اولدیغی معلوم اولمادیغنه
 واصل محاکمه حقوقیه نک ۲۶۰ نجی ماده سی حکمنجه بومثللو ادعالرك وقوعی
 بیغرض کسنه لرك شهادتی وقرینه قاطعه نک وجودیله معاً اثبات اولنق ایله
 مشروط ومقید اولوب مشتکی مومی الیهک ایسه اقامه ایتمدیکی شهودک شهادت
 واقعه لری اسباب مشروحه دن ناشی شایان قبول اولمادیغی کی درمیان ایتمدیکی
 قرینه دخی اغلبیتله صنیعه اولق شبهه سی تحتنده اوله رق قرینه قاطعه قیلندن
 بولمادیغنه منی مشتکی مومی الیهک بوبابده کی استدعاسنک اصول محاکمات جزاییه -
 نک ۲۶۹ نجی ماده سی حکمنجه ردینه ومشتکی مومی الیهدن جزای نقدی
 اوله رق ایکی بیک بشیوز غروش بالتحصیل مال صنیدیغنه تسلیمه ومشتکی عنه
 مومی الیهک وقوعی اثبات ایتمدیکی پوصله ده مفرداتی محرر خرج راه وساره

اولق اوزره . . . غروشك ینه مشتكى مومی الیهدن اخذیله مشتكى عنه مومی الیه اعطاسنه ومصارف محاكمه اولهرق . . . غروشك ینه مشتكى مومی الیه راجع اولق اوزره شمديك مشتكى عنه مومی الیهدن آلماسنه فی . . . سنه . . . تاریخده متفقاً ویریلن قرار صورتی طرفینه تفهیم قلندی. فی . . . سنه . . .

﴿ دقوزنجی فصل ﴾

حجز حقندہ در.

حجز، داین، دینک تأمین استیفا سیچون مدیونک مالی عدلیه نظارتنه ویروب مدیونی اول مالده کی تصرفات قولیه سندن منع ایتکدر. اشبو حجز بحیثله، اجرا قانوننامه سنده کی حجز بحی، بر آله جفک تأمین استیفا سی مقصدینه منی قولش اجات ایسه ده بوموقعه موضوع بحث اولان حجز، قبل المحاکمه والحکم، دینک تأمین استیفا سیچون دان طرفندن مراجعت اولنه حق تدابیره دآردر که محکمه نك اولباده کی معامله سنی مین قواعدینی جامعدر.

اجرا قانوننامه سنده کی حجز مسائل ایسه بعدالحکم والمحاكمه محکوم به اولان مبالغ صورت تحصیلنی تعیین ایدر تدابیری شاملدر. بناءً علیه برنجی صورتده داینک مطلوبی، ایستر سند رسمی به مستند اولسون، ایستره محکمه نك قناعت ایده جکی کبی دلائل قویه شفاهیه ایراد ویا اوراق معتبره ابرازینه منی بولنسون دایندن کفیل آلنهرق حمزک اجراسی جاآردر.

اما ایکنجی صورتده یعنی بعدالمحاكمه والحکم، حجز خصوصتک اجراسی،

بر محکمه طرفندن صادر اولمش و اجرایی قانوناً ممنوع بولنماش بر اعلامه مربوط اولمادجه جائز اوله ماز.

حجز استدعاسنده، داین و مدیون ایله شخص ثالث (مدیونک مالی اخر کیسه یندنه ایسه آکا شخص ثالث دیرلر) اسم، شهرت، صنعت و محل اقامتلی، داینک آله جنفی استناد ایتدیکی سندی وار ایسه آنک کیفیت، آله جنفک مقداری، و مقداری معلوم دکل ایسه (مثلاً احمدک محمدده یینلرنده اولان شرکتن طولایی آله جنفی وار ایسه آله جنفک مقداری حساب رؤیتنه متوقف اولمق جهتله معلوم اولمادیغندن بعدالمحاسبه تحقق ایده جک مقدارک تأمین استیفا سیچون احمد محمدک مالیی حجز مراد ایتدکده حجز استدعاسنده محمددن جهت مذکوره دن آله جنفی اولدیغندن بحثله آله جنفی مقدارینک محکمه دن تخمیناً تعیینله محمدک مالیک حجزینی طلب ایدر) محکمه نک علی التخمین تعیین ایده جکی مقدار اولمق لزومی، داینک اقامتگاه ی مدیون ایله شخص ثالث منسوب اولدق قری محکمه دایره لری خارجنده ایسه حجز نامه نک تقدیم ایدیله جکی اول محکمه لردن برنده بر اقامتگاه تعیینی خصوصاری درج اولمق و حجز نامه داین طرفندن ممضی و مورخ اولوب بری کندینه، دیکری مدیون و یا شخص ثالثه، حجز اولنه جق مال، عقار ایسه محکمه نک بولندیقی قضا دفتر خاقانی مأمورینه تبلیغ اولمق و بریسی دخی محکمه ده قالمق اوزره اوج و اقتضاسنه کوره درت و بش نسخه اوله رق تنظیم ایدلمک لازمدر.

حجز استدعاسی، بو شرائطی حاوی اولماز ایسه کان لم یکن حکمنده طوتیلور. (ت): سندک کیفیت ایله دینک تعیین مقداری لازمدرکه شخص متحجز، داین حاجزک استناد ایتدیکی حجتک یعنی سندک وثوق و عدم وثوقی آکلاسونده آکا بناء قبول و یا اعتراض ایتسون.

کذلک دینک مقداری معلوم اولمادیقی حالده محکمه جه تخمیناً مقدارینک تعیینی لازمدرکه مدیون علیه نه اقامه ایدیلن حجز ادعاسنک اهمیتنی تقدیر ایتسون. داینک اقامتگاه ی، مدیون و یا شخص ثالثک اقامتگاه لری دایره لرنده اولمادیقی

حالده آنره منسوب اولدقلى محاکم دائره لرنده براقامتگاه تعیین ایتدیلمسنى ده قانون شرط ایدیور. چونکه واضع قانون، اساسسز چیقماسی وارد خاطر اولان بویله برادعا ایچون داینک اوزون اوزادی آراشدیرلمسنى تجویز ایتمز. اشبو بیان اولنان اسباب وعلله کوره شرائطدن برینی ویا برقاچنی جامع اولمایان حجزنامه، محکمه جه هرصلسه قبول ایدیلورده اساس دعوایه کیریشمزدن اول طرفیندن دخی برکونه اعتراض وقوعبولماز ایسه مؤخرأرد اولنوب حکمسز براغماز.

حاجزدن، مطلوبی قابل استیناف وتمیز اولمایان براعلامه مربوط اولمادیغی حالده وضع ایتدیگی حجزدن طولایی عندالمحاکه حقسز چیقار ایسه شخص متحجزه ترتیب ایده جک ضرر و زیانی تضمین ایده جکنه دائر مقاولات محررلکندن اعتباری مصدق برکفیل آلماسنی لازمدر. حاجز بویله برکفیل ارايه ایتمز ایسه حجز استدعاسی قبول اولنماز.

صورت: نومرو: ۸۹ ماده ۲۷۶

... برایت محکمی ریاسته

... قریه ده چقجی مقوله سندن (ب) نام کسنه یه یلنمزده شهود محضرنده شفاهاً جریان ایدن مقاوله موجبنجه ... ده واقع بر باب ملک خانمی شهری ... غروش اجرتله مشاهرة ایجار ایدوب مرقوم (ب) دخی اولوجهله استیجار ایله ... مدتدن برو مذکور خانمده اقامت ایتکده اولدیغی حالده مرقوم (ب) شمدی یه قدر بدل ایجاردن متراکم ... غروشی ایفا ایتدیگی کبی اون کون مقدم ... قصبه سنه کیدرک مالک اولدیغی یکرمی بش رأس صاعیلیر قویونلری ... ده مقیم اصحاب اغنامدن (ح) نام کسنه یه امانه ترک ایله مشدر.

کرچه عقد اجاره تحریری بر مقاوله یه مربوط و بدل اجاره دن مطلوبانم

بر سنده مستند دکل ایسه ده مرقوم (ب) ک فاملیاسی الحاله هذه ایجار
ایتدیکم مذکور خانه ده اوتورمقدمه اولدقلری محله امام ومختاری طرفدن
مصدق شهادتنامه ایله مثبت بولمغله بدل ایجار اوله رق متراکم اولان مبلغ
مذکور . . . غروش آله جغمک تأمین استیفاسیچون مرقوم (ح) یدنده بولنان
مارالیان یکر می بش قویونک مطلوباتمه قارشی نردنده حجز وتوقیف ایتدیرلمسی
ایله اشبو حجزنامه نك برسخته سنك مرقومان (ب) و (ح) ه تبلیغی استدعا
ایدرم اولباده. فی سنه امضا
(و)

اظهار

حجز استدعاسنی داین محکمه یه تقدیم ایتدکده محکمه، داینک یدنده بولنان
سنداتی طلب ایله مطالعه ایدر وسند یوغیسه محکمه جه قناعت حاصل اوله جق
درجده دایندن ایضاحات طلب ایلر.
محکمه یه قناعت حاصل اولدقده دایندن اعتباری مقاولات محررلکنندن
مصدق کفیل آلیر.
حجزنامه نك محکمه ده قاله جق اصلنک بالاسنه حجز ایچون لازم کلن
رخصتی تحریر ایدر و حجزنامه نك صورتلرنی تصدیق ودرحال مدیون ویا
شخص ثالثه تبلیغ ایتک اوزره مقاولات محررینه ارسال ایلر.

صورت: کفالت نومرو ۹۰

یانیه لی اولوب الحاله هذه درسعادت . . . بطریق خانه سنده بولنان
(ب) نام کسنه دن آله جنی اولان اون بیک غروشک تأمین استیفاسی ضمنده
مرقومک یانیه ده محمد آغا محله سنده کآن بر باب خانه ده متصرف اولدیغی
نصف حصه شایعه سی اوزرینه حجز وضع ایدن (ح) ک وضع ایله دیکی اشبو
حجزدن طولایی عندالمحاکمه حقسز چیقار ایسه مرقوم (ب) ک ترتب ایده جک

بالجمله ضرر وزياتي ايفايه كفيلا اولديغى مشعر اشبو كفالت سندم اعطا
قلندى . فى ۱۷ مارت سنه ۹۹ امضا
(بوراده كفيك درجه اعتبارى تصديق قلنه حق) ط

برشيك تحت حجزه آلمسنه دائر محكمه دن ويريله جك قرار صورتى

صورت: نومرو ۹۱

مستدى مرقومك آله جنى محكمه ده ابراز ايتديكى سنده مستند اولديغنه
(ياخود مستدى مرقوم، آله جنى شهود شخصيه ايله اثبات ايده جكنى شفاهاً
بيان ايله محكمه پي اقناع ايتديكنه و آله جنى اثبات ايده مديكى تقديرده ترتب
ايده جك كافه ضرر وزيانى تاديه ايده جكنه . . . مقاولات محرركى طرفدن
فى ۱۷ مارت سنه ۹۹ تاريخلو مصدق سندله تجار «ط» نام كسنه پي كفيلا
ارائه ايلديكنه بناءً بر موجب استدعا يكرمى بش رأس قويونك شخص ثالث
مرقوم نزدنده حجزينه و حجزنامه لرك مقاولات محرركندن بالتصديق درحال
تبليغنه متفقاً قرار ويرلدى . فى ۱۹ مارت سنه ۹۹
تبليغ اولنه حق حجزنامه اوزرينه شخص ثالث طرفدن تصديق حاوى
تنظيم اولنه حق جوابنامه :

صورت: نومرو ۹۲ ماده ۲۸۳

مباشر طاهر افدى معرفتيله فى سنه تاريخلو امضاسنى
حاوى طرفه فى سنه تاريخنده تبليغ قلنان حجز استدعاسى قرائت اولندى .
مألى، . . . ده مقيم «ب» ك ذمتنده ايجار ايتمش اولديغى خانه سى اجاره سندن
متراكم . . . غروش آله جنى اولديغى بالادعا مرقوم «ب» ك نزدنده امانه ترك
ايتمش اولديغى يكرمى بش رأس قويونك توقيفنى طلبدن عبارتدر .
مرقوم «ب» ك فاملياسى الحاله هذه مرقوم «د» ك خانه سنده مستأجراً او طور-

مقدمه ایسه ده بدل اجارهدن مستدعی مرقومه بورجی اولوب اولمادیغنی بیلهمدیگمدن صاحبی مرقوم «ب» کلنجیه قدر محکمه جه رسماً رخصت ویرلمدیکی حالده مرقوم «ب» ک بزده امانه محفوظ اولان مارالیان قویونلرینی توقیف ایده جکمی و امانه محفوظ اولان قویونلرک مفردات پوصله سنک مربوطاً تقدیم اولدیغنی مبین اشبو جوابنامه تسطیر قلندی. فی ۱۹ مارت
سنه ۹۹ امضا

«ح»

حجزنامه نك تبليغندن صكره داین طرفدن حجز خصوصنده حقی اولدیغنی اثبات ضمنده تقدیم ایده جکی استدعا یه دأردر

صورت: نومرو ۹۳ ماده ۲۸۰ و ۲

... ده مقیم چفتجی طائفه سنندن «ب» ذمتنده مشاهرة ایجار ایتمش اولدیغ... ده واقع خانه مک شمدی یه قدر بدل اجاره سنندن متراکم آلاجم اولان ... غروشک تأمین استیفا سیچون مرقوم «ب» ک... ده مقیم «ح» نام کمنه ده لاجل الحفظ امانه بولنان یکرمی بشر رأس صاعیلیر قویونتی فی... تاریخلو حجزنامه و محکمه علیه لرندن ویریلن رخصت اوزرینه حجز ایله مشدم. مرقوم «ح» مذکور قویونلر مرقوم «ب» ک مالی اولدیغنی صورت مصدقه سی طرفه ویریلن... تاریخلی جوابنامه سننده بیان ایله دیکنه و عاجز لری مرقوم «ت» ذمتنده جهت مذکورهدن اولمقدار غروش آلاجمی اثباته مقتدر بولندیغمه بناء مرقوم «ب» ک جلیله بالمحاکمه حجز مذکورک تصدیقی و مبلغ مذکورک حجز و مصارف محاکمه ایله برابر کندیسندن تحصیلی خصوصلرینک تحت حکمه آلتاسنی استدعا ایدرم اولبابده و هر حالده... .

داینک اشبو استدعاسی اوزرینه مدیون جلب اولنور وبالمحاکمه حجز خصوصی تصدیق اولنوب آچه نك تحصیلنه حکم ویریلیر.

شخص ثالث، جوابنامه سنده اعتراض ایتدیکی صورتده داینک آله جغنی اثبات ضمننده ویرمش اولدیغی استدعا اوزرینه داین، مدیون و برده شخص ثالث جلب واستجواب اولنور. آنک اوزرینه حجز خصوصی یا تصدیق، یارد اولنور.

حجزك رد وفكنه دائر یازيله حق اعلام حقه در

صورت : نومرو ۹۴

... طرفدن ویریلن استدعا مطالعه اولندی. مالی، ... دن عبارتدر. حجزنامه مالی ده، ... دن عبارتدر. شخص ثالثک جوابنامه سی ایسه ... دن عبارتدر.

مرقوم (و) ایله (ب) و شخص ثالث مرقوم (ح) جلب واستجواب اولندقه مرقوم (و) استدعاسی مالی تکرارله مطلوباتنه قارشو مرقوم (ح) نزدنده کی قویونلرک چیزی دعواسنی تکرار ایده رک کفالتنامه سنی ابراز ایله دی.

مرقوم (ب) داین مدعی مرقومه جهت مذکوره دن اوقدر غروش دینی اولدیغی اقرار ایتدی. مرقوم (ح) دخی مستدعی مرقوم (و) یدنده بولنوب مقدا مرقوم (ب) ک مالی اولان ۲۵ رأس قویونی حجز ایتش ایسه ده مرقوم (ب) سالف الذکر قویونلرینی بوندن ایکی آی مقدم کندوسنه ... غروشه بیع و تسلیم ایدوب مذکور قویونلر اولوجهله شراء مالی اولدیغندن مرقوم (و) ک وضع ایتش اولدیغی حجز رفیله کندوسنک بو یوزدن دوچار اولدیغی ضرر وزیرانک تضمینه حکم اعطاسنی طلب ایله دی.

کیفیت داین مرقوم (و) دن لدی السؤال، مرقوم (ح) ک دعواسنی انکار ایتدیکی کی مرقوم (ب) دخی انکار ایله مش و ویریلن قرار اوزرینه مرقوم (ح) دعوای مذکوره سنی اعتبارلری سراً و علناً لدی التزکیه متحقق اولان ... و ... و ... نام کسنه لرک شهادت لرله بالمواجهه اثبات ایدوب

طرفینک بشقه دیه جکاری اولمادیغی لیدی السؤال آکلاشلغله محاکمه لرینک ختام بولدیغی طرفینه تفهیم اولتمشدر.

ایجابی لیدی المذاکره، شخص ثالث مرقوم (ح) ک دعوی مذکورده سنه مقابل دفعی بوجه مشروح اثبات ایتدیکنه وشو حالده مذکور قویونلر شراء کندی مالی اولدیغی آکلاشیلوب مرقوم (و) ک (ح) ک مالنه حجز وضعه حتی اولمادیغنه بناء حجز مذکورک رفعنه ومصارف محاکمه نك حاجز مدعی مرقومه تحمیلنه متفقاً قرار ویریلوب طرفینه، و شخص ثالث مرقوم (ح) ه تفهیم قلندی. فی سنه

مدیونک نزدنده بولنان اموالی حجز حقنده یازیله جق حجز نامه نك دیگر بر صورتی

صورت : نومرو ۵۹

...ده مقیم (ب) ذمتمده طرفندن ممضی فی ...سنه... تاریخلو برقطعه سند موجبیجه بیع ایتمش اولدیغ بررأس بارکیر ثمنندن... غروش آله جم اولدیغی حالده اداده امتناع ایتمکده اولمغله مبالغ مذکورده نك تأمین استیفاسی ایچون مرقوم (ب) ک... محله کأن ذخیره انباریله حاوی اولدیغی بغدایک تحت حجزه آلتماسیله اشبو حجز نامه نك بالتصدیق بر صورتنک کندوسنه تبلیغی استدعا ایدرم. فی سنه امضا
«ح»

جوابنامه صورتی : نومرو ۹۵

...ده مقیم (ح) امضالی تقدیم ایدیلوب طرفنزه... تاریخنده مباشر... واسطه سیله تبلیغ قلنان حجز نامه ده، ذمتمده برقطعه سند موجبیجه بر بارکیر ثمنندن... غروش آله جنی اولماسندن طولایی مطلوبنک تأمین استیفاسیچون... ده واقع مالک اولدیغ ذخیره انباریله مذکور انبارده مدخر بولنان بغدایک حجزینی استدعا ایده یور ایسه ده مطلوبات واقعه سی،

زدمده برای حفظ امانت ترك ایتمش اولدینی طوری طونده بر رأس آتک تعدی و تقصیرم اولقسزین یدمده تاف اولماسندن نشئت ایدوب اولوقت مودع حقنده قانونک اولبابده مساعده مخصوصه سنی بیله مدیکمدن هر نصلسه اولقदार غروش دینم اولدیغنه دأر برسند ویرمش ایدم.

شمدی بر مقتضای نظام، حقمه مظهرتی مستدعی اولدیغمدن و بو جهته مرقوم (ح) ک طلب ایتدیکی مبلغ دیون صحیحهدن اولمادیغندن مذکور انبار ایله ذخیره می حجزه کندوسنک صلاحیتی اولمادیغنی مستدعی اشبو جوابنامه تسطیر قلندی. فی سنه

امضا

«ب»

حجرتك تصدیقنه دأردر

صورت: نومرو ۹۶

... طرفندن ویریلن عرفحال قرائت و مطالعه اولندی.
 مالی، ... دن عبارتدر. طرفین احضاراً بالاصاله کللیله حجزنامه، جوابنامه، اعتراض و جواب لایحه لری مواجهه لرنده قرائت و محاکمه لرینه مبادرت اولندی.
 مذکور حجزنامه نك خلاصه مالی، (بوراده ۵۹ نومروده واقع حجزنامه صورتی درج اولنه) ... دن عبارت اولوب مرقوم (ب) ک تبلیغ واقع اوزرینه اولبابده ویرمش اولدینی جوابنامه مالی دخی (بوراده ۶۰ نومروده واقع جوابنامه یازیلیر) ... دن عبارت اولدینی کورلدی.
 نه دیه جکلری صورلدقده مرقوم (ح) استدعا و حجزنامه سی مالی تکرارله مرقوم (ب) ک ادعا ایتدیکی امانت مسئله سنی انکار و مذکور سندی ابراز ایله مشدر.
 سند مذکور ... فی ... سنه تاریخله مورخ و (ب) امضاسنی حاوی اولوب مالی، (برآت ثمنندن ... غروش مدیون اولدیغنه دأردر) دن عبارت بولنشدر.

مرقوم (ب) دخی جوابنامه سیله لایحه سی مالی بعد التکرار سند مذکورده کی امضایی اقرارله برابر منشی حقنده کی دعواسنده اصرار ایله دی.

بشقه بر دیه جکری اولمادیغی آکلاشلغله محاکمه لرینک شو جهتی ختام بولدیغی تفهیم اولندی.

کیفیت مذاکره اولدوقده مرقوم (ح) ک طلب ایتدیگی . . . غروشک مستند اولدیغی سندده کی امضای مرقوم (ب) اعتراف ایله دیکنه و دین مذکورک یدنه امانه ترک ایدیلوب بلا تعدی تلف اولان برآت ثمندن نشأت ایتمش اولدیغی حقنده کی دفعی، سندده آکا دار بر اشارت کورلمدیگی و بالعکس صاتیلان بررأس آتک ثمندن اولدیغنه صراحت بولدیغی جهته قبوله شایان اولمادیغنه منی مبلغ مذکور . . . غروش مرقوم (ب) ذمتنده مرقوم (ح) ک آله جنی اولدیغنه متفقاً قرار ویریلوب طرفینه تفهیم اولندی. حجز حقنده نه دیه جکی مرقوم (ب) ه بیان ایدلده (ح) ک محکوم به مطلوباتنه کوره انباریله معاً ذخیره نک حجزی فاحش اولدیغندن برندن حجزک رفعی ایسته مش و مرقوم (ح) ک بوکا راضی اولغله برابر حجزک ذخیره حقنده اجراسیله آناختارینک کندویه تسلینی افاده ایله مش و بونک خارجنده دیه جکری اولمادیغی آکلاشلشدر .

کیفیت لدی التذکر مرقوم (ح) اشبو اعلامه محکوم به اولان . . . غروش آله جعته قارشو مرقوم (ب) ک . . . ده واقع . . . نومرولی ذخیره انباریله ایچنده کی بغدادیک حجز و توقیفی ایسته مش اولماسنه مقابل، مرقوم (ب) ایدیکسنگ برندن حجزی فاحش اولدیغندن بحثله برینک حجزدن تحلیصنی طلب ایتمش و مجرد ذخیره نک حجزی خصوصنده طرفین اتفاق ایدرک بو صورت دخی موافق قانون کورلمش اولغله مرقوم (ح) ک محکوم به آله جنی اولان . . . غروشه قارشو مرقوم (ب) ک . . . ده واقع ذخیره انبارنده بولنان بغدادیک حجزینک بالتصدیق توقیفنه فی . . . سنه . . . تاریخنده قرار ویریلوب صورت قرار طرفینه تفهیم فلشمشدر . فی سنه





اعلامات مفروضه نك اجرائى مفروضه در

اجراء، يا اختيارى ويا مجبورى اولور. مديون عليه صادر اولان اعلامك
حكمنى اختياريله اجرا ايتديكى حالده اجرا قانوننامه سنده مندرج احكامه
توفيقاً اجرايه مجبور ايديلير .

وسائط اجرا دخی اعلامك حكمنى نقداً ايفايه دعوت ايتك، يا خود
قبل الحكم تحت حجزه آلتش اموالى فروخت ايتك، يا اموال غير منقوله ي
داينك حقه قارشو حجز و توقيف ايله كذلك فروخت ايله مك و مديون ذاتاً
ايفاي دينه مقتدر اولدينى ثابت اولوبده ديننى تأديه دن امتناعى حيله
و كذبندن ناشى ايدوكى تحقق ايله ديكي حالده كنديسى حبس ايله حكم اعلامى
اجرايه مجبور ايتكدن عبارتدر .

فقط اعلامك حكمنى اجرايه تشبث ايتزدن اول، كيفيتى محكوم عليه
برقطعه اخبارنامه ايله تبليغ ايتك شرطدر. اعلامك اجرائى طلب ايتك،
برقطعه عرفحال تقديميله اولور.

فقط اجرائى طلب اولنان اعلامك حكمنى مهم اولدينى حالده آتنده
صورتى محرر برقطعه تذكرة ايله طرف رياستن استيضاح اولنور.

صورت : نومرو ۹۷ ماده ۱۲

... تجارت محكمه سى رياسته

عزتو افندم

... ده مقیم فلانك ... ده مقیم و ... و ... علیهلرینه اقامه ایتش

اولدینی دعوی اوزرینه حکمه علیه لرندن استحصالی ایتدیکی فی ... سنه ... تاریخو اعلامده ... غروشک مصارف محاکمه ایله برابر کندولرندن تحصیلی کوسترلمش ایسه ده مدیونان مرقومانک کفالت متسلسله ایله کفیل اولدقارینه دایر اعلامده برصراحت اولمادینی کبی مبلغ مذکوردن هربری، نصف ویاخود ثلث مقدارینی ادا ایله محکوم اولدیغنه دایر برصراحت دخی اولمادیغنه وهربرندن مبلغ مذکوردن قاچ غروش تحصیل اولنه جنک بیلنسی لازمه دن اولدیغنه بناء کیفیتک ایضاحاً بیانی باینده تذکره عاجزی تقدیمه ابتدار قلندی اولباده فی سنه

امضا

رئیس محکمه بدایت

عرضخالده طرفینک تعریف قانونیلریله اجرایی طلب اولنان اعلامک هانکی محکمه دن ویریلوب نهیه دایر اولدینی و محکوم علیه تبلیغ اولنوب یندن تبلیغنه دایر علم و خبر آلدینی خصوصاری درج اولنور.

صورت: نومرو ۹۸ ماده ۲۲

... بدایت محکمه سی ریاسته

... ده مقیم (ب) ذمتنده ... محکمه سنک فی ... سنه ... تاریخو برقطعه اعلامی موجبنجه ... غروش آله جنم اولدیغندن و اعلام مذکور ... تاریخنده کندوسنه تبلیغ اولنورق یندن علم و خبر آلدینی حالده ینه ایفای دینده امتناع ایتکده بولندیغندن محکوم به اولان مبالغ مذکورهنک کندوسندن اصولاً وقاعده تحصیلیه طرفه تسلیمی باینده فی سنه

امضا

(د)

بوابده اجرا دایره سنندن محکوم علیه کوندریله جنک اخبارنامه ده دخی داین ومدیونک اسم و شهرت واقامتکاهی وتبعیتی و اعلامی ویرن محکمه نک اسمیله محکوم به اولان شی ایضاح وتصریح قیلنیر.

صورت : نومرو ۹۹ ، ماده ۲۳

... ده مقیم ... تبعه سندن (ح) ه

... ده مقیم ... تبعه سندن (د) ك ... محكمه سنجه جریان ایدن محاكمه كز اوزرینه علمكزه لاحق اولوب دائره مزه تسلیم ایتدیگی فی ... سنه ... تاریخلو برقطعه اعلامده مرقوم (د) ه تأدییه ایتك اوزره مع فائض ومصارف محاكمه جمعاً یكون ... غروشك ایفاسیله محكوم اولدیغكز كوسترلمش ومرقوم (د) حكم واقعك اجراسی ضمنده اصولاً دائره مزه مراجعت ایله مشدر. محكوم اولدیغكز مبلغی اشبو اخبار نامه نك تبلیغندن سكر کون ظرفنده تأدییه وایفا ایتك وبردییه جككز اولدیغی حالده کیفیت یکر می دوت ساعت ظرفنده بیان ایله مك اوزره اشبو اخبار نامه تسطیر و طرفكزه اسراقلمشدر. فی سنه

بالاده صورتی محرر اخبار نامه مدیونه خطاب اولمادیغی حالده شویله یازیلیر

صورت اخری : نومرو ۱۰۰ ماده ۲۳

... ده مقیم ... تبعه سندن (ب) ایله ... ده مقیم ... تبعه سندن (ع) ك ... محكمه سنجه جریان ایدن محاكمه لری اوزرینه اولباده صادر اولوب مرقوم (ب) طرفندن ... محكمه سی اجرا دائره سنه تسلیم اولنان اعلامده مرقوم (ع) ك غصباً یدنده بولنان سیاه طونده بش یاشنده برچفت مانده نك مرقوم (ب) ه تسلیمی خصوصی، تحت حكمه آلمش ومرقوم (ب) ایسه حكم واقعك اجراسی اصولاً استدعا ایله برابر مرقوم (ع) ك فراره مهیا اولدیغی قاعده اثبات ایله مش اولغله اشبو اخبار نامه نك تاریخ تبلیغندن اعتباراً اوچ کون ظرفنده مرقوم (ع) ك تسلیمه محكوم اولدیغی مارالیان برچفت مانده بی مرقوم (ب) ه تسلیم ایتك وبردییه جکی اولدیغی حالده یکر می

درت ساعت ظرفده تحریراً دآرهبه بیان ایله مک اوزره اشبو اخبارنامه نك
مرقوم (ع) طرفه تبلیغی لازم کلیر . فی سنه

داین؛ مدیونك فرار ایده جکنی اثبات ایتدیکی حالدده مدیوندن نفسنه وفرار
ایدرا یسه دیننه کفیل آلدقده اولبایده یازیله جق کفالتنامه حقدده در

صورت : نومرو ۱۰۱ ماده ۲۸

... ده مقیم دولت عالیه تبعه سندن (ب) ك ... ده مقیم (ح) ه قارشو
... محکمه سنك برقطعه اعلامی موجبنجه اداسیله محکوم اولدیغی ... غروشك
کندوسندن تحصیل ایچون مرقوم (ح) ك مراجعت ایتمش اولدیغی اجرا
دآره سنجه اجرا اولنه جق کافه معاملاتده مرقوم (ب) ك حاضر بولماسنه
وحاضر بولنمایوبده فرار ایده جك اولدیغی حالدده محکوم اولدیغی دینی ادایه
کفیل و متعهد اولدیغمی مین اشبو کفالتنامه امضا وتمهیر قلندی . فی سنه
امضا
کفیل

مدیون کفیل ویرمکده تعند ایتدیکی صورتده حبسی ایچون ویریله جك
قرارنامه

صورت : نومرو ۱۰۲ ماده ۲۸

... ده مقیم (ب) ك ... ده مقیم (ح) ه قارشو ... محکمه سنك
برقطعه اعلامیله اداسنه محکوم اولدیغی ... غروشك کندوسندن تحصیل
مرقوم (ح) طرفندن استدعا اولدیغنه مبنی متهمی فرار اولمقدن ناشی کفالت
ربطنی طلب ایله مش وفرار ایده جکنی نفوس مقید لکنجه قید ایتدیردیکی تذکره -
سنك قوییه قوچانیله اثبات ایله مش اولماسیله مرقوم (ب) جلب ایله نفسنه

و فرار ايدر ايسه دینه كفیل ویرمسی تکلیف اولندقدده کفیل ویرمکده
تغذ ایله مشدر. بوجال مرقوم (ح) ك ضیاع حقوقی مؤذی اولدینی کبی اجرا
قانوننامه سنك ۲۸ نجی ماده سنه موافق کورملکله رئیس محکمه ... اقدینك
امری اوزرینه مرقوم (ب) ك (بوراده حبسك مدتی یازیلیر) حبسی خصوصه
قرار ویرلشدر . فی سنه

مدیونك ایفای دیندن امتناعی اوزرینه میدانده اموال ونقودی اولمادیغندن
ناشی داین طرفدن اثبات اولنه جق اقدارینه مبنی مدیونك حبسه دار
یازیله جق صورت حقنده در

صورت : نومرو ۱۰۳ ماده ۳۲

... ده مقیم (ب) نام کسنه نك ... ده مقیم (ح) ذمتنده ... محکمه سنك
... تاریخلو برقطعه اعلامیله محکوم به مطلوباتی اولان ... غروشك تحصیلی
ایچون مرقوم (ب) ك مراجعت ایتدیکی ... اجرا داره سنجه طرفین اصولاً
جلب قلنش ايسه ده مرقوم (ح) ك میدانده قابل حجز اموالی اولمادیغنی
آکلاشلدینی کبی ایفای دینه عدم اقدارینی دخی بیان ایتشدر.
فقط مرقوم (ب) مرقوم (ح) ك ایفای دینه اقداری اولوب امتناع
واقعی صرف تغذدن ایلرو کلدیکنی اعتبارلری متحقق اولان ... ده مقیم
... و ... و ... نام کسنه لر ایله اخبار و اثبات ایله مش اولماسنه و مرقوم (ح) ك
ایفای دیندن امتناعی حیله و کذبندن ایلرو کلدیکی آکلاشیلوب بو ايسه
افعال ممنوعه دن بولنماسته بناءً اجرا قانوننامه سنك ۳۲ نجی ماده سی حکمنجه
مرقوم (ح) ك (بوراده حبسك مدتی یازیله جق) حبسی ایجاب ايدر .

حجز قراری حقنده شخص ثالثه تبلیغ قلنه جق اخبارنامه

صورت : نومرو ۱۰۴ ماده ۴۴

... ده مقیم (و) ه
... ده مقیم (ب) ك ... ده مقیم (ح) ه قارشو ... محکمه سنك تبلیغی

اجرا اولنمش بر قطعه اعلامیه محکوم اولدینی ... غروشک تحصیل ایچون مرقوم (ح) مرقوم (ب) ک نزدیکه بولنان اموال و اشیا سنک حجز و توقیفنی طلب ایله مشدر .

اشبو اخبارنامه نك تبلیغدن یکر می درت ساعت ظرفده مرقوم (ب) ک نزدیکه بولنان اشیا سنک نوع، جنس و مقداری نی مبین بر قطعه دفتر تنظیم و دائره مزه اعطا ایله ملری و اشیا ی مذکور می دائره دن امر اولمادجه کمنه یه تسلیم ایتمه ملری اخطار اولنور . فی سنه

شخص ثالث نزدیکه بولنان اشیا نك بر محله نقلی ایجاب ایله دیکی حالده اولباده تعیین اولنه حق مأمور و کاتبک صورت مأموریتلرینی مبین محکمه طرفدن ویریله جک ورقه یه دائر در .

صورت : نومرو ۱۰۵

... ده مقیم (ب) ک ... ده مقیم (ح) ه قارشو ... محکمه سنک فی ... سنه ... تاریخلو بر قطعه اعلامیه اداسنه محکوم اولدینی . . غروشک تأمین استیفاسی ایچون مرقوم (ب) ک . . . ده مقیم (د) نزدیکه امانه بولنوب حجزنی طلب ایتمه یکی اموال و اشیا نك ید آخره تسلیمی خصوصی مرقوم (ح) طرفدن طلب اولنمشدر .

بو طلب موافق قانون کورلش اولغله مرقوم (ب) ک امانه ترک ایتمه یکی اشیا نك جنس، نوع و قیمتلرینی تحریر و وقوع حالی بیان ایتمک اوزره اجرا مأموری ... ایله کاتب ... نك مرقوم (د) ک اقامتگاهنه کیتلری اقتضا ایدر . فی سنه

مأمور و کاتبک مأمور اولدقلری محله کیتدکلرنده تنظیم ایتملری
اقتضا ایدن بیاننامه یه دائر در

صورت : نومرو ۱۰۶ ماده ۴۶

... ده مقیم (ح) ك . . . ده مقیم (د) نزدنده تحت حجزه آلدینی اشیانك
 يد آخره تسلینی طلب ایتمش اولماسندن طولایی مرقوم (د)ك اقامتگاهنه كیدوب
 اشیاى مذكوره یی تحریر و وقوع حالی بیان ایتك لزومی، فی ... سنه... تاریخلو
 برقطعه ورقه مخصوصه ایله امر اولماسی اوزرینه مرقوم (د)ك مقیم اولدینی
 پیرام پاشا محله سنده ۸ نومرولی خانه سنه عزیمت اولندی.
 مرقوم (د) امانه کندیسنده بولنان اشیانك موضوع اولدینی صندیغی
 ارانه ایله دی.

صندق، جدید تخمه دن یا بئش برحالده اوله رق آناختاری مرقوم (د) دن
 آئوب آچلدقده اوزری كتاندن معمول برچارشب ایله مستور اولدینی کورلدى.
 ایچنده کی اشیا برر برر آچدیریلوب مر بوطاً تقدیم قلنان دفتره یازلدق دن
 صکره تکرار مذکور صندیغه وضعه کافی السابق قباتدیردی. صندق ایچنده
 موضوع اشیانك قیتملیله مودعك حالنه نظراً مذکور صندیغك مرقوم (د)
 نزدنده قالماسی مخاطره دن سالم اولمادینی آکلاشدی. بونك امین بریره تودیغی
 لازمه دن بولماسیله مذکور صندیغك شهرى . . . غروش اجرتله . . . ده
 مقیم صراف (ح) ه برای محافظه تسلیمی تنسیب ایدلدى. و اولوجهله مرقوم
 (د) ك یدندن آئوب مرقوم (ح) ه تسلیم قلنش و آندیغنه دائر اشیانك مقدار
 موجودینی مبین یدینه برقطعه علم و خبر دخی ویرلمشدر.
 اشبو بیاننامه، اشیاى محجوزه نك مفرداتی مشعر دفتر ایله معاً تقدیم قلنش
 اولمغله اولبابده فی سنه

امضا امضا امضا
 شخص ثالث طالب مأمور

مدیونك حجز اموالی ایچون اقامتگاهنه کیدمك ایجاب ایتدیگی حالده
 مأمور وکاتبك اولبابده تنظیم ایده جکلری بیاننامه یه داردر

صورت : نومرو ۱۰۷ ماده ۴۸

... ده مقیم (ب)ك ... ده مقیم (ح)ه محكوم اولدینی ... غروشك تأمین
استیفاسیچون خانه سنده کی اموال و اشیانك حجری ضمنده مرقوم (ب)ك اقامتگاهنه
کیتك لزومی فی ... سنه ... تاریخلو ورقه ایله امر اولنماسی اوزرینه مرقوم
(د)ك مقیم اولدینی ... ده واقع ... نومرو لی خانه سنه عزیمت اولندی .
محلّه اهالیسندن ... و ... نام کسنه لری شاهد اوله رق بالاستصحاب
داخل خانه یه کیرلدی .

اجرا ایدیلن تحریاتده مطلوبات واقعه نك استیفاسنی تأمین ایدمك پك
چوق اموال و اشیا کورمکله اهنندن بدأ ایله اشیا انتخابنه مبادرت قلندی .
تعیین ایدیلن اشیا یی مبین برقطعه دفتر تنظیم قلندی . مذکور اشیا برشارکوی
کلی ایچنه صار دیریلوب تحتم ایدلدکن وصاحبی مرقوم (د)ه آنان اشیانك
مفرداتی مبین برقطعه مقبوض علم و خبری ویرلدکن صکره محلّه مزبورده
امامی (ی) افندی نزدنده ترکی تنسیب قلنه رق اولوجهله امام مومی الیه
نزدینه تودیع قلندیغنی مبین اشبو بیاننامه تنظیم، تحتم و تقدیم قلنشد .
فی سنه

امضا	امضا	امضا	امضا
شاهد	شاهد	کاتب	مأمور

حجز ایچون مدیون و یا شخص ثالثك نزدینه کیدلدکده خانه یه دخول
خصوصنده مخالفت اولندیغنی حالده وقوع حالی مبین رئیس محکمه یه
اولباده اعطا اولنه جق مذکره یه دآردر

صورت : نومرو ۱۰۸ ماده ۵۰

... ده مقیم (ب)ك ... ده مقیم (ح)ه ... محکمه سنك فی ... سنه ... تاریخلو

اعلامیه اداسنه محكوم اولدینی ... غروشك تأمین استیغاسی ضمیمه اموال
واشیاسنی حجزایتمك اوزره خانه سنه کیتك لزومی، فی... سنه... تاریخلو برقطعه
ورقه مخصوصه ایله امر اولنمقدن ناشی کاتب افندی ایله خدمه دن... آغا حاضر
اولدقلمری خالدہ مرقوم (ب) ک مقیم اولدینی... محله سنده... نومرولی
خانه سنه کیدلمش و داخل خانه یه کیرمک اوزره کندوسندن رخصت طلب
اولنمش ایسده مساکنک تعرضدن مصونیتنی بهانه ایله خانه یه دخول
خصوصنده مخالفت ایتشدر.

کرچه اشبو دخول کیفیتی مساع قانونیه یه مستند قاعده عمومیه مذکور
رهنک مستثنیاتندن اولدیغندن بحثله دخوله رخصت ویرمسی و ویرمدیکی
خالدہ حکومت جبراً دخوله رخصت ویره بیله جکی خصوصی کندوسنه
اخطار قلمش ایسده حواله سمع اعتبار ایتهمش اولغله مذکور خانه دن
برشی قاجیرلامسی خصوصی ضبطیه یوزباشیسی... افندی یه اخبار اولنوب
اولوجهله مذکور خانه نظارت تحتنه آلدیرلقدن صکره عودته مجبوریت
حاصل اولدیغنک بیانیه ایفای مقتضاسی باینده وهرحالدہ: فی سنه
امضا امضا

رئیس محکمه طرفدن جبراً کیرمک اوزره مأموریتی حاوی اجرا
مأمورینه اولبابده تسطیر ایدم جکی ورقه یه دائردر

صورت: نومرو ۱۰۹ ماده ۵۱

اجرا مأموری... افندی یه

حجز اموالی ایچون خانه سنه کیدیلن... ده مقیم (ب) ک وقوعبولان
مانعتی فی... سنه... تاریخلو برقطعه مذکره ایله بیان اولنمقدن ناشی ضبطیه
یوزباشیسی... ایله بالخباره بر اونباشی طاقنی بالاستصحاب مرقوم (ب) ک

خانه‌سنة كيدرک دخول ایتک خصوصی قرارلشدیرلمش اولمغله اولوجهله
مرقوم (ب) ك ساکن اولدیغی مارالبیان خانه‌سنة عزیمتله کیفیت کندوسنة
اخطار اولنه‌رق تکرار مخالفت ایده‌جک اولدیغی حالده جبراً دخول ایله
اجزای معامله‌یه مبادرت قلمسی ایچون مأموریتی حاوی اشبو ورقه
تسطیر قلندی . فی سنة امضا

جبراً اموالی حجز اولنه‌جق کیسه‌نک خانه‌سنة صورت عزیمت ایله
وقوع حالی مبین تسطیر قلنه‌جق بیاننامه‌در

صورت: نومرو ۱۱۰ ماده ۵۰

حجز اموالی ایچون براونباشی طاقنی بالاستصحاب . . . ده مقیم . . . ك
خانه‌سنة جبراً دخول ایتک لزومنه دائر صادر اولان فی . . . سنة . . . تاریخلو
ورقه مخصوصه اوزرینه کاتب . . . افندی ایله ضبطیه یوزباشیسی . . . افندی
طرفندن . . . اونباشینک قومانداسی تحتده ترفیق اولنان اون نفر ضبطیه حاضر
اولدقلری حالده مرقوم (ب) ك ساکن اولدیغی . . . محله‌ده . . . نومروده .
واقع خانه‌سنة عزیمتله کیفیت مرقوم (ب) ه تکرار اخطار اولنه‌رق ینه اصغا
ایتمه‌سی اوزرینه محله مزبورده امامی . . . افندی ایله مختاری . . . افندی
چاغریله‌رق وکیفیت تفهیم اولنه‌رق کندولری اوگده اولدقلری حالده
مذکور خانه قوسنک کشادینه امام مومی‌ایله طرفندن وضع ید اولندقده
صاحب‌خانه مرقوم (ب) مقاومته شتاب ایله‌مش ایسه‌ده مقاومت واقعه‌سی
ضبطیه نقراتی طرفندن منع اولنه‌رق جبراً ایچرویه دخول ایدلدی.

بالتحری، حجزه شایان اوله‌رق مربوط دفترده محرر . . . قلم اشیا بولمغله
اشیای مذکوره اخذ ایله برای محافظه محله مذکوره مختاری . . . افندی‌یه
مقبوض علم و خبریله تسلیم و مذکور اشیانک خانه‌سندن آندیغنه دائر
مدیون مرقومه برقطعه علم و خبر دخی اعطا قلمش اولمغله اشبو بیاننامه
مهم‌تنظیر و تقدی قلندی اولباید.

فی سنة

اجرا دأره سندن مدیونك حجز اولنان مالنن طولایی مدیونه
یازیله جق ایکنجی اخبارنامهیه دأردر.

صورت: نومرو ۱۱۱ ماده ۵۱

... ده مقیم ... تبعه سندن ...
... ده مقیم (ب) ك مع مصارف محاكمه جمعا ... غروشك طرفكز دن
اداسنه دأر ... محكمه سندن تبلیغی اجرا اولنه رق استحصال ایتدیکی اعلام
ودأرهیه وقوعبولان مراجعتی اوزرینه ... ده مقیم (د) نزدنده بولنان
یکرمی بش رأس صاغایر قویونلریکری محكمه رئیسك تسلیله تحت حجزه
آلدیردیغی اخطار اولمشیدی.

مبلغ محكوم بهی اشبو اخبارنامه نك تاریخ تبلیغندن اعتباراً یکرمی بر
کونه قدر اجرا دأره سنه کتیروب مرقوم (ب) ه ویرمز و حجز مذکوری
فك ایتدیرمز سه کز مذکور قویونلر مدیون اولدیغکز مبلغ ایچون مهل
مذکورك انقضاسی عقینده بلمزایده فروخت اولنه رق ائمانندن تسویه
اولنه جنی ایکنجی دفعه اوله رق اخبار اولنور. فی سنه

اموال منقوله حقنده نشر اولنه جق مزایده پوصله سنه دأردر

صورت: نومرو ۱۱۲ ماده ۶۰

بر صاری آیاقلی منغال برچالار ساعت الخ

بالاده محرر اشیا ... محله ... نومرولی دکانده اشبو ماه حالك
اون بشنجی بازار کونندن اون سکرنجی چهارشنبه کونه قدر ساعت
درتن اونه قدر مزایده اولنه جغندن طالب اولانلر، یوم ووقت مذکوره
محل مذکوره کلری اعلان اولنور. فی سنه

اموال غیر منقوله حقه نشر اولنه جق مزایده پوضله سی

صورت: نومرو ۱۱۳ ماده ۶۰

... محله مقیم ... ك عهدۀ تصرفده اولان ... نومرولی درت
اوطه ایله بر مطبخ و بر برماء ویکرمی آرشون باغچه نی مشتمل برباب خانه سی
اشبو ماه حالك اون بشنجی بازار کونندن اعتباراً اون بش کون طرفده
ساعت درتدن اونه قدر بالمزایده فروخت اولنه جغندن طالب اولانلرک یوم
ووقت مذکورده محل مذکوره کلاری اعلان اولنور. فی سنه

اموال محجوزه نك بالمزایده فروختی حالده مزایده نك صورت جریاتی
میین تنظیم اولنه جق ورقه یه داردر

صورت: نومرو ۱۱۴ ماده ۶۲

فی ... سنه ... تاریخلو اعلاننامه احکامجه ... محله مزایده سیله فروختی
قرارکیر اولان ... ده مقیم (ب) ك اموال محجوزه سنك اجرای مزایده سی
ضمنده اعلاننامه ایله تعیین اولنان یوم، وقت و محله کاتب ... افتدی
حاضر اولدینی حالده بالغزیمه منادی (ض) معرفتیه مزایده زمانی کلدیکی
اطرافده ندا ایتدیرلدکن صکره اجتماع ایدن کسان ایله مدیون مرقوم
زدنده مزایده یه مباشرتله اموال محجوزه برر برر موقع مزایده یه قونلدی.
اك صکره ظهور ایدن وبعدهما ظهوری متصور اولمایان کیمسه لر اوزرینه
تقریر ایتدیریلهرک هر نوع و جنس مالک نه قدر قیمتله کیمک اوزرنده تقریر
ایتمش اولدینی اولبابده طوتیلان دفتر مخصوصه قید ایدلمش و فروخت
اولنان اشیانک مجموع اثمانی ... غروشه بالغ اوله رق مبالغ حاصله ایسه
مع مصارف ایفای دینه کافی اولدینی کورلمشدر.

بونك اوزرینه باقی قالان بر صاری منغال ایله برلگن ابریق حقننده امر مزایده تعطیل اولنهرق مذکور منغال ایله لگن و ابریق مدیون مرقوم (ح) ه رد و اعاده اولندقدن و ائمان حاصله مشتریلرک هر برندن کاملاً اخذ و قبض ایدلگدن صکره مزایده نك ختام بولدیغی جملهیه تفهیم و اشاعه قلمش و تعلیق ایدلمش اولان اعلاننامه ایندیلمش اولدیغی مین اشبو ورقه تنظیم و فروخت اولنان اموال مجوزه نك جنس، نوع و بدلریله کیملر اوزرینه تقرر ایتدیکنی مشعر دفتر ایله معاً تصدیق و تمهیر قلندی.

فی سنه امضا امضا امضا
مأمور اجرا کاتب منادی

حجز اوزرینه فروخت اولنه جق املاک مشتری عهده سنه فراغی
مدیون تقرر ایتدیکی حالد ه فراغک اجراسیچون رئیس محکمه طرفدن
دفتر خاقانی مأمورلغنه یازیله جق تذکرهیه داردر

صورت: نومرو ۱۱۵ ماده ۶۳

... دفتر خاقانی مأمورلغنه


عزتلو اقدام

... ده مقیم (ب) ک... محکمه سندن استحصال ایتش اولدیغی اعلام
موجبجه... ده مقیم (ح) نام کمنده محکوم به آله جفی بولنان... غروشک
تأمین استیفا سیچون مرقوم (ب) مرقوم (ح) ک... محله ده واقع و...
و... طرفلری ایله محدود متصرف اولدیغی برباب فرون دکاتی
بوندن اقدام تحت حجزه آلدیرمش ایدی.

مرقوم (ح) مبلغ مذکور ی ایفاده امتناع ایتکله مذکور فرون دکاتی
اصولاً مزایدهیه ویریلوب... غروشده... ده مقیم... تبعه سندن (د) نام
کمنه عهده سنده تقرر ایدوب رغبات ناس منقطع اولمش و تقرر ایدن بددن

زیادہ یہ طالب ظہور ایتھ مش اولدیغنه ومدیون مرقوم (ح)؛ مذکور فرون
دکانک مشتری وطالب مرقومک عہدہ سنہ فراغ ایچون واقع اولان اخطارہ
امثالدن امتناع ایله دیکنه وطالب مرقوم بدل مذکور ... غروشی اجرا
دائرہ سنہ تسلیم ایتدیکنه بناءً مذکور فرون دکانک مشتری مرقوم عہدہ سنہ
فراغک بالاجرا لازم کن سند رسمینک نامنه اعطاسی اجرا دائرہ سی افادہ سیلہ
بیان اولتور اولبایدہ فی سنہ

رئیس محکمہ ہدایت





ایکنجی باب

اصول محاکات جزایه حقنده در

« برنجی قسم »

تحقیقات ابتدائیه حقنده در

{ برنجی فصل }

قاممقام، مدیر و تفتیش مأمورلرینک قباحترک صورت تحریرینه دائر
تنظیم ایده جکلری ضبط ورقه لینه دائردر

ضبط ورقه سی، بر مأمورک یا بالذات اجرا ایتدیکی معاملیه بی ویا کندیسنه
آخری طرفندن خبر ویریان احوال حقنده شهادتی بیان ایدر مندرجاتی
صحیح تحریری بر بیاننامه در. بو تعریفه کوره ضبط ورقه سی، ایکی صورته
تنظیم اولنه بیلیر. بری: طوغریدن طوغری به تحری ایده جکلری احوال
ووقوعات اوزرینه بنا، دیکری: وقوعاتی خبر ویرنلر طرفندن ویریله جنک
راپورط یعنی بیاننامه لر ایله شفاهی افاده لر اوزرینه ایتنا ایدیلهرک بالاده محرر
مأمورلر طرفندن تنظیم اولنور.

اشبو ضبط ورقه لرنی تنظیم ایتک، اول امرده تفتیش مأمورلرینه عائددر.

مفتش اولمایان محالده بووظیفه، ضبطه ضابطانه عا ددر. تفتیش مأمورلری و بوکا قانوناً وکالت ایدن ضبطه ضابطانی اولمادیغی وقت وظیفه مذکوره مدیرلره و بونلرک غیابنده کوی مختار و اختیار مجلسارینه انتقال ایدر. ایشته اشبو مأمورلر، بو ترتیب اوزره ضبط ورقه لرینی تنظیمه مأموردر. فقط بونلردن برینک غیبوبتیه دیگری ایفای وظیفه ایتدیگی حالده یعنی فرضا تفتیش مأموری بولغا. مسی ده قائم مقام ایفای وظیفه ایتدیگی حالده تنظیم ایده جکی ضبط ورقه سنده تفتیش مأمورینک غیبوبتندن بحث ایتمه مسی، ضبط ورقه سنک حکم سنر لکنی موجب اوله ماز؛ چونکه مقصود، قباحتک تحریسه له تحقیق ایدر. بو ترتیب ایسه مجرد ضابطه عدلیه مأمورلرینک بریرده اجتماعی حالنده تفتیش مأمورینک ایفای وظیفه ایله مکلف اولدیغی معلوم اولمق ایچوندر، که مکلفیت قانونیه به کوره مسؤلیت قانونیه ترتب ایتسون. حتی قائم مقام ایفای وظیفه ایتمکده ایکن تفتیش مأموری کلمش اولسه بیله جنایت و جنحه معاملاتنده اولدیغی کبی تحقیقاتک اکیلی تفتیش مأمورینه ترک اولنمق لازم کله یوب قائم مقامک دوامی جازدر. بو مأمورلر، تحریسی کوی و اورمان بکچیلرینک وظائفی داخلنده اولان قبا. حتلری دخی تحری ایده بیلیر. بکچیلر موقع جر مه کلسه دخی مباشرت ایتدک لری تحقیقاته دوام ایله بیلیرلر. حتی مأمورین مزبوره نک اشبو تحریلری، مارالبیان بکچیلرک تحریاتنه مر جعدر؛ چونکه بو مأمورلر، ۴۵ نجی ماده حکمنجه جرائم مشهوره ده مستنطق و مدعی عمومینک غیابلرنده جنایاتی تحقیق ایتک وظیفه سیله دخی مکلفدر.

اشبو ضبط ورقه لرنده قباحتک نوع و اسبابی، محل وزمان وقوعی و دلائل و اماراتی درج قننور. یعنی ایقاع ایدیلن قباحت، باغ و باغچه لری تخریب کبی ماله طوقفور بر ضرر میدر؛ یا خود چور وک یش صاتمق کبی صحتی محل برشی میدر؛ و یا آخر صورته عمومک راحتتی سلب ایدیجی بر فعل میدر؛ ایشته بورالری و اسبابی یعنی ایقاع ایدیلن قباحت فعلی قصدأمی؛ و یا خود خطأمی؛ و قوعبولدیغی تفریق اولنمق و محکمه جه آکا کوره مجازات ایدلمک اوزره نهدن طولای و نصل ایقاع

ایدلش اولدینی ضبط ورقه‌سی وقوعات مشهوده اوزرینه طوتلق و فاعلی استجواب قلنه بیلش ایسه قباحه اسناد اولنان کیسه فعلنی مقرر میدر؟ یوقسه منکر میدر؟ منکر اولدینی و تحریات اخبار واستنطاق اوزرینه عن الغیاب وقو- عبولدینی حاده ماده فاعلیت شهودله می مثبت در؟ یوقسه برکونا دلیل واماره ایله می مؤید اولدینی ماده لری یازیلیر. ضبط ورقه‌لرینی تنظیمه مأمور اولانلر، تحقیقاتی اجرا ایتدکرنده اصول وصفه رسمیتده اجرا ایتلری اهم اولوب تأثیرات مطلوبه نك خصوصنی تأمیناً مبالا تسز لکدن اجتناب ایتلیر. قباحه ضبط ورقه‌لری، جنحه و جنایت ضبط ورقه‌لری کی اصول تنظیمه جه اولقدر شرائطه تابع دکلدر. بناء علیه ضبط ورقه‌لرینی تنظیم ایدن مأمورلر، تنظیم ایتدکری ضبط ورقه‌لرینی مظنون علیهم قومشولرندن ایکی کشی به تصدیق ایتدیرمکه مجبور دکلدر؛ زیرا قباحلر، بوکلفتری اختیار ایده جک قدر حاز اهمیت دکلدر. کذلک ضبط ورقه‌لری، فاعل قبایح اولانلرک حضورنده یازلمق لازم کلر.

کذلک بو مأمورلرک مظنون علیهم بروجهله اقرباسندن اولماسی، اولباده تنظیم ایده جکلری ضبط ورقه‌لرینک حکم سز لکنی موجب اوله ماز. اشبو ضبط ورقه‌لرینک اعتبارینه کلنجه: بونوع ضبط ورقه‌لری حقهده وقوعبوله جق عادی برانکار، ضبط ورقه‌سنک حکم سز لکنی موجب اولماز. بلکه صورت لایقدهده عکسی اثبات اولنجهیه قدر معتمد علیهدر.

وینه قباحه، ضبط ورقه‌سنده ذکرلی لازم اولان بعض احوال و کیفیاتک اهمالی، ینه ضبط ورقه‌سنک حکم سز لکنی موجب اولماز؛ فقط بر قباحه ضبط ورقه‌سنده کافه دلائل و اماراتک اهمالی، وقوعی تصدیق اولنان قباحهک اعتماد سز لغنی جالدر. قباحه ضبط ورقه‌لری حقهده قانونک بخش ایتدیکی اشبو مساعدات و تخفیفات، قباحلرک حد ذاتنده حاز اهمیت اولماملری جهتیله آدن متولد منازعاتک سورونجه موده قالمایوب سرعته فیصل پذیر اولماسی مطالعه سنه منی در.

صورت: نومرو ۱۱۶ ماده ۱۱

اشوبیک ایکی یوز طقسان طقوز سنهسی مایسنک اوچنجی کونی مدیری اولدیغم فلان ناحیه سنک... صحرا بکجیسی... ده مقیم «ب» ساعت اوچ راده لرنده نزد مزه کله رک زیزده محرر افاداتنک ضبطی طلب ایتمش اولمغله بروجه آتی افادهسی ضبط اولمشدر. سویله که:

مرقوم (ب)، افادهیه ابتدارله محافظه سنه مأمور اولدیغی صحرا ده مأموریتنی ایفا ضمنده طولاشتمده ایکن... ده واقع چقجی (ح) ک مصر اکمش وسکنز اون سالتیترو قدر بیومش ترلاسنده بری سیاه دیکری بیاض طونده ایکی عدد چفت اوکوزلرینی بر چوبان ادارهسی آلتنده اوتلامقده اولدیغی کورمکله گندوسی کیم اولدیغی ومدکور اوکوزلر کیمک ایدوکنی مرقوم چوباندن صورددقه کندوسی... ده مقیم چقجی مقوله سندن (و) ک چوبانی اولوب اسمی (س) وستی اوتوز و اوکوزلر دخی افندیسنک اولدیغی سویله مسیله مذکور اوکوزلری تارلادن چقارمسی تکلیف اولندقده اولوجهله چقارمش ولدی المعاینه اوکوزلر، رعی ایتدکلی مدته... غروش زیان ایتمش اولدقلرینی کشف و تخمین ایدلایکنی افاده ایتمشدر. صورت اخباره کوره مرقوم (و) نک مذکور حیوانلری اولوجهله مزروع اولان تارلایه صالیور- مسی، قانون جزانک باب ثالثنک ۲۶۱ نجی ماده سنه مخالف کورنمکله طلب واقع اوزرینه مرقوم بکجی (ب) ک افاداتی ضبط وتصدیق اولنهرق اشبو ضبط ورقهسی تنظیم قلنش و عندالتکلیف مرقوم بکجی (ب) دخی بزمله برابر امضا ایتمش اولمغله ایفای مقتضاسی ضمنده اشبو ضبط ورقهسی...

مدعی عمومی معاونلکنه تودیع قلندی. امضا امضا
بکجی مدیر

صورت اخری: نومرو ۱۱۷ ماده ۱۱

اشوبیک ایکی یوز طقسان طقوز سنهسی مایسنک اوچنجی صالی کونی

ساعت طقوز راده‌لرنده ضبطیه ملازمی اولدیغم . . . قصبه‌سی داخلنده ایفای وظیفه‌ایتمک اوزره دور ایدر ایکن . . . محله . . . نومرولو خانه‌ده مقیم (ب)، تمیز و تنظیف ایتمکد قانوناً مجبور اولدیغی خانه‌سی قیوسی اوکنده برایکی کوفه اوزوم پوسه‌سنی دوکشدرد. بو ایسه مذکور پوسه‌لرک الآن موجود بولماسیله مثبت اولوب بو حال دخی محل صحت اولمق جهتیله قانون جزانک اوچنجی بابنک ۲۵۴ نجی ماده‌سنه مغایر بولتمش اولغله اشبو ضبط ورقه‌سی تنظیم و ایفای مقتضاسی ضمنده . . . مدعی عمومی معاونلکینه تودیغ و تقدیم قلندی.

﴿ ایکنجی فصل ﴾

کوی و اورمان بکچیلرینک تنظیم ایده‌جکلری ضبط ورقه‌لرینه دائرر

کوی و اورمان بکچیلری علی‌الاطلاق ذکر اولمش اولمالرینه کوره میری اورمان و اراضیسی ایله برقریهیه مخصوص اورمان و اراضی بکچیلرینه شمولی درکادرر. فقط برکیسه‌نک خانه‌سیله اراضیسی ایچون صورت مخصوصده طومتقده اولدیغی بکچی، قانونک بحث ایتمکده اولدیغی بکچیلر اعدادنده داخل اولوب اولمادیغی خصوصنده قانون سکوت ایتمش اولدیغندن اشبو خصوصی بکچیلرک، بحث اولنه‌جق تحقیقات و تحریرات ایله مکلف اولمادقلری آکلاشیلور ایسه‌ده قوانین اجنبیه ارباب حقوق بوکا جواز ویرمشدر [°].

کوی و اورمان بکچیلری، داخل دائرله‌لرنده وقوع بوله‌جق «قباحت» و «جنجه» لری تحریر و اولباده مصدق برضبط ورقه‌سی تنظیم ایدرلر. ضبط ورقه‌لرنده واقعنک جنسی، اسبابی، زمان و مکاتی، دلائل و اماراتی بیان

ایدرلر۔ ووار ایسہ اموال مغصوبہ بی آلوب توقیف ایدرلر؛ فقط کوی مختار و اختیار مجلسی اعضا سندن بری یا خود تفتیش مأموری و یا قائم مقام و مدیر حاضر بولنمادقہ خانہ، دکان، فابریقہ و الحاصل دیوار ایلہ محاط مشتملاتہ دخول ایده منزلر۔ بوبابده طوتہ جقلری ضبط ورقہ لرینی حاضر بولننلرہ دخی امضا ایتدیرلر۔

جرم مشہود حالندہ، حبس و یا آندن زیادہ بر جزائی مستلزم اولوبده جرمی عندالاجرا و یا خود بعدالاجرا در دست ایده جکلری اشخاص ایلہ ولولہ ناس اوزرینہ طوتہ جقلری اشخاصی اخذ و توقیف و اختیار مجلسنہ و یا قائم مقام و مدیرہ تسلیم ایده جکلر در۔ بونک ایچون قائم مقام و مدیردن معاونت لازمہ دخی طلب ایده بیلوب آنلر دخی معاونتہ مجبور اولہ جقلر در۔

کوی و اورمان بکچیلری، دائرہ لری داخلندہ ضابطہ عدلیہ صفتنی حازر و بو وظیفہ ایلہ مکلفدرلر۔ بنا برین داخل دائرہ لرنده وقوع عبولہ جق قباحت و جنجہلرہ متعلق تحقیقاتی اجرایہ و اولبابده بر ضبط ورقہ سی تنظیمہ مجبوردر۔ ایتدکلری خالدہ مجازات انتباهیہ ایلہ مجازات اولنورلر۔ اما دائرہ لری خارجندہ اول صفتنی حازر دکلدلر۔ بناءً علیہ اولبابده ضبط ورقہ سی تنظیم ایتسہ لر بیلہ اشبو ضبط ورقہ لری داخل دائرہ لرنده وقوع عبولہ جق جرائم حقدہ تنظیم ایتدکلری ضبط ورقہ لرینک حکم و قوتی حازر دکلدلر۔ یعنی مندرجاتی عکسی اثبات اولننجہیہ قدر معتمد علیہ اولمایوب بلکہ عادی برانکار دخی ازالہ حکم و قوتلرینہ کافیدر۔

فقط امر انضباط ایلہ مکلف اولان امرای ضبطیہ، ہیئت اجتماعینک ادامہ آسایشنہ مؤکل اولمالریلہ ضابطہ عدلیہ صفتنی کوی و اورمان بکچیلرینک داخل دائرہ لرنده دخی حازر اولمالری لازم کلیر۔

کوی و اورمان بکچیلرینک تحریر سیلہ مکلف اولدقلری قباحت و جنجہلر، آنجق قیرلرده اراضی و اورمانہ متعلق وقوع عبولہ جق جرائمندن عبارتدر۔ مثلاً: بر تارلادہ ضرر ایقاع ایتک و یا حبوباتی چالمق و اورماندہ حطب قطع

ایتمک کبی شیلردر . یوقسه جرائم عادیه ساره حقنده اجرای تحریاته صلاح-
حیتری یوقدر . فقط عادی برصورتده اخبار وشهادت ایده بیلرلر .
میری ویا برمحله مخصوص اورمان بکچیلرینک ضبط ورقه‌لری، صحرا
بکچیلرینک ورقه‌لرندن دها زیاده معتمد علیه‌در .

اشبو ضبط ورقه‌لرینک حکمی ایکی درلودر . بریسی : ضبط ورقه‌سنک
ساخته‌لکی اثبات اولنجهیه قدر معتمد علیه اولمق که بونک مندرجاتی خلافه
اقامه شهود جائز دکدر . ایکنجیسی : اقامه شهود ایله عکس مندرجاتی اثباته
قابل اولاندر . بوتقسیم، اصول محاکمه‌نک یوز قرق دردیجی ماده‌سنندن
آکلاشیلر؛ فقط اشبو ایکی نوع ضبط ورقه‌لرینه عاقد افرادی تعیین یعنی
هانکیلری ساخته‌لکی ادعا اولنجهیه قدر معتمد علیه‌در؛ وهانکیلری شهودله
مضمون و مندرجاتی خلافی اثباته قابلدر؛ بورالرینی تفریق ایچون قانونلر مزده
ایضاحات یوقدر . قوانین اجنیه‌ده بوباده کوریلن تفصیلاته نظراً جرائمی
تحری ایله ضبط ورقه‌سی تنظیم ایتمک وظیفه‌سی، قانوناً ویرلمش اولان مأمور-
لردن میری اورمان بکچیلرینک قاعده‌سنه تویقاً اورمانه متعلق جرائم حقنده
تنظیم ایده‌جکلری ضبط ورقه‌لری ساخته‌لکی ادعا اولنجهیه قدر معتمد علیه‌در،
فقط اشبو ضبط ورقه‌لرینی قاعده‌سنه تویقاً تنظیم ایتمزلر ویاخود اورمان
داخلنده آوجیلقدن متولد برجرم کبی حقنده ضبط ورقه‌سی تنظیم ایله‌دکلری
جرم، اورمانه متعلق جرائمندن اولماز ایسه اول ضبط ورقه‌لری شهودله
خلافی اثبات اولنجهیه قدر معتبردر . کذلک کمرک ورسومات مأمورلرینک
تنظیم ایده‌جکلری ضبط ورقه‌لری دخی ساخته‌لکی ادعا اولنجهیه قدر معتمد
علیه‌در . اما خصوصی اورمان بکچیلرله کوی و صحرا بکچیلرینک تنظیم
ایده‌جکلری ضبط ورقه‌لری، شهودله عکسی اثبات اولنجهیه قدر معتبر اولان
قسمندندر .

« بعض اسئله »، ضبطه افرادی طرفلرندن تحری و تحقیق اولنوبده
ویردکلری خبر ومعلومات اوزرینه ضبطه یوزباشیسی ویاخود تقیش وسار

ضابطه عدلیه طرفلرندن تنظیم اولنان ضبط ورقه لرینک مندرجاتی، معلومات عادیه قبیلندن عد اولنور. کذلک متضرر اولان شخصک اخبار مجردی اوزرینه مؤسس ضابطه عدلیه نك تنظیم ایده جکلری ضبط ورقه لری دخی شهودله عکسی اثبات اولنجهیه قدر معتمد علیه دکدر؛ برده ضبط ورقه لری، تصدیق معتبر اولان جرائم ماده و جسمانیه بی حاوی اولمق لازمدر. ضبط ورقه سنک انای تحریرنده متهمک حضوری شرط دکدر. - مکرکه ساخته لکی ادعا اولنجهیه قدر معتمد علیه اولان ضبط ورقه لری قبیلندن اوله - ضبط ورقه لری، مأموری طرفندن منتظم صورته تحریر اولنوبده سبب قباحت اولان ماده واشیا دردست و ضبط اولنمادینی حالده تنظیم اولنان ضبط ورقه سی اوزرینه بدایت محکمه سی، مجرد قباحته سببیت ویرن ماده نك ضبط اولنماش اولماسنی وسیله ایله مظنون علیه حقنده معارضه دن منع قرارینی ویره مز. - اکسیک ساتان فروچینک اکسیک اتمکنی ضبط ایتمه مک کی. - محکمه، مظنون علیه طرفندن طلب وقوعبولمادینی حالده دخی منتظم اولمایان برضبط ورقه سنی فسخ ایده بیلیر. برضبط ورقه سنک بر صورتله فسخ اولنان حکمی، ایجاب ایتدیکی حالده صورت اخیری ایله اثبات اولنمق جائزدر. - اقرار کی - برضبط ورقه - سنک حکمسزلکی حالده آنی تنظیم ایتمش اولان مأمورک، او خصوص حقنده شهادتی مسوع اوله بیلیر. ضبط ورقه لرینک عدم کفایتی ویاخود اعتباردن سقوطی حالده شهادت شخصیه استماعی خصوصی، محاکم استینافیه ده دخی جائزدر؛ فقط مدعی عمومیلک وظیفه سنی ایفا ایدن برذاتک شهادتی ایجاب ایتسه ده ادعا وشهادت صفاتنک اجتماعی جائر اولمادیغنه مبنی استماع اولنماز. برضبط ورقه سنک حکمسزلکی حالده شهود شخصیه استماع ایتک خصوصنه دائر مدعی عمومینک وقوع بوله جق طنبی محکمه رد ایده مز.

بکچیلرک، ضبط ورقه لرنده محل اقامت لرینی بیان ایتلری مجبوری دکدر. باخصوص که محدود ومعین بر محله بکچی اولمالری، اقامتگاهنی بیاندن مستغنی قیلار؛ اما ذکری اولی در. کذلک وقعنه نك وقوعبولدینی ساعتی بیان ایتمه مک دخی ضبط ورقه سنک حکمسزلکنی موجب اولماز.

برقباحتك وقوعندن يكرمی درت ساعت صكره تنظيم اولنان ضبط ورقه‌سی دخی حکمدن ساقط اولماز؛ چونکه قانون بوابده مدت تعیین ایتیمور؛ فقط بکچینک وظیفه‌سنی اجراده تأخر ایله مسندن طولای متضرر اولان شخص، ضرر وزیران ایستیه بیلیر.

کوی بکچیلری، کندی حقلرنده نظاماً شهادتی استماع اولنمایان اقربا وهم منفعتلری حقلده ضبط ورقه‌سی تنظیم ایده بیلیرلر واشبو ضبط ورقه‌سی دخی عکسی اثبات اولنجهیه قدر معتمد علیه اولور.

بکچیلر، بوله جقلری اشیا ایله ادعا اولنه جق اشیا یی اخذ وضبط ایله توقیف ایدرلر ویاخود بر شخص ثالثک الیه تسلیم ایدرلر.

بکچیلرک خانه ودکان کی بالاده تعداد اولنان مشتملاته مارالبیان مأمورلردن برینی بلا استحباب دخول ایده مهملری، حقسنز ودقتسنز اوله رق مساکن ایله اشخاصک مصونیت قانونیه لرینی اخلاص ایتمه میدان ویرمه مک ایچوندر.

بکچیلر، مارالبیان مأمورلردن برینی استحباب ایتمه رک تعداد اولنان محللره کیروب اجرا ایده جکلری تحقیقات اوزرینه ضبط ورقه‌لری تنظیم ایلرلر ایسه بوضبط ورقه‌لری حکمدن ساقط عد اولنه مایوب ینه کندی حکم وقوتی محافظه ایدرلر ایسه ده بوکا متجاسر اولان بکچی، عندالاستطاق قانون نظرنده مسؤل اولور. وبکچی بویله مأذون اولمادیغی احوالده دخول ایتمک ایستدیکی حالده خانه صاحبی طرفندن مقاومت ومرتکب جرم اولان کیسه دخی فرار ایده جک اولور ایسه اولبابده تنظیم اولنه جق ضبط ورقه‌سی، احوال مشروحه حقلده مدار اثبات اوله ماز.

جرم مشهود حالنده، حبس و آندن زیاده بر جزایی مستلزم اولان بر جرمی ایشله یین کیسه، بکچیلر طرفندن توقیف اولنور.

ایشته بو عبارده دن آکلاشدیغنه کوره بکچیلر، مدعی عمومیلره ویرمه یین بر صلاحیت واققدار ویرلمشدر؛ چونکه ۳۷جی ماده موجنبجه مدعی عمومیلر، جرم واقع مجازات ترهیدیه یی مستلزم اولوب ده مرتکب اولدیغی امارات قویه ایله مثبت

اولان اشخاصی توقیف ایدہ بیلیرلر. بوکا سبب ایسه، چونکہ اورمان و صحرا-
 لردہ وقوعبولہ جق برجرم مشهودک فاعلی فرار ایدہ بیلیر و کندوسنی کیسه
 کورمیه جکی جهتله ارتکاب ایتدیکی فعلی بسبتون انکار دخی ایله بیلیر
 وشو حالده حقوق عمومیه اجراسز قالمش اولور. بوندن باشقه، بکچیلرک
 طوته جقلری اشخاصی کندولری توقیف ایدہ میوب هر حالده قائم مقام ویا مدیره
 تسلیم ایدہ جکلردر. بونلر ایسه مدعی عمومیلره معاونت ایدن ضابطه عدلیه دن
 اولمالری ایله کندیلرینه تسلیم اولنه جق اشخاصی مرتکب اوله جقلری جرم
 ۳۷ نجی ماده موجنبه اگر مجازات ترهیبیهی مستلزم اولوبده فاعلیتیرینه
 امارات قویه بونلور ایسه توقیف ایدرلر. والا توقیف ایتمه یوب سیلنی تخلیه
 ایلرلر، الحاصل مدعی عمومیلرک بوبابده اولان وظائفی تامیله ایفا ایدرلر.
 «کوی واورمان بکچیلرینک داخل دائره لرنده وقوعبوله جق قباحتلره

متعلق تنظیم ایدہ جکلری ضبط ورقه لری، ۱۱۶ و ۱۱۷ نومرولرده صورتلری
 محرر ضبط ورقه لرندن فرقلری اولماغله آنلری تسویددن صرف نظر قلنهرق
 یالکز جنجهیه متعلق بر ایکی صورت یازیله جقدر.»

برده اشبو ضبط ورقه لری، ۱۱۶ نومروده بیان اولندیغی وجهله یابالذات
 بکچیلر طرفندن ویا خود طلبلریله ضبط ورقه لرنی تقدیمه مجبور اولدقلری
 مأمور طرفندن یازیلیر.

ضبط ورقه سنده درجی مشروط اولان احوالک تفصیلاتی ۱۱۶ نومروده
 سبق ایتمشدر.

صورت : نومرو ۱۱۸ ماده ۱۶

اشبو بیک ایکی یوز طقسان طقوز سنه سی مایسک اون یدنجی بازار
 ایرتسی کونی ساعت اون ایکی راده لرنده میری اورمانی بکچیسی اولدیغ . . . ده
 واقع . . . دیمکله عریف نام اورمان داخلنده ایفای وظیفه ضمننده برمعتاد
 سیر ودور ایدر ایکن اورمانک جهت شمالیه سنده . . . تعبیر اولنور موقعنده

گراسته‌جی مقوله‌سندن تخمیناً اوتوز یاشنده (ب) نام کسنه‌انده‌کی بر عدد بالطه ایله بر عدد (قواق) آغاجنی کسمکده اولدینی کورلمش و کسیلوب یرد یاتیرلمش دیگر ایکی عدد (قواق) آغاجنی دخی ینه کندوسی کسمش اولدینی عندالسؤال وقوعبولان افاده‌سندن آکلاشلشدر. مرقوم (ب)ک فعل واقعی حبسی مستلزم جرائم مشهوده‌دن اولماسیله کندوسی در حال اخذ و توقیف اولنهرق کسیدیکی مذکور آغاجلر ایله بالطه‌سی دخی ضبط اولندی و علیهنده ضبط ورقه‌سی تنظیم اولنهنجی اخطار اولندقدن صکره اشبو ضبط ورقه‌سی تنظیم و . . . مدعی عمومی معاونلکی و کالته تودیع قلندی .

کوی بکچیرینک تنظیم ایده‌جکلری ضبط ورقه‌لری دخی بوسیاقده اوله‌جقدر.

صورت اخیری : نومرو ۱۱۹ ماده کذا

اشبو ۱۲۹۹ سنه‌سی مایسک ۱۷نجی بازار ایرتسی کونی ساعت . . . راده‌لرنده . . . ناحیه‌سی مدیری اولدیغ و مدعی عمومی‌یه معاونتله ضابطه عدلیه‌دن بولندیغ جهتله . . . صحراسی بکچیسی . . . ده مقیم (ع) نزدمه کلهرک آتیده محرر افاداتنک ضبطنی طلب ایتدی و افاده‌یه ابتدارله :
. . . سنه‌سنده . . . کوننده بکچیسی اولدینی . . . قریه‌سی صحراسنده ایفای وظیفه ضمننده طولاشمقده ایکن . . . ده مقیم (ب) نام کسنه‌یه نسبت اولنور . . . مصر مزروع تارلاده تخمیناً اوتوز یاشنده، مطروش، اوزون بویلی اسمرجه بر آدم، مصر قوپارمقده و قوپارمقده اولدینی مصرلری چوانه طولدیرمقده اولدینی کورمش و عقبنده چوانی آرقه‌سنه یوکلنهرک فراره تصدی ایله . . . دقیقه بعد مسافده واقع . . . قریه‌سنده نومرولی خانه‌یه دخول ایلمش اولمغله کیفیتی مختار قریه . . . آغایه اخبار و کندوسی استصحاب ایده‌رک مذکور خانه‌یه کیرمش و سارق اولمق اوزره مذکور تارلاده کوریلن آدم، کرچه خانه‌نک باجاسندن چیقهرق فرار ایلمش ایسه‌ده اسمی

(و) اولوب اقامتگاهی دخی دخول ایدیلن خانه اولدینی آکلاشمش وچوواله طولدیریلان مصرلر اخذ و ضبط اولنمش اولدینی بیان ایله مشدر. مرقوم بکچی (ح) ک شو وجهله وقوعبولان افاداتی ضبط اولنمش و حضورنده لدی القرائه تنظیم اولنان اشبو ضبط ورقهسی معاً امضا و . . . مدعی عمومی معاوندکنه تودیع واعطا قلندی .

امضا امضا

... ..

﴿ اوچنجی فصل ﴾

اورمان مأمورلرینک طلبی ایله تسطیر اولنه حق جلبنامه لره دآردر

بودخی قباحت جرمندن طولایی مضمون علیه ویاخود مسؤل بالمال اولانلر ایله آکا دآر معلوماتی اولانلره کوندریلیر. مسؤل بالمال اولمق، بر کیسه نك قانوناً جزادن معفو اولان کندی ویاخود صبی و غیر ممیز براوغلی طرفندن ایقاع ایدیلن ضرردن طولایی اول کیسه یی اول ضررک تضمینیه مسؤل قیلق کیدر. فقط اصل ماده یه حکم لاحق اولمازدن اول مسؤلیت مال ایله مؤاخذه یوقدر؛ چونکه اصل ثابت اولمادقجه فرع ثابت اولماز. اشبو جلبنامه لره تعقیبات ایفاسیه مکلف اولان اورمان مأمورلرینک طلبیه تسطیر قننور. بکچیلرک صلاحیتی، اشبو طلبی مجاوز ایتمز .

اورمان مأمورلری بولمادینی حالده مفتش لری ومدعی عمومی لره بونلره معاونت ایدن تفتیش مأموری و ضابطان طرفندن وقوع بوله حق طلب اوزرینه تسطیر قننور. اشبو جلبنامه لره مواد سآره ایچون کوندریلن جلبنامه لره حاوی اولمالری لازم اولان شرائطدن برینی حاوی اولمائه دخی حکمسزلکنی موجب

اولماز؛ چونکہ قانونده برصراحت یوقدر؛ فقط مدتک تعینی هر وقت شرطدر.
 جلبنامہده اولا: جلبی مطلوب اولان شخصک توصیف قانونیسی ایله برابر
 اسمی تحریر اولنور. بعده جلب اولنه حق مادهنک نوعی ایله نه صفتله جلب
 اولنه جعی؟، نه وقت و نزهیه کلک اقتضا ایده جکی؟ خصوصلری درج ایدیلمیر.
 اورمانه متعلق جرائمده تسطیر قلنان جلب مذکره لری؛ قانونمزک
 مأخذی اولان فرانسه اصول محاکمه جزائیسی فورمولرنده تعقیبه مأذون
 اولان اورمان مأمورلری طلبنک تصریحیله برابر بر صورت خصوصیهده
 تحریر قلندیغی کورلمکده ایسهده بزده مواد عادیه وعمومیهده اولدیغی مثللو
 مطرد بر نسقده تحریری متعامل اولمغله فصل مخصوصده محرر جلب
 صورتلریله بالا کتفا صورت تحریرندن صرف نظر اولنمشدر.

﴿دردیجی فصل﴾

مدعی عمومیله ایله سارضابطه عدلیه مأمورلرینک مأموریتلرینی اجرا
 ائناسنده قوه مسلحه طلب واستصحابنه دار طلبنامه حقدنهدر

اشبو مأمورلر، مأموریتلرینی اجرا حالنده طوغریدن طوغرییه قوه
 مسلحه طلب ایتک صلاحیتی حازدرلر.

فقط ۱۶نجی مادهده بیان اولندیغی اوزره کوی واورمان بکجیلری ضابطه
 عدلیه دن اولدقلری حالده مأموریتلرینی اجرا حالنده محتاج اولدقلری
 معاونت ایچون طوغریدن طوغرییه قوماندانه مراجعت ایتک صلاحیتی
 حاز اولمایوب قائم مقام ویامدیرک واسطه ومعاونتنه مراجعت ایتلری لازمدر.
 برده معاونت طلب ایده جکلری مواد، حبس ودها زیاده بر جزایی مستلزم

اولان جرائمین عبارت اولمق شرطدر. قوه مسلحه طلب ایتک صلاحیتی توقیف مذکره سنی اجرایه مأمور اولان مباشر دخی جائزدر. اشبو طلبنامه، تحریری اولمق لازمدر. اما دردست اولتماسی ناقابل احتمال اولان غیوبت کبی بر ضرورت ویاخود اخرلری اضرار کبی بر خوف و وخامت ملحوظ اولدینی حالده تحریری اولماسی ده جائزدر.

قوه مسلحه، قوه عمومیه دن عبارتدر. بودخی الحاله هذه ضبطیه، ژاندرمه، ویکجیلر، عساکر منتظمه و عندالاقضا نفیر عامدن مترکبدر.

قوه مسلحیه مراجعت، احضار ایله موقت و غیر موقت مذکره لرینک اجراسیله حکمک انفاذی خصوص لرنده دخی اولور. اشبو طلبنامه ده: قوه مسلحیه سبیت ویرن ماده نک اسبابیله بوکا دائر اولان ماده قانونیه نک درجی لازمدر.

صورت: نومرو ۱۲۱ ماده ۲۳

... جهتنده اک یاقین بولنان عساکر شاهانه قوماندانلغنه

... ده مقیم (ب) ک قاتلی اولوب اون بش سنه مدت کورک جزاسیله غیاباً محکوم اولان (ع) ورفقاسی حکم واقعی تبلیغ ایدن خدمه نک اختارات و تبلیغاتی اصفا ایتدکن باشقه ... ده واقع خانه لرنده تحصن ایله اولنجیه قدر مدافعه ده ثبات ایده جکلرینی سویله مش و اصول محاکمه جزائییه نک ۲۳ نجی ماده سی احکامنه توفیقاً قوه مسلحیه مراجعت ایتکه مجسوریت حاصل اولمش اولغله اشبو طلبنامه نک ابراز اولنه جق هر قوماندان طرفدن زیر اداره لرنده بولنان افراد عسکریه دن بر اونباشی طاقنک ترفیق و اسراسی خصوصنی طلب ضمننده اشبو طلبنامه تسطیر قلندی.



بشنجی فصل

« هر مأمورك انشای مأموریتندہ مطلع اولہ جنی جنایت و جرمہ لری، عائد اولدینی مدعی عمومی یہ اخبارہ دارتنظیم ایدہ جکی اخبارنامہ حقندہ در. »

مأمورلرک اشبو اخباراتی، اخبارات رسمیدن معدود اولدیغندن اخبارات واقعہنک انشای مأموریتندہ وقوعی مشروطدر. اما مأموریتی خارچندہ وقوعبولہ جق اخباراتی، اخبارات عادیدہ دندر. او حالده اخبارنامہ یکرمی یدنجی ویکرمی سکننجی مادہ یہ توفیقاً تنظیم اولنق لازمدر.

اخبار رسمی ایله اخبار عاددی بینندہ کی فرقہ کلنجہ: اخبار رسمی، بورجر یعنی مأمور اولوجہلہ برجنجہ و جنایتی اخبارہ مجبوردر. گرچہ قانون بوبورجی عدم ایفاسندہ مأمورہ برجزا تعیین ایتیمور؛ چونکہ سوء استعمالدن خوف ایدلمشدر. فقط اشبو وظیفہ بی ایفا ایتمین مأمورہ، عندالایجاب تکدیر وتوبیخ کی مجازات انتباهیہ ایله مجازات اولنور. اما اخبار عادیدہ قانونک بحث ایتدیکی مجبوریت، صرف مجبوریت مغویہدر. برده اشبو مجبوریت، جنجہ و جنایتلرہ مخصوص اولوب قباحترلرہ شامل دکلدر. چونکہ قباحت، آسایش عمومی بی اخلال ایدہ جک قدر حائر اهمیت دکلدر. برده قباحترلر یالکز مدعی عمومیلرہ اخبار اولنمایوب سائر ضابطه عدلیہ یہ دخی اخبار اولنور.

اشبو اخبار رسمی اوزرینہ مضمون علیہ اولق اوزرہ تحت محاکمہ یہ آلتان کیسہنک برائی حالندہ مخبردن ضرر وزیران تضمینہ صلاحیتی اولوب اولدینی مسئلہ سنہ کلنجہ: اشبو اخبار خصوصی مأمورلر ایچون بربورج اولدیغندن وعدم ایفاسی حالندہ مجازات انتباهیہ ایله مجازاتلرینی مستلزم بولندیغندن بوندن طولانی ضرر وزیران تضمینیلہ محکومیتلری جائز دکلدر. « ۲۹۲ نجی مادہ یہ باق » مکرکہ اخذ ثار وانتقام وعداوت سائقہ سیلہ ویرلمش اولدینی تحقق ایدہ او حالده تضمیناتلہ محکومیت جائز اولہ بیلور.

مبجوت عنه اولان اخبارات مدعی عمومیلره کوندرملک لازمدر؛ چونکه
جنحه و جنایته متعلق وقوعبوله جق اخبارات، ضابطه عدلیه مأمورلرینه ویرلمش
اولسه دخی آنلرینه مدعی عمومی یه کوندرمهک مجبوردرلر.

اشبو اخبارنامهده وقعهنک خلاصه سیله محل وزمان وقوعی ومظنون علیهنک
اسمی ایله شهرتی وسنی ایله صنعتی ودردست اولنوب اولنادیغی وزدییه فرار
ایتدیکی وشریکلی واریسه آنلرک دخی عینیه بیانیه وجرمه نه صورتله
مطلع اولندیغی خصوصلری یازیلور.

صورت: نومرو ۱۲۳ ماده ۲۶

اشبو ۱۲۹۹ سنهسی مایسک ۱۹ نجی پنجشنبه کیجهسی ساعت اون راده -
لرنده مدیری اولدیغم... ناحیه سنده... محله واقع «ب» ک خانه سنده اورته
قائده شرق جهتنده کی پنجره سندن اشیا آشیرمق صورتیه سرقت وقوعبولمشدر.
النان خبر اوزرینه عساکر ضبطیه مذکور خانه یه کیتدکلرنده سارقلر فرار
ایتمکده اولدقلری حالده آرقه لرندن انداخت ایدیلن طبابعه لرذن برینک
قورشونی... ده مقیم چوبان مقوله سندن ۳۰ یاشنده علی نام کسنه یه اصابتله
جرح ایدیلهرک طوتلمشدر. شریک تهمتلری کندوسندن سؤال اولدقدده...
ده مقیم... «ف» اولدیغی خبر ویرمش اولغله حسب الوظیفه اخبار کیفیت
اولنور.

صورت آخری: نومرو ۱۲۴ ماده کذا

اشبو ۱۲۹۹ سنهسی مایسنده حاکم الشرعی اولدیغم... قضا سنده بدأ
ومباشرت اولنان اعشار مزایده سنه قائم مقام قضا... افندی اصول وقاعده
مرعیه سنه مخالف اولهرق امر مزایده یه فساد قارشیدیرمش وکافه اعشارینی
نقصان فاحش ایله اخاله ایدرک بودخی براهین عدیده وظاهره ایله میدانده

بولنمش اولغله کیفیتك تحقیقوله حقوق خزینهك محافظه سی لزومنی بحسب الوظيفه
اخبار ایلرم. امضا

﴿التنجی فصل﴾

افرادك اخبار لری حقنده در

اخبار، برجایت، یا جنحه و یا قباحتك وقوعنی مین دائرة عدلیه یه ویریلن
برورقه در.

مأمورلرک اخباراتیه افراد ناسک اخباراتی بیننده کی فرقدن بحث سابقده
بحث اولنمش ایدی؛ یعنی: مأمورلر مطلع اوله جقلری جنحه و جنایتلری اخباره
مجبوردر وعدم اخبارلرندن طولایی مجازات انتباهیه ایله مجازات و توبیخ
اولنورلر. اما افراد ناسک بوبابده قانونده بحث اولنان مجبوریتلری، صرف
برجبوریت مدنیه و معنویه در. یعنی: اشبو وظیفه مدنیه لری عدم ایفالرندن
طولایی یالکز اخلاق و وجدان دأره سنده مسؤل و معاتب اولورلر. ایشته
شو اصله بناء مأمورلرک اخبارات واقعهرینک خلاف واقع ظهور ایتسندن
طولایی علیه لری نه ضرر و زیان دعواسی اقامه اولنه ماز؛ زیرا اخبار خصوصنده
توبیخ و تکدیر کی تهدیدات ایله مجبور قلمش لردر. اما افراد ناسک مجبوریت
مبجوت عنهری برتضیق خارجی ایله تهدید اولنمادیغندن اخبارات واقعهرلر.
ینک خلافی حالنده علیه لری نه ضرر و زیان و تضمینات دعواسی اقامه اولنمق
جائز دکلدرد.

برده افراد ناسک اخباره مجبور اولدقلری مواد، امنیت عمومی و افراد
ناسک جان و مالی علیه سده سوء قصد و قوعیله تخصیص و تقیید ایدلمشدر.
حالبوکه مأمورلرک اخباره مجبور اولدقلری مواد، اطلاق اوزره ترک قلمشدر.

ایشته فرق بوندن عبارتدر. بونک سینه کانه چونکه افراد ناسن مأمورینه نسبتله علی العموم دهآز ونقصان تربیهلی اولدقلری کی جرائمی تقیتش وتفحصه دخی برنظارتلری یوقدر .

مخبرلر علیهنده ضرر وزیان وتضمینات حکم ایده بیلک دخی هر حالده اخبارک افترا واضرار قصدیه وقوعبولمش اولماسیله اخبارنامهک تخریری وممضی اولهرق ویرلمش اولماسی شرطدر. یوقسه بروطفه انسانیه ومدنیه اولمق اوزره تخریراً ویریلن اخبارنامهک خلاقی ثابت اولماسندن طولایی ضرر وزیان ایله محکومیت جائز اولمدیغی کی شفاهی وقوعبولان اخبارلردن طولایی دخی هیچ بر حالده ضرر وزیان دعوالری مسموع اولماز. بوده موافق حکمت ومصالحتدر؛ زیرا ضرر وزیان ادعا ایتک یولی بلا قید آچیق بولنمش اولسه کیسه اخبار ایتمز وشو صورتله اسایش عمومی تأمین ایدلمش اولماز. کذاک مخبرلرک مطلقاً عدم مسؤلیتلری شرط قلنسه بیکناه کیسهلر علیهنده افترایه میدان ویرلمش اولور.

اشبو اخبارنامهلر، مدعی عمومییه ویریله جک ویا خود اکایا پدیریله جقدر. مدعی عمومیدن بشقه سنه یا پدیرلمق اخبارنامهک حکمسزلکنی موجب اولماز. او شرطله که معامله سی صلاحیتی اولان مأمورلرله محکمه طرفندن اجرا قلنمش اوله.

اخبارنامهلر یا بالذات مخبر طرفندن ویا وکیل مخصوصی طرفندن تنظیم اولنور؛ فقط بو حالده اخبارنامه، مدعی عمومییه ویرلدکه طرفندن برقبول ضبط ورقه سی یازیلور وبوضبط ورقه سی، اکثریا اصل اخبارنامهک زیرنده یازیلیر ویا خود مدعی عمومییه یا پدیریلیر. وکیل مخصوص، اخبار اولنه جق خصوصه دائر برقطعه وکالتنامه مخصوص ایله برینی اخباره توکیل ایتکدر. بو صورتده بر کیسه بلا وکالتنامه پدیری طرفندن اخبار ایتک حقوقی جائز دکلدر. یعنی: اخبار واقع پدیر طرفندن تلقی اولتماز وکالتنامه، اخبارنامهیه مربوط اوله جقدر.

مدعی عمومی دخی كرك يازديرلىق ايسته نيلن و كركسه كندولرينه ويريلن اخبارنامه لری رد ايده ميوب قبوله مجبوردر . مكر كه عرض اولان ماده صراحة و علناً جرائم دن و قانوناً افعال ممنوعه دن اوليه . ايسته يالكز بو حالده رد ايده بيليرلر ؛ فقط فعلك دخی افعال ممنوعه دن اولماسی محقق اولوب مظنون اولمامليدر؛ زیرا رفع شبهه مدعی عمومیله عائد دكلدر .
ضابطه عدليه مأمورلری دخی كندولرينه ويريلن اخبارنامه لری رد ايده مه مك خصوصنده مدعی عمومی كيدر .

اشبو اخبارنامه لك هر صحيفه سی، مدعی عمومی ايله مخبر ويا وكيلى طرفدن امضا اولمق لازمدر . بوده، مندرجاتی توثيق وسوء استعمالات وقوعنی دفع مقصدینه منی در؛ مع هذا هر صحيفه نك ممضی اولماسی، اخبارنامه نك حكمسز-لكنی موجب اولماز . مخبر ويا وكيلى امضا ايتك بيلدكلى ويا بيلوبده وضع ايتكدن استنكاف ايله دكلى حالده دخی كيفيتك درجی لازمدر؛ چونكه بيله مك خصوصنك بيانی، اخبارنامه نك مندرجاته امضا ايدلمش كبی قوت ويرير . استنكاف خصوصنك بيانی دخی اخبارنامه نك معتمد عليه اولماديغنی اشراب ايدركه بوضورته مدعی عمومی، تعقيب مقتضا خصوصنده مخبردر . وارقه سنی آراشدیروب خلافي ثابت اولدقه مخبر، ضرر وزيان تضمينيله محكوم اوله ماز؛ چونكه اخباری تحریری و ممضی دكلدر .

بونكه برابر قانون، امضادن استنكافك عدم ذكردن طولايی اخبار-نامه لره كان لم يكن حكمنی تعليق ايتمز .

اخبارنامه لك مندرجاتی، صحیح و ممكن مرتبه مكمل اولمامليدر . على الاطلاق اخبارنامه لره فعلك هانكي نوعدن اولديغنی، فصل وقوعه كتيرلديكي، زرده وهانكي محله ايقاع ايدلمش اولديغنی، دلائل و اماراته دار اولان احوالی، مظنون عليه ايله - وارايسه - شريك نك اسم وشهرتيله سن وصنعت و محل اقامتلى درج اولمق لازمدر . بوشرائك سبب لزومی، يوقاروده كی بحثرده يازلمشدر . بوشرائطی جامع اولمايان اخبارنامه نك ردی جائز اوله بيلير . مثلاً :

فلان کیمسه فلانک ناموسنی اخلال ایتدی دیه جرمک نوعنی، کیفیتنی، زمان و مکان وقوعیه دلائلی بیان ایتمه رک اخبار ایتک، اخبار نامه نک ردینی موجبدر. برده مظنون علیه نامعلوم اولوبده در دست ایدلمه مش ایسه در دستنی قولای اوله بیلک ایچون اشکالی ذکر ایتک و مخبرک یاننده شاهده وار ایسه آنلری دخی تعریف قانونیسیله بیان وافاده لرینی ضبط ایله مک و جرمک مشهوداً وقوعی مخبر و یا شهود طرفدن خبر ویریلوبده محله کیمک ایجاب ایتدیکی حالده اخبار. نامه یی تنظیم ایده جک اولان ضابطه عدلیه مأموری محل وقوعیه لزوم عزیمتی بیان ایتک لازمدر.

بالاده بیان اولدینگی اوزره قبوله دائر یازیله جق ضبط ورقه سنده دخی اخبارک تاریخ وقوعی ایله مظنون علیه کیمک مشتکیسی وار ایسه مشتکینک اسم و شهرتی و ضمیله وقعنه ک خلاصه سی و صورت قبولی خصوصلری درج اولنه جقدر.

صورت: نومزو ۱۲۵ ماده ۳۱

اشوبیک ایکی یوز طقسان طقوز سنه سی مایسک یکر می برنجی جمعه ایرتسی کونی، ساعت اون ایکی زاده لرنده . . . قصبه سنده خلوصی افدینک باغچه سنه کیدر ایکن قصبه خارچنده مذکور باغچه یه کیدن جاده نک تقریباً الی مترو بروسنده یوزی البسه سی قانه بولاشمش اولدینگی حالده برینک یادتینگی کورولمسیله لدی التقرب برحیات اولدینگی آکلاشلا قدنصرکه سبی کندوسندن استفسار اولندی.

مرقوم چفتچی مقوله سندن . . . قریه سنده . . . نومرولی خانه ده مقیم (ح) اسمنده اولوب بازار اولمق مناسبتیه قصبه یه کله رک عودت ایتک اوزره یوله چیقمش ایکن . . . ده مقیم یونان قونسولوس قواصلغی خدمتده بولنان اوتوز یاشنده (ب) نام کمنه، کندوسنه اولان بورجینی ویرمک اوزره تکلیف ایتسنه مقابل مرقوم (ح) عدم اقتدارینی بیان واعتذار ایله مسی اوزرینه

(ب) بیجاغنی چیقارهرق قولندن واکسه‌سیله بجاغنک برقاچ یرندن جرح ایله یاتیرمش واوزرنده اولان اچقه کیسه‌سنی ایچنده اولان . . . غروشه برابر آلوب فرار ایتدیکنی سویله‌مش اولمغله اخبار کیفیت ایدرم .

امضا

. . .

قبول و تصدیق ضبط ورقه‌سی

صورت : نومرو ۱۲۶ ماده ۳۱

بالاده اسم و شهرت و صنعتلریله محل اقامتلی محرار مرقوم (ب) ک مرقوم (ح) ی اولوجهله جرح و نقدینی غصب ایتدیکی خصوصنه دأر هر صحیفه‌سی ایله زیری (. . .) طرفندن ممضی و یریلن اشبو اخبارنامه . . . تاریخنده بزه و یرلمش و مخبر مرقوم (. . .) حضورنده لدی القرائه مندرجاتنی شفاهاً دخی تصدیق ایله‌مش اولمغله اشبو قبول و تصدیق ورقه‌سی تسطیر و امضا قلندی .
مدعی عمومی

. . .

« وکالة اخبار »

صورت : نومرو ۱۲۷ ماده ۳۱

اشبو اخبارنامه‌یه مربوط وکالتنامه‌دن مستبان اوله‌جنی وجهله . . . ده مقیم (ب) ک حائر اولدیغم وکالتنامه‌سنه بناءً آتی ده محرار وقوعاتی طرفلرندن بالوکاله اخبار ایدرم .
موکلم (ب) ک اشبو بیک ایکی یوز طقسان طقوز سنه‌سی مایسک یکریمی برنجی جمعه ایرتسی کونی ساعت بش راده‌لرنده . . . قصبه‌سنده خلوصی

افدینک باغچه سنه کیدرکن مذکور جاده یه کیدن یولک تقریباً الی مترو بروسنده یوزی، البسه سی قانه بولاشمش اولدینی حالده برینک یاتمقد دا اولدیغنی کورمه سیله لدی التقرب بر حیات اولدیغنی آکلادقدن صکره سببنی استفسار ایله دکنده مجروح، چفتجی مقوله سندن . . . ده مقیم اوتوز یاشنده (ح) اسمنده بریسی اولوب کوینه عودت ایتمک اوزره یوله چیمش ایکن طانمیدینی بریسی، کندینی بیچاقله جرح و پاره کیسه سنی غصب و سرقت ایله فرار ایله مش و جارح مرقومک تخمیناً اوتوز یاشنده اسمر یوزلی، طویل القامه، سیاه بیقی، مطروش بر شکلده اولدیغنی سویله مش اولغله موکلم مرقوم (ب) ک حسب الانسانیه مکلف اولدیغنی اخبار وظیفه سنی طرفندن بالوکاله ایفایه مبادرت ایله دم .

امضا

وکیل

. . . ده مقیم مرقوم (ب) ک وکیلی . . . ده مقیم (ح) امضاسیله . . . تاریخنده ویریلن اشبواخبارنامه لدی المطالعه، یولنده تنظیم ایدلیکی و وکالتنا- مه سی مربوط اولدیغنی کورولدکن صکره وکیل مرقوم (ح) ک حضورنده قرائت اولنه رق مندرجاتنی شفاهاً دخی تأیید ایتمش اولغله تصدیق قلمشدر .

امضا

مدعی عمومی

مدعی عمومی طرفندن تحریری

صورت : نومرو ۱۲۸ ماده ۳۱

اشبو ۱۲۹۹ مایس ۲۱ ساعت ۶ راده لرنده . . . ده مقیم (ب) نزدمه کله رک آتی ده محرر افاداتک ضبطنی طلب و عند التکلیف افاده یه ابتدارله : . . . تاریخنده کندوسی خانه سی پنجره سنده او طور مقده ایکن فارشو- سنده بولنان (ب) ک خانه سنه بش نفر خرسز دخول ایله هربری آرقه لرنده

اشیا یوکللی اولدقلری حالدده فراره تصدی ایتمکده اولدقلرینی کورمسيله طور دینی یردن اعلان کیفیت ایچون انداخت ایتدیکی بر طباجه اوزرینه اجتماع ایدن اطراف سکنه سی، مرقوم خرسز لرك مفرلرینی طوته رق آنلردن بریسنی دردست ایله مش وکافه سنك دخی اشیا سنی بر اقدیرمش اولدقلرینی وطوتیلان خرسز، عندالسؤال . . . ده مقیم . . . یاشنده چوبان مقوله سندن (ح) اسمنده بر شخص اولدیغنی وارقداشلرینی دخی خبر ویره جکی سویلدیکنی اخبار ایتمش و مخبر مرقوم (ب) ك استشهاد ایچون برابرنده کتیردیکی . . . ده مقیم (و) ایله . . . ده مقیم (ع) دخی اخبارات واقعه نی بعینها تأیید و تکریر ایله مشلردر.

اخبار اولسان جرم مذکور، جرائم مشهوده دن اولغله تعقیب واکمال تحقیقات ضمننده بعده محل وقوعه کیدمک اوزره مخبر مرقوم ایله شاهدان مرقومانک اخبارات واقعه لری ضبط و تحریر اولمش واشبو ضبط ورقه سنك زیری ایله هر صحیفه سنی بزمله معاً امضا ایله مشلردر.

❖ یدنجی فصل ❖

محل وقوعه کیدلکده تنظیم اولنه جق ضبط ورقه لری حقنده در. ضبط ورقه سی، بر جرمک تحقیقاتنه تعلق ایتدیکنه کوره اساساً مستنطق لرك وظائفنه عائد و منحصر اولمق لازم کلیر ایسه ده جرائم مشهوده ده، مستنطق محل وقوعه کیتسی بعد مسافه کی بعض اسبابه مبنی ممکن اوله مامقده اولماسیله بو وظیفه، مدعی عمومیلر ایله کندیلرینه معاونت ایدن سائر ضابطه عدلیه مأمورلرینه دخی ویرلشدر؛ فقط مدعی عمومیلر ایله معاونلرینك، بوبابده کی مکلفیتلری مطلق اولمایوب محل وقوعه کیده بیله لری، جرمک مشهود اولماسی واول جرمک مجازاة ترهیبیه یی مستلزم جنایاتدن بولماسیله مقیددر. بونک

سببی دخی چونکه حریت شخصیه ایله مسکنلرک تعرضدن مصونیتی مطلوب و ملتزم اولدیغندن واضح قانون، مصونیت مجوٹ عنهانك هر جرمدہ مستنطقدن مساعدی طرفلرندن اخلال اولماسنه مساعده ائمه مشدر.

جرم مشهوده کلنجه: تعریف ماهیتی مبین اولان قانونك ۳۸نجی ماده سنه نظراً درت نوعه تفریق اولنه بیلیر. اولاً: جرمك فی الحال اجرا اولنق اوزره اولماسی که بونوعی تفریقده مشکلات یوقدر. ثانیاً: جرمك هنوز اجرا اولمش بولماسی، یعنی: جرم، اجرا و اتمام اولنوب اولقدرکه زمان اجرا و اتمام وقت ایقاع و مباشرته یعنی: زمان؛ اجرای جرم تحقیقاته مباشرت زمانه قریب بولنق لازمدر. آرا یرده کی مدتک مقدارنده جزائیونجه اختلاف وار ایسه ده زمان مباشرت مابینده یکریمی درت ساعتدن زیاده مدت مرور ائمه مک خصوصنده اتفاق حصوله کلشدر.

ثالثاً: برکیمه نك ولوله ناس اوزرینه طوتلسی، یعنی: برکیمه برجرمی بعدالاجرا فرار ایدرکن ناسك صدا و نعره لری اول کیمه یی اول جرمی ایقاع ایتمش اولق تهمتیه اتهام ایله مش اولدیغی حالده اول کیمه نك، در دست و گرفت اولماسی.

رابعاً: برکیمه برجرمی ارتکاب عقبنده اول کیمه نك اول جرمك فاعل و یا شریکی اولدیغی مؤید اشیا، اسلحه، ادوات و اوراق ایله معاً در دست اولماسی در. اشبوصوك نوعلرک دخی زمان ایقاع، جرمه قریب بروقتیه وقوعه کلش اولمالری شرطدر؛ فقط قلیزنلك تهمتی، زمان اجرادن یکریمی درت ساعت صکره استخبار اولنسه دخی ینه جرائم مشهوده دن معدوددر.

ایشته مدعی عمومیله معاونلری، یالکز تعریف ایدیلن جرائم مشهوده حالنده محل وقوعیه کیدوب اجرای تحقیقات ایده بیلیرلر. بوحالاتک غیرنده اجرای تحقیقات خصوصنی مستنطقلره حواله ایدرلر. مکرکه برخانه ایچنده وقوع بولان بر جرمك اجرای تحقیقی ایچون فاملیا ریسی طرفندن طلب وقوعبوله. ایشه اولحالده مدعی عمومی، مدعو اولدیغی خانه یه کیدر و اجرای

تحقیقات ایله؛ فقط اجرای تحقیقات صلاحیتی حائز اولانلردن کیسه بولمایوبده عدم تعقیب حالنده ثبوت جرمه مدار اوله جنق قرآن و اماراتک بسبتون محوی، یعنی: میدانه چیقمامسی محتمل اولدینی وبوصورتله اجرای تحقیقاته لزوم کورلدیکی حالده مدعی عمومیلرله معاونلرک بوبابده تحقیقاتی حاوی تنظیم ایده جکلری ضبط ورقه لری کائن لم یکن حکمنده اولمایوب فقط مندرجاتی، معلومات عادیه قبیلندن تلقی اولنور.

جرأم مشهوده شکلنده اولان برجرمک، اخیراً اول شکل وصفی غیب ایتسی، مدعی عمومیلرله معاونلرینک اولبابده تحقیقاتی حاوی تنظیم ایتکلری ضبط ورقه لرینک حکم وقوتنه خلل کتیرمز. مدعی عمومیلرله معاونلرینه جرأم مشهوده حقنده ویریلن اشبو صلاحیت، استئنا قبیلندن در. حتی مدعی عمومیلرله معاونلرینک محل وقعیه کیتکلرندده کیفیت عزیمتی مستنطقه اخباره مجبور اولمالری بوندناشیدر. بوجهتله وظائفی، صلاحیت مجوٹ عنهایی تعیین ایدن مواد قانونیه نک مندرجات ضریحه سیله محدود اوله رق اجرا ایدرلر. یوقسه مستنطقلرک تامیله حقوق ووظائفی حائز اوله مازلر. بنا برین ۳۱ نجی ماده ده کوریله جکی وجهله مدعی عمومی بر شخص توقیف ایده بیلسه دخی احضار و توقیف مذکره لرینی تسطیر ایتک واستنطاق ایله جزا حکم ایتک بر نوع حکم اولق جهتیه ینه مستنطقلر طرفلرندن اجرا قنور.

مدعی عمومیلرله معاونلرینک جرم مشهود حالنده محل وقعیه کتیمه لرنندن طولای قانون بر جزا تعیین وتصریح ایتیمور ایسه ده مسئولیتلری طبیعیدر. بوراده کرک جرأم مشهوده ده مدعی عمومیلرله ضابطه عدلیه مأمور- لرینک تنظیم ایله جکلری وکرکسه مستنطقلرک جرأم مشهوده و عادیه ده تسطیر ایده جکلری ضبط ورقه لرنندن بحث اولنه جقدر. بونلرک منی علیهی اولان قواعد، بوجه زیر بیان اولنور.

بوبابده تنظیم اوله جنق ضبط ورقه لرننده وقوعاتک صورت و تاریخ اخباری ایله ضبط ورقه منی تنظیم ایدن کیم ایسه صفت مأموریتنی تعیین دن صکره محل

وقعه‌یه کیفیت عزیمتک مستنطقه اخباری ایله کندوسنک انتظار و استحباب اولنوب اولمادیغی خصوصی یازیلیر: کیفیت عزیمتک مستنطقه اخباری لازمدر؛ زیرا اجرای تحقیقات و وظیفه‌سی اصلاً مستنطقله عائددر. بوجهته مستنطق، احتمالکه محل وقوعیه بالذات کیتک ایستیه‌رک تحقیقاتی طوغریدن طوغری‌یه اجرا ایلر. مستنطق دخی جرائم عادی‌ده، مدعی عمومی استصحاب ایدرتا که کندی مأموریتنه عائد وظائفی بالذات اجرا ایتسون اما جرائم مشهورده استصحابنه حاجت یوقدر.

مدعی عمومی ایله معاونلر، ضبط ورقه‌لرینی جرمک ارتکاب اولندیغی قضانک تفتیش مأموری یا قائم‌مقام و مدیر و یا خود اهالیدن ایکی کمنه حضور- رنده تنظیم ایده‌جک و آنلره امضا ایتدیره‌جکدر. بودخی مندرجاتی ده‌ها زیاده توثیق و تقویه ایچوندر؛ فقط اشبو مأمورلر بولمادیغی حالده تنظیم اولنان ضبط ورقه‌سی حکم‌سز قالماز. شو قدرکه مندرجاتی ده‌ها آز موثوق و معتمد علیه اولور. اما مستنطقلر، جرائم عادی‌ده مدعی عمومی ایله برلکده اولدقلری حالده مارالبیان مأمورلر ایله شهودک حضورینه حاجت یوقدر. ایکی‌سنک برلکده اولماسی، اولبایده تنظیم ایده‌جکلری ضبط ورقه‌لرینک صحت مندرجاتی متکفلدر.

بعده محل وقوعیه کیدلیدیکی یازیلیرکه محل وقوعه، سرقتده: اشیا سرقت اولنان خانه، قتلده: مقتولک بولندیغی مکاندن عبارتدر. هر حالده کیدیلن محلی تعریف لازمدر؛ زیرا محل وقوعه، جرمک بعض حاللری ارتکاب اولنان جرمک درجه‌شدت و خفتنک مستفاد اولماسنه خدمت ایدر. مثلاً: کارگیر و محکم اولان برخانه داخلنه کیروب سرقت ایتک قصد و اسباب مشدده وقوعنه، و کیروب چیقلمسی سهیل و کوچک بر بنایه کیروب سرقت ایله مک قصد و شدتک نسبتله آز وقوعنه دلالت ایدر. كذلك ناسک کجه‌بیله‌جکی بریر ایله قیرده آدم اتلاف ایتکده فرق واردر. موقع تحقیقده اولنه‌جق مواده کلنجه: جرائم، متنوع و غیر محصور

اولدیغندن صور تحقیقیه بی برضا بطه عمومیه تحتہ آلمق ناقابلدر؛ چونکہ جرمک صور ثبوتیه سنی الحق اقتضای حال تعیین ایدہ جکندن محقق اوله حق کیسه، موقع تحقیقده ایجاب حالی پیش نظر مطالعه یه آلهرق اولجه عریض وعمیق دوشوندکن صکره حالک تعیین ایدہ جکی حاله کوره توفیق حرکت ایتک لازمدر.

مع هذا وقوعاتک صورت وقوعیه اسبابی لایقی وحقیقی وجهله تحقیق ایتک، موقع جرمده کوریله جک علامم وآثاری معاینه ایله کرک مظنون علیک اوزرنده وکرکسه موقع جرمده بولنه جق اشیا، آلات وادواتی ضبط وتعریفیه تطبیق وصورت تطبیقی مظنون علیک حضورنده اجرا ایله اولبایده اولان افاده سنی ضبط وکندوسنه امضا ایتدرمک، امضا ایتک ایسته مدیکی جالده کیفیتی ضبط ورقه سنه درج ایلهمک وشخص متضرر ایله اقارب، خدمتکار وقومشولردن معلوماتی اولدینی ملحوظ اولانارک افاده لرینی صوروب ضبط ایلهمک خصوصاتی تحقیقاته کیریزکاه عد اولنه جق اساسار دندز. بونارک کافه سی، جرمک ثبوتی ایله درجه شدت وخفتی تعیینه خدمت ایتک ایچوندز.

زیرا وقوعه نک صورت جریانیله استعمال اولنان تداییر، مرتکب جرمک قصد وعدم قصدینه دلالتله اکا کوره مجازات اولنماسنه خدمت ایدر. کذلک قتل قصدیه اخافه ایدن کیسه نک ایدہ کی طبانجه سی معاینه اولندقدہ ادعا اولنان قصدک وقوع ویا عدم وقوعه دلالت ایدر؛ زیرا طبانجه نک مملو اولوب اولماسی محتملدرکه مملو اولدینی حالده قصدک وقوعه ومملو اولمادینی حالده قصدک عدم وقوعه دلالت ایدر. وشو صورتله اشبو ایکی حکم بیننده پک بیوک بفرق حصوله کلیر. ایسته بوفرک حصولته وسیله اولان طبانجه نک اولوجهله معاینه سیدر. اگر طبانجه معاینه اولنماشن اولسه شهبه سزدرکه بوجهت مشکوک وبعاق قالیر ایدی. حاصلی کوزه کورنمین اک خسیس وعادی برشی، حقیقته وصولده اک بیوک رهبر اولور. بنا برین

نه قدر علامم و آثار ایله اشیا کوریلورسه جمله سنی نظر اهمیتدن اوزاق
طوتماق لازمدر. ضبط اولنه جق اشیا، آلات و ادوات دخی ممکن ایسه
بربوغچه ایچنه قونیلهرق تمهیر ایدلمک و قابل اولمادیغی حالده برطوبره ایچنه
وضعله ربط اولنوب تمهیر اولنق لازمدر.

مدعی عمومی، جرم مشهود حالنده و یا خود رئیس عايله طرفندن
ایسته نلدکده و قوعاتی ضبط ایتدیگی صرهدده شخص متضرر ایله و قوعات
حقنده اعطای معلوماته مقتدر اولان اقارب، قومشولری و خدمتکارلری
جلب واستجواب ایدر. بونلرک جلب واستجوابی، کندی حقلرنده کک
حکومتک کرکسه یکدیگرینک و قوعبولان شبهه یی رفع ایچوندر. یوقسه
افاده لری معلومات عادیه قیلندن اولق مقرون صحت و موثوق عد اولماز.
بونک ایچون کندولری تحلیف دخی ایدلمز. بونلرک شوصورتله و قوعبوله جق
افاداتی ضبط ورقه سننده یازیلوب کندولرینه امضا ایتدیریلیر واستکافلری
حالنده کیفیت ذکر وتصریح ایدیلیر. امضا ایله ذکر وتصریح خصوصنک
عدم ذکر، معاملاتک حکمسزلکنی مستلزم اولماز ایسه ده لدی الحاجه
مستنطقک اعاده تحقیقات ایله اکمال و اتمام ایتسنه سببیت ویریر.

مدعی عمومی اکمال تحقیقات ایدنجیه قدر جرمک و قوعبولدیغی خانه
ویا محلدن کیسه نک چیقمامسنی امر ایده بیلیر؛ زیرا مدعی عمومی لره بواقدار
ویرله مش اولسه معلومات آله بیله جک اشخاص و یا مظنون علیه ایله اثارک
غیبوتی وشو صورتله جرمک عدم ثبوتی محتملدر.

اشبو ممنوعیته مخالف حرکت ایدنلر، در دست ایدلرکنده توقیفخانه یه
قونیلور. ایشته مدعی عمومی، یالکر بو حالده، برده طقسان دردیجی ماده ده
بیان اولنان خصوصده توقیف مذکره سی تسطیر ایده بیلیر. آندن صکره
شخص موقوفک احضاریله استنطاقی مستنطقه عا ئددر؛ چونکه برنوع حکمدر.
برده مدعی عمومی، ثبوت جرمه مدار اوله جق اشیا و آلات بولنه بیله -
جکنی آکلار ایسه در حال مظنون علیه ک اقامتگاهنه کیده بیلیر. در حال

کیتکله مکلف اولماسدن کجه دخی کیتک مجاز اولدینی آکلاشیلیر. مع هذا یانغین و طغیان میاه کبی آفادن ماعدا احوالده اهالینک کجه مسکنلرینه تعرضه حریت واستراحتلرینی اخلال ایتمک جائز اولمالیدر.

کذلک مدعی عمومی، مظنون علیهک اقامتگاهندن ماعداسنک خانه سنه گیره مزه. مستطوق گیره بیلیر؛ چونکه وظیفه اصلیه سیدر. اجرا قلنه جق تحقیقات ومعاملات، مظنون علیه ویا تعیین ایده جکی وکیل حضورنده اجرا قنور. بودخی لهنده ویا علیهنده اجرا اولنه جق معاملات نظارت ایتمک و اول صورتله حقوقی محافظه اسباب و وسائله چالیشه بیلک ایچوندر.

بر جحه و جنایتک ماهیت و احوالک تمیزی، بعض فن وصنعت اربانک وجودینه توقف ایتدیکی حالده مدعی عمومی بر ایکی کشی استصحاب ایده جکدر. مثلاً: مجروحک یاره و بره لرینک درجه سنی تفریق ایچون بر ایکی جراح ایله بر قونک نه صورتله آچلدیغنی آکلامق ایچون بر چیلنکی استصحاب ایتمک کبی که بوده مجبوری اولمایوب احتیاج ایله مقیددر. برده بونلرک افاده لری یالکز ضبط ورقه سنده درج ایله اکتفا اولنوب کندولرندن تحریری ایسته نلز. اما مقتول ایله سبب وفاتی مجهول بر جنازه نک معاینه سیچون استصحاب اولنه جق طیب، افاده و مطالعه سنی بر قطعه راپورط ایله بیان ایدر؛ فقط کرک اهل خبره و صنعت ایله جراحار، کرک طیبلر، مخالف برشی سویله میه جکلرینه دائر تحلیف اونورلر.

اشبو ضبط ورقه سنک هر صحیفه سی، مدعی عمومی ایله موقع تحقیقده حاضر بولنلر طرفندن امضا ایدیه جک واستنکافلری حالتده کیفیت ضبط ورقه سنده درج قلنه جقدر. اشبو ضبط ورقه لری، اکثریا مفصل اوله کلدکلرندن مطالعه سیاه مطلوب اولان شی قولای بولنه بیلک ایچون ضبط ورقه لرینه بر کنار بر اقلی وهانکی بحث ایسه یعنی شهود بحثی ایسه «شهود بحثی در» دیه کنارنده یازمالیدر. برده حقنده معاملاتق حاوی اوراق پک چوق اوله کلدکلرندن محفوظ و مضبوط بولدی رملرینی تأمین ایچون بر ماده یه مخصوص بر ظرف تهیه

ایڈزک اکا متعلق اوراقی طرفه جمع واوراقک قولایاقصه بولنخرنی تسهیل ایچون نوعلرینی مین برپوصله یازارق ظرفک ایچنه وضع ایتملیدن.

صورت: نومرو ۱۲۹ ماده ۲۹ ومابعدی

اشبو بیک ایکی یوز طقسان طقوز سنهسی مایسنک یکرمی اوچنجی بازار ایرتسی کیجهسی، ساعت اون بر راده لرنده مدعی عمومیسسی اولدیغ... قصبهسی... محلهسی مختاری احمد افندی نزدمه کلهرک محله مزبورده اون بر نومروده واقع ابراهیم آغانک خانهسنه سارقلر دخول ایله سرقت ایتمکری وکرچه مرقوم سارقلر تعقیب قلمش ایسهده در دست اولنه مایوب فرار ایتمش اولدقلرینی خبر ویرمشدر.

صورت اخباری، برقطعه اخبارنامهیه ربطله اصولاً امضایله مش وجرم واقع، جرائم مشهورده دن بولنخر اولمغه افرادضبطیه دن برایی کشی استصحاب ایتمکدن کیفیت عزیمت قصبه مذکوره بدایت محکمهسی مستطقی... افندییه اخبار ایلدکدن صکره حسب الایجاب ورودینه انتظار ایتمکسزین محل وقوعیه کیدلمشدر.

محله مذکورهده اون سکز نومرولی خانهده مختار احمد افندی ایله ۱۹ نومرولی خانهده محمود ویکرمی نومرولی خانهده اسعد افندیلر حاضر اولدقلری حالده معاینهیه باشلانلیدی.

مذکور خانه قصبه کنارنده واقع اطرافی دیوار ایله محاط اولدینی حالده خانهنک ارقه طرفنده کی دیوارک برمقداری یقیق اولدینی کورلمکله اورادن کچهرک حولی ایچنسه کیرلکده خانهنک ارقه طرفنده ایچنه کیریله جک قدر دیواردن برپارچهسی آچلمش اولدینی کورلمسیله مذکور آچیلان یردن کچهرک اوطهنک ایچنه کیرلیدی. صاحب خانه ابراهیم آغان سؤال اولندقده کندوسی فاملیاسیله اویومقده اولدینی حالده ساعت اونه قارشو خانه ایچنده برطاقردی ایستسیله قالقوب دیکله دکده آدم کزنتیسنه بکرتمش اولدیغدن همان یاتمقده

اولدیغی او طه قپوسنی آچهرق دیوانخانه یه باقدقه اقامدن قپالی براققلری او طه قپولرینی آچیق کوردکلری کبی دیوانخانه اورته سنده دخی بعض بولنامه جق اشیا کورمش اولماسدن خانه ایچنده خرسز اولدیغی درک ایدرک عقبنده او طه نك برندن چیقان بریسی، کندیسنی تهدید ایتمش اولمقدن ناشی تکرار ایچرویه صوقیهرق و او طه قپوسنی محکم سورمه لیه رک کیفیتیه محله یه اعلان ایتک اوزره پنجره دن برقاچ دانه طبانجه بوشالتدیغی آنده خانه ایچنده برولوله قوپدیغی و بر آز صکره خانه خارچنده بر ایکی طبانجه بوشالتدیغی ایشتدیکی کبی ده صکره اورته لخی بر سکونت استیلا ایتمش اولماسیله همان قپوی آچهرق صوفیه چیقمش وخارجدن امداده کلن قومشولردن مرقوم احمد، محمود واسعد افندیلری ایچرویه آلمش اولماسیله برلکده وقوعبولان معاینه لری اوزرینه شمدی کورولن حالی کورمش و خرسزلرک زره یه کیتدکلرینی بیله مدیکنی سویله مشدر.

مختار احمد افندی ایله محمود واسعد افندیلردن استفسار کیفیت اولندقه آنلر دخی ابراهیم آغا طرفندن طبانجه بوشالتدیرماسی اوزرینه او یانه رق وسلاحلرینی آله رق سوقاغه چیقوب مرقوم ابراهیم آغانک خانه سنه کلدکلرنده ایشتکلری کورولتی اوزرینه نه اوله جغه مترقب ایکن خانه نك ارقه طرفنده کی دیواردن بربری اردی صره بش آلتی کشینک آتلا یوب خارج قصبه یه متوجه اولدقلرینی کورملریله ارقه لرندن ایکی اوچ طبانجه بوشالتقلرینی و خرسزلری قراکلق مناسبتیله طانیه مادقلری کبی زره یه کیتدکلرینی دخی تفرس ایله یه مدکلرینی سویله مشلدر.

بونک اوزرینه اشیا مسروقه نك ندن عبارت اولدیغی سؤال اولندقه الان معلوماتی اولمادیغی سویله مکله لدی التحری او طه نك یوکلکی ایچنده بولسان ایکی صندوق کلیدلری قیریلهرق ایچنده کی اشیا سرقت اولدیغی کورولمکله چالینان شیلری تعیین ایتمه سی مرقوم ابراهیم آغایه صورولدقه دفتره

امضال

مراجعتله پوصله سنی یاپوب ویره جکئی، فقط اموال مسروقه سیمه ومفرشاته متعلق اولدیغنی سویله دی.

سارقلرک نه طرفه کیتمش وکیلر اولدقلری حقنده تشبث ایدیان تحریاته کلنجه لیل مذکورده یره قار دوشمش اولغله نه طرفه کیتدکلرینی تعین ایتک قابل اولدیغنه مبنی خانه کیریلن یزدن چیقهرق تحریاته باشلانمشدر.

خانه حولیسنه کلندکده قاره باتمش برطبانجهیه تصادف ایدیلهرک الله انوب معاینه ایدلمشدر. مذکور طبانجه چاقاقلی پک کهنه برشی اولدیغنی حالده قبضه سی مجدداً تونجدن معمول اولدیغنی وعاملنه دال اولمق اوزره قبضه نیک بر طرفنده «ابراهیم اوسته» اسمی محکوک بولندیغنی کورولملکه برطرفدن مذکور طبانجه مرقوم تفنکیجی «ابراهیم» اراه ایله کیمک اولدیغنی طانیدیغنی حالده محل وقعه یه کلوب کیفیتی بیان ایتک اوزره مذکور طبانجه نفرات ضبطه دن «حسنه» تودیعا مرقوم ابراهیم اوسته نیک دکانه کوندرلمش و دیگر طرفدن ایزک ایلروسنه وارلمشدر.

«ایز» ابتدا قصبه خارجنده آچلغه طوغری کیتکده اولدیغنی کورولور ایسه ده خانه دن تخمیناً یوز مترو ایلرویه وارلدقده مذکور ایزک ایلروسی یعنی شکل عمودیسی منقطع اولوب صول طرفه دوندیکی کورولملکه بز دخی صول طرفه متوجه اوله رق اردی صره کیدلمش وتخمیناً یوز اللی مترو ایلروسنه وارلدقده «ایز» ک چاوشلی محله سنده ۲۰ نومرولی خانه ده منقطع اولدیغنی کورولمشدر. بونک اوزرینه مذکور خانه آبلوقه تحتنه آله رق اکیال تحقیقات لازمه ایدلنجه یه قدر کیمسه نیک خارجه چیقماماسی امری ویرلمشدر.

بعده محله امامی حسن افندی ایله مصطفی افندی احضار ایدیلهرک خانه داخلنه کیرلمش وصاحبی احمد بولندیغنی محله قهوه خانه سندن جلب ایله استجواب اولندقده کندوسنک برصنعت ایله مشغول اولمایوب معیشتی شونک بونک ایثنی کورمک کبی خدمتلردن آلدیغنی اجرتنه منحصر اولدیغنی ولیل مذکورده

خانه سنده اولوب صباح محله قهوه سینه چیقدیغنی و کیمسه ایله کوروشمدیکی کبی کیمسه دخی کندوسنی آرامدیغنی بشقه بشقه ایراد اولنان سؤالر اوزرینه جواب ویرمشدر.

بونک اوزرینه خانه یینه تحت محافظه اولدیغنی حالدده مرقوم احمد بالاستحاب اولجه کورولن ایزلر، کلنلرک اولدیغنی سویله مشدر. عددلری بالحساب فضله اولدیغنی و کندوسنه ارانه اولندقدن وشو صورتله اقناع واسکات ایدلکدن صکره تطبیقاته مبادرت قلندقدن فضله اولدیغنی کورولن بش عدد ایزدن بری، اوکجه لی خفاف ایشی، ودیکر دردی، چاریق اولدیغنی کورولمش، و مرقوم احمدک آیاغنده کی آباق قابی آز اوکجه لی خفاف ایشی اولوب عندالتطبیق موافقتی تبین ایتمکله کیفیت کندوسنه ارانه وتفهم قیلنمشدر.

بعده محله قهوه جیسی، محله مزبورده بش نومرولو خانه ده مقیم محمد آغایی جلب ایله مرقوم احمدک اوکجه قهوه سینه نه وقت کیتدیکی کندوسندن سؤال اولندقدن برکره کچه ساعت درتده طانیادیغنی چوبان مقوله سندن بریسیله کلوب قهوه نک برکوشه سنده براز اوطوروب قونشدقدن صکره صاوشدقلرینی و برکره دخی صباحه قارشو یالکز اولدیغنی حالدده کلوب اول کچه هر نصلسه او یقوسز قالدیغندن بحثله اوزانوب او یویه جغنی سویله مش وعقبنده او یومش اولماسی اوزرینه خانه سی طرفندن چاغردیغنی بیان ایله مشدر.

طباجه ایله چارشویه کوندریلان نفر حسن، ۲۱ نومرولو دکانده تفکیحک ایدن ابراهیم اوسته ایله برابر اولدیغنی حالدده کلکلده مرقوم ابراهیم اوسته یه طباجه حقنده کی معلوماتی صورولدقدن مرقوم، طباجه نک قبضه سنده محکوک امضا کندی امضاسی اولوب مذکور طباجه بوندن برقاچ کون مقدم طانیادیغنی و فقط کورسه طانیه جغنی اورته بویلی اسمر اللون بریسی طرفندن قبضه سی یایدیرلمق اوزره نزدنده ترک ایدلمش و برقاچ کون مرورنده یینه اول ذات طرفندن آنمش اولدیغنی افاده ایله مسیله مرقوم احمد برقاچ کشی ایچنده اولدیغنی

امضال

حاله چیقار یله رق کندوسی تعیین ایتسی تکلیف اولدوقده پارمغیله تعیین و اشارت ایله مشدر .

بونک اوزرینه مرقوم احمده توجیه خطاب ایله مارالبیان احوال مسروده ایله خواجه لر محله سنده ابراهیم آغانک خانه سنده وقوعه کلن سرقتک طرفلرندن صدوری آکلاشلش اولدیغی تفهیم اولدوقدن صکره طوغریسی سویله مسی یعنی برابرنده دهاکیلر اولدیغی؟ بالاخره زرهیه کیتدکلرینی؟ واسملرینی ایله اقامتگاهلرینی بیان ایله مسی و اموال مسروقه بی میدانه چیقار مسی تکلیف اولدیسه ده فعل سرقتک طرفلرندن صدور ایتدیکنی و کندی حقنده وقو- عبولان شهه نک اسیبابی حقنده کندوسی دخی متخیر اولدیغی سویله مشدر . اموال مسروقه نک محریسی ایچون داخل خانه یه کیریلوب اجرای تحریات اولدوقده آلت قانده کی اوطه نک خزبه سنده شارکوی کلیمی ایله اورتلش بریغین کورونمکله طیشارویه چیقار یله رق لدی المعاینه سیدن معمول کار قدیم برچکمه ایله آلتی بارداق و برتسی دن مرکب برطاتی طاقی، اون عدد فچجان ظرفی، قطیفه دن یکر می درت یا صدق یوزی، اوچ مقعد، ایکی دیگر شارکوی کلیمی اولدیغی کورولمشدر .

بونک اوزرینه مذکور اشیا ابراهیم آغایه بالارانه کندو اشیا سی اولدیغی و دفتر دن مستخرج اموال مسروقه پوصله سی ایله مطابق اولوب زیاده سی نقصانی اولمادیغی سویله مکله مرقوم احمد ایله مواجهه قیلندقلرنده ینه شریکلرینی کویستمکدن امتناع ایتمشدر .

بو باده مرقوم احمدک مرقوم ابراهیم آغا، قهوه جی محمد آغا و تفنگچی ابراهیم اوسته ایله بشقه بشقه اجرا قیلنان مواجهه لرنده فعل سرقتک کندو- سندن صدورینی انکار ایتش ایسه ده اموال مسروقه نک خانه سنده بولماسی، معاونت فعلیه سی میدانه قویدینی کی ایزک اولوجهله مطابقی، طبابعه نک کندوسنک اولماسی و قهوه جی محمد آغانک افادات واقعه سی، فعل سرقتک ذی

مدخل ومشترك اولديغى كوسترمكنه اولماسنه وبوايسه مجازات ترهيبيه يي مستلزم افعالدين بولماسنه منى مرقوم احمد شبهه فرارينه منى تحت توقيفه آلمش وبولنان طبانجهسى بياض بزدن بركيسه ايچنده موضوع ومختوم اولدينى واموال مسروقه دخى شاركوى كللى ايچنده صاريللى اولدينى حالده كوندريلوب تسليم قلمش اولمغله اشبو ضبط ورقهسى تنظيم وحضارك حضورلرنده بعد- القراه امضا قلمش ايسهده مرقوم احمد وضع امضادن استنكاف ايتمشدر.

امضال

صورت : اخرى نومرو ۱۳۰

تفتيش مأمورى بولنديغى باباى عتيق قصبه سنده، اشبو بيك ايكىوزطقسان طقوز سنهسى مایسنك يكرمى اوچنجى بازار ايرتسى كچهسى ساعت برچيق راده لرنده قصبه مذكورهده واقع عتيق على پاشا جامع شريفنده قوسى كلیدی قيرلق صورتيله فعل سرقت وقوعبولدينى ومتجاسرى ولوله ناس اوزرينه طوتلدينى خبر ويرلسى اوزرينه مأموريم جهتيله مدعى عمومى طرفدن بالوكاله ايفاي وظيفهيه ابتدار ايله دم.

چلينكير قبطى مصطفى يي بالاستصحاب كيفيت عزيمت مستنطق قضا . . . افدى يه اخبار و ورودينه انتظار اولتمسزین قصبه کنارنده واقع عتيق على پاشا جامعنه كيدلمشدر.

جامعك حوليسنده غلبهك اجتماع ايتمش اولدينى كورولمكله لى الطلب جامع امام ومؤذنى نزديمه كلهرك كندولرنندن استفسار كيفيت اولندوقده ياتسو نمازنى ادا ايتك اوزره حاضر بولنان جماعتدن بعضيريله جامع حوليسنه گيردكلرنده جامع قپوسنى آز آچيق كورملريله درحال قپويه يناشهرق برآز ايتيورمش اولدقلى حالده قپو آچلمش واول حالده جامعك اورته سنده بعض شيلرى صارمقله مشغول اولدينى كورولن برآدم، تلاشله قچامق آرامق

اوزره اوتیه برویه قوشمقدده اولدینی کورولمش اولماسیله کندوسنک کیم اولدینی و بوحالده جامعده نه ایشله دیکی سؤال اولندقدده هر نصلسه برقصور ایتمش اولماسندن بخله کیتسنه مساعده اولنمسانی سویله مش اولدینی عقبنده فرارینه میدان قالماق اوزره قپوی تکرار چکهرک کیفیت حکومته اخبار ایدلیکنی سویله مشاردر.

قونک نه صورتله آچلش اولدینی معاینه اولندقدده چلینکیرک، مرقوم مصطفانک مع التحلیف وقوعبولان افاده سیله مشاهده قیلنان حاله نظراً قونک ایچ طرفنده بولنان کلیده موازی آختار دلیکندن بشقه دیکر ایکی دلیک اولدینی و عندالتخمین بر تیمور پارچه سنی مذکور دلیکدر ایچنه صوقه رق چکیج ایله ضرب ایتک صورتیله کلیدی فرلاتدینی مشاهده قیلنمشدر.

بعده جامع اورتیه سننده طویلو اولدینی کورولن اشیا معاینه اولندقدده جامع کلیم لرندن بر بیوک کلیم ایچنده صارمش اولدینی کورولمکله لدی الفتح دیکر بر کلیمه صاریلی سیمدن معمول ایکی شمعدان ایله کذلک جامع سجاده لرندن بریله صاریلی جامعک اورتیه سننده معلق اولوب کسین بر اویزه، بر چکیج ایله بر تیمور پارچه سی اولدینی کورولمشدر.

بونک اوزرینه طوتولان شخص جلب ایله اصولاً استجواب اولندقدده اسمی حسن، صنعتی حاملق، محل اقامتی اوزون کوپری قراسندن اورحانیه قریه سننده ۵ نومرولی خانه اولوب کندیبی کثیرالعیال وفقیرالحال اولمقدن ناشی ممر اولمق مناسبتیله کندینه ایش بوله بیله جکی ملاحظه سنه منی کویندن قالقوب بابای عتیقه کلدیکی حالده اون بش کوندن بری آج و بیوایه قالمش اولماسیله کندینی استیلا ایدن حال یأس اوزرینه لیل مذکورده ساعت بر راده لرنده جامعده کلوب اموال مسروقه ایچنده بولنان چکیج و تیمور پارچه سیله قپوی آچدیغنی و اموال مسروقه نی آلوب فرار ایتک اوزره سجاده یه صارمش اولدینی حالده کندوسنک طوتولدیغنی سویله مشدر.

افادات مشروحه دن آکلاشیلدیغنه کوره مرقوم حسن، برمنوال محرر

فعل سرقتك طرفدن صدورینی اقرار ایتمش اولماسنه و فعل واقعی ایسه مجازات ترهیبیه بی مستلزم بولنماسنه بناءً بیاض بزدن برکیسه ایچنده موضوع و مختوم اوله رق مذکور چکیچ و تیمور پارچه سی کایم ایچنده صاریلی اموال مسروقه مذکوره ایله معاً و مرقوم حسن موقوفاً مستنطق مومی الیهک نزدینه کوندرلمش اولغله اشبو ضبط ورقه سی تنظیم و حضارک حضور لرنده لدی القراه امضا قیلنمشدر .

امضا

صورت: اخری نومرو ۱۳۱

بدایت محکمه سی مستنطق اولدیغم . . . قصبه سنده واقع ۵ نومرو لی خانه ده مقیم «دیتری آندریا» امضاسیله ویریلن اخبار نامه ده ۱۲۹۹ سنه سی مایسنگ ۲۳ نجی بازار ایرتسی کیجه سی ساعت بشده زیارتدن خانه سنه عودت ایدرکن حکومت جاده سنده ۳۱ نومرو لی «ق» ک خانه سی حداسنده یره سرلمش بر جنازه کورولدیکی و کیفیتک اخبارینه مسارعت ایدلیدیکی اخبار اولنمشدر .

محل وقعه یه کیتک اوزره حضوری لازم کلن بلدییه طیبی حسن افندی ایله کاتب علی افندی استصحاب اوله رق کیفیت مدعی عمومی . . . افندی یه اخبار اولندی . جنازه خانه سنه قالدیرلمش اولغله اراه اولنان ۲۰ نومرو لی «ح» ک خانه سنده جنازه نک بولندیغی اوطه یه وارلمش و خارجه کیمسه نک چیقمامسی امری ویرلمشدر .

بعده تقدیر وجدانیسنه مخالف برشی سویله میه جکی حقنده طیب مومی - الیه حسن افدینک اصولاً تحلیفی اجرا قیلندقدن صکره جنازه بی معاینه یه ابتدار ایله دی .

اولباده تنظیم و . . . تاریخلو و . . . ده . . . محله سنده نومرو لی خانه ده مقیم «حسن» امضالی اعطا ایله دیکی راپورطده شویله یازلمشدر : «بلدییه طیبی اولدیغم جهته مستنطق محکمه . . . افدینک بر جنازه معاینه سی


ایچون برلکده کیتکی تکلیف ایتش و بویابده مرافقته قانوناً مجبور بولدیغمه مبنی قصبه مذکورده ۲۰ نومرولی «ح» ك خانه سنده جنازه نك بولدیغی محله وارلمشدر. دوشكه یاتیرلمش اولان جنازه نك اسمی وصعتی، حاضر بولنانلردن لدی السؤال اسمی «ح»، صنعی . . . اولدیغی آکلاشلشدر.

جنازه نك هیئت ظاهریه سی معاینه دن کچیرلکده تخمیناً آلتمش یاشنده بیاضی صاحلی، مطروش، اوزون بویلی، الی آیغی اوزانمش بلندن یوقاروسی البسه سی قانه بولانمش اولدیغی کورولدی. البسه سی چیقارلقدده صاغ طرفده اضله کاذبه لرك منتهی اولدیغی نقطه دن دخول ایله کبدك ایچندن دیکر طرفه چیقمش بر وکذلك ناحیه قلبیه ایله متخاذای عظم قاصدن دخول ایله شریان شزن و مری دن کچهرک و دیکر جهتدن عمود فقارینک سکزنجی فقره سنی پاره لایه رق چیقمش دیکر برکه ایکی طانه قورشونله مجروح اولدیغی و اثر جرحدن متأثراً وفات ایله دیکر کورولمشدر.

بونك اوزرینه کیملر طرفسندن اورلدیغی زوجه سی «ع» دن سؤال اولندقدده مقتول مرقوم «ح» زیارتلرندن خانه سنه عودت ایدرکن اوکنده حفیدی «د» اولدیغی حالدده محل مذکوره کلدکلرنده «ق» ك خانه سی دیواری آرقه سندن ایکی تفنك آتیه رق اورولدیغی و متوفانك هیچ برخصمی معلوم اولمایوب یالکز اوغلی «س» ك قزینی تطلیق ایتش اولمق مناسبتیه . . . ده مقیم «ب» نام کسنه نك عداوتی ذهنه وارد اولیور. آنجق بو درجه ده عظیم برجنایاتی ارتکاب درجه لرنده تصور اولنماقدده اولدیغی و بو جهتله فعل واقعک کیمدن صدور ایتدیکنی بیله مدکلری کبی کیمدن شبهه ایده جکلرینی دخی بیله مدکلرینی سویله مشلردر. بعده تفنکلرک، خانه سی دیواری آرقه سندن آتیلان «ق» ك خانه سنده کیملر اولدیغی سؤال اولندقدده مرقوم «ب» دیار غربته اولغله یالکز «م» اسمنده برزوجه سی اولدیغی سویله مش. بونك اوزرینه مزبور «م» جلب ایله سؤال اولندقدده او کیچه اونده بولمایوب قومشوده بولدیغی جهتله وقوعاتدن اصلا معلوماتی اولمادیغی سویله مشدر.

مقتول مرقوم «ح» عمداً قتل اولدینی محقق ایسه ده قاتل کیم اولدینی
آکلاشلامش اولغله تحریاتک آرقه سی براغلامق اوزره اشبو ضبط ورقه سی
تنظیم و حضور لر زنده لدی القرائه امضا قلمشدر.

امضالر



سکزنجی فصل

جرأتم مشهوده دن ماعدا احوالده مدعی عمومیلرک اجرای تحقیقاتی

مستنطقلمره یازمه مقلمری طلبنامه مقنده در.

۲۱نجی ماده نك مؤداسنه نظراً اشبو طلبنامه یی تسطیر خصوصنده
جرمك وقوعبولدینی محل ایله مظنون علیهك اقامت ایله دیککی، یاخود توقیف
قیندینی محل، مدعی عمومیلری علی السویه مأذون و مجبوردر.
قانون، بوبابده مدعی عمومیلره رأساً اجرای تحقیقات ایچون برصلاحیت
ویرمه مشدر. یوقاروده دخی دینلش ایدیکه اجرای تحقیقاتی صرف مستنطقلمره
عائد اولان موادده مدعی عمومیلرک کندولکلرندن اولبابده اجرا ایله جکلری
تحقیقات، معلومات عادیهدن عد اولنور. فی الواقع مستنطق اولمایان، یاخود
اولوبده وقت خاجته قدر حضوری غیر قابل اولان محله وقوعبولان بر
جنایتك مظنون علیه ایله جرمك آثار و اماراتك بسبتون غیوبت و محوی
متصور اولدینی حالده مدعی عمومی اختیاریه اجرای تحقیقات ایدر ایسه ده
ینه تحقیقات واقعسی معلومات عادیهدن عد اولنور؛ یعنی مستنطقی اول ماده
حقنده اجرای تحقیقاتدن مستغنی قیلار:

مدعی عمومینك تسطیر ایله جکی اشبو طلبنامه، یابر اخبارنامه، یا بر
شکایتنامه و یاخود بر ضبط ورقه سی مندرجاتی اوزرینه منی اوله جقدر.

مدعی عمومیلره معاونت ایدنلر دخی بووظیفه ایله مکلفدر. مدعی عمومیلره، اشبو طلبنامه یی تسطیر خصوصنده مجبوردر. اهمالری حالنده مسئول و معاتب اولورلر. آنجق جمعیت بشریه به برکونه فائده و یارارلی اولمایان، انتظام و آسایش عمومی به اصلا خدمت ایتیبوده مجرد حکومته کندی مصرفیله اقامه دعوی ایتدیرمکدن بشقه بر مقصد و غرضه مستند بولمایان قباحت و جنحه جرائنده مدعی شخصی، یا خودمشتکی اولمادجه او قبیل خصوصاتده اجرای تحقیقاتی طلبه مجبور دکلد. مثلا: مطبوعات واسطه سیله برینک ناموسنه طوقونلدیغی، بر کیسه نیک بر مذهب علیهنده بولندیغی، وکذلک بر کیسه دیکرینک ناموسنی شکست، سب، شتم، ذم و قدح ایتدیگی حالده ناموسنه طوقونولان و مذهبنه تعرض اولنان و سب و شتم ایدیلن اشخاص طرفدن رأساً ادعا اولمادجه مدعی عمومی اجرای تحقیقاتی طلب ایده مز. کذلک فعل شنیع زنا ماده سننده قانون جزانک ۲۰۱ نجی ماده سنک ۳ صفر سنه ۲۸۸ تاریخلو ذیلنده تفصیل قیلندیغی و جهله شکایت وقوع بولمادجه ادعا اولنه ماز. کذلک بر کیسه بر قیزی قاچیرمق جرمنه متجاسر اولدقدن صکره قزی بالرضا تزویج ایتسه، شکایت و طلب اولمادجه اول جرمدن طولایی علیهرینه اقامه دعوی ایدیه مز. بونلر دخی بر فاملیانک روحی مثابه سننده اولان اسرار و معاینک میدانه چیقماماسی اساسی اوزرینه مؤسسدر؛ زیرا مدعی عمومیلره، آسایش و منافع عامه یی محافظه ایله مکلفدر. مجوٹ عنه اولان جرائمدن طولایی اقامه دعوی ایتک ایسه عمومه خدمتدن زیاده مضراتی داعیدر؛ چونکه اقامه دعوی، اسرار و معاینک میدانه چیقماماسی مستلزم اولورکه بوحال، اولجه شکایت واقع اولمادجه مدعی عمومیلر اقامه دعوی ایتمز. شکایت وقوع بولدقدن صکره دخی مدعی عمومیلره، طرفینک افاداتی استماع اولدقدن صکره یالکز بیان مطالعه ایدرلر.

فقصدان رخصت دخی مدعی عمومیلرک اقامه دعوی ایتمه لرینه مانع در.

مثلا: بر مبعوٹ، حال اجتماعده بولندجه ارتکاب ایتدیگی جرمدن طولایی

علیه اقامه دعوی اتمک جائز اولماز. بر مبعوثك تحت محاکمه آلمانسی، مطلقاً هیئت مبعوثان طرفندن اتهام اولنوب محاکمه آلتنه آلمانسنه منوطدر. مکرکه ارتکاب ایتدیگی جرم، جرائم مشهورده دن اوله. بوحالده مبعوثك تحت محاکمه آلمانسی، مجلس مبعوثان طاغلقدن صکره یه تأخیر اولنور. كذلك وکلای دولت ایله سائر مأمورین ملکیه نك وظیفه لرندن طولای وقوع بوله حق جرائمی محاکم عمومیه ده کوروله جکندن مدعی عمومیلر بلا استیذان طلب تحقیقات ایله اقامه دعوی ایده مز، اما محاکم عمومیه ده کورولن جرائم عادیه دن طولای اقامه دعوا یه مجبوردر.

اشبو طلبنامه ده، اخبارنامه، یاخود شکایتنامه ویاخود ضبط ورقه سنك مندرجاتندن ماده نك خلاصه سی ایله تاریخ، محل وقوعی، متضرر اولان اشخاص ایله مظنون علیه ک بیان و تعریفی وحواله کیفیتی درج قیلنور. اکر طلبنامه نك منبئ علیه مدعی عمومینك بالذات اجرا ایتدیگی تحقیقات اوزرینه تنظیم ایله دیگی بر ضبط ورقه سی ایسه مدعی عمومی اقتضای حاله گوره صورت تحقیقیه دایر اراه طریق ایده بیلیر.

صورت: نومرو ۱۳۲ ماده ۴۴

... ده مقیم «ب» طرفندن ویریلن ... تاریخلو برقطعه شکایتنامه ده ... قصبه سنده جامع لده بیتوتله سائلک ایتکده بولنان دلی مصطفی نام کسنه، اشبو بیک اکیوز طقسان طقوز سنه سی مایسک یکر می دردنجی صالی کونی ساعت آلتیده ... جامع اوکندن کچرکن النده بولنان قوائم نقدیه طولو طوبره سنی چارپمش و فرار ایده جکی صره ده مرقوم دلی مصطفانک آرقه سنده بولنان عباسندن طوته رق آلیقومق ایسته دیگی حالده مرقوم دلی مصطفی، عباسنی ترکله فرار ایله مش اولغله و چارپیلان مذکور قوائم نقدیه یوز عدد یوزلک کاغددن عبارت بولغله مرقوم دلی مصطفانک جلیله مذکور قوائم نقدیه نك بالاسترداد کندوسنه اعطاسی وایجاب نظامینک اجراسی ایله نزدنده قالان عباسنی تسلیم واعطا ایله دیگی بیان و افاده اولمشدر.

مذکور عباء، حیدری اوله رق بچلمش کول رنکنده اتکلری بیرتوق اولدیغی گورولمش و طرفکزه کوندرلش اولغله مرقوم دلی مصطفانک جلیله تحقیقات مقتضیه نك اجراسی طلبنی متضمن اشبو طلبنامه تسطیر و امضا قیلنمشدر.

طقوزنجی فصل

شکایتنامه لر حقنده در

شکایتنامه، برکیمسه نك برجرمدن طولایی متضرر اولدیغی ادعاسنی متضمن برورقه در.

بوصورتده برکیمسه نك مشتکی عد اولماسی ایچون متضرر اولدیغی ادعا اتمه سی شرطدر؛ یوقسه شکایتنامه نامیله اعطا ایدیلن ورقه ده مشتکی متضرر اولدیغی ادعاسنده بولنماز ایسه اول ورقه سی شکایتنامه نامیله ویرلش اولمقله برابر اخبارنامه عد اولنور. مخبر ایله مشتکی بیننده کی فرقه کلنجه مخبر، هیچ بروقت مدعی شخصی اوله ماز؛ اما مشتکی تضمینات ادعاسنده بولندیغی، کرک شکایتنامه - سنده، کرکسه اخیراً برقطعه ورقه مخصوصه ایله بیان ایتدیکی حالده مدعی شخصی اوله بیلیر. برده مخبر، اخبارنامه بجننده بیان اولندیغی اوزره اخبار واقعی سوء قصده منی اولمادجه ضرر وزیان تضمینیه محکوم اولماز؛ اما مشتکی مضمون علیه براتی حالده هر حالده ضرر وزیان تضمینیه محکوم اوله بیلیر؛ فقط مشتکی، مدعی شخصی اولمادجه مصارف محاکمه نك تضمینیه محکوم اولماز. مقدملری فرانسه قانوننده هر مشتکینک ضرر وزیان تضمینیه محکومیتته جواز ویرلش اولدیغی کبی مصارف محاکمه نك اعطاسی ایله دخی مؤاخذه اولماسنه جواز وارایدی؛ حالبوکه بوقاعده خلفک خوف و احترازه منی عرض شکایتدن توقی و مجانبتلرینه سببیت ویره رک شو صورتله برچوق جرایمک مجازاتسر

قالدینی کورولمشدر. بناءً عليه قاعدة مذكوره تعديل اوله رق مصارف محاکمه ايله محکومیت، دعوی شخصی ایدنلره حصر ایدلمشدر.

اشبو شکایتنامہ لہ اخبارنامہ بچندہ بیان اولنان شرائطہ توفیقاً یازیلیر. یعنی بونلر دخی بالذات مشتکی، یاخود وکیل مخصوص ویاخود مدعی عمومی لره سائر ضابطہ عدلیہ مأمورلری طرفلرندن یازیلیر وهر صحیفه سی مشتکی و وکیل مخصوص طرفلرندن امضا ایدیلیر. مدعی عمومی و معاو نلرینه یازدر دقلری حالده دخی ایکسی برلکده هر صحیفه سنی امضا ایدرلر و امضا ایتک بیلدکلری، یاخود بیلوبده وضع ایتک ایسته مدکلری حالده کیفیت شکایتنامہ ده درج ایدیلیر. الحاصل اخبارنامہ بچندہ بیان اولنوب شکایتنامہ لره دخی شامل و قابل تطبیق اوله جق قواعد، بوراده دخی جاری و مرعیدر.

شکایتنامہ لره، مشتکی یاخود وکیل مخصوص طرفندن تنظیم اولنمش اوله رق ویریلیرسه عرضحال شکلنده، مدعی عمومی ايله سائر ضابطہ عدلیہ مأمورلری طرفلرندن تحریر ایدیلیر ایسه ضبط ورقه سی صورتنده یازیلیر. محرر و ممضی اوله رق ویریلن شکایتنامہ نك تصدیقی حاوی مدعی عمومی، یاخود سائر ضابطہ عدلیہ مأمورلری طرفلرندن یازیلہ جق ضبط ورقه سنده اخبارنامہ نك تصدیقی ایچون ضبط ورقه سنده یازیلان مواد یازلدقن صکره مشتکی اکر شکایتنامہ ايله معاً مظنون علیہی، یاخود وقوعاتک صورت وقوعنی بیلیر شهود ویاخود مظنون علیہک مظنونیتنه دلالت ایدر اشیاء آلات و ادوات کتیرمش ایسه آنلر دخی قاعده سنه توفیقاً علاوه بیان ایدیلیر.

کذلک شکایت اولنان جرم، جرائم مشهوده دن اولدینی آکلاشیلیر ایسه کیفیت ینه ذکر ودرج اولنور.

برده شکایتنامہ، مدعی عمومی، یا مستنطق، یاخود سائر ضابطہ عدلیہ طرفلرندن تنظیم اولدینی حالده مشتکی به حقوق شخصیہ ادعا سنده اولوب اولمادینی سؤال اولنمایدرکه مشتکی دعوی شخصی ده بولنه جعنی سوبله دیکی حالده ایلروده حقسز چیقدیغنده مصارف محاکمه کندوسنه تحمیل اولنسونده خزینہ متضرر اولماسون.

صورت: آخری نومرو ۱۳۳ ماده ۶۰

اشبو بيك ايكي يوز طقسان طقوز سنه سی مایسنك یکر می دردنجی صالی
کجه سی ساعت بر راده لرنده . . . ده واقع . . . جامعک اوکندن کچرکن
جامعلرده بیتوتت ایله سائلک ایتمکه بولنان دلی مصطفی المده بولنان قوأم
نقدیه طوربه سنی چارپدی. فرار ایده جکی صروده ارقه سنده بولنان عباسندن
آیقومق ایسته دیکم حالدده عباسنی ترکله فرار ایله مشدر.

چارپدیغی طوربه ده یوز عدد یوزلك قائمه وار ایدی. مقتضاسنك ایفاسنی
استدعا ایده رم امضا

...

تصدیق ضبط ورقه سی

صورت: نومرو ۱۳۴ ماده ۶۰

. . . امضاسیله صحیفه وزیرى ممضى اولان اشبو شکایتنامه، مرقوم
. . . طرفندن بالذات اعطا اولمش و حضورنده لدى القراءه مألئى شفاهاً
دخی تصدیق ایله مش اولدقدن بشقه برابرنده بر شاهد ایله مرقوم دلی
مصطفانك حین قرارده ترك ایتدیکی بیان اولنان عباسنی کتیر مشدر.
شاهد مرقوم لدى السؤال اسمی . . . ده مقیم «ب» اولوب شکایتنامه ده
بیان اولنان یوم وساعته جامعدن چیقارکن دلی مصطفی مرقوم . . . ك
الندن اولوجهله قوأم نقدیه طوربه سنی چارپدیغنی سویله مشدر.

مذکور عبا دخی حیدری اوله رق بچلمش کول رنکنده اتکلری
یرتیق اولدیغی کورلمشدر. دلی مصطفانك اولوجهله مرقوم . . . ك الندن
قوأم نقدیه طوربه سنی چارپمق جرمنی ارتکاب ایله مش اولدیغی اشبو
تحقیقاتله مرتبه ثبوته اقتران ایله دیکندن مذکور عبا طوپلو اولدیغی حالدده
کوندرلمش اولمغله اشبو تصدیق ورقه سی تنظیم و امضا قلمشدر.

صورت: اخری نومرو ۱۳۵

اشبو بيك ايكي يوز طقسان طقوز سنه سی مایسنك یکر می دردنجی چهارشنبه کیچه سی ساعت درتده . . . ده مقیم «ب» نزدیمه کلهرک آتیده محرر افاده سنك ضبطی طلب ایله مشدر.

مرقوم «ب» لیل مذکورده قهوه دن خانه سنه عودت ایدرکن . . . ده مقیم «ح» . . . محله اوکنه چیقهرق کندوسنده اولان آلاجغنی نهدن طولای ویرم دیکندن بختله التده کی صویه سیله اوزرینه هجوم ایله ضرب ایتدیکنی و اثر ضربدن جریحه لر حصوله کلدیکنی سویله مش ومذکور یاره لری ارانه ایله ضارب مرقوم «ح» ک بالجلب ایجاب نظامیسنك ایفاسنی طلب ایله مشدر.

ارانه ایتدیکی جریحه لری لدی المعاینه بری صاغ اوموزنده وبری آلتنده اولوق اوزره التهابلنش مور رنگنده بیوجک بر بادم قدر ایکی چیقندی گورولدیکی کبی قفانک اوست طرفنده باشی جزئیجه یاریلوب قان چیقمش وبونلرک دکنک یاره سی اولدیغی آکلاشلشدر.

بونک اوزرینه حقوق شخصیه ادعاسنده اولوب اولمادیغی مرقوم «ب» دن صورولدوقده حقوق شخصیه ایچون مدعی اولدیغی سویله مش واشبو ضبطنامه حضورنده لدی القرائه افاده سیله موافقتی بعدالتصدیق بزمه برابر امضا ایده جکنی سویله مش اولمغله اولوجهله تنظیم وزیریه هر صحیفه سی امضا قلمشدر.

امضا امضا امضا



اوننجی فصل

مقوق شخصیه دعواسنده فراغت دار یازله جتی فراغت نامه مقنده در.

حقوق عادیده فراغت دعوانک مرور زمانله سقوطی زمانه قدر جائز

ایسده مواد جزایه ده حقوق شخصیه دن فراغت برمدت ایله محدود اولدینی
گی حقوق شخصیه دعواسنی جزا محکمه سنده اقامه دخی بروقت وزمان
ایله مقیددر. متضرر اولان هر شخص، دعوای شخصی اقامه ایده بیلیر.

حتی اولجه شکایتنامه تقدیم ایتمه مش اولانلر ایله شهادت ایچون جلب
اولانلر دخی حقوق شخصیه دعواسنی اقامه ایده بیلیرلر؛ فقط اشبو حقوق
شخصیه دعواسنی، رئیس محکمه طرفدن محاکمه نك ختام بولدینی تفهیم
اولدینی زمانه قدر اقامه اولنحق جائزدر. آندن صکره جائز اولماز. حتی
بر بدایت محکمه سنده اقامه اولنمایان حقوق شخصیه دعواسنی، استیناف
محکمه سنده دخی اقامه اولماز.

ایمدی اقامه اولنه جق اشبو حقوق شخصیه دعواسندن فراغت جائز
ایسده شکایتك وقوعدن یکریمی درت ساعت مرورنده قبول اولنماز.
اشبو یکریمی درت ساعتك مبدئی ایچون قانونده برصراحت یوقدر؛
چونکه شکایتنامه نك قبولی، مؤرخ اولمق لزومی حقدده قانونده برقید
گورولمور.

بونك ایچون حقوق شخصیه ادعاسنی متضمن شکایتنامه نك ویاورقه
مخصوصه نك ویرادیکی کونك ایرتسی کونی تاممیله مرور ایتك لازمدر. ایشته
بو مدت ایچنده دعوای شخصی اقامه ایتك لازمدر. مکرکه دعوایه حکم
اولنمش اوله. اولخالده یکریمی درت ساعت مرور ایتمه مش اولسه بیله حقوق
شخصیه دعواسنی اقامه ایتك جائز دکلدر؛ چونکه حقوق شخصیه دعواسنك
جزا دائره سنده اقامه سی مرافعه نك ختامی زمانی ایله محدود ایدی.

اشبو یکریمی درت ساعتك مرورندن صکره مدعی شخصی، کندینك فراغتی
قابل بر حقی اولمق مناسبتیه دعوای شخصیسندن فراغت ایده بیلیر. لکن
مصارف محاکمه بی تضمیندن خلاص اوله ماز. یعنی اول و آخر وقوعبولمش
مصارفاتی تضمینه محکوم اولور.

برکیمسه دعوای شخصیسندن برکره فراغت ایتدکنصکره بردهادونه مز؛
زیرا فراغت حقی اسقاط ایتدی. مکرکه «حق رجوعم قالمق اوزره فی الحال

فراغت ایتدم» کبی مقید و مشروط اوله رق فراغت ایتمش ایسه اولوقت تکرار
دعوی شخصی اقامه ایده بیلیر. اشبو فراغت نامه، مدعی عمومی ایله مظنون
علیه تبلیغ اولمق لازمدر.

مدعی عمومی، موقع مأموریتنده و مظنون علیه، اقامتکاهنده تبلیغ
اولنور فراغتنامه اولوجهله تبلیغ اولتماز ایسه عموم مصارف محاکمه، فارغ
اولان شخصه تحمیل اولنور. بو جهتهله فارغ اولان شخص، تبلیغه مجبور
اولمق لازمدر. بناء علیه فراغتنامه نسختین اولمق لازمدر. تبلیغ خصوصی
بایرام ویورطی کبی کونلرده دخی جا زدر؛ چونکه مواد جزایسه دهه بایرام
ویورطی کونلری تبلیغاته مانع اولماز.

اشبو فراغتنامه، فارغ اوله جق شخص طرفدن بالذات تنظیم واعطا
اولنه جنی کبی فارغ اولان شخصک مأموری حضورینه کیده رک وقوعبولان
افاده سی اوزرینه دخی تنظیم واعطا اولنه بیلیر.

صورت: نومرو ۱۳۶ ماده ۶۱

... ده مقیم «ق» ... محکمه سی قلنه کله رک افاده سنک ضبطنی طلب ایلدی.
شویله که: کندوسنی ضرب و جرح ایدن ... ده مقیم «ح» حقنده شکایتنی حاوی
ویردیکی ... تاریخلو شکایتنامه ایله علیهنده حقوق شخصیه دعواسنی اقامه
ایده جکنی و بوضورتله مدعی شخصی اولدیغنی بیان ایلمش ایسه ده اقامه ایده جکی
ادعاسنده بولدیغنی حقوق شخصیه دعواسندن فراغت ایتمش اولدیغندن
کیفیتک لازم کلانلره تبلیغنی طلب ایلمش اولسی اوزرینه مذکور شکایتنامه
ایله فراغت استدعاسنک تاریخ تنظیملری لدی المعاینه شکایتنامه فی ... سنه
وفراغت استدعاسی فی ... سنه تاریخیه مورخ اولدیغنی کوریلهرک شو صورتده
مذکور فراغت استدعاسی مدت نظامیه ایچنده تقدیم قلندیغنی کورلدکن
صکره مرقوم «ق» ک اولوجهله وقوعبولان فراغت طلبنک قبولنه قرار

ویرلش اولغله قرار واقعک مدعی عمومی... افندی ایله مضمون علیه «ح»ه
تبلیغی ایجاب ایدر.

امضا

اشبو فراغتنامه، محرر اوله رق مشتی طرفدن ویریلور ایسه فراغتک
قبولیه فارغک امضاسنک تصدیقی مبین شرح ویرلاکن صکره عیناً تبلیغ
اولنور.

اون برنجی فصل

مستظف مضمورینه کلمهری ایچونه شهورده یازیلجهن جلینامه مقننه در

جلینامه سزه، کیسه نك افاده سی استماع اولنماز. مستنطق، مدعی عمومی بی
استزاج ایتکسزین جلینامه تسطیر ایتک صلاحیتنی حازدر. اشبو جلینامه،
مواد حقوقیه ده یازیلن احضاریه لر کبی یازیلور یعنی طرفینک تعریف قانونی لریله
نه ایچون جلب اولنه جنی ونه وقت وزه یه کله جکی خصوصلری ایله عدم
اجابتلری حالده ۷۵ نجی ماده حکمنجه مجازات اولنه جقلری دخی یازیلور.
اشبو جلینامه، ایکی نسخه اوله رق تنظیم اولنور و مستنطق مأموریتنه
مخصوص مهرله تمهیر ایدوب مهرک صاغ طرفنده دخی امضا ایدر. بعده
جلینامه بی مدعی عمومی یه کوندرر؛ زیرا واسطه اجرا مدعی عمومیدر. مدعی
عمومی دخی جلینامه نك زیرنده: اشبو جلینامه نك اجرای حکمی خدمه دن
«ف»ه امر اولمشدر دیه اجراسنی امر ایدر.

(اوراق نومروسی)

(محکمه‌سی)

(دائرہ‌سی)

(مطلب)

(مذکرہ‌سی)

اسم و شهرت	سن	صنعت	محل اقامت	تابعیت

ماده‌سندن طولایی استجواب و استماعی لازم کلن بالاده اسم
 وشهرتی محرر . . . نك ماه حالك . . . كونی ساعت . . . ده اشبو
 محکمه‌نك . . . دائرہ‌سندہ حاضر بولنامسی اقتضا ایده‌جکئی اخبار وشاید
 کلیه‌جک اولور ایسه حقدہ احضار مذکرہ‌سی صادر اوله‌جغنی دخی اخطاره
 هر مباشر وقوه مسلحه مأمورلرینك مکلف ومجبور اولدیغنی مبین اشبو
 مذکره بالتحریر امضا وتمهیر قیلندی فی سنه
 مدعوك امضا محلی محل امضا ومهر

اشبو مذکره‌نك ظہرنده اولاده عبارہ قانونیه‌نك صوریدر.

جلب مذکرہ‌سیله کندوسنه اولنان دعوتہ اجابت ایتمین مظنون علیہ
 ویاشاهدلر حقلرندہ اصول محاکمات جزائیہ قانون موقتک سکسان آلتنجی
 وسکسان یدنجی ماده‌لری احکامنجه احضار مذکرہ‌سی صادر اوله‌جغنی واجابت
 ایتمین شاهد ایسه کندوسندن درت عثمانلی یوزلک آلتوننی تجاوز ایتماک
 اوزره جزای نقدی دخی آلتماسنه حکم اولنه‌جغنی قانون مذکورک یتمش بشنجی
 ماده‌سندہ مصرح بولمشدر .

اون ایکنجی فصل

مستنطق حضورنده مضمون علیه ایله شهودك استنطاق استجوابنه
دائر یازیله حق استنطاق واستجوابنامه حقدن در

استجوابنامه، بونی تقدم ایدن بر استنطاقك تمه وتیجه سی اولمق حسبیله
اول امرده بزنده جك استنطاقدن بحث اتمك لازمکلور. واقعا استنطاق
استجواب کبی دکلدر. یعنی استنطاقده مضمون علیه ایراد اولماسی لازمکلن
اسئله هپ ایجاب ومقتضانك تعیین وارائه ایده جکی شیر اولوب بوباده
برقاعده عمومیه بیان اتمك ناقابل اولدیغندن امر استنطاقده فعلك ظاهره
اخراج صور وتدابیری صرف مستنطقلرک تقدیر علم وجدانلرینه محولدر.
مع هذا بر مستنطق استنطاقی اجرا ایده جکی بر ماده نك صورت جریانیه
فعلك حالی اولجه کمال تائی ودقتله تأمل ایدرک یکدیگرینه مزج ایتدکن
صکره نه صورده جعی وسؤاله نردن باشلامسی لازمکلدیکی خصوصاتی تهیه
وتعیین اتمك لازمدر؛ فقط استنطاقده صورت عمومیه ده صوریلن بعض
موادك لزوم وفائده سندن بحث اتمك فائده دن خالی دکلدر.

استنطاقده علی العموم «سن» صوریلور بوندن مراد دخی مضمون علیه ک
تحمل جزایه قابلیت اولوب اولدیغی اکلا شلق ایچوندر؛ چونکه قانون جزانك
قرقنجی ماده سنده بیان اولدیغی وجهله قوه ممیزیه مالک اولمایان صبیان ایله
مراهق ورشیدلرک ایشلدکلری جرمدن ترتب ایده جك حکم قانونی یعنی
جزایه استحقاقلری بشقه بشقه در کذلک اختیارلر دخی نیک وبدی تفریق
ایده میه جك وقانونه انقیاد اتمك اختیارینی سلب ایله صبیان منزله سنه تنزل
ایده جك بر حال عمده اولورلر ایسه آنلرک دخی جزایه اهلیتلیری یوقدر.
برده «صنعت» صوریلور بوندن مقصد دخی چونکه مضمون علیه ک
صنعت وصفی اعتباریه جزا کسب شدت وخفت ایدر ومجرمیتده دلالت

ایله. ایشته اسباب مشدده و مخففه شخصیه بی تفریق ایچون صنعتی و صنعتی
 لایقیله صورت اکلایمق لازمدر؛ زیرا مرتکب جرم اولان کسنه، او جرمک
 ماهیت و نتیجه سینه هر کسدن زیاده مطلع اوله حق برصنعت و صفتده بولنور
 ایسه کندیسندنه اسباب مشدده شخصیه وجودینه حکم اولنور. بوجهته علم
 و تربیه ایله متصف اولانلر؛ نسبتله بولندقلری مسلك جهتیله تربیه جه آنلردن
 دون اولانلردن دها زیاده جزا کوررلر؛ چونکه تربیه کورمش برآدم برجرم
 ارتکاب ایدر ایسه تربیه کندیسنه تأثیر ایتهمش اولمق مناسبیله بردها
 ارتکاب ایتسی اغلیتله مظنوندر. اما تربیه کورمه مش اولمق حسبیله ارتکاب
 جرم ایدن برآدم، مؤخرأ کسب تربیه ایله تهذیب اخلاق ایتسی قابلدر.
 كذلك مکرر اولانلر دخی عدم انتباهلرینه بناء کندیلرنده اسباب مشدده
 شخصیه بولنور. وینه صاعر و دلستر و سرسم و مایوس و من غیر تعمد سرخوش
 و مغفل اولانلرده دخی اسباب مخففه شخصیه بولنور؛ چونکه بولنر، جرمک
 نتیجه سی ایله ماهیتی ای آکلایمه مدقلری ایچون معذور کوریلورلر و مخفف
 جزا ایله مجازات ایدیلورلر.

ایشته صنعت و صفت مجرمیته یعنی ایقاع ایدیلن جرمک اسناد اولنان
 کسنه طرفدن صدور ایدوب ایتدیکنه دخی براماره اولور؛ زیرا «خواجه»
 گبی خرسزلق ایتک شانندن اولمایان برکسنه نك خرسزلق ایتسی مطلقاً
 برسبب مجبر و برحال فوق العاده نك وجودینه متوقفدر. اما چوبان و یاخود
 ایشسر و کوجسر برکسنه نك خرسزلق ایتسی اوله برسبب فوق العاده نك
 وجودینه متوقف اولیوب عادی بر ضرورت دخی کندوسنی خرسزلقه سوق
 ایتسی مستبعد دکدر.

برده مظنون علیه ک یازو بیلوب بیلدیکی صوریلورکه مؤخرأ یازو بیلد.
 یکنی بیانه محل قالمسون و بونکله وضع امضادن استنکافی حالنده افادآتمده کی
 فساد آکلایمسون. برده مظنونک اشکالی یازلمق فاندن حالی دکدر. ایشته
 اشبو فوائد مسروده بی صورلمسی لازمکن صنعت و صفت، مارالبیان
 فوائد و محسنات، پیش نظر مطالعه یه النهرق سؤال ایدمیلدر.

استناقدہ بردہ جرمک اسباب ارتکابی ایله مظنون علیہک شخص مغدوره برکونه عداوت ویا مناسبتی اولوب اولدینی خصوصاری صور مختلفه ایله سؤا اولنور. جرمی ارتکاب اسبابک صورلمسی، اول جرمک جنت کی علل عقلیه نک وجودی ویا خود اراده واختیارک سربستی حرکتی احما ایدر جبر واکراهک بولنسی کبی برحاله ارتکاب اولنوب اولدینی آکلاشلق ایچوندر؛ زیرا قانون جزانک ۴۱ و ۴۲ نجی ماده لرنده مصرح اولدینی اوزره اشبو ایکی حالده مظنون علیه یا بسبتون معفو اولور ویا خود تقصیراتندن طولایی آز جرا ایله مجازات اولنور. ایشته بورالری تفریق اولنه بیلک ایچون جنتک منطبق یعنی مستوعب ودائی اولوب اولدینی ومستوعب اولدینی حالده جرم مظنون علیہک خفتی حالنده یعنی جنتی حالنده می یوقسه افاقتی حالده می ارتکاب ایدلیدیکی وکذک اجبار واقع مادیمدر، معنومیدر؛ وایکی صورته دخی وقوعبولان اجبار واکراه ملجیمیدر، دکلیدر؛ بورالری لایقیله آکلاشلق لازمدر.

کذک جرم واقع حال نومده ایکن می یوقسه حیاتک تهلهکسی محقق اولمقدن ناشی حاصل اولان برقوقو اوزرینه می ارتکاب اولنمشدر؛ ایشته بورالری دخی آکلاشلق لازمدر؛ زیرا بعض شرائطک تحقیقی ایله مشروط اوله رق اشبو ایکی حالده دخی مظنون علیه یا بسبتون معفو اولور ویا خود یالکز تقصیراتندن طولایی مسئول و مجازات اولنور.

ویا خود حسد، طمع، غرض و عشق و شهوات نفسانیه کی هوا و اغراض نفسانیه سائقه سی ایله می ارتکاب اولنمشدر؛ بورالری دخی آکلاشلقی مطلوبدر. گرچه بونلر، اراده و اختیاری سالب اولملرندن، بونلر سائقه سیله مرتکب جرم اولان شخص، معذور اولمق لازم کلورکی کورینورسه ده بونلردن توقی ایله نفسنی ضبط ایتک قابل اولدیغندن بونلرله متصف اولان مجرم حقیقه اغراض مذکوره اسباب مخففه دن عد اولنماز.

کذک ارتکاب ایدیلن جرم، جهل و خطادن یعنی افعال ممنوعه دن اولدینی

معلوم اولدیغندن می ارتکاب اولمش بوراسی دخی آکلاشلق مطلوبدر. واقعا اداب و اخلاقه مغایر اولان جرائم طبیعیه نی هرکس بیلکه مجبور اولدیغندن بونده جهل و خطا موجب برائت اوله ماز ايسه ده آداب و اخلاقه مغایر اولمیوب مجرد بر مطالعه مخصوصه یه مبنی موضوع اولان جرائمی بعض کیمسه لر بیلوب اوکر نمکده معذور اولدقلرندن ايشته اول کیمسه لرك بویابده کی جهل و خطالری موجب برائت در. الحاصل مظنون علیه، جرم واقعی هانکی حالدہ واقعی سببه مبنی ارتکاب ایتمش ايسه لایقی وجه اوزره استیضاح اولنوب تشریح اولمایدنر.

مظنون علیهک شخص مغدوره عداوت ویا بر مناسبتی اولوب اولدیغنک صورلمسی دخی فاعلک سوء نیتی اولوب اولدیغنی آکلاشلق ایچوندر؛ زیرا جزاء سوء نیتک وجود و عدمنه کوره تخالف ایدر. مدعی علیهک شخص مغدوره عداوتی، تعمینه دلالت ایتدیکی کی کذلک شخص مغدور فاعلک اصول و فروغندن و یا خود افندیسی ایله احباسندن اولق کی ایقاع جرمندن احتساب ایلکی ایجاب ایدن محبت، حرمت، انسیت و امنیتک وجودی، فاعلک سوء نینی اشراب ایدر.

کذلک ایقاع ایدیلن جرم نه وجهله ونه درجده فعله کتورلمش؟ بورادی دخی تفصیلاتیله استیضاح اولیق لازمدر؛ زیرا یوقاروده بیان اولدیغنی وجهلر صنعت و صفتک سؤالی، اسباب مشدده و مخففه شخصیهک و وجودینه دلالت ایتدیکی کی جرمک نه وجهله ونه درجده فعله کتورلمش اولدیغنک معلوم اولماسی، دخی اسباب مشدده و مخففه فعلیهک معلوم اولماسنه خدمت ایدر. مثلا فعلک حصوله کتوردیکی ضررک حد ذاتنده بیوک اولماسی و بر فعلک بر هیئت علیه بولماسی احوال مشدده دن اولدیغنی کی جرمی ایشلمک ایچون استعمال اولنان و سائط ایله انتخاب اولنان زمان و مکانک دهشتلی اولرنجه دخی فعل کسب شدت و خفت ایدر. بالفرض نردبان قورمق، کلید قیرمق، معامله جبریہ استعمال ایلک فعلی ایقاع ایچون کیجه وقتی و باخصوص

فورتنه واختلال زمانلرینی انتخاب ایتک وقدستی جهتیله معابددن برشی چالمق هپ جرمی تشدید ایدر احوالدندر.

کذلک ایقاع ایدیلن جرمک قابل تکرر اولماسی وظهوره کلن مشکلات وموانعک دفعنه قالقشلمسی اسباب مشدده فعلیه دندر. اسباب مشدده نک شخصیه ویا فعلیه اولدیغنک آکلاشییه بیلسنه خدمت ایده جک صورته ایضاحات ایسته نله لیدر؛ زیرا فعلی اولان اسباب شدتک نتیجه سی ایله مجرم ومشترکک کافه سی مسئول اولور. اما اسباب مشدده شخصیه نک نتیجه سی، بالکز اول شخص حقنده اجرا اولنوب شریکلرینه شامل اوله ماز.

شرائط وفوائد مجوٹ عنهایه رعایتله برابر مستنطق، سؤاله اک اول جرمک حالنه کوره صور ثبوتیه سندن بدأ ایتلیدر؛ یعنی جرم اسناد اولنان کیسه نک فاعل اولوب اولمادیغنه دأر سؤال ایراد اولنهرق آکا دأر معلومات آخالیدر. بعده تفریق نوع حقنده ترتیب اولنهرق اسئله ایله جرمک قباحت ویا جنحه ویا جنایت اولدیغی آکلاشمالیدر.

نوع دخی تعین ایتدکن صکره جرمده اکر اشتراک وار ایسه فاعلرک کافه سی همفاعل مستقل میدر؛ یوقسه ایچلرنده معین ومشترک یعنی فعل وعمل ذاتیسی منضم اولمایه رق جرمک حصولی ماده ومعناً تسهیل ایله یئئر دخی وار میدر؛ بورالرینی تفریق ایچون دخی صورت مخصوصه ده اسئله ایراد ایله تفریق ایدلیدر. بعده جرمک اسباب مشدده ومخففه سنی تفتیش ایچون سؤال صوریلهرق جرمک درجه شدت وخفتی آکلاشمالیدر.

مظنون علیه، تبعه اجنیه دن اولدیغی حالده کرک استنطاق وکرک محاکمه سنده منسوب اولدیغی قونسلواتو ترجمانی بولندیرمق احکام عهدیه اقتضاسندندر. شاید بولندیرلمایه جق اولور ایسه کرک محاکمه، کرک حکم کأن لم یکن حکمنده اولور. دیمک اولدی که تبعه اجنیه دن اولان مظنون علیه ک استنطاق ومحاکمه سنده ترجمان بولندیرلاماسی، اسباب نقضیه دندر.

فقط مظنون علیه تبعه دولت علیه دن اولدیغی ومشتکی اجنبی بولدیغی

حالدہ مضمون علیہ کړک استنطاقندہ وکړکسه محاکمہ سندہ ترجمان بولندیرمق خصوصندہ احکام صریحہ عہدیدہ برصراحت یوغیسہدہ تعاملہ بناءً ترجمان بولندیرمق لازمدر. یعنی برکړه اصولاً دعوت اولنور یوقسہ ورودینہ انتظار ایچون برمجوریت اولمایوب ترجمان دعوت اولنمشدہ اجابت ایلمہ مش اولدینی خالدہ محکمہ ینہ تحقیقاتہ ومحاکمہ یہ دوام ایدہ بیلیر.

شو قدرکہ عدم اجابت خصوصی، لدی الحاجہ اثبات اولنہ بیلمک ایچون ترجمان دن امضا آلمق لازمدر. « جریدهء محاکمک ۱۲۳۳ صحیفہ سندہ مندرج تحریراتہ باق. »

استنطاق ومحاکمہدہ بولندیریلہ حق ترجمان، کړک استنطاقنامہ یی وکړکسه ضبط دعوایی امضا ایدہ جکدر. ترجمان، مجلس مذاکرہدہ دخی بولنہ حق ایسہدہ رأی ویرمز. دینلشدرکہ مضمون علیہ، تبعہ اجنیہ دن اولدینی خالدہ ترجمانک بولنمسی، احکام عہدیہ اقتضاسنددر. ومضمون علیہ تبعہ دولت علیہ دن اولدینی خالدہ ترجمان بولندیرلمسی، احکام عہدہ مستند دکل ایسہدہ تعاملہ مبنی در.

ایمدی مسائل مجوٹ عنہانک آکلا شلماسنہ خدمت ایتدیکیچون حقوق دولک بوبابده اولان قواعد اساسیہ سیلہ احکام عہدیہ دن برآز بحث ایتک لازم گلشدر. شویله کہ: احکام حقوقیہ، زمانہ، مکانہ، اشیایہ واشخاصہ متعلق در. بولنردن زمانہ اولان تأثیر وتعلق، بر قانونک مابعدینہ شامل اولوب ماقبلہ شامل اولہ مامسی، مکانہ اولان تعلق، بر قانونک وضع اولدینی دولتک حدود عہدیہ وطبیعیہ سی داخندہ مرعی الحکم اولہ بیلوب خارجه تجاوز ایدہ مہ مسی اشیایہ اولان تعلق، منقولاتک اشخاصہ تابع اولوب بو صورتہ منقولات حقندہ اجرا قلنہ حق معاملہ نک دخی اشخاص حقندہ کی معاملہ یہ تابع اولماسی خصوصندن عبارتدر.

قانونک اشخاصہ اولان تأثیر وتعلق اعتباریلہ برطاقم مستثنیات وارد؛ شویله کہ: ہر قانون، بر دولتک دائرہ حکمرانیسی داخندہ اولان جمیع اشخاصہ

متعلق اولق قاعده اولدینی حالدہ ویرکو طرحی ویاخود عسکر جمعی کبی بر دولتک ادارهٔ سیاسیه سنه تعلق ایدن قانونلر احکامنه تبعیتدن اجنبیلر معاف و مستثنادر؛ فقط حقوق جزائیده بویله بر استثنا یوقدر. یعنی: قانون جزائک احکامی وضع اولدینی دولتک دائرهٔ حکمرانیسی داخنده اولان جمیع اشخاصه نسق واحد اوزره شامل و قابل تطبیقدر. بوده پک طبیعیدر؛ زیرا اجنبیلر؛ بر طرفدن قانون جزائک بخش ایتدیکی امنیت و اسایشدن مستفید اولق و دیگر طرفدن اول قانونک تأثیر و تعلقندن معاف و مستثنا طو تعلق؛ مغایر حکمتدر. دیمک اولدی که تبعه ایله اجنبی بینده وقوعه بوله جق منازعاعده ترجمان بولندیر مق اصولی، حقوق دول قواعد اساسیه سنه بسبتون مغایردر.

بواصول مجرد عهد عتیقه ایله اجنبیلره ویرلش اولان امتیازاتک نتیجه سی اوله رق قاعدهٔ کلیه به بر مستثنادر.

استنطاقنامه، سؤال جواب یازیله جق صورتده قارشولقلی باصدیر یله رق اولوجهله صاغ طرفده اسئله وصول طرفده اجوبه یازیله جقدر.

استنطاقنامه بالاسنده اجرا اولنان استنطاق کیمک استنطاقی اولدینی؟ هانکی تاریخده استنطاق اولنقده ایدوکی واستنطاقنه مبادرت قیلناسی طوغریدن طوغری به ویریلن شکایتنامه اوزرینه می؟ یوقسه حواله طریقیله می وقوعه بولدینی و ماده نک اهمیت آ کلاسیله بیلک ایچون جنس جرم، درج و ذکر اولنور و مطلوب اولان امنیت حصوله کلک ایچون استنطاقنامه نک هر صحیفه سی مستنطق، کاتب و مضمون علیه طرفندن امضا قیلنیر و کاتب اول ائشاده حاضر بولنماز ایسه استنطاقنامه نک مندرجاتی حضور محکمه ده اعتباردن دوشر و عندالایجاب مستنطق علیهنده اشتکا عن الحکامه دخی سبب اولور. مضمون علیه یازو بیلز و یاخود بیلوب ده امضا اتمک ایسته مز ایسه کیفیت ذکر اولنور. اشبو ذکر خصوصنک فائده سی یوقاروده بیان اولنمشدر.

صورت : نومرو ۱۳۷

... ده واقع حسن آغانك خانه سندن آچه واشیا سرقتیله محكوم علیه اولان ... ده مقیم «ب» ایله ... ده مقیم «ح» نام کیسه لره معاونتله مظنون علیه اولدینی مرقوم حسن آغاطرفدن ویریلن ... تاریخلو شکایتنا - مهده ادعا اولنان ... ده مقیم قایقچی سلیمانك ... تاریخنده اجرا قلنان استنطاقیدر.

مرقوم سلیمان، جلب مذکره سیله تعیین قلنان کونده ... بدایت محکمه سی نزدنده بولنان مستنطق دائره سنه کلمش اولمغله کاتب «ب» افندی حاضر اولدینی حالده بروجه زیر استجواب اولمشدر. فی سنه

سؤال: اسم وشهرتکز نهدر؟ قاچ یاشنده سکز؟ صنعتکز ندر؟ یعنی نه ایله مشغولسکز؟ وزهده او طور یورسکز؟

جواب: اسم، سلیمان، شهرتم، یوقدر. بابامك اسمی اولان احمد زاده ایله یاد اولنورم. سنم، اوتوزدر. صنعتم، قایقچیلقدر. اقامتگاهم، ... ده ... نومرولو خانه در.

س - محله کزده ساکن حسن آغایی طایر میسکز؟ وکندیسیله برقرابت ومناسبتکز وارمیدر؟

ج - اوت، محله مزده در. طایریم وکلوب کچدکجه کوریشورم؛ فقط برقرابت ومناسبتیم یوقدر.

س - کلوب کچدکجه کوریشورم. دیورسکز. حال بوکه قرابت صهریه ده بولنمی آرزو اتمش ایدیکمز. بویله اولدینی حالده مناسبت والفتکز نهدن او ایله صغوق اولسون؟ یوقسه ثباتسزلق می ایتدی؟ بو صورتده مرقوم حسن آغا یلانچیلینی ارتکاب ایدن ذواتدن میدر؟

ج - مرقوم حسن آغا ایله مناسبت صهریه یی آرزو ایتدم ایسه ده بونك

- حصولی؛ تراضی طرفینہ متوقفدر. نصلسه مقدر دکلدی. یوقسه
حسن آغانک حسن حالی معلومدر.
- س - اشبو ماه حالك... نجی کچھسی ساعت... صیره لرنده زرده ایدیگز؟
ج - یالی قهوه سنده ایدک.
- س - مرقوم حسن آغانک خانه سنده سرقت وقوعبولدیغی ایشتمدیگز می؟
ومحله لیلک مناسبتیه معاونه قوشمادیگز می؟
- ج - صباح ایشتمد. یوقسه معاونه وظیفه ذمت ایدی.
- س - او کچھ حسن آغانک خانه سنک او کندن کچمدیگز می؟ وکیسه ایله کو-
رشمدیگز می؟
- ج - او کچھ آطیه کیتش اولان مصطفی بکک اشیا سنی خانه سنه نقل ایتک
ایچون برکوه کچدم وچشمه او کنده محله لی ابراهیمه تصادف ایددرک
عندالسؤال وقوع حالی آ کاده سویله دم.
- س - مرقوم حسن آغانک خانه سندن اشیا سرقت ایدن... «ف» و «ح» نام
کسنه لر، سزک کندیلرینه معاونه ایتدیگیگز می یعنی قاپوی آحق ایچون
آناختاریایدیروب ویردیگیگز می و سرقت ایدنجیه قدر خارجه بکله یوب
قلاغوزلق وچیققدن صکره قاچه جقلری یرلری ارانه ایچون اوکلرینه
رهبرک ایله دیگیگز می سویله دکلری کبی مرقوم حسن آغانک ویردیگی
شکایتنامه ده دخی سارقلره معاونه ایتدیگیگز می و... ده واقع
تیمورجی «ح» نام کسنه یه برآناختار دلکنه صوقلش بر بال مومی
پارچه سنی نمونه اوله رق کتوره رک آکا کوره برآناختار اصمارلدیگیگز می
ادعا ایتدیگی کبی کندیلری حقنده وقوعبولان اشبو خیانتکزه دخی
مجرد مقدا قیزی ایسته یوبده ویرمه سی و بر درجه تحقیر ایله مس
اولماسی سببیت ویردیکنی کیفیت معاونه تگری... ده مقیم احمد آغا
وابراهیم و اسماعیل نام کسنه لر ایله اثبات ایده جکی بیان ایله مشدره
بوکا نه دیرسکز؟

ج - بونلردن اصلا معلوما تم یوقدر. علیهمه نهدن طولانی یوریدکلرینی دخی بیله م.

س - سارق دینیلن مرقوم «ف» و «ح» یی اصلا طانیاز میسکز؟
ج - خیر.

س - یا حسن آغا یالانمی سویله یور؟ سز حسن حالی تصدیق ایله دیکز.

ج - حسن آغا یالان سویلر طاقندن دکلدر؛ فقط بزم کندینه خصوصتمیزی وهم ایتدیکی ایچون بویله برحاله احتمال ویره یور.

س - یا تیمورجی «ح» ه آناختار یاپدیرمادیکز می؟

ج - بلکه یاپدیرمشم! فقط او یله بال مومندن نمونه کتیرمه دم یالاندر.

س - شمعی مرقوم احمد آغا و ابراهیم و اسماعیل ماده سرقده معاونت ایتمش اولدیغیکیزی سویلر لر ایسه نه دیه جکسک.

ج - نه دیه حکم . ذاتاً آنلر وجودی اولمایان بر شیئی سویله مک صفتنده دکلدر درکه طرفدن بویله بر فعلک صدورینی سویله سونلر.

اشبو استجوابنامه، مرقوم سلیمانک حضورنده لدی القرائه افاده سی ایله مطابقتنی تصدیق ایله امضا ایده جکنی سویله مشدر.

امضا امضا امضا

مکنون کاتب م

شهود استجوابنامه سنه کلنجه:

اشبو استجوابنامه نك بالاسنده اك اول برهامش براقه رق آنده نهدن طولانی کیمک استجوابنامه سی اولدیغی، هانکی تاریخده استجوابنه مبادرت قلندیغی، جلبنامه یی ابراز کیفیت، شاهدک تحلیفی اجرا قلندیغی، کاتبک حاضر بولندیغی خصوصلری یازیلیر . جلبنامه نك ابرازی کیفیتی درج اولغق لازم درکه استماع اولنه جق شاهدک اولجه مدعو اولوب اولمادیغی مستبان اولسون؛ زیرا هرکسک یالان یا کلش افادانده بولمالرینه میدان قالماق اوزره - جلبنامه سز - شهود استماعی یولی سید ایدلمشدر . جلبنامه سز کلان شهودک افاداتی دخی

استماع اولنه بیلور ایسه ده افادات واقعه لری معلومات عادیه قیلندن عد اولنور. ایشته بورالری تفریق اولنق ایچون شهودک مدعواً کلوب کلدکری اولجه معلوم اولنق لازمدر.

اگر بویکیت ذکر اولنماز ایسه کاتب علیهنده مجازاة نقدیه ایله مستنطق علیهنده اشتکا عن الحکامه سببیت ویرر. ۷۲نجی مادهیه باق.

مجازاة نقدیه حکمی، ماده نک عائد اولدینی محکمهیه عائددر.

تحلیفک اجراسیله ذکرلی دخی لازمدر. مقدملری شهادت ایچون جلب اولنان شهوده یمین ویردیرلمز ایدی. آندن صکره بووجهله یمین ایله تقید اولندی که هم مستنطقلر ایشی تحقیقه مجبور اولسون، هم شهودک خلاف سویله ملرینه بدرجهیه قدر میدان قالماسون. مواد جزایسه ده، شهوده برکه مستنطق حضورنده، برکرده محکمه حضورنده یمین ویریلیر. فقط بوایکی یمین بیننده فرق واردر؛ یعنی: مستنطق حضورنده اولان یمینک حکم واهمیتی، محکمه حضورنده اولان یمینک حکم واهمیتنه نسبتله دهها آذر؛ زیرا محکمه حضورنده اولان شهادت، مدار حکم اولور اما مستنطق حضورنده اولان شهادت حکمه مدار اوله ماز. بناءً علیه محکمه حضورنده یالان یره شهادت، قانون جزاجه معین اولان جزا ایله مجازاتی مستلزم اولور اما مستنطق حضورنده یالان یره شهادت ایتدیکی مثبت اولان کیسه، «شاهد زور» عد اولنماز. ایشته بوکا بناءً مواد جرمیه ده محکمه حضورنده وقوعه کله جک شهادت مظنون علیه محکومیتنه اساس اتخاذا اولنه جنی ایچون شاهدلره یمین ویردیرمک تحت مجبوریته آلمشدر. حتی شاهدک بلا تحلیف وقوع بولان افاده سی، کآن لم یکن حکمنده اولدینی کبی قانوناً اسباب نقضیه وفسخه دندر.

(جریده نک ۱۰۱۸نجی صحیفه سنده مندرج تذکره علیه باق) کذلک جریده نک ۱۰۲۱نجی صحیفه سنده مندرج تذکره علیه نظرماً مستنطق حضورنده جلب اولنان شهودک دخی امر تحلیف لری مجبوریدر؛ چونکه جلبدن مقصد یالکز کلک اولمایوب کلوب ده بعد التحلیف ایفای شهادتدر. بوجهتله دعوت اولنوب ده

کله ینلر حقنده نصل که مجازاة نقدیه ترتیب اولنور ایسه کلوبده ایفای شهادتدن ویاخود یمنندن مصرأ استنکاف ایدنلری دخی عینله کله ینلره تشبیهده شبهه یوقدر؛ بناءً علی ذلک جنایاتده شهادت ایچون کلوبده ایفای شهادتدن ویاخود یمنندن استنکاف ایدنلر حقنده ۲۵۹ و ۲۸۴ نجی ماده لر حکمنجه معین اولان جزا که مجازاة نقدیه دن عبارتدر؛ قباحت و جنجه دعوالر زندهده قابل تطبیق اولمق لازم کلیر.

یمن هر کسک مذهبی اوزره اجرا قیلنیر.

اشبو تحلیف خصوصنک عدم اجرا سیله کیفیتک ذکر اولنماسی دخی کاتب حقنده مجازاة نقدیه ومستنطق حقنده متضرر اولانلر طرفندن اشتکا عن الحکام دعواسنک اقامه سنه سبیت ویریر؛ زیرا تحلیفی اجرا قیلنمایان شهودک شهادت واقعه لری معلومات عادیه قیلنندن تلقی اولنور. حال بوکه بوندن شاهد اقامه ایدن کیسه نک متضرر اولماسی طبیعی در. شهودک استجوابی حالنده کاتبک حضوری ایله استجوابنامه یی امضا ایتسی تحقیقاتک بر صورت سالمده وقوعی مطالعه سنه تقویت ویرمک ایچوندر. بو معامله اجرا قیلنماز ایسه هیئت اتهامیه حضورنده معاملاتک انتظامسز وقوعبولدیغی ادعاسنه سبیت ویریر. بوده البته تحقیقاتک سلامتی حقنده کی معامله یه خلل کتیریر.

شهودک آرو آرو استماعی لازمدر که شاهدلر افاده لرینی اویدرمق ویا تم اتمک کی حالاته میدان قالماسون، مضمون علیهک حضورنده دخی استجواب اولنماق شرطدر؛ زیرا بعض وقت مضمون علیه ذی نفوذ اولورده شهود گندوسندن احتراز ایدر. شهودک آری آری استماع اولونماسی ایله مضمون علیه حضورنده استجواب اولونماسی، شهادتک حکمسزلکنی موجب اولماز ایسهده انتظامسز لغندن طولایی شکایتیه سبیت ویریر.

اشای استجوابده قانون، مدعی عمومینک حضورینهده مساعدده ایتیمور. شهوده اسم و شهرت و سنلری صوریلور که شهادته اهلیتی اولوب اولمادیغی آکلاشلسون، زیرا ۷۴ نجی ماده موجبنجه اون بش یا شندن آشاغی ارکک

وقیز چوجقلرینک افاداتی بلا تحلیف معلومات عادیه قیلندن اوله رق استماع اولنه بیلیر.

صنعت، صفت و محل اقامتاری دخی صوریلور؛ چونکه برآدمک سلامت فکر و وجدانی اکثریا صنعت وصفته کوره تخالف ایدر؛ ایشته هیئت اتهامیه نزدنده شاهدلرک افاداتنک درجه و ثوق و امنیتلری حقدده بر فکر حاصل اولمق ایچون صنعت وصفتی دخی صورلمق لازمدر.

برده شهوده طرفیندن برینک خدمتکار و اقرباسندن اولوب اولمادقلری ایله درجه قرابتلری سؤال اولنور. زیراً ۲۷۳ نجی مادهده بیان اولنان قرابت و یا اخوت درجه سنده اولانلرک شهادتلی؛ هیئت اتهامیه ایله محکمه جه قبول اولنماز.

مستنطق حضورنده اقربانک استماعی مسئله سی مختلف فیہ ایسه ده معلومات عادیه قیلندن اولمق اوزره بلا تحلیف استماعی جائز اولمق لازمدر ۷۳ نجی ماده حکمنجه استجوابنامه لرده سیلنتی و چیقنتی اولمایه جق. چیقنتی اولور ایسه مستنطق ایله کاتب و شاهد طرفندن امضا قلنه جقدر.

بو حاله مخالفت، مستلزم محازاتدر. برده ماده مذکوریه اولان رعایتسزک موقع شکده اولور ایسه اوراقک حکمسزکنی موجب اولور. ماده مذکوره احکام محتویه سی کافه اوراق جزاییه ده قابل تطبیقدر.

۷۵ نجی ماده حکمنجه کرک خواصدن و کرک عوامدن اولسون دعوت اولندیغی حالده هرکس کلوب مستنطق حضورنده ادای شهادته مجبوردر؛ فقط بوراده بعض استثنآت واردر. بو دخی طیبیلر ایله دعوی و کیللی، رهبان و پاپاسلرک صفتلری مقتضاسنجه کسب ایله کتم و اخفایه مجبور اولدقلری معلوماتلری اخبار ضمنده شهادته جبر اولناملرندن عبارتدر.

بنابرین برطیب بر خسته بی معاینه اثناسنده بر جرمک وقوعنه مطلع اوله بیایر ایسه ده آتی سویله مکه اجبار اولنه ماز. کذلک بر دعوی و کیلی بر موکلنک افاده سنی استماع ایله دیکی صرده بر جرمک وقوعنه خبردار اوله بیلیر.

ایسهده آنی کتم و اخفایه مجبور اولدیغندن آندن طولایی شهادته اجبار اولنه ماز. واقعا بونلرک شهادته اجبار اولنه ماملری، جرائمک دائره ثبوتیه لرینی بر درجه یه قدر تحدید ایتمک، منافع عمومیه یه مغایر ایسهده اجبار اولنملری دخی خستکان ایله اصحاب مصالحک طیب ودعوی وکیلرینه مراجعتله کشف راز ایتلمدن توقی واجتنابلرینی مؤدی اوله جنی جهته آسایش عمومینک مختل اولماسنه سبب اولور. بوبابده حکومتک مجرملری تحری ایتمک حتی ایله اهلینک بقای صحت و استحصال حق خصوصی، تعارض ایده یور. بونلرک هانکیسنه رعایت لازم کلدیکی خصوصنده اختلاف حصوله ککش ایسهده بیان اولنان علتله منی اهلینک یالکز بو خصوصده حریتلرینک محفوظ قالماسی قرار کیر اولمشدر. رهبان و پاپاسلر دخی کناه چیقارتمق مناسبیله مطلع اوله جقلری جرایمی اخباره جبر اولنه ماز. کله ینلر حقنده تعیین ایدیله جک مجازات ایله اجرا قیلنه حق معامله، ۷۵ و ۷۶ و ۷۷ نجی ماده لرده بیان اولنمشدر.

صورت استجوابه کلنجه استنطاق بچنده بیان اولندیغی اوزره اول امرده جرمک ثبوتی وبعده تعیین نوعی و صکره اسباب مشدده ویا مخففه نک وقوعی اوزرینه سؤالر ترتیب اولنه رق سؤال اولنماید. زیزده صورتی مندرج استجوابنامه، ۱۴۴ نومروده محرر استنطاقنامه نک متفرعاتندندر؛ بناء علیه وقوعانک مبدئی ایچون مذکور استنطاقنامه یه مراجعت اولنه.

صورت: نومرو ۱۳۸ ماده ۶۶ ومابعدی

نماز گاه محله سنده ساکن حسن آغانک خانه سنده وقوعبولان سرقتده ذیمدخل اولقله محکوم علیه اولان (و) و (ح) نام کسنه لره معاونتله مظنون علیه بولنان قایقچی سلیمانک کیفیت معاونتدن خبردار اولدیغی، ... تاریخلو مرقوم حسن آغا طرفدن ویریلن برقطعه شکایتنامه ده اخبار اولنان ... ده مقیم احمد

افندی ایله . . . ده مقیم ابراهیم افندی و . . . ده مقیم اسماعیل نام
کسنه لرك اجرا قیلینان استجوابلریدر.

شهود مرقومه دن مومی ایله احمد افندی کلوب او طه یه کیرمسیله دعوتی
مشعر کوندر یلوب برنسخه سی نزدنده قالان جلینامه نی ابراز واعطا ایله دی
ووقت معینده گلش اولدینی آکلاشادی.

بونک اوزرینه جلب اولدینی خصوص حقنده حقیقی سویله یه جکی
و حقیقتدن بشته برشی سویله میه جکی فقره لری اوزرینه تحلیفی اجرا قیلندقدن
صکره کاتب . . . افندی حاضر اولدینی حالدیه . . . تاریخنده بوجه زیر
استجوابنه باشلانمشدر.

س - اسم وشهرتکز نه در؟ قاج یاشنده سکز؟ صنعتکز نه در؟ یعنی نه ایله
مشغولسکز؟ اقامتکز نه سیدر؟

ج - اسم، احمددر. شهرتم یوقدر. بابامک اسمیله، یعنی محمد آغا زاده دیه یاد
اولنورم. سنم، اللی بشدر. بر صنعت مخصوصه م یوقدر. اداره م،
چفتلک وارداتنه منحصردر. الحاله هده برصفت رسمیه م یوقدر. مقدملری
بلدییه ریاستنه انتخاب و تصدیق بیورلمش اولدیغ حالدیه استعفا ایتدم.
اقامتگاهم، نمازگاه محله سنده ۱ نومرولی خانه در.

س - نمازگاهلی سلیمانی طایر مینسکز؟

ج - محله مزده مقیم اولمق جهتیله کلوب کچر ایکن کورور و طایریم؛ فقط
کوروشوب قونشمام.

س - دیمک ایسترمکه مرقوم سلیمان ایله برکونا قرابتکز و یا خود دوستلغکز
ویا اشتراککز وارمیدر؟

ج - خیر، مرقوم سلیمان نه آقربامدر، نه ده کندیسلیله برکونا مناسبتم واردر.
س - مرقوم سلیمانک حالی، کیدیشی نصیدر؟ شمدی یه قدر برسوء حالی
ایشیدلمشیدر؟

ج - کندیسلی ایشته معلوم اولدینی وجهله اهل صنعتنددر. فامیلیاسنی اول

وجهله اداره ایدر. شمدی به قدر برسوء حالی کورولمه مش اولدیغی حالده طبیعتنده کی خفتی مناسبتیه بعض کوروشلیه جک مناسبتسز آدملا ایلله کوروشدیکی کورولمشدر.

س - مرقوم سلیمانک نمازگاهلی حسن آغا ایلله کوروشمه لری نصدر؟
ج - حسن آغا وقور ومکین اولق مناسبتیه سلیمان ایلله کوروشمز؛ فقط مرقوم سلیمان؛ مقدا حسن آغان قیزی ایسته مش اولدیغدن حسن آغا بو حالدن منفعل اوله رق کفو اولما دیغدن بحمله ویرمه دیکنی علی سویله مش اولماسندن طولای مرقوم سلیمانک حسن آغایه برنوع عداوتی یعنی طارغینلی واردر.

امضا . . . امضا . . . امضا . . .

بورایه قدر استجواب اولدقدن صکره تعطیل مشغولیت زمانی کلش اولغله امر استجواب یوم آخره تعلیق قیلنمشدر. افادات مضبوطه؛ حضورنده لدی - القرائه مطابق اولدیغدن امضا ایلله مشدر.

فی مایس سنه

مومی الیه احمد افندی اشوبیک ایکیوز طقسان طقوز سنه سی مایسک
یکرمی آلتنجی جمعه ایرتسی کونی تکرار چاغریله رق بوجه زیر استجوابنه
مبادرت قیلنمشدر.

س - نمازگاهلی حسن آغانک خانه سنده وقوعبولان سرقتده سلیمانک معاوتی
حقنده معلوماتکز اولدیغی اخبار اولنمشدر. بوباده کی معلوماتکز نهدن
عبارتدر؟

ج - بن برکون چارشوده ۹ نومرولو دکانده تیمورجلیق ایتمکده بولنان ولی
اوستانک دکاننده بعض ایشلریمی سپارش ضمنده اوتورمقده ایکن مرقوم
سلیمان دخی کله رک برآناختار دلکنه صوقیلوب آناختار شکلی آلمش؛
النده بال مومی پارچه سنی ولی اوستیه ویردی؛ آکا کوره برآناختار

یا ناسنی توصیه ایله دی. کیمک ایچون ونه ایچون ایسته دیکی سؤال اولندقده کندیکن بردوستی ایچون ایسته دیکنی سویله دی و کتدی. بال مومی پارچه سی نمونه سی اوزرینه آناختار یاپدیرمق غریب کوروندیکنه بناء خاطر مده قالمشدر.

س - بوندن بشقه نه اولدیغنه دائر معلوماتکز یوقیدر؟

ج - بوندن صکره نه اولدیغنی بیله مم؛ فقط آناختارک تصورنده اولان او یله برایش ایچون یاپدیرلمش اولماسی محتملدر. بوندن بشقه تیمورجی ولی دن دخی معلومات آله بیلیر.

مومی الیه سلیمان افدینک امر استجوابی ختام بولمش اولغله لدی القراه مندرجاتی بعدالتضدیق امضا قلمشدر.

امضا .. امضا .. امضا

وقت معینده کله مکدن ناشی ۷۵ نجی ماده حکمنجه مدعی عمومی افدینک طلبیله بامذکره مخصوصه ایکی لیرا جزای نقدی اعطاسیله محکوم اولان ابراهیم افدی، استنطاق دائره سی خارجنده منتظر اولدیغنی محلدن ایچرویه چاغرا دی. کندیسنه جلبنامه یی ابراز واعطا ایله دی. لدی المعاینه وقت معینده کلدیکی وکله منسی، بسبب مشروعه مستند اولمادیغنی جهتله اولباید ویریلن مذکره اوزرینه ایکی لیرا کندوسندن تحصیل قیلندیغنه دائر علم و خبر ابراز ایتدکن و تقدیر وجدانیسنه مخالف برشی سویله میه جکی اوزرینه تکلیف قیلینان یمینی قبول واجرا ایله دکن صکره کاتب مومی الیه حاضر اولدیغنی حالده ... تاریخنده استجوابنه باشلامشدر.

س - اسم وشهرتکز وسن وصنعتکز نه در؟ واقامتکاهکز نره سیدر؟ صفت رسمیه کز وارمی؟

ج - اسم، ابراهیم، شهرتم یوقدر. سنم یکرمی بشدر. برصنتم اولمادیغنی کبی برصفت رسمیه دخی یوقدر. اقامتکاهم، نمازگاه محله سنده ... نومرولی خانه در.

س - ایلک جلبنامه ایله کلیوبده حقکزده جزا تعینتی مستلزم اوله جق برحرکتده بولنماکزه سبب نه ایدی؟ برسبب مشروع اولمادیغی حالده البته وقوعبولش برتهدید اولمالیدر. برانسانک ایسه فنا برآمدن قورقسی طبیعیدر.

ج - دعوت واقعیه اجابت ایتمه مک خصوصنده هیچ برطرفدن برکونه تهدید وقوعبولمادی ایسهده کندیمه خصم ایدنمکدن توقی ایتدیکم ایچون کلک ایسته مدم؛ چونکه کندم آوه مراقلیم. بومناسبتله اکثریا قصبه خارچنده بولنمق مجبوریتندهیم. شو حالده آتی ده تعرضات وقوعنه احتمال ویردیکم ایچون قورقدم. بوجهتله جزادن عقوم دخی مشروعدر. س - کیمدن قورقدیکز؟

ج - حقنده شهادت ایچون جلب اولندیغم سلیماندر.

س - دیمک اولورکه مرقوم سلیمانی هم طانیرسکز، همده فنا آدم اولدیغی بیلیرسکز. بوصورتده مادام که کندیسندن توقی ایدیورسکز، یا کندیسنک فنا آدم اولدیغی بیلیرسکز ویا خود کندیسيله برقرابت و مناسبتکز اولمق کرکدر.

ج - اوت، مرقوم سلیمانی طانیرم؛ فقط کندیسيله نه قراتم، نهده برکونه الفت و مناسبتم واردر. کندیسى قالیقجیدر. شمدییه قدر کوز کوزه برفالخی کورولمه مش ایسهده چاپقینلخی و قبادایلیق دعواسنده بولندیغی جهتله مناسبتسز کیسه لر ایله کوریشدیکی معلومدر.

س - مرقوم سلیمانک نماز کاهلی حسن آغا ایله کوریشمه لری نصلدر؟

ج - قیزی ایسته یوبده مرقوم حسن آغا ویرمدیکندن و کندیسنى تحقیر ایله دیکندن طولانی سلیمان، مرقوم حسن آغاه دلکیردر.

س - مرقوم سلیمانک، حسن آغانک خانه سندن اشیا سرقتنده وقوعبولان معاوتی حقنده معلوماتکز اولدیغی اخبار اولمشدر. بوبابده کی معلوماتکز نه در؟

ج - بن اشبو ماه حالك . . . نده کچه بالق آوینه کیتک اوزره اجرت مقننه سیله تعیین ایتدیکم محله کوتورمسنی مرقوم سلیمانہ تکلیف ایتدیکم حالده خلاف معتاد اوله رق او کچه ایشی ظهور ایتدیکندن بحمله کله میه جکنی سویله دی. حالبوکه کچه ساعت ایکده مرقوم حسن آغانک خانه سی قاپوسندن کچدیکمده مرقوم سلیمانی خانه قپوسنک قارشوسنده دیکلمش اولدیغنی واوته یه برویه باقندیغنی کوردیم. بزه بریسنی بکله مکده اولدیغنی بیان واوکچه امره اطاعت ایتدیکندن طولایی قصورینه باقماقلمغنی رجا ایله دی. بن دخی ایشمه کیتدم. کیدرکن آو ادواتندن بعض شیلر اونوتمش اولدیغمدن تکرار عودت ایله خانه مه دها کسدرمه کیتش اولق ایچون تیکه زوقاغندن سادویچه چشمه سنه و مرقوم حسن آغانک خانه سنه تخمیناً اللی آرشون اوته سنه چیتدم. چشمه ده یوزمی ییقامده ایکن مرقوم سلیمانک قوشه قوشه کلکده اولدیغنی و آردی صیره اشیا یوکل دت بش کشی اولدیغنی کوردیم. صوردم. - «مصطفی بک بوکون تفرج ایچون آطیه کیتش ایدی. اورایه کوتوردیکی اشیا وادواتی نقل ایدیورز» دیدی. مؤخرآ حسن آغانک خانه سندن اشیا سرقتی خبرینی آلدیم.

س - مرقوم سلیمان، اول صیره ده کندی آرقه سنده اشیا آلمش می ایدی؟ یعنی: کندیسسی دخی آرقه ده کیلر کبی یوکلشمش می ایدی یوقسه آنلره یالکز دلالت می ایدر ایدی؟

ج - بکاسویله دیکنه کوره آنلر جمال ایمش. کندیسسی دخی آنلره اوی کوسته. ریور ایدی. آرقه سنده برشیی یوق ایدی.

س - دیمک اولورکه مرقوم سلیمان، سارقلره معاونت ایتمش ویا خود کندیسنک فعل و عمل ذاتیسی منضم اوله رق خرسزلق ایتشدیر.

ج - آرتق دلالت ایتدیکی آدملر حقیقه حسن آغانک خانه سندن اشیا سرقت ایدن آدملر می ایمش؟ یوقسه بشقه لر می ایمش؟ اوراسنی بیله مه دیکم کبی سلیمانک دخی خرسزلق ویا معاونت ایتدیکنی ده بیله نم.

س - بوندن بشقه معلوماتکز یوقیدر.

ج - یوقدر. امضا امضا امضا

مرقوم ابراهیم افدینک دخی امر استجوابی ختام بولش اولمغله
حضورنده لدی القرائه افاده شفاهیسنه مطابق اولدیغندن امضا ایله شد.

جلبنامه ایله دعوت اولنان شاهدلردن مرقوم اسماعیل، وقت معینده
کلدیکندن مدعی عمومینک طلبیه با مذکره مخصوصه ایکی لیرا جزای نقدی
حکم اولنهرق وکندسی تسطیر قیلینان برقطعه احضار مذکره سینه جبراً
کتیرلکده . . . تاریخلو وطیب زوطو امضالی برقطعه راپورط ابراز
واعطا ایله دی. مذکور راپورط لدی القرائه مرقوم اسماعیل . . . تاریخنده
حمای سریع الزوال خسته لغنه اوغرامش اولدینی و بوانثاده رکوب و نزوله
غیر مقتدر بولدیغنی مألنده اولمغله مذکور راپورطو، مدعی عمومی به بالارسال
مرقوم اسماعیل اولجه اعطاسیه محکوم اولدینی جزادن عفوی طلب اولنمش
ولدی التامل راپورطوده مجوٹ عنه اولان خسته لغک آثاری یوزنده کورولمش
اولمغله اولوجهله جزادن عفوینه قرار ویریلوب بعده صوریه حق مواد حقتده
وجداننه مغایر برشی سویله میه چکنه دائر تکلیف ایدیلن یمینی قبول واجرا
ایتمکله اولوجهله استجواب اولنمشدر.

س - اسم و شهرتکز نه در؟ یا شکر قاچدر؟ صنعتکز نه در؟ اقامتگاهکز نه سیدر؟

ج - اسم، اسماعیل، شهرتم، یوقدر. یاشم، اوتوزدر. صنعت و صقم، قایقچی.

لقدر. اقامتگاهمده نمازگاه محله سنده . . . نومرولی خانه در.

س - قایقچی سلیمان ایله قرابتکز می یوقسه دوستلغکز می واردر؟

ج - بنده قایقچی اولدیغمناسبتیه آره صیره کوریشیورز. یوقسه قرابتز

یوقدر.

س - اویله ایسه مادام که مرقوم سلیمانی طانیرسکز و صنعتکز بردر؛ اشبو

مارتک . . . نجی جمعه کونی کچه سی ساعت ایکی بچقده زرده ایدی؟

بیلیرمیسکز؟

ج - برلکده یالی قهوه لرده ایدک. چونکه مشتری ظهور ایدر دیه ساعت درده قدر اوراده بکله مک معتاد مزددر .

س - البته او کجه جمعه کجه سی اولمق مناسبتیه مشتری ظهور ایتمش اولمالیدر. کیملی کوتوردیکز؟

ج - مشتریلر ظهور ایتدی. آطه یه کوتوردک. اما ایشک بویله اوله جغنی بیله مه دیکم ایچون کیملی کوتوردیکمزی بیله مم .

س - بلکه مصطفی بکی کوتورمش اولمالیدیکز.

ج - خیر، او کجه مصطفی بک بشقه قالیقچی ایله آطه یه کیتدی ایسه ده عودت ایتدی.

س - یا او کجه، اوساعتده، مرقوم سلیمانی حسن آغانک خانه سی قوسی اوکنده دیکلمش کوروب کندیسینه قونشان ودها صکره اشیا یوکلو اوچ درت کشی ایله کندی خانه سی طرفه کیتدیکنی کورنلر واردر. سز نصل برلکده قهوه ده اولدیغیکزی سویله یورسکز؟

ج - سلیمان بنم ایله برلکده ایدی اما بیان اولنان محالدرده کورولمش دینلیسور احتمالدر .

س - برده مرقوم سلیمان او کجه چشمه ده کندینه تصادف ایدنلره آطه دن کلن مصطفی بکک اشیا سنی خانه سنه نقل ایتدیکنی سویله مشدر. بوبانده سلیمان سزی تکذیب ایده یور. بونصلدر؟

ج - بیله مم. بنم مضبوطم بویله در. اما اوبندن دها ای بیلیر ایسه نه دیه مم .

س - دیمک که بوبانده معلوما تکز یوقدر .

ج - معلوما تم معروضاتمدن عبارتدر .

مرقوم اسماعیلک دخی استجوابی ختام بولمغله حضورنده بالقراءه افاده شفاهیه سینه مطابقتی تصدیق ایتدی؛ فقط افاداتی امضا ایتسی تکلیف اولندقدده اسمنی یازه جق قدر یازه بیله دیکی امضا ایتک خصوصنده تعلل ایتکله یالکز طرفزدن امضا قلمشدر .

امضا امضا

۰۰۰ ۰۰۰

شهودك ۷۸ نجی ماده حکمنجه اقامتگاهلرنده استماعنه دأردر

صورت : نومرو ۱۳۹ ماده ۷۸ .

... ماده حقنده معلوماتی اولدینی خبر ویریلن ... ده مقیم (ب) طرفنه تسطیر قیلینان جلبنامه اوزرینه مرقوم (ب) بالذات کلمه مش ایسهده بو ائناده خسته لغه دوچار اولدیغنی بامذکره (یاخود ظهر جلبنامهده) بیان ایتدیکنه واشبو بیاناتی مطویاً کوندردیکی دأره مز بلدییه طیبی (ح) ك اولبالدهکی راپورطی ایله متبین بولندیغنه بناء مرقوم (ب) ك اجرای استجوابی ضمننده مارالذکر اقامتگاهنه کیدلمش ودرمیان اولنان معذرتنه چهره سی دخی دال بولنمش اولمغله اصول تحلیفی اجرا قلندقدن صکره بروجه زیر استجوابنه مبادرت قیلنمشدر؛ ویاخود مرقوم (ب) ك اجرای استجوابی ضمننده مارالذکر اقامتگاهنه کیدلمش ایسهده مرقوم (ب) ك درمیان اولنان معذرتنه دلالت ایده جك بر اثر کوروله میوب بالعکس خانه سنده . . . ایشیه مشغول اولدیغنك گورولسی خسته لغنه دأر درمیان اولنان عذرک اصلسز لغنه و بناء علیه کتم حقیقت ضمننده اختیار اولنمش بولندیغنه دلالت ایتمکله اصول محاکمه جزائییه قانون موقتنك ۸۱ نجی ماده سنجه بعده ایجابی اجرا اولنق اوزره مرقوم (ب) ایله تصدیق معذرت غیر واقعسهنه دأر راپورط ویرن طیب . . . افندی حقلرنده موقت توقیف مذکره سی اعطا اولنمش وامر استجواب ایلرویه بالتعلیق عودت ایدلمشدر.

امر استجوابك اجراسی ضمننده ۷۸ نجی ماده حکمنجه مختارلره یازیله حق حواله نامه، مستنطقدن مستنطقه کوندریله جك حواله نامه دن زیرده محرر اولان صورتله فرقلی اولماغله تسویدندن صرف نظر قیلنمشدر.

شاهدلرک آخر قضا دأره سنده اولدقلری حالده استماع شهادتلی ایچون اول قضا مستنطقنه یازیله حق حواله نامه یه دأردر

صورت : نومرو ۱۴۰ ماده ۷۹

دائرة مأموریتلری داخلنده واقع . . . پنایرنده . . . ده مقیم (ح) نام
 کسنه بی ضرب و جرحله مظنون علیه اولوب تحقیقاتی در دست اجرا اولان
 . . . (ب) نك کیفیت ضرب و جرحی حقنده معلوماتی اولدیغی مشتکی
 مرقوم (ح) طرفندن ویریلن برقطعه شکایتنامهده اخبار اولنان داخل
 دائرة لرنده واقع . . . ده مقیم (ع) و . . . ده مقیم (و) نام کسنه لرك استجوابی
 لازم کیش و کندولری دائرة مأموریتلری داخلنده مقیم بولمیش اولمالری
 جهته اصول محاکمه جزائیه نك ۷۹ نجی ماده سی موجبجه طرف عالی لرندن
 استجوابلری لازمه دن بولمیش اولمغله ماده مذکوره احکامنه توفیقاً مرقوم
 (ع) ایله (و) ک مرقوم (ب) ک مرقوم (ح) یی کیفیت ضرب و جرحی حقنده
 اولان معلوماتی ضبط ایله اولبایده طوتیله حق اوراق نطقیه نك قانون مذکورک
 ۸۰ نجی ماده سی حکمنجه محتوماً آرساله همت بیورلمسی باینده .

﴿ اوز اوچنجی فصل ﴾

توت بهره مدار اولجه اوراق و اشیانک اهرای تحریسه دائر
 یازیده بیو ضبط ورقه لری

صورت : نومرو ۱۴۱ ماده ۸۲

. . . ده مقیم (ب) ک . . . جرمنی ارتکابنه دائر بیاننامه بشرینه
 متجاسر اولماسندن طولای مرقوم (ب) طرفندن علیه افترا دعواسی اقامه
 ایدیلن . . . ده مقیم . . . صنعنده . . . یاشنده (ح) اجر اقلینان استنطاقنده
 فعل مذکوره مدخلنی انکار ایله مش ولدی التطبيق مذکور بیاننامهده محرر

اولان خط، کندو یازوسی اولمادینی آکلاشلشدر؛ فقط مذکور بیاننامه لرك مسوده لری الان مرقوم (ح) ك خانه سنده بولندینی، آنلری تعلیق ایتمك خدمتی احاله ایدیلن . . . ده مقیم . . . صنعتنده . . . یاشنده (ع) نام کسنه نك اخبار اتندن آکلاشلدیغندن بختله اجرای تحریات لزومی؛ مدعی عمومی . . . افندی طرفندن طلب اولمشدر. مدعی عمومی مومی الیهك طلب واقعی موافق مصلحت کورولدیکنه منی اصول محاکمه جزایه قانون موقتنگ ۸۲نجی ماده سی حکمنه توفیقاً حقیقتك ظاهره اخراجی ایچون تحریات لازمه نك اجرایی ضمننده اشوبیك الخ کوننده . . . ده مقیم کاتب . . . افندی بی بالاستصحاب کیفیت موقت توقیف مذکره سیله موقوف اولان مرقوم (ح) یه لری الاعلام اثنای تحریاتده حضورینی ایسته مش اولماسندن ناشی . . . ده واقع نومرولی خانه سنه کیدلی.

ومختار محله . . . ایله امامی . . . حاضر اولدقلری حالده بلا ممانعت داخل خانه یه کیرلدی. مظنون علیه مرقوم (ح) ك . . . یاشنده . . . اسمنده اوغلك لری التکلیف وقوعبولان اراهه سی اوزرینه یازوخانه تعبیر اولنان اوطیه دخول ایله قونسولده موجود اوراقی دوشمه اورتسنه یایه رق اجرای تحریاته باشلاندى.

اوراق مذکوره میاننده مکتوبلق مائی رنگنده برکاغده محرر بر مسوده یه تصادف اولنه رق لری المطالعه مذکور بیاننامه مسوده سی اولدینی گورولمکله علناً قرائت وتطبیق اولندقده عینی اولدینی ومحرر اولدینی یازو مرقوم (ح) ك استنطاقنامه ده موضوع امضاسی یازوسیله توافقی ایتدیکی گورولدی.

بونك اوزرینه مذکور مسوده، بیاننامه ایله برلشدیریله رك اخذ وضبط قمش وتحریات ختام بولمشدر. جریان حالی حاوی اشبو ضبط ورقه سی بالتحریر ایدیلن تکلیف اوزرینه حاضر ونله معاً زیری امضا قلمشدر.

محریاتک اجرا ایدیله جکی محل مستنطقك دائره سی خارجده اولدینی
حالده اول دائره مستنطقنه یازاجنی طلبنامه یه دائره در

صورت: نومرو ۱۴۲ ماده ۸۵

... ده مقیم (ب) ك ... جرمنی ارتکابه دائر بیاننامه نشرینه متجاسر
اولاسندن طولایی مرقوم (ب) طرفدن علیه افترا دعواسی اقامه ایدیلن
... ده مقیم ... صنعتنده ... یاشنده (ح) اجرا قلنان استنطاقنده فعل مذکوره
جرأتی انکار ایله مشدر؛ فقط مرقوم (ح) ك بیاننامه یی یازدیغنه دائر خانه سنده
مسوده سی بولدینی استخبار قیلنیش و مرقوم (ح) ك خانه سی دائره مأموریت
علیه لری داخلنده بولنیش اولغله اصول محاکمه جزائیة نك ۸۵ نجی ماده سی
حکمنجه تحریات لازمه نك اجرا سیله نتیجه مستحصله نك و خبر ویریلن مسوده
بولدینی حالده آنك دخی طرف ماجزی یه سرعت اشعار وارسالی حقنده
تسطیر طلبنامه یه ابتدار قلندی .

﴿ اون دردیجی فصل ﴾

متوع مذکره لر حقنده در

اشبو مذکره لر، جلب، احضار، موقت و غیر موقت توقیف مذکره لرندن
عبارتدر .

اشبو مذکره لرک اعطاسی، اصلاً و اساساً مستنطقك وظائفه عاندر؛
فقط مستنئا اوله رق قانوناً تعیین اولنان احوالده ضابطه عدلیه مأمور لریله
۳۷ و ۹۵ نجی ماده لر حکمنجه مدعی عمومی و ۱۷۷ ایله ۱۹۶ نجی ماده لرجه
محکمه طرفدن ویریلیر .

جلب مذکره سی، مأموری طرفدن اصدار اولنور بر مذکره در که آنکله مجرد بر جرمله مظنون علیه اولان اقامتگاه صاحبی بر کیسه نك مأموری حضورینه کلمسی طلب اولنور. بو صورتده جلب مذکره سی، یالکز برینک اخبار وشکایتی اوزرینه تحقیقاته مبادرت قیلنقسزین تسطیر اولنه بیلیر. اشبو جلب مذکره سی، مظنون علیه ک اقامتگاهنه تبلیغ اولنور. بر نسخه سی ترک ایدیلرک تعیین ایدیلن یوم وساعت ومحلده کندی کندینه کلیر. یوقسه جلبی حامل خدمه ایله برابر کلمسی شرط دکلدیر. بوجهتله جلب ایله کلن، کلدیکی آنده استنطاق اولنور؛ زیرا جلب مذکره سنده تعیین ایدیلن مدت ایچنده استنطاقی ایسته مکه حقی واردیر.

احضار مذکره سی، مأموری طرفدن اصدار اولنور بر امردرکه آنکله خدمه ویاخود اشبو احضار مذکره سنک اجرای حکمی ایله مکلف اولان قوه عمومیه ومسلیحه معرفتلیله بر شخصک مستنطق یا محکمه حضورینه کتیرلمسی طلب اولنور. شو تعریفه کوره احضار مذکره سی، یالکز تبلیغ و بر نسخه سی ترک اولنغله اکتفا اولمایوب، شخص مدعوک مباشر ایله معاکلمه سی مطلوبدر. کلهدیکی حالده قوه مسلحیه مراجعت ایله جبراً کتیردیلیلیر. اشبو مذکره ده مظنون علیه کلمه سی مطلوب اولان مدت تعیین اولنمادیغندن مظنون علیه ک درحال استنطاقی اجرا اولنحق ایچون بر مجبوریته اولمایوب یکر می درت ساعت قدر تأخر ایده بیلیر. برده اشبو مذکره، مطلقاً مظنون علیه ک استنطاقی اجرا اولندقدن و کندوسنه جلب مذکره سی تسطیر قیلندقدن ضکره ویرملک لازمدر. مکرکه ماده غایت مهم اوله. او حالده جلب مذکره سی تسطیر واستنطاق اجرا اولنقسزین دخی تسطیر قیلنیر. بو اهمیتلری تفریق وتعیین اتمک مستنطقلرک تقدیر علم و وجدانلرینه احاله اولنمشدر. ایشته تفصیلات مبسوطه ایله اشبو ایکی مذکره بیتمده کی فرق تعیین ایدلمشدر.

موقت توقیف مذکره سی، بر امردرکه آنکله مظنون علیه توقیفخانهیه قونیلیر. بونک مدتی اوتوز بر کوندر. ایجابی حالده تجدید اولنور. غیر موقت

توقیفك مدتى ایسه محكمه طرفندن حکمك صدورینه قدر امتداد ایده بیلیر، وینلری شو وجهله تفریق اولنور: موقت توقیف مذکره سی، مضمون علیہک استنطاقی اجرا قیلندقدن صکره تسطیر اولنور؛ زیرا قبل الاستنطاق مضمون علیہک تحقق برائی متصوردر؛ آنجق مضمون علیہ فرار ایتمش ایسه مستنطق توقیف مذکره سی اصدار ایده بیلیر.

غیر موقت توقیف مذکره سی، بر امردرکه آنکله بر جنایت ویا جحه ایله متهم اولوب تبرئه ذمت ایتهمش اولان بر کیسه توقیف اولنور.

ایمدی اشبو ایکی نوع مذکره لر، یالکز مدتله تفریق قیلنمش ایسه ده هانکی موادده ویریله بیله جکی بیان اولمامشدر. شو قدرکه قانونک احکام عمومیه سنه نظراً غیر موقت توقیف مذکره سی، شرائط آتیه نک اجتماعنده ویریلیر. اولاً: جلب واحضار له کن مضمون علیہک استنطاقی اجرا قیلنمش اولماسی؛ ثانیاً: مدعی عمومینک استماع اولنمش اولماسی؛ ثالثاً: فعلک حبسی مستلزم جحه ویا جنایت اولماسی؛ اشبو ایکی نوع مذکره لرك ویرلمسی ایچون استنطاقک اجراسی شرطدر. بوشرطه رعایتسزک، معاملاتک حکمسز لکنی موجبدر؛ زیرا استنطاق، حقوق عمومیه نک لهنه اولدینی کبی مضمون علیہک لهنه دخی اولور. اشبو مذکره لرك ویریله بیله جکی موادی تقدیر ایتمک، صرف مستنطق لرك علم ووجدانلرینه محول بر کیفیتدر. حتی عادی بر ججه ده مدعی عمومی موقت ویا غیر موقت بر توقیف مذکره سنک اصدارینی طلب ایتسه دخی مستنطق حریت فکر ووجدانیه خلل کتیرمز.

جلب مذکره سنده: مضمون علیہک اسمی، اسمی معلوم اولمادینی حالده اوصاف میزه سی تصریح قیلنمش لازمدر. اسمک معلوم اولماسی، یعنی اجرای تحقیقات ممکنه ایله بیلمسی قابل ایسه اوصاف میزه سنی تعریفدن اجتناب ایتمک لازمدر؛ زیرا افراد بیننده تشابه و تمائل ممکندر. بوخالده بغیر حق برینک دیکری یرینه دردست اولنه رق ازعاجی متصوردر. برده استنطاق ایچون دعوت اولنه جق محل ایله یوم و ساعتی ذکر ایتمک لازمدر. بوده

شخص مدعو خدمه ایله برابر کلیوب صکره کله جکندن زریه ونه وقت کلیبی لازم اولدیغنی بیلک ایچون اشبو جلب مذکره سی مورخ و ممضی و مأموریت مهریله محتوم اولمالی. اشبو مذکره لرك صورتلری مطبوع اولغله عینلری درج قیلنمشدر.

«جلب مذکره سی»

صورت: نومرو ۱۴۳ ماده ۹۰

اسم و شهرت سن صنعت محل اقامت تابعیت

.....

جنحه ماده سندن طولانی استجوابی لازم کلن بالاده اسم و شهرتی محزر «فی» اشبو جلب مذکره سنک تبلیغندن اعتباراً یکر می درت ساعت ظرفده اشبو محکمه نك جزا دائره سنده «ویا خود دائره سی مستنطقی نزدند» حاضر بولتماسی اقتضا ایده جکنی اخبار و شاید کلیه جک اولور ایسه حقنده احضار مذکره سی صادر اوله جغنی و ایجاب ایدر ایسه قانوناً حکم غیابی ویریه جکنی دخی اخطاره «ب»

هر مباشر و قوه مسلحه مأمور لرینک مکلف و مجبور اولدقلرینی مبین اشبو مذکره بالتحریر امضا و تمهیر قیلندی. فی سنه

مدعوك امضا محلی

اشبو مذکره نك ظهرنده قانونك ۹۶ و ۹۷ نجی ماده لرینك خلاصه حکملری یازییر.

احضار مذکره سنده: جلب مذکره سنده درج اولنان شرائط درج قیلنه جقدر. او قدرکه بونده مضمون علیک کلیبی مطلوب اولان محل ایله زمان ذکر و تصریح قیلنماز؛ چونکه مضمون علیه خدمه ایله معاً و یا خود در دست

ایدلیکی آنده کتیرلمك لازمدر. بو حالده محل ووقتی تعیین ایتمه محل یوقدر. بونده عدم اجابت حالده قوه مسلحهیه مراجعتله استعانه واعانه اولنمسی طلبی دخی درج قیلینیر.

احضار مذکرهسی

صورت: نومرو ۱۴۴ ماده ۹۱

اسم وشهرت	سن	صنعت	محل اقامت	تابعیت
...

جنحه ماده سندن طولایی استجواب واستماعی لازم کلن بالاده اسم وشهرتی محرر «ف» نام کسنهیی احکام نظامیهیه توفیقاً... بدایت محکمهسی استنطاق دائرهسنه کتورمکه هر مباشر وقوه مسلحه مأمورینک مکلف ولدی المراجعه هر برقریه مختار واعضاسی دخی اقتضا ایدن معاوتی ایفایه مجبور اولدیغنی وایتمدکلی حالده حققرنده نظاماً معامله اولنهجغنی مبین اشبو احضار مذکرهسی بالتحریر امضا وتمهیر قیلندی. فی سنه

محل امضا ومهر

اشبو مذکره نك ظهرنده قانونك ۹۴ نجی ماده سنك حکمی یازیلور.

احضار مأموری طرفدن احضارك تبلیغ اولندیغنی مبین ضبط ورقهسنه دائر

صورت نومرو ۱۴۵

... محکمهسی نژدنده بولنان مدعی عمومی افدینک ادعاسی و محکمه مذکوره مستنطقی... افدینک... تاریخی احضار مذکرهسی موجبجه

ماه حالك بشنجی جمعہ کونی . . . محلدہ ساکن (ب) ك اقامتکاهنه عزیمت اولندی .
 مذکور احضار مذکرهسی حکمنجه مستنطق افندی نزدینه بزمه معاً عزیمت
 ایتمسی، مرقومه بالذات تکلیف و مذکرهیی تبلیغ ایله دیکمده، احکام مندرجه‌سنه
 اجابت و مطاوعت ایتمکله بالاستصحاب افندی مومی الیهک حضورینه کتوردیکمی
 مشعر، اشبو ضبط ورقه‌سی تنظیم و امضا قیلندی . فی سنه
 محل امضا و مهر

۸۷ نجی نومروده بیان اولدینگی وجهله قوه جبریه استعمالی حالده
 احضار مأمورینک تنظیم ایده‌جکی ضبط ورقه‌سنه دأررد

صورت : نومرو ۱۴۶

. . . محکمہ‌سی نزدنده بولنان مدعی عمومی افدینک ادعاسی و محکمہ
 مذکوره مستنطقی افدینک . . . تاریخی احضار مذکرهسی موجبجه ماه حالك
 بشنجی کونی . . . محلدہ ساکن «ب» ك اقامتکاهنه عزیمت اولندی .
 مذکور احضار مذکرهسی موجبجه مومی الیه مستنطق . . . افندی
 نزدینه بزمه معاً عزیمت ایتمسی مرقومه بالذات بیان ایله برابر مذکرهیی
 تبلیغ ایتمدیکمده، احکام مندرجه‌سنه عدم مطاوعتله کلکدن امتناع ایتمسילה حسب
 المأموریه قوه جبریه‌یه مراجعتہ اولان مجبوریتیمده اخطار ایتمدم . ینه مخالفت
 ایتمدیکندن مراجعت ایلدیکم . . . محل ضبطه نفراتنک معاونتیه مرقومی
 در دست ایدوب مومی الیه مستنطق افدینک حضورینه کتوردیکمی مبین اشبو
 ضبط ورقه‌سی تنظیم و امضا اولندی .

محل امضا و مهر

موقت توقیف مذکر سنده دخی احضار مذکر سنده درج قیلنان شرائط یازیلیر. برده هانکی توقیفخانهیه کوندریله جک ایسه ذکر اولغقدها ایودر [١].

موقت توقیف مذکره سی

صورت: نومرو ١٤٧ ماده ٩١

اسم و شهرت	سن	صنعت	محل اقامت	تابعیت
...
«بوی»	«آلن»	«بورون»	«کوز»	«آغز»
	«قاش»	«صاچ»	«وجه»	«چکه»

بالاده اسم و شهرت و اوصاف سائره سی بیان اولنان مظنون علیک موقتاً توقیفنه لزوم کورنمکله مرقومی نظامنه توفیقاً لاجل التوقیف ... توقیفخانه سنه ایصال و تسلیم هر مباشر و قوه مسلحه مأمورینک مأذون بولندینی و توقیفخانه مذکور مدیرینک دخی مرقومی قبول ایله دیگر اشعاره دکن توقیفخانه ده حفظنه مأمور اولدینی و عندالاجرا قوه مسلحه مأمورلرینه مراجعت اولندقده آنلر طرفندن اقتضا ایدن معاونتک ایفاسی لازم کله جکنی مبین اشبو مذکره بالتحریر امضا و تمهیر اولندی. [٢]

فی سنه
محل امضا و مهر

[١] مؤخرأ نشر ایدیلن اللی برنجی ماده قانونیه نك ذیلی موجبنجه مظنون علیه استیجاب اولندقدن صکره مستنطقجه توقیفنه لزوم کورلدیکی حالده اوراق استنطاقیه اوزرنده اولباده ویریه جک قراره اوراق متقرعه سیله معاً رئیس محکمه یه تودیع اولنوره ریاستجه بالتدقیق مصیب ایسه «بجادر» دیه تاریخ و امضا ایله مکفل ریاست مهریه تصدیق، و وکیل ایسه اسبابی بیان ایدرک «توقیفه محل یوقدر» دیه کذلک رد ایله.

[٢] اللی برنجی ماده قانونیه یه ذیلاً نشر ایدیلن فقره نظامیه موجبنجه رئیس محکمه جه توقیف قرارینک تصدیق مقرون اولدینی معلوم اولق اوزره توقیف مذکره لری دخی ریاست مهریه تمیز اولنوره.

غیر موقت توقیف مذکره سندده دخی شرائط محرره دن بشقه اشبو مذکره نك اعطاسنی استلزام ایدن فعل ایله بوفعلك جنحه ویا جنایت اولدیغنه دائر اولان ماده قانونیه درج وتصریح قیلینیر. ایشته بومذکره نك درجه اهمیتنی علاوه ایدیلن اشبو شرائط بیان ایدر. بونده، مدعی عمومینك کیفیت استماعی دخی علاوه ایدیلیر. [*]

اشبو مذکره لرده درجی مقتضی اولان شرائطه عدم رعایت حالنده قانون، اول مذکره لرك حکمسزلکنی بیان ایتیمور. واقعا بورعایتسزلکندن طولایی ۱۰۷نجی ماده کاتب ومستنطق ایله مدعی عمومی حقلرنده ایدیه جك معامله دن بحث ایده یور ایسه ده بونکله برابر اصح اقواله کوره محوٹ عنه اولان رعایتسزلک، مذکره نك حکمسزلکنی دخی موجبدر. فقط مذکره لره قاعده سنه توفیقاً یازیلماقندن طولایی جلی مطلوب اولان شخص، احکامنه اتباعدن امتناع ایدوب ایتمه سی خصوصنده اختلاف وار ایسه ده انتظامك خلل پذیر اولماسنه میدان قالماق اوزره یولنده یازیلمايان مذکره لرك دخی احکامنه تبعیته هرکسك مجبور طوتلسی و فقط دعوت اولنان محله کلندکده الك اول اعتراض اولنق مجاز اولدینی خصوصی قبول اولنمشدر.

غیر موقت توقیف مذکره سی

صورت: نومرو ۱۴۸ ماده ۹۲

اسم و شهرت	سن	صنعت	محل اقامت	تابعیت
...
«بوی»	«آلن»	«بورون»	«کوز»	«آغز»
	«قاش»	«صاچ»	«وجه»	«چکه»

[*] موقت توقیف مذکره لری حقنده اللی برنجی ماده قانونیه ذیلی حکمیجه مشروط اولان اصول تصدیق، غیر موقت مذکره ل حقلرنده دخی جاریدر.

اوراق متفرعه سی، ومدعی عمومینک ادعاسی، نظر مطالعه به آندقدن
 ضکره بالاده اسم و شهرت و اوصاف سائره سی بیان اولنان مظنون علیه
 مرقومه اسناد اولنان سرقت فعلی، جنایت قیلندن اولدیغی قانون جزانک ...
 ماده سنده مصرح بولدیغی جهته کندوسنک توقیفی لازم کلمکه هر مباشر
 وقوه مسلحه مأمورینک مرقومی توقیف و... توقیفخانه سنه ایصال و تسلیه
 و توقیفخانه مذکوره مدیرینک دخی کندوسنی قبول و توقیفه مأمور و مکلف
 اولدیغی و لاجل الاجرا قوه مسلحه مأمورلرینه مراجعتله اشبو مذکره نک
 ابراز و اراءه سی حالده کندولرینک بوباده اقتضا ایدن معاوتی ایفایه مجبور
 بولندقلرینی مبین اشبو غیر موقت توقیف مذکره سی بالتحریر امضا و تمهیر
 قیلندی. فی سنه
 محل امضا و مهر
 کورولمشدر. فی سنه رئیس محکمه

...

۹۵نجی ماده حکمنجه مظنون علیه احضار مذکره سی ویرن مستنطق
 بولدیغی قضا خارجنده ایکی کونلک مسافده بولدیغی حالده اولباده اولان
 مساعدۀ قانونیه ایجابجه احضار مذکره سنک بولدیغی محاده حکمی اجرا
 قلدیغی ومدعی عمرمی طرفدن موقت توقیف مذکره سی ویرلدیکنی متضمن
 احضار مذکره سی ویرن مأموره تبلیغ اولنه جق ضبط ورقه سنه دائردر.

صورت: نومرو ۱۴۹ ماده ۵۹

اولونیه قضا سنده ... محله سنده ... نومرولی خانه ده مقیم کراجی
 مقوله سندن ... یاشنده «ب» نام کمنه نفس یانیه قصبه سنده ... محله سنده
 دکانجی (ح) ک ... سرقت ایتمش اولماسندن طولایی یانیه بدایت محکمه سی
 نزدنده بولنان مستنطق ... افندی طرفدن مرقوم «ب» حقسنده تسطیر
 قیلنان ... تاریخلو احضار مذکره سی، مباشر ... افندی معرفتیه مرقوم

«ب» ه ولونیه ده ملت باغچه سنده تبلیغ وایدیان تکلیف اوزرینه حکومت قوناغنه کلهرک حقنده صادر اولان احضار مذکره سی حکمنجه یانیه یه گوندریله جکی تفهیم اولسدقده یانیه یه اوج کونک اوزاق و بیکانه بولندیغی بر محل اولدیغنه بناء اورایه کوندرملکدن عفونینی طلب ایتشدر . حقنده صادر اولان احضار مذکره سنک تاریخی فی ۱۱ . . . اولدیغی حالده تاریخ تبلیغ ۱۵ . . . اولمانسنه و احضار مذکره سی یانیه مستنطقدن صدور ایتدیگی حالده مرقوم «ب» ولونیه ده بولندیغنه و یانیه ایله ولونیه نك آره سی؛ یکر می ساعتک مسافه بولندیغنه و بوندن بشقه مرتوم (ب) ک جرم مذکور ی فاعل و یا شریک فاعل اولدیغنی ظن ایتدیره جک اوزرنده برکونا اوراق و اشیا بولنادیغنه بناء مرقوم (ب) ک یانیه یه کوندرملکدن عفوی حقنده اولان طلبی؛ اصول محاکمه جزایه قانوننک ۹۵ نجی ماده سی حکمنه موافق کورلدیکندن ماده مذکوره حکمنه توفیقاً مرقوم (ب) حقنده موقت توقیف مذکره سی تسطیر و حکمی اجرا قیلندقدن صکره کیفیتک یانیه بدایت محکمه سی نزدنده بولنان مستنطق . . . افندی یه اخباری ضمنده اشبو ضبط ورقه سی تنظیم و امضا قیلندی .

مدعی عمومی وکیلی

وضبطیه یوزباشیسی

تحریری امرینی حاوی ورقه یه دأردر

صورت: نومرو ۱۵۰

اشبو محکمه نزدنده بولنان مدعی عمومی نك خلاصه ادعاسی؛ . . . دن عبارت اولمغله اولوجهله احکام نظامیه یه توفیقاً هر مباشر وقوه مسلحه مأمورینک کوندوزین محل مذکوره دخول ایله تحریات مقتضیه نك اجراسنه و شاید صاحبی طرفندن ایچ و طیش قاپولرینک کشادی خصوصنده مخالفت اولنور ایسه ایکی قوکشو حضورنده مذکور قاپولرک چلینکیر معرفتیه

آچدیرلسنه مآذون ومأمور اولدقلری لاجل الاجرا قوّه مسلحه مأمورلریته
مراجعتله اشبو مذکردنك ابراز وارانهسی حالنده کندولرینه بو باده اقتضا
ایدن معاوتی ایفایه مجبور اولدقلرینی مبین اشبو تحری امری، امضا
وتختیم قلندی. فی سنه

محل امضا ومهر

کیفیت تحری بی مبین مأمورین طرفدن تنظیم اولنه حق
ضبط ورقه سنه دأردر

صورت: نومرو ۱۵۱ ماده ۱۰۴

حین تحریده حاضر بولنه حق قوکشولرک تعریفی

اسم وشهرت صنعت اقامتگاه

...

...

...

اشبو ۱۲۹۹ سنه سی مایسک . . . کونی بالاده محرر اولان اک یاقین
قوکشولری مواجهه سنده جنایتله مظنون علیه اولان «ب» نام کسنه نك
. . . ده کآن اک صکره کی مسکنه عزیمت اولندی. حامل اولدیغم تحری
امر یله، اصول محاکمات جزائیه قانون موقت نك ۱۰۴ نجی ماده سی احکامنه
توفیقاً تحریات لازمه به ابتدار ایدلکده مرقوم «ب» خانه سنده اولدیغی وهر
کیجه علی المعتاد برلکده اجتماع کاهلرنده اجتماع ایله مکده بولنش اولدقلری
حالده برقاچ کون اول غیبوت ایله مش و نزهیه کیتش اولدیغی معلوم اوله مادینغی
بالاده اسملری محرر قوکشولرندن آکلاشلش اولماسیله کیفیت تحری بی مبین
اشبو ضبط ورقه سنه، مذکور قوکشولرک مواجهه سنده تنظیم ونظامنه توفیقاً
آنلر ایله برابر امضا وتختیم ایله دم. فی سنه
محل امضا ومهر

...

قوڭشورلرک امضاسی

.....

اشبو ضبط ورقه سنی تصدیق ایده جک مأمورک ویره چکی شرح
 کیفیت تحری بی مبین اشبو ضبط ورقه سی کورونمش اولغله بالتصدیق
 برقطعه صورتنک طرفه تسلیم اولندیغنی مبین اشبو محله شرح ویریلهرک
 امضا و تختیم اولندی. فی سنه محل امضا و مهر

اشبو مذکرده اولان عبارۀ قانونیه نک صورتیدر. « بوراده قانونک
 ۱۰۴نجی ماده سی بعبارتها یازیلور. »



اون بشنجی فصل

موقت تجلیه سیل مقننه در

۱۰۸نجی ماده دن آکلاشدیغنی اوزره موقت تجلیه سیل، مظنون علیہک
 کافۀ معاملات تحقیقه ده حاضر بولنمق وحقننه ترتب ایده جک حکم اجرا
 ایدلمک اوزره ایسته ندیکي حالدۀ کله جکنی تعهد ایتمک شرطیه موقتاً سیلی
 تجلیه اولنمق دن عبارتدر.

اشبو موقت تعبیری، مظنون علیہک غیر موقت اوله رق تجلیه سیلندن
 احترازدر؛ مثلاً: مستنطق مظنون علیہک اسناد اولنان فعلی مرتکب اولدیغنه
 بر دلیل و اماره بوله مادیغنی و یا خود بولوب ده اول جرمک مرتکبی اولدیغنه
 قرار ویره بیله جک درجه ده کافی کورمدیکي حالدۀ اول مظنون علیہک منع
 محاکمه سیله تجلیه سیلنه قرار ویرمک کبی که بونوع تجلیه، موقت اولیوب
 قطعیدر.

مقدما مواد جرمیه نك هر نوعنده مذنون علیهلر، كرك استنطاقده
وكركسه محاكمه ائناسنده موقوفاً ودها طوغریسی محبوساً استنطاق و محاكمه
اولنه كلش اولدقلى حالده مؤخرأ بو معامله برأتی تحقق ایدنلر ایچون
برمعامله شدیده ومفرطه كورلمش اولدیغنه وذاتاً مذنون علیهلر، محاكمه نك
نتیجه سنه قدر برأت ایله اتهام ومحكومیت بیننده متردد اولوب جزا دخی
اصل اولان حریتی تقیید وتحدید ایدر بر استئنا اولماسنه بناء هم مذنون
علیهلری برأتلری حالنده اولیه بغیر حق اخلال حریت كبی برحکم ظلمی یه
هدف اولملرندن وقایه ایتك وهمده اسایش عمومی یی خللدن صیانت ایله مك
اساسنی محافظه ایله برابر بویله برقاعده نك وضعنه مجبوریت حاصل اولمشدر.
ایمدی تخلیه سبیل فصلنك احكام عمومیه محتویه سنه نظراً مقدما جنایت
ویا خود برسندن زیاده حبس ایله محكوم اولمش اولانلر مستئنا اولق اوزره
ایکی سنه دن زیاده حبس جزاسنی مستلزم برجنحه ایله مذنون علیه اولوب ده
تحت توقیفه آنان برکیسه، بحق یعنی بلا كفالت تخلیه اولنه بیله جکی و بوندن
بشقه احوالده یعنی مواد جرمیه نك هر نوعنده وتحقیقاتك هر حالنده مذنون
علیهك، قانونك بوبابده اولان احكام مخصوصه سنه توفیقاً كفالت نقدیه اعطا
ایتك شرطیه موقتاً تخلیه سبیلی اجرا قلنه بیله جکی آكلاشیلیر ایسه ده
جنایت عظیمه یی مرتكب اولانلرك بوقاعده دن علی الاطلاق مستفید اولمالری،
مطلوب اولان اسایش عمومی یی تأمین ایده میه جكنه بناء فصل مذكورك جریده
محاكمك ۲۲۶نجی صحیفه سنده مندرج (سلخ) محرم ۹۷ تاریخلو تخریرات عمومیه یه
گوره تفسیر وتشریحی، مقصد ومصلحته اك موافق كورلمشدر. تخریرات
عمومیه مذكوره یه نظراً اولاً: موقتاً تخلیه سبیل، مذنون علیهلر ایچون
حقوق قطعیه دن معدود دكلدر؛ چونكه یوقاروده دینلدیکی وجه اوزره
موقت تخلیه سبیل قاعده سنك اساس وضعی، حریت شخصییه نك محافظه سی
ایله اسایش عمومی نك خللدن وقایه سی مقصدینه منبى در. مذنون علیه ایسه
حقوق طبیعیه سندن اولان حریتنك محافظه سنی طلب ایده بیلیر ایسه ده

اسایش عمومینک خلدن وقایه‌سی حاصل اولوب اوله‌مایه‌جفی نظارتی صرف هیئت اجتماعیه وکالتی حائز اولانلره عائددر. بوجهته مستنطقک موقتاً تخلیه‌سبیلنی استدعا ایدن مضمون علمی تخلیه‌یه قانونده بر مجبوریته صریح‌ه‌سی اولمادینی کبی بیان اولنان قاعده‌یه کوره مجبور اولماسی دخی لازم کلیر. بو صورتده جنحه ایله مضمون علیه اولوب استنطاق ویا محاکمه اولمقده اولان برکیسه، موقتاً تخلیه‌سبیلنی استدعا ایتدیکی حالدده نظر اولنور.

اگر او کیسه، اقامتگاه صاحبی اولوب‌ده مقدما جنایت ویا برسنه‌دن زیاده حبس ایله محکوم اولماش و فعلنک نهایت جزاسی، ایکی سنه‌دن اکیسک حبس جزاسنی مستلزم بولنمش ایسه استنطاقدن بش کون صکره و محاکمه‌ده ایسه اول کیسه‌نک در حال بحق یعنی بلا کفالت سبیلنی تخلیه ایتک، مستنطق ویا محکمه‌نک ید اختیارنده‌در. یعنی مستنطق و محکمه اول کیسه‌ی تخلیه‌سندن طولایی آسایش عمومی‌یه برکونه خلل کلیه‌جکنی حس ایدر ایسه بلا کفالت تخلیه ایده‌بیلیر. بلا کفالتدن مراد، کفالت تقدیه‌در. یوقسه کفالت نفسیه، جزاده نیابت جاری اولماق قاعده‌ اساسیه‌سنه مبنی ذاتاً الغا قیلنمشدر. و اگر اول کیسه‌نک مرتکب اولدینی فعلک جزاسی ایکی سنه‌دن اکیسک اولمق ایله برابر مقدما بر جنایت ویا برسنه‌دن زیاده حبس ایله محکوم بولنمش ایسه بونک بلا کفالت تخلیه‌سی جائز اولمایوب فقط کفالت تقدیه ایله مشروط اوله‌رق تخلیه اولنه‌بیلیر. و اگر اول کیسه‌نک مرتکب اولدینی جنحه فعلی، ایکی سنه حبس جزاسنی مستلزم ایسه مدعی عمومی، بعد الاستماع کفالت تقدیه ایله سبیلی تخلیه اولنه‌بیلیر؛ یعنی مستنطق ویا محکمه، تنسیب ایتدیکی حالدده تخلیه ایده‌بیلیر.

جنایاته کلنجه: بونلرک مسلم اولان اهمیت عظیمه‌لرینه بناءً بونلرده کرک قانونه و کرک قانونی مفسر اولان تحریرات علیه‌لره مغایر اوله‌رق موقتاً تخلیه سبیلک عدم جوازی محاکمه متعامل اولمغله بویولده معامله ایتک کرک‌در. تخلیه‌سبیل استدعاسی، اوج نسخه اوله‌رق یا بیلیر. بونک اصلی، مستنطق

زندان و یا محکمه ده قایلر. بر صورتلری ده مدعی عمومی و شخصی به تبایغ اولنور.
بونده ۱۰۸ نجی ماده حکمنجه بلا کفالت و یا خود ۱۰۹ نجی ماده ایجابنجه
گفالتله تخلیه بی استعدا اتمک خصوصی یازیلیر [۰].

ماده، مستنطقده اولدینی صورتده یازیله حق استعدا

صورت: نومرو ۱۵۲ ماده ۱۰۸

... برایت حکم سی مستنطقده

... ده مقیم (ب) ك عليهم اقامه ایتدیکی ضرب و جرح دعواسندن
طولای حقمده صادر اولوب تبلیغ اولنان ... تاریخلو برقطعه موقت
توقیف مذکره سیله ... توقیفخانه سنده موقوفم. آنجق فعل مذکور، مجازات
تأدیبه بی مستلزم افعال قیلندن اولدیغنه و بنده لری بوندن مقدم هیچ بر
جرمدن طولای مجازات اولنماش اولدیغ کی ذاتاً دائرة علیه لری داخنده
... محله دائمی صورتده مقیم اقامتگاه صاحبی بولندیغمه و بومثلولرک
موقتاً و بلا کفالت تخلیه سییللری، اصول محاکمه جزاییه قاتون موقتک
۱۰۸ نجی ماده سی حکمی اقتضاسندن بولماسنه بناءً موقتاً و بلا کفالت تخلیه
سییل چا کرانه مه مساعده بیورلمسنی استرحام ایلرم.

ماده، محکمه یه باقرارنامه تودیع اولنش بولدیغی صورتده یازیله حق استعدا

صورت اخی: نومرو ۱۵۳ ماده ۱۰۹

... برایت حکم مننه

... طرفندن علیهمه اسناد اولنان حیوان سرقتی ماده سندن طولای

[*] الی برنجی ماده قانونیه نك ذیلی موجبجه موقت تخلیه سییل قرارنامه لری
مستنطقجه ویرلمش ایسه موقت توقیفلر حقنده اولدیغی اوزره تنفیدلری رئیس محکمه نك
تصدیقته منوطدر.

محکمہ علیہ‌ری مستطغانی دائرہ‌سندہ اجرا قیلان تحقیقات نتیجہ‌سندہ، فعل مذکورده ذی‌مدخل اولدیغمہ دائر قرارنامه تسطیر قلنہرق ایشک اجرای محاکمہ‌سی ضمنده محکمہ علیہ‌رینہ حوالہ قلندیگی کبی علیهمہ موقت توقیف مذکرہ‌سی دخی صادر اولہرق . . . توقیفخانہ‌سندہ موقوفم. بندہ‌ری دائرہ علیہ‌ری داخلندہ اقامتکاه صاحبی اولدیغمہ بناءً اصول محاکمہ جزائیہ‌نک ۱۰۸نجی مادہ سنجہ بلاکفالت ویاخود تجویز بیورلمدیگی حالده قانون مذکورک ۱۰۹نجی مادہ سنجہ، کفالت نقدیه ایله تخلیه سیلمک اجراسی بایندہ.

استدعاء مدعی شخصی‌یه تبلیغ و علم و خبری اخذیه اوراقه ربط اولنور. بو حالده مدعی شخصی دخی ۱۱۳نجی مادہ‌یه توفیقاً مطالعاتی مبین محکمہ‌یه ویا مستطقه بر مذکره تقدیم ایدہ بیلور.

صورت: نومرو ۱۵۴ ماده ۱۱۳

علیہنه حیوان سرقتی فعلندن طولانی شکایت ایتدیکم (ب) طرفندن ویریلوب طرفه . . . تاریخندہ تبلیغ اولنان استدعاسندہ: فعل مذکوردن طولایی موقت توقیف مذکره سیله بولندیگی حال موقوفیتدن تخلیصنی طاب ایله مش ایسه‌ده مرقوم (ب) بوندن مقدم ینه حیوان سرقتیه محکوم علیہ اولہرق . . . مدت حبسی اجرا قیلندیغنه و کندوسی حیوان سرقتی اعتیاد ایتدیگی کبی اقامتکاهی اولمایان سرسری کروهندندن بولندیغنه و بو مثلولرک تخلیه‌سی ایسه ازهرجهت محل آسایش و حقوق چاکرانه‌مک ضیاعنی مستلزم بولندیغنه بناءً مرقوم (ب) ک تخلیه‌سی، قانوناً غیر جائز اولمغله بو باده‌کی استدعاسنک ردی ایله موقوفاً استطاقی طلب ایدرم.

قرارنامه - صورت: نومرو ۱۵۵ ماده

. . . فعلندن طولایی . . . توقیفخانہ‌سندہ موقوف بولنان . . . ک طرفزه

ویروب صورت مصدقہ سی مدعی شخصی یہ تبلیغ اولنان . . . تاریخی
 عرضحال ایله مدعی عمومی افدینک ادعاسی نظر مطالعہ یہ آندقدہ محوٹ
 عنہ اولان فعل، مجازات ترہیبیہ مستلزم اولمایوب آجق برسنہ حبسی مستلزم
 جنخہ افعالی قبیلندن اولدیغنه و مرقوم . . . ک برکونا محکومیت سابقہ سی
 اولمادینی کی . . . محلدہ اقامت ایدر اقامتکاه صاحبی بولندیغنه بناء مرقوم
 . . . ک اصول محاکمہ جزائیہ قانوننک ۱۰۸ نجی مادہ سی حکمنہ توفیقاً
 بلا کفالت موقتاً تخلیہ سبیلنه قرار ویرلش اولدیغندن اولوجهله معاملہ
 مقتضیہ نک اجرایی ضمنندہ اشبو قرارنامہ بالتحریر امضا و تمہیر قیلندی.
 اشبو موقتاً تخلیہ سبیل قراری موافق اصول کورولمکله تصدیق قیلندی.
 فی سنہ . . . رئیس محکمہ امضا و مهر

صورت: آخری نومرو ۱۵۶

. . . فعلندن طولای . . . توفیخانہ سندہ موقوف بولنان . . . ک
 طرفزہ ویروب صورت مصدقہ سی مدعی شخصی یہ تبلیغ اولنان . . . تاریخی
 استدعا و مظنون علیہ ایله مدعی شخصی نک بوابدہ کی بیاناتیلہ مدعی عمومی
 افدینک خلاصہ ادعاسی نظر مطالعہ یہ آندقدہ فعل مذکور، مجازات ترہیبیہ
 مستلزم افعال قبیلندن اولمایوب مجازات تادیبہ سی دعوت ایدہ جک جرائمندن
 بولندیغنه ومع مافیہ مرقوم . . . بوندن مقدم . . . فعلندن طولای برسنہ
 محبوسیت کچورمیش اولدینی آکلاشلش اولسنہ مبنی مرقومک اجرا اولنہ جق
 بالجمله معاملات تحقیقہ حاضری بولنق وحقندہ ترتیب ایدہ جک حکم اجرا
 ایدلمک اوزرہ ایستہ نلدیکی حالده اصول محاکمہ جزائیہ قانون موقتک یوز
 طقورنجی ویوز اون بشنجی مادہ لری حکم لرنجہ بدل کفالت اولہرق تقدیر
 اولنان ۲۵۰۰ غروشہ مدعی عمومینک . . . و مدعی شخصینک . . . غروش
 تعیین اولنان مصارف محاکمہ حقندہ مقتضای حکم قانون اجرا قلمق شرطیلہ
 مرقوم . . . ک مکفلاً و موقہ تخلیہ سبیلنه قرار ویرلش اولدیغندن اولوجهله

معامله مقتضیه نك اجراسی ضمننده اشبو قرارنامه بالتحریر امضا وتمهیر
قیلندی . فی سنه

مستنطق طرفدن تعیین اولنه حق بدل کفالت یا فی الحال مال صندوقه
تسلیم اولنور و علم و خبری ابراز اولنور . یا حود بدل مذکور ی ایفایه معتمد
علیه برکفیل و یریلورکه ایکنجی صورتده برکفالتنامه و یرمک لازمدر .

کفالتنامه - صورت: نومرو ۱۵۷ ماده ۱۵

بادی ترقیم کفالتنامه اولدرکه

... جرمندن طولایی ... طرفدن علیهنه اقامه دعوی اولنان و ...
مستنطقی طرفدن حقنده موقه تخلیه سبیل قرارنامه سی و یریلن ... نك
وقوع بوله حق دعوته اجابت ایتک و ایتدیکی صورتده تخلیه سبیلی قرارنامه -
سنده بدل کفالت و مصارف محاکمه اوله رق تعیین ایدیلن ... غروش
بر مقتضای قانون طرفدن تأذیه اولنق اوزره متعهد اولدیغمی مبین اشبو
کفالتنامه اعطا قیلندی .
امضا

کفیلک درجه اقتداری اصولاً مقاولات محررلکندن تصدیق اولنق
لازمدر و آنچه نك صندوقه یا تیرلدیگی و یا اصولاً کفالتنامه ابراز اولندیگی
کورلکدن صکره تخلیه لری نفیذ اولنور .


اقامتگاه انتخابی حقنده سبیلی تخلیه اولنان کیمسه طرفدن و یریله جک
سنده دأردر .

صورت: نومرو ۱۵۸ ماده ۱۱۶

بادی ترقیم سند اولدرکه

... نك علیهنه اقامه ایتدیکی دعوا دن طولایی ... محکمه سی طرفدن
تخلیه سبیلده دأر تسطیر اولنان قرارنامه ایجانجه ایسته نلرکجه اجابت ایتکی

تعهد ایتش و محکمه نك طلب واقعی اوزرینه . . . محله . . . نومرولی
 خانه بی اقامتگاه انتخاب ایله مش اولدیغمدن کړک تحقیقاتک اکالی و کړک علیهمه
 لاحق اوله حق حکمک اجرا سچون محکمه جه دعوتی مشعر بویولده تبلیغی
 لازم کلن اوراق، اقامتگاه انتخاب ایتدیکم مذکور خانه ده تبلیغ اولتمق اوزره
 اشبو سندم امضا واعطا قیلندی .



اون آلتنجی فصل

مستنطق قرارنامه لری حقنده در

مستنطق لری ویره جک لری قرارنامه لری، اوچ نوعدر: برنجیسی، منع
 محاکمه بی، ایکنجیسی، ماده نك قباحت و جنحه محکمه سنه یعنی بدایت محکمه سنه
 کوندر لسی، اوچنجیسی، ماده نك هیئت اتهامیه ارسالی متضمندر. منع
 محاکمه قرارنامه سی هپسندن زیاده حائر اهمیتدر؛ زیرا مستنطق بویابده کی
 قراری، بر حکم قطعیدر. ایکنجیسنک اهمیتی دخی نسبتله دها آذرر. اوچنجیسی، که
 ماده نك هیئت اتهامیه ارسالی متضمندر، اهمیتجه هپسندن آذرر؛ زیرا آنکله
 ماده مکمل بر هیئتک پیش نظر تحقیقات و تدقیقاتنه وضع و تسلیم ایدیلیر.
 منع محاکمه قرارنامه سی، اسناد اولنان فعلک فاعلیته دائر براماره بولمخدینی
 ویا بولنوبده کافی اولمادینی حالده ویریلیر. بر ماده ده مرور زمان بولمخدن ناشی
 دخی مستنطق منع محاکمه یه قرار ویره بیلیر؛ زیرا مرور زمان هر درلو
 دعاوینک استعمالنه مانعدر. فقط قانوناً جزادن معفو اولان صباوت و جنت
 کبی اسباب برائت اوزرینه مستنطق منع محاکمه یه قرار ویره بیلوب ویره.
 مه مسی، قانونده مسکوت عنه بر اعلمش ایسه ده جزاین بسبتون ازاله ایدن
 اسباب معافیتدن برینک وجودنده مظنون علیک منع محاکمه سنه قرار ویرمک

جائز اولسه کرکدر؛ فقط جزایی تخفیف ایدن احوال، هر حالده بوقاعده‌دن مستنادر.

منع محاکمه قرارنامه‌سندن صکره مضمون علیه حقنده فاعلیتی اثبات ایدر براماره ظهوره کلیر ایسه قرارنامه‌نک استرداد ایله ایشک تکرار تحقیق جائزدر. اشبو قرارنامه ایله موقوف اولان مضمون علیه تحلیه‌سنه دخی قرار ویریلیر. اشبو تحلیه، موقت اولمایوب قطعیدر. او قدرکه مدعی عمومی، اسباب قانونیه‌یه مبنی یکریمی درت ساعت ظرفنده تحریراً مذکور قرارنامه علیه اعتراض ایده‌بیلیر. كذلك مدعی شخصی ومضمون علیه دخی اعتراض ایده‌بیلیر. بونلرک اعتراضه صلاحیتلری اولان احوال ایله مدت اعتراض ومدت مذکورک مبدئی حقنده ۳۰نجی ماده‌ده صراحت وارددر؛ [*] فقط بو مدتک مرورندن صکره اعتراض اولنه‌میه‌جنی کبی صور اخیری ایله دخی نقض ادعاسی جائز اوله‌ماز. یعنی بومثللو برائت قرارنامه‌لری احکامی، تمیز ایدیله‌مز؛ زیرا تمیز، یالکز مسائل قانونیه حقنده جاری اولوب اماراتک وجود وعدمی، ضعف وقوتی کبی احوال، تقدیر وقوعاته مستند اولمغله تدقیق، محکمه تمیزک وظیفه‌سی خارجنده‌در؛ فقط اسناد اولنان فعلده اثر جرم اولمادیغنه متدائر اولان ولسان قانونده عدم مسؤلیت تعبیر اولنان قرارنامه‌لر، مسائل قانونیه‌یه مبتی دیمک اولمغله قابل تمیز اولور.

قرار مذکور، مدت اعتراضک ختامنده و اعتراض وقوعنده اعتراضک حلنده اجرا اولنور. شو قدرکه قضالرحه جنایاته دأر ایدیلن منع محاکمه قرارنامه‌لری، لوا مدعی عمومی‌سنه کوندرلمه‌دن مدت قانونیه ختام بولسه دخی موقع اجزایه وضع اولنماسی، مصلحت عامه قاعده‌سنه مبنی قاعده اتخاذ اولنمشدر. مدعی عمومی، مدتنده اعتراض ایتمه‌مکدن ناشی مسؤل اولور

[*] اشبو ماده مقامنه قائم اولقی اوزره اخیراً نشر اولنان ماده قانونیه‌ده مدعی شخصی ومحلی مدعی عمومی معاونلری ایچون مدت اعتراض اوج کونه واستیناف مدعی عمومی‌لری ویاخود قضالرحه نسبتاً لوا مدعی عمومی معاونلری ایچون برآه ابلاغ ایدلمشدر.

ایسهده مسئولیت واقعه‌نک مظنون علیه حقننده برکونه تأثیری اوله‌ماز؛ یعنی مظنون علیه استفاده ایده‌مز. دعوانک بدایت محکمه‌سنه نقلی متضمن قرارنامه دخی ماده‌نک جنایت اولمایوب قباحت و جنحه اولدینی حقننده وقوع بولان تقدیر اوزرینه ویریلیر. بو تقدیر ایسه قطعی عد اولمایوب تعدیله قابل اولدیندن محکمه، وظیفه‌سی خارجنده اولمقدن ناشی آخر محکمه‌یه حواله‌سنی امر ایدر. مخالفت و اعتراض وقوعنده بوندن طولایی ظهوره کن صلاحیت دعوی و محاکمه‌سنی رؤیت ایله قرار ویریر. بو قرار دخی تمیز اولنه بیلیر. جنایتله متهم اولان برمراهقک، اعدام، مؤبد کورک، قلعه‌بندک ونفی ابد جزالینی مستلزم ارتکاب ایتدیکی افعالن ماعدا جرائمدن طولایی فعللری جنایت اولدینی حالده جزالری جنحه اوله‌جنی ایچون جنحه محکمه‌سنه گوندرملری جائدر. حتی یوز یکریمی سکرنجی ماده احکام و معاملاتتی اجرا ایتپه‌رک طوغریدن طوغری‌یه گوندرمک دخی جائز اوله بیلیر.

ماده‌نک هیئت اتهامیه‌یه گوندرلمسنی متضمن قرارنامه دخی ماده‌نک جنایت اولدینی حقننده وقوع بوله‌جق تقدیر اوزرینه تسطیر قیلینیر. مستنطقلرک اشبو تقدیرلری، یالکز جرمک نوعنه منحصر اولور. یوقسه اول نوع تحتنده مندرج درجات مختلفه‌یی تقدیره و بنا برین آکا کوره حکم ویرمه‌ک مأذون اولمایوب بوجهت، یعنی اسباب شدت و معذرتی تقدیر ایتمک، محکمه‌له عاڈ بروضیفه‌در. بوجهتله قتل کبی برجنایتله مظنون علیه اولوب‌ده معذور اولان برکیسه‌نک درجه معذرتیجه کوره‌جکی جزا جنحه قیلندن اولسه دخی ماده، مادامکه اساساً جنایتدر؛ ینه محکمه جنایتله گوندریلیر. کذلک جرائم مشترکه‌ده، مجرملردن بری جنایتله و دیگری جنحه ایله اتهام اولنمش اولدینی حالده بونلری تفریق‌له جنایتی، هیئت اتهامیه‌یه و جنحه‌یی، جنحه محکمه‌سنه گوندرمک جائز اولمادینی کبی هیئت اتهامیه دخی اشبو وظیفه‌سنی ایفا ایتدکن صکره جنایتی، جنایت محکمه‌سنه و جنحه‌یی، جنحه محکمه‌سنه گوندرمک جائز اوله‌ماز.

«جریده‌نک ۷۵۷نجی صحیفه‌سنه باق.»

اشبو قرارنامه لری، مدعی عمومینک تحریری بر ادعای نامه سی زیرنده یازیلیز.
اشبو ادعای نامه ده مجرمک اسم و شهرتی سن و صنعتی، محل اقامتی و جرمک
خلاصه سیله جرمی مثبت و مصدق ضبط ورقه لری وار ایسه آنلرک خلاصه لری،
مستنطق طرفندن اجرا قیلنان تحقیقات اوزرینه حاصل اولان امارات
و بونلره مبنی ماده نك اصول محاکمه جزائیة ایله قانون جزاچه تماس ایتدیکی
ماده قانونیه تصریح و جرمک نوعی تعیین ایتک و ماده جنایت ایسه آکادائر
اولان اوراقك اصولاً عائد اولدیغی مدعی عمومی یه کوندرلسی ضمنده
مستنطق طرفندن کندینه ارسالی طلب ایله مک، جنحه ایسه جنحی رؤیت
ایدن محکمه زردینه کوندرلسنی ادعا ایله مک خصوصاتی درج اولنور .

قرارنامه لری ده دخی کذلک مجرمک اسم و شهرتی، سن و صنعتی، مولدی،
محل اقامتی و ماده نك خلاصه سیله جرمک مثبت امارات کافیه بولنوب بولنمادیغی
و ماده نك تماس ایتدیکی مواد قانونیه ایله جنایت ایسه هیئت اتهامیه یه، جنحه
ایسه جنحه محکمه سنه کوندرلسی لزومی درج قیلنیر .

اشبو قرارنامه لری مدلل اولماسی حقنده قانون برشی سویله میور ایسه ده
منع محاکمه قرارنامه سی، مطلقاً مدلل اولمق لازمدر؛ زیرا بر کیسه نك ازاله
مجرمیتنی حکم ایدر. بنا برین مدلل اولماز ایسه کأن لم یکن حکمنده در.

مستنطقلر هر خصوصده حریت فکر و وجدانلرینی محافظه ایدرلر؛
یعنی بر ماده یه، تقدیر وجدانلرینه کوره قرار ویره بیایرلر. او قدرکه اشبو
قرارنامه لری علیهنده ۱۳۰ نجی ماده موجبجه یکریمی درت ساعت طرفنده
اعتراض اولنه بیله جکدر. مع هذا اشبو مدتدن صکره قرارنامه لری صورت
قطعیه کسب ایتهلری ده مطلق دکدر. بومسئله، قرارنامه لری نوعنه کوره مخالف
ایدر. اگر قرارنامه جرمک افعال ممنوعدن اولما مقدن، یا خود اولوب ده
جرم واقع فسخ و الغا اولنمش اولمقندن ناشی منع محاکمه قرارینی حاوی ایسه
مدت اعتراضدن صکره صورت قطعیه کسب ایدر؛ چونکه بوبابده ویریلن
قرارنامه، قانونده ماده صریحه بولنمقندن ناشیدرکه بونده قصد و خطا اولسه

دخی بین اولدیغندن قانوناً تعیین اولنان مدته اعتراض اولنه ییلیر؛ - امانع محاکمه قرارنامه سی، ماده ده مرور زمان اولمقدن، یا خود دلائل و امارات بولنمقدن و یا بولنوب ده کافی اولمقدن ناشی ویرلمش ایسه - چونکه بونلرک خلافتی ثابت اولق محتمل اولدیغندن بوبانده ویریله جک قرارنامه لر، موقت کبیدر؛ یعنی: مرور زمانی مذیل بر سبب درمیان اولدینی، یا خود یکی بر دلیل و اماره ظهوره کلدیکی و بوحال، دعوی حقی مدتنده اولدینی؛ یعنی: دعوی، مرور زمان ایله ساقط اولمادینی حالده تکرار اعاده تحقیقات ایله محاکمه جائزدر. مگرکه دعوی حقی ساقط اولور ایسه اصول محاکمه یه مغایرتدن ناشی علیهنده اعتراض اولنان قرارنامه لر، مدت قانونیه سندن صکره صورت قطعیه کسب ایدر؛ فقط مغایرت واقعه اساساً مدعی عمومی نی استماع ایتهمک کبی بر مغایرت ایسه اولبانده ویریله جک قرارنامه، هیچ بروقت صورت قطعیه کسب ایده مز. مستنطق، اجمال تحقیقاتدن صکره اوراقی تسلیمی حاوی بر قطعه مذکره ایله مدعی عمومی معاوننه تبلیغ ایدر. مدعی عمومی معاونی دخی تحقیقاتده بر نقصان کورور ایسه نقصانلری بیانله اجرای تحقیقات ایتهمسی مستنطق مارالبیان مذکره سی زیرنده تحریراً طلب ایدر. اگر بر نقصان یوقسه و یا اولوب ده اجمال ایتدیرلمش ایسه ادعاینامه سی تنظیم ایدر. مستنطق قرارنامه لر، اساساً یا لزوم محاکمه یه، یا خود منع محاکمه یه متدائر اولور.

منع محاکمه قرارنامه سی دخی ایکی درلو اسبابدن نشئت ایدر. بریسی: اسناد اولنان فعلده اثر جرم بولنمقدن ناشی ویریلن عدم مسئولیت قرارنامه لر، ایکنچیسیده: مضمون علیک اسناد اولنان فعلی ایشلدیکنه دائر اماره بولنمقدن و یا بولنوب ده کافی کورولمه مکدن طولای اعطا اولنان منع محاکمه قرارنامه لر ایدر.

بونلردن لزوم محاکمه قرارنامه لر، عائد اولدقلى محکم لره کوندرلمکده اولدیغنه وعدم مسئولیت قرارنامه لر، قابل تمیز بولدیغنه بناءً بوا یکی نوع

قرارنامه‌ری، طرق قانونیه‌لرینه توفیقاً تصحیح و اکمال اولنه بیلیر. فقط فقدان دلالتیه مبتنی اولان منع محاکمه قرارنامه‌ری، ذاتاً قابل تمیز بولنمادیغندن مدعی عمومی‌له حق اعتراضی اولانلر، اعتراض ایتدیگی وقت لازم‌الاجرا حالنه کیرایدی. مؤخرأ اجرا ایدیلن تجارب نتیجه‌سی اوله رق اصول محاکمات جزاییه قانون موقنک اللی برنجی ماده‌سنه نشر اولنان ۲۱ کانون اول ۳۰۱ تاریخلی ذیلی حکمنه توفیقاً فقدانیه دلیل و اماره‌یه مبتنی اولان بومثللو قرارنامه‌لرک اجرای حکمی، رؤسای محاکمک تصدیقنه تعلق بیورلمشدر.

ذیل مشروحه نظراً مستنطق، اوراق تحقیقیه‌یی یوقاروده یازلدیغی اوزره مدعی عمومی‌یه تبلیغ ایتدکن صکره فقدانیه دلیل و اماره‌یه مبتنی تنظیم ایده‌جکی قرارنامه‌یی، اوراق موجوده تحقیقیه ایله معاً رئیس محکمه‌یه کوندیریر. رئیس محکمه دخی بالتدقیق تصدیق ایدر ایسه مستنطق او حالده قرارنامه‌سنی ومدعی شخصی و ارایسه معامله تبلیغیه‌سنی بعدالایفا اجرای حکمی ایچون مدعی عمومی معاونلکنه تبلیغ ایدر. تحقیقاتی نقصان کورور ایسه اکمال تحقیقاتی تحریراً ایدر. مستنطق، بوجه امر اکمال تحقیقاتله قرارنامه‌یی او یولده تنظیم ایلر، یاخود رئیس محکمه، مستنطق غیرکافی کوردیکی اماراتی کافی کوردیکنی تحریراً بیان ایله‌دیک حلالده مستنطق، قرارنامه‌سنی کیرو آوب بر موجب امر، لزوم محاکمه قرارنامه‌سی تنظیمه مجبور اولور.

مدعی عمومی، ادعایه‌سنده بیان ایده‌جکی رأی و مطالعه، تقدیر احوال و وقوعاته مربوط اوله رق مضمون علیک اسناد اولنان فعلی مرتکب اولدیغی، یاخود بری‌الذمه بولندیغنی بیانده متساویاً مختاردر؛ زیرا مدعی عمومی، حذف مضاف تقدیریه مدعی حق عمومی تقدیرنده‌در. بونده‌کی حق عمومی‌یه کلنجه: معلومدرکه هرکسک بقا و تمامیت وجودینی ایسته‌مکه حق اولدینی کبی بونک لوازم و متمامندن اولان حریت حرکت و استراحتنی دخی ایسته‌مکه حق وارددر. حالبوکه اساساً متحد اولمق جهتیله برکناهارک، سربست

بر اغلیایوب مقید بولندیرماسی نصل که مطلوب ایسه بر بی کناھک دخی دوچار اولدینی حال مظلومیت و مغدوریتدن تخلیصی دخی عینیه ملتزمدر؛ چونکه بر جانینک سربست کزمنسی، افکاره کلن بعض چرکین ملاحظات حسبیه نصل که هرکسک توحشنی و بنا برین حریت حرکتنی سلب ایده یور ایسه، بر مغدورک حال مغدوریتدن تخلیص اولنماسی، دخی عمومه بغیر حق مؤاخذات و تعرضاتدن عدم مصونیت فکرنی القا و بناءً علیه حریت استراحتنی احما ایدر. بوصولده مدعی عمومی مجوٹ عنه اولان حتی اظهار ایله مکلفدر. او حق ایسه، استر مظنون علیهک اتھامی، استر ایسه عدم مسئولیتیه حاصل اولسون؛ ایکسی دخی مساویدر.

ادعاناامه - صورت: نومرو ۱۵۹ ماده ۱۲۸

... ده نمازگاہ محله سنده ... نومرولی خانه ده مقیم حسن آغانک خانه سندن بعض اشیانک ماده سرقننده معاونتله مظنون علیه اولوب اوراق تحقیقیه سی ... تاریخنده طرفه تبلیغ قیلینان ... ده مقیم ... یاشنده قایقچی سلیمانک کیفیت معاوتی حقنده اولان صور تحقیقیه نظرأ مرقوم سلیمانک ماده معاونتده مدخلی - اولدینی، دلائل و امارات تعداد ایدیلهرک - اکلاشلشدر .

مرقومک جرم واقعی، قانون جزانک ایکی یوز اوتوزنجی ماده سنک فی ۳ جمادی الاخری ۱۲۷۷ تاریخلو ذیلی احکامنه کوره مجازات ترهیبیه یی مستلزم جنایادن اولغاله مرقوم سلیمانک اولوجهله فعل مذکورک فاعلی اولدیغنه قرار ویرلہسنی طلب و ادعا ایلرم .

قرارنامه - صورت: نومرو ۱۶۰ ماده ۱۲۸

... ده واقع نمازگاہ محله سنده ... نومرولی خانه ده مقیم حسن آغانک خانه سندن اشیا سرقت ایدن ... و ... و ... نام کمنسہ لره ماده سرقنده

معاونت ایله مطنون علیه اولان . . . ده متولد و محل مذکورده مقیم . . .
 یاشنده قایقچی سلیمان بن علی حقهده مجازات قانونیه اجرایی طلبنی حاوی
 . . . تاربخلو مرقوم حسن آغا طرفندن ویریلن شکایتنامه، مدعی عمومی
 معاوندکی جانبدن حقهده تحقیقات اجراسنه دأر طلبنامه ایله تودیع اولمقدن
 ناشی مرقوم سلیمان بالجب اجرا قیلینان استنطاقده اسناد اولنان ماده معاونتده
 مدخلی اولدیغنی انکار ایله مش ایسهده اصل سارقله، مرقوم سلیمانک
 گندیلرینه معاونت ایتدیکنی یعنی: قویی آچق ایچون آناختار یاپدیروب
 ویردیکنی و خانهدن سرقت وقوعه قدر خارجهده قلاغوزلق ایدوب کیره جک
 چیه جق ونهایت کیده جک یوللری ارا نه ایتدیکنی سویله مش اولمالرینه
 و مرقوم سلیمان، اصلا آناختار یاپدیرمادیغنی سویله دیکی حالده لاجل الشهاده جلب
 اولنان . . . ده مقیم . . . یاشنده اهالیدن احمد افندی ایله اخیراً استجواب
 اولنان تیمورجی ابراهیم اوسته نك صورت افاده لرینه کوره مرقوم تیمورجی ابراهیم
 بال مومی پارچه سندن متشکل بر نمونه کتیره رک آناختار یاپدیریغنی و مرقوم
 سلیمان، وقوعات کجه سی . . . ده واقع یالی قهوه لرنده بولنوب او کجه آطیه
 کیتش اولان مصطفی بکک اشیا سنی خانه سنه نقل ایدن حاملره دلالت ایتدیکی
 صروده . . . نام چشمه ده شاهد اولمق اوزره جلب واستجواب اولنان . . . ده
 مقیم . . . یاشنده ابراهیم افندی به تصادف و کندیسی ایله قونوشمادیغنی سویله مش
 اولدیغنی حالده مرقوم ابراهیم افندی، نتیجه جوابنده وقوعات کجه سی مرقوم
 قایقچی سلیمانی قایقله آوه کوتورمک اوزره تکلیف ایتش ایسهده خلاف معتاد
 اوله رق او کجه موافقت ایتدیکنی و سرقت صرهنده حسن آغانک خانه سی
 قپوسی اوکنده دیکلمش اوله رق اوتیه برویه باقمقده اولدیغنی حالده کوردیکنی
 و بر آز صکره تکرار عودتده . . . چشمه سنده آرقه سنده اشیا یوکلو بر قاج
 کسنه به دلالت ایتدیکنی و عندالسؤال مصطفی بکک اشیا سنی خانه سنه نقله
 دلالت ایله دیکنی سویله مش اولدیغنی بیان و اخبار ایتش اولماسنه و مومی ایله
 مصطفی بکک وقوعات کجه سی آطه دن عودت ایتدیکی لاجل الشهاده جلب

ایدیلن . . . ده مقیم . . . یاشنده قایقچی اسماعیل نام کیسه؛ مرقوم سلیمانک لهنده استعمال لسان ایتک ایسته دیکی حالدہ مومی الیه مصطفی بکک او کجه عودت ایتمه مش اولدیغنی بیانله سلیمانک افاده سنی تکذیب ایله مش اولدیغنه و مرقوم قایقچی سلیمان، خرسزلق و یا یتاقلق ایدر کروهدن دکلسه ده مرقوم حسن آغا، کندوسندن استنکاح ایتدیکی قیزی ویرمه مسندن ناشی کندوسنه وجودی شاهدان مرقومان احمد و ابراهیم افندیلرک افاده لرله مثبت اولان عداوت سائقه سیله بویله بر فعلی ارتکاب ایتمش اولماسی وارد خاطر بولماسنه منی سلیمانک اولوجهله مرقوم حسن آغانک خانه سندن اشیا سرقت ایدن و . . . نام کمنه معاونتله اسباب و وسائلی تهیه ایتمش اولدیغنی تحقق ایله مش و بوحرکت واقعه سی قانون جزانک ۲۳۰ نجی ماده سنک ذیلی احکامنه توفیقاً مجازات ترهیدیه نی مستلزم جنایاتدن بولنش اولغله اصول محاکمه جزائیه نک ۱۲۸ نجی ماده سی موجبنجه جنایتله لزوم محاکمه سنه و . . . محکمه سنده محاکمه سی اجرا قیلنق اوزره ماده مذکوریه نی مثبت اولوب نوع و عددی لفاً تقدیم قیلینان پوصله ده تعیین ایدیلن اوراقک هیئت اتهامیه نزدیکه کوندرلمسی ایچون . . . مدعی عمومی معاونلکنه تودیغنه قرار ویرلدی. شو قدرکه جنحه افعالی، طوغریدن طوغری محکمه یه تودیغ ایدیه جکندن قرارنامه نهایتنده مرقومک . . . ماده حکمنجه جنحه ایله لزوم محاکمه سنه و . . . بدایت محکمه سنده اجرای محاکمه سی ضمننده اشبو قرارنامه ایله متفرعاتنک ملفوف پوصله موجبنجه . . . مدعی عمومی معاونلکنه تودیغنه قرار ویرلدی. امضا مهر

(جنحه یه متعلق قرارنامه دخی عینیه بویله یازیلیر)

منع محاکمه یه دائر قرارنامه ایسه آتیده محرر صورتده یازیلیر

صورت: نومرو ۱۶۱ ماده ۱۲۳

. . . ده مقیم «ب» امضاسیله . . . تاریخنده ویریلوب مدعی عمومی

معاونت کی، تحقیقات اجرایی طلبی متضمن طلبنامه سیله تودیع اولنان شکایتنا. مهده کذار ایدن ۱۲۹۵ سنه سنده... کوننده متصرف اولدینی... دده واقع باغچه سنده مغروس الما و آرمود آغاچارندن بش عددینی کوکلرندن چیقازد رق اخذ و غضب ایدن... ده مقیم... یاشنده... صنعتیله مألوف... ح... نام کمسنه حقنده مجازات قانونیه اجراییه برابر ایقاع ایتمش اولدینی ضرر و زیانک تضمینی طلب و شکایت اولنماسندن ناشی مرقوم «ب» جلب و استجواب اولدوقده اسناد اولنان فعلک کندوسندن صدورینی انکار ایتمش اولدیغنه، و ذاتاً ایقاع اولدینی ادعا اولنان جرم، قانون جزانک ۲۵۳ نجی ماده سی حکمنجه جنجه قبیلندن اولوب زمان ایقاعی ۱۲۹۵ سنه سی اولدینی حالده مرقوم (ب) ۱۲۹۹ سنه سنده شکایت ایله مش و شو حالده جنجه قبیلندن اولان جرائمندن متولد حقوق عمومی و شخصییه دعوالرینک اقامه سچون موضوع اولان اوچ سنه مرور ایتمش بولنماسنه بناءً مرقوم (ح) علینده محاکمه یه محل اولمادیغنه قرار ویریلهرک منع محاکمه یی متضمن اشبو قرارنامه، تسطیر قیلندی. بچادر. فی سنه امضا (ریاست مهری)

یاخود

اگر دعواده مرور زمان یوغیسه و یاخود مرور زمانی ازاله ایدر برسب و ارایسه بالارانه تحقیقاته دوام اولنماسی ضننده اشبو قرار اعاده اولنور. فی سنه امضا (ریاست مهری)

و یاخود

قرارنامه، فقدان دلایله مستند ایسه - ضابطه ژورنالنده و یامشبتکنک استنطاقنامه و یا افاده سنده - فلان و فلانک دخی معلوماتی اولدینی آکلاشدینی حالده جلب اولنماش اولمغله جلیبیه اکیال نقصان اولتمق اوزره قرار واقع کیرویه آنهرق اعاده قیلندی. فی سنه امضا (ریاست مهری)

ویا خود

قرارنامہ، اگر عدم کفایت دلائلہ مستند ایسہ استحصال اولنان دلائلہ،
 لزوم محاکمہ قرار لرینی اعطایہ کافی اولغلہ دلائل مستحصلہ یہ استناداً لزوم
 محاکمہ قراری ویرملک اوزرہ اشبو قرارنامہ اعادہ اولندی. فی سنہ
 امضا (ریاست مہری)





قسم ثانی

قبایسته دأر اولانه معاملات و امطام مقننه در

برنجی فصل

بدایت حکمه لرینه تسطیر قیلینه مه هلبنامه لره دأر در

اشبو جلبنامه لرك حكمی، ۱۴۳ نومروده بیان اولنان قواعد تابعدر. برده بونلرده مدعی عمومیلک وظیفه سنی ایفا ایدن مأمورک و یا مدعی شخصینک طلبی شرطدر. حتی مدعی شخصی، یا خود شاهد صفتیه محکمه بدایته کلمش اولوبده اصولاً جلب اولنماش اولاندر علیه اقامه اولنه جق دعوی اوزرینه دخی محاکمه لرینه باقلماز.

صورت تحریرلری دخی مذکور نومروده محرر صورتدن فرقلی دکلدر. اشبو جلبنامه لره، یکریمی درت ساعتدن اول تسطیر قیلینه ماز؛ فقط مواد مستجاده یا فی الحال، یا خوددها آز و قتده تسطیر اولنه بیلیر. مستجیل اولان موادک تعیینی، حکامک وجداننه احاله اولمشدر.

صورت: نومرو ۱۶۲ ماده ۱۳۶

اسمی بالاده محرر «ب» ک قانون جزانک ۲۵۷ نجی ماده سی احکامنه مخالف وقوعبولان حرکشدن طولای جلب و محاکمه سی ایجاب ایلمش اولنغبه

مرقوم «ب» ایسه قرعه سی اصابت ایتمش افراد نظامیه دن اولق و یارینکی کون طابور یله متهی عزیمت بولنق جهتیله اصول محاکمه جزایه نك یوز اوتوز آلتنجی ماده سنك فقره اخیره سی احکامنه توفیقاً مستجلاً جلی، .. محکمه سی نزدنده مدعی عمومی وظیفه سنی ایفا ایدن ضبطه یوزباشیسی طرفندن طلب اولنمش و طلب واقع، موافق قانون کورولمشدر. بناءً علیه مرقوم «ب» ک بوکون ساعت بشده خدمه معرفتیله ... ده واقع حکومت قوناغنده ... بدایت محکمه سنه مخصوص او طه یه کتیرله سی مطلوبدر .

امضا
«محکمه»

...

ایکنجی فصل

طرفینک محکمه کلمه لری ایچونه کوندریلرجهك عادی برضیره دأردر

قانون، طرفینی عادی بر خبر اوزرینه کلمه لری خصوصنده مخیر براقیر. بوده طبیعیدر؛ چونکه قانون، اختلافات متکونه بی تألیفه موضوعدر. رضایه تعلق ایدن احواله قاریشماز. حتی عادی بر خبر اوزرینه کلمک اختیاری، جنحه ماده لرنده دخی جاریدر.

مخیر لفظندن، عدم مجبوریت آکلاشیلیر؛ یعنی عادی بر خبر اوزرینه دعوت اولنان طرفین، عدم اجابتلرندن طولایی حکم غیابی کبی بر مجبوریت معنویه قانونیه ایله تهدید اولنمازلر. حکم غیابی، آنجق جلبنامه ایله صورت رسمیه ده مدعو اولوبده کلمه نلر حقنده اجرا قیلینیر .

ایشته شو صورتله جلبنامه ایله عادی بر اخبارنامه بیننده اساسلی برفرق حصوله کلدی . بوندن بشقه عادی بر خبری متضمن ورقه، جلبنامه نك تابع

اولدینی قواعد و مراسمدن هیچ برینه تابع دکلدر؛ یعنی: عادی براخبار، حاکم طرفندن عادی برکاغد اوزرینه یازیلیر. نه مدت، نه مضارف، نه ده تبلیغ قواعدینه تابعدر؛ فقط عادی برخرده دخی مدعی عمومی، یاخود مشتکی ویا مدعی شخصینک طلب و ادعاسی شرطدر.

صورت: نومرو ۱۶۳ ماده ۱۳۷

بالاده اسمی ایله اقامتکاهی محرر (ب) نام کسنه‌نک قانون جزانک ۲۵۸ نجی ماده‌سی احکامنه مخالف وقوع بولان حرکتندن طولایی کندوسیله محاکمه اولنماسی ایچون... ده مقیم مشتکی (ج) طرفندن اصول محاکمه جزائیته‌نک ۱۳۷ نجی ماده‌سی احکامنه توفیقاً جلی طلب اولنمش اولغله مرقوم «ب» ک بوکون فی الحال، (یاخود... ساعتده) ... ده واقع بدایت محکمه‌سنه کلسی اخطار و اخبار اولنور.

اوچنجی فصل

مظنون علیه طرفندن سببیت ویریلن ضرر و زیانی تقدیر ایچون بدایت محکمه‌سنه ویریله‌جک ادعا نامه‌یه دا‌ردر

اشبو ادعا نامه، مدعی عمومی ایله بو وظیفه‌نی ایفا ایله مکلف اولانلر، یاخود مدعی شخصی طرفندن ویریلیر.

صورت: نومرو ۱۶۴ ماده ۱۳۸

... ده مقیم (ب) ک قانون جزانک ۲۶۱ نجی ماده‌سنه مخالف اوله‌رق ... ده مقیم (ح) ک ... ده واقع متصرف اولدینی مصر مزروع تارلاسنه ایرات

ضرر ایتدیکندن اصول محاکمه جزائیه نك ۱۳۸ نجی ماده سنه توفیقاً زیان واقعك کشفیه تقدیرینی، مرقوم (ج) ك شکایت واقعسی اوزرینه . . . بدایت محکمه سی ریاستندن طلب وادعا ایدرم.

اشبو ادعایانه اوزرینه کشفی متضمنه یازیلیر. ضبط ورقه سنه داور

اشبو کشف و تقدیر خصوصنی، قانون، بدایت محکمه سنك هیئت عمومی سنه احاله ایدیور. بو وظیفه، رئیس محکمه یه کوره عادی بروظیفه اولدیغندن رئیسك بالذات بونکله مشغول اولماسی ایجاب ایتمز؛ فقط ایشك دوچار تأخرات اولماسی ملاحظه سنه مبنی رئیس محکمه نی نظارتله مکلف قیلار. بناءً علیه رئیس محکمه، ایجاب حاله کوره یابالذات اجرای کشفیات ایدر، یاخود بشقه لرینه ایتدیریر؛ یعنی: اهل خبره دن بر ایکی کشی تعیین ایله آنلره نظارت ایتك اوزره برده اعضا تعیین ایدر و کشفی اهل خبره یه احاله ایتدیکی حالده طوغری تقدیر و تعیین ایله بلا خلاف سویله یه جکلرینه داور اهل خبره یه یمین ویریلیر. مضمون علیه و طرفینه ده خبر کوندریلیر. حاضر ایسه لر حضور لرلنده، وکلدکاری حالده غیابلرنده اجرای کشفیات ایدیلیر.

فقط اشبو کشف و تقدیر، ایلروده مدار حکم اوله جغندن، محکمه کشفه قرار ویردیکنی و محل ایله زمان اجتماعی، طرفینك حضورینی و اهل خبره وار ایسه آنلرك دخی اسامیسنی مبین اولجه بر کشف قرارنامه سی تسطیر و طرفینه تبلیغ ایتك لازمدرکه کشف معاملاتنی منتظم اولوب قابل اعتراض اولماسون. (بو باده یازیله حق کشف قراری ایچون ۲۵ نومرویه مراجعت اولنه). محکمه نك تنظیم ایده جکی، یاخود بشقه لرینه ایتدیره جکی ضبط ورقه سنده بونی تقدم ایدن ادعایانه نك مندرجاتندن بحث ایتدکن صکره کیدیلن محلی تعریف ایتله. طرفین حاضر ایسه لر حضور لرلنده، دکل ایسه لر، غیابلرنده اجرای کشفیات قیلندیغی و اهل خبره وار ایسه آنلرك تحلیفی اجرا قیلندیغی و افاده لری ایله تقدیر ایدیلن ضرر و زیانك مقداری یازیلیر. بعده یازیلان

ضبط ورقه سی، اهل خبره و طرفین حضورنده قرائت اولنور، کندولرینه امضا ایتدیر یایز. امضا ایتمک بیلدک لری، یا خود بیلوبده ایسته مدک لری حالده کیفیت ذکر اولنور.

صورت: نومرو ۱۶۵ ماده ۱۳۸

... بدایت محکمه سنده مدعی عمومی وظیفه سنی ایفا ایدن ضبطیه یوز باشیسی طرفندن ویریلن ... تاریخلو ادعای نامه ده ... ده مقیم (ق) ک قانون جزانک ۲۶۱ نجی ماده سنه مخالف اوله رق ... ده مقیم (ج) نام کسنه نک متصرف اولدینی ... ده واقع مصر مزروع تارلاسندده ایراث ضرر ایتمش اولماسندن طولای و قوع بولان زیانک تعیین و تقدیری طلب ایدلمش اولماسی اوزرینه مذکور تارلانک بولندینی ... ده واقع ... تسمیه اولنور صحرا ده صحرای مذکور بکجیسی ... ده مقیم (ع) اهل خبره اولوق اوزره استصحاب اولنهرق منازع فیه اولان مذکور تارلایه کیدلمشدر .

لدی المعاینه، مذکور تارلان، فی الواقع مصر مزروع اولوب الی سانتیمتر و قدر نشو و نما بولمش و ایچنده حیوانات صالحویرلمش اولدینی کوریلهرک بعض محله اکل و قلع ایتدیرلمش اولدینی ده آکلا شلمشدر. بونک اوزرینه اجرای کشفیات ایتمه سی، مرقوم بکجی (ح) ه تکلیف اولندقدن و تعیین و تقدیر ایده جکی ضرری حقیقی و جهله سویله یه جکی اوزرینه تکلیف اولنان یمینی قبول و اجرا ایله - دکن صکره مدعی شخصی مرقوم (ج) ایله مذنون علیه مرقوم (ب) حاضر اولدقلری حالده اجرای کشفیاته باشلانمشدر .

بکجی (ع) ک ختام کشفنده و قوع بولان افاده سنه کوره مذکور تارلاده ۱۵۰ عدد کوک اکل و قلع ایدلدیکنی و هر بر عدد صورت متفاوتده بزر، ایکشر، اوچر باشاق ویرمکده ایسه ده حد اوسط اوزره ایکشر دن بالحساب اوچ یوز عدد باشاق و اوچ یوز عدد باشاق دخی ینه حد اوسط اوزره ۷۵ قیه و یتمش بش قیه دخی یوزی، الی اعتباریله - ۳۷ قیه خالص مصر و - ۳۷

قیه مصر دخی قیرقر پاره دن - ۳۷ غروش ضرر وزیان وقوع بولمش اولدینی
 آکلاشلش اولغله اشبو کشف و تقدیر ضبط ورقه سی تنظیم و مرقوم بکچی
 (ع) ایله مرقوم (ب) و (ج) حضور لرلنده لدی القرائه، جمله سی بزمله برابر
 امضا ایتیش اولدقلری حالد مرقوم (ب) یازو بیلدیکندن بحثله امضا
 ایتمه مشدر.

امضا امضا امضا
 ج بکچی اعضا

در دنجی فصل

حکم غیابی اعلامائی مقننه در

حکم غیابی، طرفیندن برینک جلبنامه ایله تعیین اولنان مدتده کله مسی
 اوزرینه ویریلیر؛ فقط کله مک، مجرد مضمون علیک محکومیتنه سبب مستقل
 اوله ماز. بلکه مضمون علیک کله مسی ومدعی شخصی ایله مدعی عمومینک
 وقوع بوله حق طلبی اوزرینه غیاباً تدقیقاته مبادرتله دعوی تدقیق اولنور؛
 یعنی: اسناد اولنان جرمی مصدق ضبط ورقه سی واریسه اول ضبط ورقه سی،
 مدار حکم اوله حق وثایقندن اولوب اولمادینی ودعوی شهودله اثبات اولنه بحق
 اولور ایسه شهودک قانوناً مقبول اولوب اوله مادقلری خصوصالری تحقیق
 و آکا کوزره حکم اولنور.

الحاصل غایبک غیابندن طولایی اجراسی ممکنسز اولان تدقیقاتدن بشقه
 دعوانک هر جهتی تدقیق اولنور. کذلک مدعی شخصینک کله مسی اوزرینه
 مضمون علیک ادعا ایده جکی مصارف و تضمینات دعواسنی دخی عینیه اوله
 تدقیق ایتک لازمدر. کله ین طرف، اگر مضمون علیه ایسه حقوق عمومیه و حقوق
 شخصیه ایله محکوم اولور. اگر مدعی شخصی و مضمون علیه برائت ایدرسه
 مصارف و ضرر وزیان ایله محکوم اولور. یالکمز مدعی عمومینک محکمه یه

کلمه مسی، علیهنده حکم غیابی صدورینی مستلزم اولماز. ورودینه انتظار اولنور. حکم غیابی اعلاملرنده غیاباً رؤیت محاکمهی موجب اولان اسباب ایله اولباده تدقیقات غیابیه اجرا قیلندیغی و طرفینک ادعا ومدافعاتی ومدعی عمومینک ادعاسی ایله حکم واقعلک کیفیتی درج اولنور.

صورت: نومرو ۱۶۶ ماده ۱۳۹

... ده مقیم (ب) امضاسیله ویریلوب . . مدعی عمومی معاونلکی وکالتنک طرفینک جلبی و محاکمه لرینک اجراسی طلبنی متضمن . . تاریخلو ادعای نامهرسیله . . محکمه سنه تودیع اولنان . . تاریخلو شکایت نامه ده . . ده مقیم (ح) نام کمسنه . . صحرا سنده واقع مصر مزروع تارلاسنه اوکوزلرینی صالیوردرک ایراث ضرر و خسار ایتمش اولدیغندن بحثله مرقوم (ح) حقنده مجازات قانونیه نك اجراسیله ضرر و زیانک تضمینی طلب و ادعا اولنمقدن ناشی مرقوم (ب) ایله (ح) ه تسطیر قیلینان جلبنامه ایله تعیین ایدیان کونده مرقوم (ب) کلش ایسه ده مرقوم (ح) بالذات کلدیکی کبی بر وکیل دخی کوندرمه مش اولماسنه ومدعی عمومی وظیفه سنی ایفا ایدن ضبطیه یوزباشیسی احمد افندی، حقوق عمومی جهتیجه ومدعی شخصی مرقوم (ب) حقوق شخصیجه جهتیجه علیهنده حکم غیابی اعطاسنی طلب ایله مش اولماسنه مبنی، اصول محاکمه جزاییه نك ۱۳۹ نجی ماده سی حکمنجه علناً تدقیقات غیابیه به ابتدار اولندی.

مدعی عمومی وظیفه سنی ایفا ایدن یوزباشی مومالیه، کلامه ابتدارله مرقوم (ح) اولوجهله مرقوم (ب) ک تارلاسنه اوکوزلرینی صالیوردرک ایراث ضرر ایتمدیکنی دعوی و بودعواسی مذکور صحرا بکچیلری . . یاشنده و (و) ک شهادت لریله ثابت ایدوکندن بحثله مرقوم (ح) ک مجازاتی ومدعی شخصی مرقوم (ب) دخی تارلاسنده ۳۷ غروش ضرر وقوعه کلدیکی، اولباده کشفی متضمن تنظیم اولنوب ابراز ایله دیکی ضبط ورقه سیله مثبت اولدیغندن، مبلغ مذکورک مرقوم (ح) دن بانتحصیل کندوسنه اعطاسنی طلب ایتمش اولمالریله و بشقه

بردیہ جکلری اولمادینی آکلاشلغله محاکمه لرینک ختام بولدینی تفهیم اولندی.
 ایجابی لدی المذاکره، مرقوم (ح)، مرقوم (ب) ک مارالبیان تارلاسندہ
 اوکوزلرینی صالیویرهرک ایراث ضرر ایتدیکی، مدعی عمومی وکیلی یوزباشی
 طرفندن اقامه اولنوب اعتبارلری متحقق اولان مارالبیان بکچی و (و) ک
 وقوعبولان شهادت لرله تحقق ایله مش اولماسنه و قانون جزانک . . . نجی
 ماده سنده . . . دیه مصرح بولماسنه بناءً مرقوم (ح) ک ماده مذکورہ
 موجبجه اون بشلک جزای نقدی اعطاسیله محکومیتنه و مدعی شخصی (ب) ک
 طلب ایتدیکی ۳۷ غروش ضرر وزیان، کشفی متضمن ضبط ورقه سیله مثبت
 اولدیغندن مبلغ مذکورک دخی مرقوم (ح) دن آلماسنه . . . تاریخنده و مرقوم
 (ح) غیابنده قابل اعتراض اولق اوزره متفقاً قرار ویریلوب تفهیم اولندی.


صورت اخزی: نومرو ۱۶۷ ماده ۱۳۹

. . . ده مقیم (و) امضاسیله ویریلوب مدعی عمومی معاونلکنک، طرفینک
 جلبی و محاکمه لرینک اجرایی طلبنی متضمن . . . تاریخلو ادعاینامه سیله . . .
 محکمه سنه تودیع اولنان . . . تاریخلو شکایتنامه ده (بوراده ۱۲۲ نومروده محرر
 شکایتنامه خلاصه سی تکرار اولنه) طلب وادعا اولندی.

مرقوم (ب) ایله (ح) ه تسطیر اولنان جلبنامه لر ایله تعیین ایدیلن
 کونده مرقوم (ح) کلدیکی حالدہ مدعی شخصی مرقوم (ب) بالذات کلدیکی
 کبی وکیل دخی کوندرمه مش اولدیغندن مدعی عمومی معاونی . . . افندی
 حاضر اولدینی حالدہ مرقوم (ح) مدعی (ب) نک دعواسنک موقتاً سقوطنه
 قرار ویرلمسینی طلب و مطالعه سنه مراجعت اولنان معاون مومالیه طلب
 واقع دأتره سنده بیان مطالبه ایتکله بوجه طلب مرقوم (ب) ک حقوق
 شخصیه سنجه دعواسنک موقتاً سقوطنه غیاباً قرار ویرلادکن صکره حقوق
 عمومیه جهتجه دعواسی نه اولدینی معاون مومی الیهدن صورولدقده مرقوم
 (ح) مرقوم (ب) ک . . . ده واقع مصر مزروع تارلاسندہ اوکوز حیوا.

ناتی صالیویرہ رک ایقاع ضرر ایتش اولدیغی، مدعی شخصی طرفندن ویریلوب قرائت اولنان شکایتنامہ ده شکایت اولندیغندن و فعل واقع قانون جزانک . . . نجی ماده سنجه مستلزم مجازات بولندیغندن مرقوم (ح) ک ماده مذکورہ احکامنہ توفیقاً مجازاتی ادعا و مرقوم (ح) ادعا اولنان ضرردہ مدخلی انکار ایله ملریله اثبات مدعا ایتسی، مومی ایله علی اقدی به تکلیف اولندقده، مدعی شخصی مرقوم (ب) یوم معینده محکمہ به کلدیکنه و مظنون علیه (ح) ک اسناد اولنان فعلی ایشله دیکنه دائر برکونا دلیل موجود اولمادیغنه بناء مرقوم (ح) ک برائتته حکم اعطاسنی طلب ایله مشدر. بونک خارچنده طرفینک بشقه بردیہ جکبری اولمادیغنی عندالسؤال آکلاشلش اولمغله محاکمه لرینک ختام بولدیغنی تفهیم اولندی.

ایجابی لدی المذاکره، مظنون علیه مرقوم (ح) حقنده اجرا قیلینان تدقیقاته نظراً مرقوم (ب) ک . . . تارلاسندہ طرفندن ایقاع ایدلیکی ادعا اولنان ضرردہ مدخلی اثبات اولمادیغنه بناء اسناد اولنان فعلدن برائتته وزیرده مفرداتی محرر مصارف محاکمه سنک استدعاسی سببیه مدعی شخصی مرقوم (ب) دن اخذ واستیفاسنه و جاهاً . . . تاریخنده ویریلن قرار، تفهیم اولندی.



بشنجی فصل

حکم غیابی اوزرینه اعتراضی حاوی اعتراضنامه ایله حکم غیابی تصدیق و یا جرح و تعدیلہ دائر ویریله جک اعتراض علی الحکم اعلاماتی حقنده در.

حکم غیابی به اعتراض، اول حکمک رسماً تبلیغندن صکره جائز اولدیغنی

کبی تبلیغندن اول دخی اولہ بیلیر۔ حتی حکم غیابینک تفہیم اولندیغی آندہ شخص متمرّد محکمہ یہ کلش اولسه وقوع بولہ جق اعتراضی اوزرینہ حکم غیابی فسخ و محاکمہ و جاہاً رؤیت اولنور۔ بعدالتبلیغ اعتراض، یا تبلیغنامہ نک زیرندہ یازیلیر و یا خود اوچ کون صکر مہ قدر برورقہ مخصوصہ ایله بیان ایدیلیر۔

مدافعک حکم غیابی یہ اعتراضہ صلاحیتی اولدیغی کبی مدعی شخصینک دخی علیہندہ صادر اولمش بر حکم غیابی یہ اعتراضہ صلاحیتی واردر؛ فقط مدعی شخصینک اعتراضی، یا لکن ضرر و زیانہ دائر حکمی اعادہ ایدہ بیلوب یوقسہ حقوق عمومیه یہ متدائر حکمہ خلل کتیرمز؛ زیرا حقوق عمومیه یہ دائر حکم، مدافع ایله مدعی عمومی بینندہ و جاہاً ویرلش در۔ اعتراض بحق جایی متضمندر۔ یعنی وقت اعتراضدن یکرمی درت ساعت صکرہ معترضک محکمہ یہ کیتہ سی لازمدر۔ کیتز ایسہ حق اعتراضی ساقط اولوب اولحالده حکم غیابی تصدیق اولنور و اجراسنی حاوی بر اعلام ویریلیر۔ اگر معترض کلیر ایسہ حکم و جاہی اولوب آکا کورہ اعلام ویریلیر۔

اعتراضنامہ - صورت: نومرو ۱۶۸ ماده ۱۴۱

... بدایت حکمہ منہ

... ده مقیم (و) طرفندن علیہمہ اقامہ اولنان دعوی اوزرینہ اون بشلاک جزای نقدی و ... ضرر و زیان تضمینیلہ محکومیتہ دائر محکمہ علیہ لرندن صادر اولان اعلام، ... تاریخندہ طرفہ تبلیغ قیلندی۔ حکم مذکور غیابمدہ ویرلش اولماسنہ و اسناد اولنان فعل خلاف واقع اولوب عکسنی از هر جهت اثباتہ مقتدر بولندیغمہ بناء محاکمہ و جاہیہ منزک اجراسنی طلب وادعا ایلرم۔

اشبو اعتراض اوزرینہ کیفیت معترض علیہ در حال تبلیغ و محکمہ یہ کلمہ سی ایچون دعوت اولنور۔ اشبو دعوت و تبلیغ خصوصی، اصول مرعیہ سنجه خدمہ معرفتیلہ اجرا اولنور۔

معترضك بعدالاعتراض كلهسى اوزرينه ويريله جك اعلام

صورت: نومرو ۱۶۹ ماده ۱۴۱

... ده مقیم (ب) طرفدن ویریلوب ... معاونلکی طرفدن ادعاینامه ایله طرفینک تشکیلی و محاکمه نیک اجرایی طلبیه محکمه مزبورہ جزا دائرہ سنہ تودیع اولنان ... تاریخلو استدعا اعتراض علی الحکم عن ضحائلده ... ده مقیم (ح) میانده تحدت ایدن ضرر و زیان منازعه سندن طولایی مرقوم (ب) ک اقامہ ایتدیکی دعوی اوزرینہ اون بشک جزای نقدی اعطاسی و ... ضرر و زیان تضمینی ایله ... تاریخنده محکومیتی حقندہ علیهنہ عن الغیاب صادر اولوب ... تاریخنده طرفینہ تبلیغی اجرا قیلینان حکم و قرارہ عدم قساعتله اعتراض ایله دیکندن بحثله محاکمه و جاهیہ لرینک اجرایی طلب اولمقندن ناشی طرفین بالجلب معاین اولان ... کوننده ... معاونی ... افندی حاضر اولدیغی حالده معترض مرقوم کله مش و معاون وکیلی بولنان معترض مرقومک استدعاسنک ردینی طلب ایله مش اولمغله ایجابی بالمذاکرہ مرقوم بروجہ طلب استدعای واقعک ردیلہ ضبطیه یوزباشیسی احمد افندی حکم غیابی ویرلمه سنی ادعا ایله مش مرقوم (ح) علیهنده مفدما ویرلمش اولان ... تاریخلو اعلام غیابی مذکورک تصدیقنه ... تاریخنده غیاباً قرار ویریلوب معاون وکیلی مومی الیه تفهیم قیلندی .

معترض کلدیکی حالده ویريله جك اعلام

صورت: نومرو ۱۷۰

... ده مقیم (ب) طرفدن ویریلوب ... معان وکیلنک طرفینک تشکیلی و محاکمه لرینک اجرایی طلبنی متضمن ... تاریخلو ادعاینامه سیله ... محکمه سنہ تودیع اولنان اعتراض علی الحکم عن ضحائلده ... ده مقیم (ح) ایله میانہ لرندہ

تحدث ایدن ضرر وزیان منازعه سندن طولایی مرقوم (ب) ك اقامه ایته یکی دعوی اوزرینه اون بشلک جزای نقدی اعطاسی و ... ضرر وزیان تضمینی ایله غیباً ... تاریخنده محکومیتی حقنده ویریلن و ... تاریخنده طرفه تبلیغی اجرا قیلنن حکمه عدم قناعتله اعتراض علی الحکم ایله دیکندن بخله محاکمه و جاهیه لرینک اجرایی طلب اولمقدنناشی طرفین بالجب ... کونده کلش و معاون و کیلی ... افندی حاضر بولنش اولدینی حالدله مذکور استدعا مواجهه لرنده قرائت اولندی.

عرضحال مذکور مدتده اعطا و معاون و کیلی مومی ایله قبولی مطالعه سنده بولمغله بالقبول و جاهاً و علناً رؤیت محاکمه لرینه ابتدار اولندی. مدعی شخصی مرقوم (ب) مرقوم (ح) ك مصر مزروع تارلاسنده حیوانلرینی صالیویردیکی و ضرر ایقاع ایته یکی ... ده مقیم و ... نام کسنه لرك شهادت لر ایله مثبت اولدیغنه بناءً ضرر واقعك تضمینی طلب و دعوی و مرقوم (ح) کندوسی حیواناتی اخر محلدله رعی ایتمکده اولوب ضرر ایقاع ایله یکی ادعا اولنان تارلانك بولندینی محل سمتسز اولوق مناسبیله هیچ بروقت مذکور تارلايه کتیه مش و ضرر دخی ایقاع ایتمه مش اولدیغنی بیان وانکار ایله مکله مدعی شخصی و معاون و کیلی مومی ایله ک طلب لر ایله برای استشهاد طلب اولنش اولان ... یاشنده ... صنعتده (ع) نام کسنه نك، طرفینه قرابت و عداوتی اولدیغنی بیانندن صکره بالتخلیف منفرداً استماع اولندوقده (ادعایه موافق شهادت یازیلیر) و (ج) دخی دیه ایقاع شهادت ایله دیلیر. شاهدان مژبور ایله حقلرنده و جوابی مذنون مرقومدن صورلدوقده بولردن و ... ك مرقومك قارنداشی و مرقوم و ... دخی قائم برادری اولمغله شهادت واقع لری قانوناً غیر مقبول اولدیغنی درمیان و مدعی شخصی، شاهدان مرقومانك کندوسنه بیان اولنان قرابتی تصدیق و اعتراف ایله دیلیر.

بونك اوزرینه معاون و کیلی مومی ایله مدعی شخصی مرقوم (ب) ك ادعا ایته یکی ضرر و زیانك و قوعنی اثبات ضمنده اقامه ایته یکی

شاهد لرك كندوسنه وجودی ادعا اولنان قرابتلرینی معترف بولندیغنه و بو ایسه مانع قبول اولدیغی کبی مرقوم (ح) ك فعل مذکوره جراثنی صور اخری ایله اثبات ایده مدیکنه بناءً مظنون علیهك برائتی طلب ایله مش و طرفینك بشقه برديه جکلری اولمادیغی آکلاشلش اولمغله محاکمه لرینك ختام بولدیغی تفهیم قیلنشدرد.

ایجاب کیفیت لیدی المذاکره مدعی شخصی (ب) مرقوم (ح) ك . . . ده واقع متصرف اولدیغی مصر مزروع تارلاسنده حیواناتله ایقاع ضرر ایلدیکنی ادعا ایتمش و بودعواسنی مارالبیان شهودله اثباته قالمششمش ایسه ده شاهدان مرقومانك مدعی شخصی مرقومه موجود اولوب مظنون مرقوم طرفدن درمیان اولنان قرابتنی مدعی مرقوم معترف بولندیغنه و مرقوم (ح) ك فعل مذکوره جراثنی تأیید ایدر بشقه براماره کوریه مدیکنه بناءً مرقوم (ح) ك برائته و مرقوم (ب) ك مصارف محاکمه نی اعطاسیله محکومیتنه . . . تاریخنده قرار ویرلمش و قرار واقع طرفینه تفهیم قیلنشدرد.



آلتنجی فصل

محکمه حضورنده مدافعه حقوق ایچون آخری توکیله دائر
وکالتنامه حقه ده در.

اشبو وکالت؛ مظنون علیه طرفدن ایسه قباحترده جائز و جاریدر. حبسی مستلزم اولمایان جنجه لرده دخی اوله بیلیر ایسه ده محکمه لیدی لایجاب اصیلی دخی دعوت ایده بیلیر؛ فقط مدعی شخصی؛ حقوق شخصیه سیچون هر حالده آخری توکیله مآذوندر.

بو وکالت تحریری اوله بیله جکی کبی حضور محکمه ده آخری شفاهاً

توکیل و وکالتنی تسجیل ایتمک دخی جائز اولور. تحریری اولدینی حالدہ اصولنجہ ورقه صحیحہ اوزرینه محرر و مصدق اولق لازمندر.

اشبو وکالتنامه ده؛ دیگر طرفدن وقوعبولان طلب اوزرینه تسطیر قیلنمش اولان جلبنامه ده مجوٹ غنه اولان ماده ایچون تعیین ایدیلن محکمہ یه مدافعه حقوق ضمنده کیتک، لدی الاقتضا ضرر و زیانی تقدیر ایچون اهل خبره تعیین ایله مک، آنلرک اجرا ایده جکلری معاملاتنده حاضر بولنمق، حقوق شخصیه ایچون صلح اولق، سندلشمک و اولبابده تنظیم ایدیله جک سندات، مقاولاتی و ضبط ورقه لرینی امضالامق، اقامتگاه انتخاب ایله مک، الحاصل مقتضی اولان کافه معاملاتنی اجرا ایله مک خصوصاتی یازیلیر.

صورت: نومرو ۱۷۱ ماده ۱۴۲

... طرفندن علیهمه اقامه اولنان . . . دعواسندن طولانی . . . محکمده بدایه الخ طرفدن محاکمه و محاصمه یه، حقوق مشروعیه مدافعه یه، عندالایجاب اهل خبره تعیین و انتخابنه، انتخاب ایده جکلری اهل خبره نک اجرا ایله یه جکلری معاملاتنده حاضر بولنمق، صلح و ابرایه و اولبابده مقاولات، سندات تنظیمه، تنظیم ایدیله جک کافه سندات و ضبط ورقه لرینی امضایه، اقامتگاه انتخابنه، و خصوصات سائر یه الحاصل خصوص مذکورک متوقف اولدینی امورک کلیسنه . . . ده مقیم (ح) نام کمسنه یی توکیل ایتدی کم یی مبین اشبو وکالتنامه تختم قیلندی.

امضا

اشبو وکالتنامه ده موضوع مهر و امضا مرقوم (ع) ک اولدینی

امضا

تصدیق ایدرز.

...


و.و.

اشبو وکالتنامه ده موضوع «ع» امضا و ختمی مرقوم «ع» ک اولدینی

بالاده محرر و... و... نام کسنه لک شهادت لریله ثابت اولدیغندن مرقوم
(ع)ک وکالتی تصدیق قیلندی.

امضا

بدایت محکمه سی مقاولات محرری



یدنجی فصل

وجاهاً ویریلن حکم اعلامری مقننه در

اشبو اعلامری، قانونک یوز اللی اوچنجی ماده سی حکمنجه، مدلل اولوق
یعنی حکمک مستند اولدیغی اسباب بیان اولنوق لازمدر. بوده، محکوم اولان
کیسه علیهنده لاحق اولان حکمک اسباب قانونیه مستند اولدیغی آکلاماسی
و حکم لاحقک عند التیمیز تسهیل تدقیقی مقصدینه منی در. دلائلک مستند
اولدیغی مقدمات، طرفینک صورت ادعا ومدافعه لریدر. آنلرک ضبطنده نقصان
بولنقلغک حکمی دخی اسباب موجه در میان ایتهمک کیدر.

برده، اعلاملرده مواد حکمیه نك مستند اولدیغی ماده قانونیه درج
وتطبیق اولنوق لازمدر. ماده قانونیه یی درج ایتک خصوصی، مواد حقوقیه ده
بیان اولدیغی وجهله ملتزم اولمادیغی حالده مواد جزائییه لازم وملتزمدر؛
چونکه مواد جزائییه ده، متهمک علیهنده حکم ایتک مطلقاً ماده صریحاً
قانونیه یی بولوب تطبیق ایتکه متوقفدر. یوخسه صراحت قانونیه اولمادیغی
حالده مواد حقوقیه ده اولدیغی کبی، طرفین متخاصمین طرفدن در میان اولنه
جق دعوی حقنده صراحت قانونیه اولسون اولماسون احقاق حق، تحت
مجبوریتده اولوق جهتیه علم قیاسله حکم جائز دکلدرد؛ چونکه جزا ویرمک
خصوصی، اساساً حریتی تقیید ایدر بر حال اولدیغی حالده تجویزی، مجرد
ایجاب حالدن نشئت ایتش بر استثنای قیلندن اولماسیله بویله بر استثنایک

سائرہ مقیس علیہ اولہ مامسی و حریت شخصیه نك تطبیقات کیفیہ دن لزوم مصونیتی، حکامی اودرلو طریق قیاسه سلو کدن منع ایدر. ککذک صراحت قانونیه اولمایوبده محتاج تفسیر اولان مواد، مفسراً درج اولنحق لازمدر؛ فقط بروقوعات که قانون جزاده قابل تطبیق اوله جق بر ماده بولنه ماز؛ اول وقوعاتک فاعلی مجازات اولنمایوب برائت ذمتنه حکم اولنحق لازمدر؛ زیرا بر کیسه نك افعال ممنوعه دن اولدیغنی بیلهدیکی بر فعلندن طولای مجازات اولنماسی جائز دکلدر. قانونلرک حین وضعلرنده نشر واعلان اولنمالری لزومی دخی بو حکمته مبنیدر. فی الحقیقه قانون جزامنر تکنونی متصور اولان جرایمک پک چوغنی احاطه ایدمه جکنه نظراً بویله بر قاعده نك مرعی الاجرا اولماسی، بعض فئالقلرک ظهوره کلسنه سبب اوله بیله جکی وارد خاطر اولیور ایسه ده قانون جزاده تماس ایده جک بر ماده مخصوصه سی بولنه میهرق ایقاع ایدیله کلش اولان بر جرمک فاعلنک برائتنه حکم اولنحق قاعده سی مرعی الحکم اولحق ایله برابر اول مجرمک برائتنه حکم اولندیغنی عقبنده نقصان قانونی بیاناً عدلیه نظارتنه مذکره و تحریرات ارسالیله اول فعلک تحت ممنوعیتنه آلماسی خصوصنی طلب ایله مک، حکامک وظائفندن بولندیغنه و شوالده قانون جزاده تماس ایده جک بر ماده مخصوصه بولنمایهرق ایقاع ایدیله کلش بر جرمدن طولای یالکز بر فردک برائت حکمنه مظهریتله مستفید اوله بیله سی ممکن اوله بیلوب بر فردک مجازاتسز قالمسی ایچونسه بر قاعده عمومیه نك نقض و اخلا- لیله حریت شخصیه نك تطبیقات کیفیه هده ایدلمه سی، هیچ بروجهاه موافق مصلحت اوله ماز. (بوابده اصول محاکمه جزائیه نك ۱۷۵ و ۲۱۱ و ۲۹۸ و ۳۱۶ نجی ماده لرینه مستند جریده محاکمک ۱۸۶ نجی صحیفه سنده مندرج ۱۰ محرم سنه ۹۷ و ۱۲ کانون اول سنه ۹۵ تاریخلو بر تحریرات عمومیه واردر. آکا دخی مراجعت اولنه) اشته بوعلت و سببه مبنی ماده قانونیه نك درجی لازمدر.

تفصیلات مسروده دن مستبان اولدیغنه کوره، ماده قانونیه، مجازات بدنیه

وتقدیه به تعلق ایدن احوالده درج اولنحق لازمدر؛ بناءً علی ذلك ضرر وزیران ایله مصارف محاکمه به دائر ویریلن حکم ایچون ماده قانونیه نك بیان اولنحاسی، اعلامك فسخنی موجب اولماز. كذلك مجازاتی مستلزم اولمایان تنظیف و تطهیر ویاخود طریق عامده مارین و عابرینه مانع اولور صورته احداث اولنحش بربنایی هدم کبی احکامده دخی ماده قانونیه بی درج ایتك لازم دکلدر. وینه برحاکم، مجرمی مخفف جزا ایله مجازات ایتدیکی حالده اسباب تخفیفك مستند اولدینی مواد قانونیه بی درج ایتك لازم دکلدر؛ زیرا متهمك لهنده حکم ویره بیلک ایچون عینله، ماده قانونیه بولمق لازم کله یوب علی طریق القیاس حکم ایتك دخی جائز اوله بیلیر.

ایشته شوصورتله اعلامك كرك مدلل اولماسی وكر كسه ماده قانونیه بی محتوی بولنحاسی کائن لم یکن حکمنی مستلزمدر؛ فقط بو حکمسزلکی مستلزم اولان اعلاماتدن مراده، اعلامات قطعیه در. یوخسه ابتدائی حکملر مدلل اولماسه و ماده قانونیه بی محتوی بولنحاسه لر بيله کائن لم یکن حکمنی مستلزم اولمازلر. قانونك بیان اولنان ۱۵۳نجی ماده سی، اعلامك هانکی درجه ده یعنی درجه اولی ویاخود درجه اخیره ده ویرلدیکی خصوصنك لزوم ذکرینی دخی بیان ایده یور. فقط بونك عدم ذکر ی حالنده قانون، اعلامك حکمسزلکنی حکم ایتمز؛ زیرا برحاکمك خطاسی قابل اولدیغندن تعیین درجه مطلق برحکم دکلدر. بناءً علیه بر محکمه نك درجه اخیره ده دیه توصیف ایتدیکی بر حکم، حقیقت حالده درجه اخیره ده اولمادینی حالده ینه قابل استیناف اولور. حاکمك «درجه اخیره» دیه اعلامی توصیف ایتمه سی، حق استینافی اسقاط ایتمز.

اعلام، محاکمه نك صورت جریانی ترتیبی اوزره یازیلیر. محاکمه ایسه معلومدرکه بر قباحث جرمنی مصدق مأمور مخصوصلری طرفندن محرر بر ضبط ورقه سی ویاخود اول جرمك وقوعنی مخبر بر اخبارنامه ویا مدعی شخصی طرفندن بر شکایتنامه ایله مدعی عمومی به مراجعت اولنوبده اقامه دعوی طلب اولدینی حالده دعوی عمومی بی مستقلاً اقامه ایله آنی اثبات ایتك،

مدعی عمومی یہ عائد در۔ ب صورتہ مدعی عمومی، ادعا نامہ سبیلہ محکمہ یہ مراجعتہ اقامہ دعوی ایدر۔ ودعوای یا ضبط ورقہ لری ایله ویا خود اولمادینی و محکمہ جه لزوم کور ولدیکی حالده شهود شخصیه ایله اثبات ایدر۔ دیمک اولدی که دعوا ده مدعی شخصی اولمایوبده مدعی عمومی طرفدن اقامه اولنور ایسه اک اول مدعی عمومی ادعای و اشبو دعوا یه قارشو مظنون علیک جوابی ومدافعہ سی وبعده مدعی عمومی ادله سبیلہ مدافعک استشادات دینیه سی تدقیق واستماع اولنور۔ واعلامده دخی بو وجهله درج قینور۔ ومدعی عمومی حقوق دعواسنی خلاصه ادعای استماع اولندقدن صکره مدعی شخصی صفتنی اکتساب ایدن شخص متضررک ادعایه اثباتی ومدافعک دفعی ایله ادله سی استماع اولنور۔ ایکی صورتده دخی یعنی - کرک مدعی عمومی و کرکسه مدعی شخصی اقامه دعوی ایتسون - هر حالده دعوی عمومی نه اقامه وتدقیق ومحاکمه سندن صکره مدعی شخصی، حقوق شخصیه سی ادعا ایدر۔ مدعی شخصی، بوندن اول حقوق شخصیه سی ایچون استجواب اولماز؛ چونکه حقوق شخصیه، حقوق عمومی نه فرعیدر۔ فرعک ثابت اولماسی ایچونسه اصلک ثبوتی و بنا برین تقدیمی لازمدر۔ ایسته محکمہ یه جلب اولنان شخص، کرک حقوق عمومی و کرکسه حقوق شخصیه جه علیهنده در میان اولنان ادعای حقنده مدافعہ سی بیان ایدر وکندی علیهنده اولان ضبط ورقه لرینک ساخته لکنی ویا خلاف مندرجاتی اثبات ایتک ایسته سی کی ادعای ایچون محکمہ جه تنسب اولندیغی حالده اقامه ایده جکی شهودی استماع اولنور۔ بصره ده طرفین یکدیگرینه جواب ویره بیلیرلر و محکمہ استکناه و استیضاح ماده ایده بیلیر؛ فقط استنطاق ایچون برصراحت اولمادیغنه و جنجه ماده لرنده جوازی تصریح قیلنمش اولدیغنه کوره استنطاق جائز اولماق کرکدر۔ مع هذا استنطاق اجرایی، اصول محاکمہ یی اخلاص ایتمز؛ فقط محکمہ، استجوابات واقعیه استنطاق شکنی ویره بیلیر۔ قباحترده، محکمہ نک اجرای استنطاقه صلاحیتی اولماسی، مدعی علیک بالذات کلکه مجبور اولمایوب وکیل دخی کوندره بیله سبیلہ مستدلدر۔

بعده مدعی عمومی، مصلحتی خلاصه ایدر. و ادعاسنی بیان ایلر. مدعی عمومیك مادهی خلاصه ایتمه سی، اعلامك فسختی موجب اولماز. بوقید و شرط، تنویر و تتمیم وظیفه ایچوندر. ادعاسنی بیان ایتمدیکی حالده دخی اولبابده ویرلمش اولان اعلامك حکمسزلکنی تعیین ایدر بر ماده مخصوصه یوقدر. فقط مدعی عمومیك حضورینی مستلزم هر دعواده و اول دعوانك هر معامله سنده بدایت محکمه سنده مادامکه حضوری لازمدر، و مادامکه شرط حضوری معاملات لازمهدندر، و مادامکه بدایت محکمه سی، حکمی آنجق مدعی عمومی خلاصه مصلحت ایله مدعاسنی بیان ایتمدکن صکره ویره جکدر، مدعی عمومیك مدعاسنك درج اولنماسی، هر حالده اعلامك حکمسزلکنی موجب اولور. ایشته مدعی عمومی، مدعاسنی شووجهله بیان ایتمدکن صکره حقوق عمومیه جهتنجه اک صکره سوز سویله مک حق مدعی علیه در. بوده کندی حقنده بر مساعده مخصوصه در. ایشته محاکمه شووجهله ختام بولدقن صکره یا اول مجلسده ویا نهایت مجلس آتیده مادهیه حکم ویریلیر. تأخیری جائز دکلدر. حتی مشکل بر ماده اولوبده دیگر بر بدایت محکمه سنده عینی بر مادهیه حکم ویریلنجیه قدر انتظار ایله تعویق ایتمك احقاق حقن استنکافدر. بر کیسه برنجی محاکمهده بولنوبده ایکنجی ده بولنماز ایسه اولبابده ویريله جك حکم، حکم غیابیدر. مواد جزاییهده، مواد حقوقیهده اولدینی کی اجرای موقت یوقدر. اعلاماتده، برده محاکماتک علناً اجرا قیلندینی قیدی یازملق لازمدر. بوده محاکماتک علناً اجراسی آسایش عمومیدن اولق جهتیه قانوناً مطلوب و ملتزم اولدیغندن بوشریطیه رعایت اولندینی معلوم اولق ایچوندر.

ویريله جك حکملر، برقاج درلودر. برنجیسی: ادعا اولنان ماده نه قباحت ونهده جنحه اولمادیغنه یعنی اسناد اولنان فعل افعال ممنوعه دن بولنمادیغنه دردر. اول حالده محکمه، معاملاتی فسخ وابطال و تضمیناته متعلق دعوی اولدینی حالده آنی رؤیت و حکم ایدر.

تضمیناتدن مراد، مدعی علیهك دعوانك ثابت اولماسندن وعلیهنده بغیر

حق تعرض اولماسندن طولایی ثابت اولان ضرر و زیانی مدعیندن طلب ایتمه سیدر. ایشته محکمه، اصل دعوایه حکم ایتدکن صکره مدعی علیک وقوعبوله جق ضرر و زیان دعواسنه باقار. یوقسه مدعینک حقسنر چیقدینی حالده وقوع بوله جق ضرر و زیان دعواسی، محکمه جزاده کورلنز؛ زیرا محکمه جزانک کوره جکی ضرر و زیان دعوالری، جرمدن نشئت ایتمش اولق لازمدر. حالبوکه بو مادهده جرم یوقدر. مدعینک بو بابه دعواسی اولدینی حالده حقوق محکمه لرنده کوریلور.

صورت: نومرو - ۱۷۲ ماده ۱۴۹ و ۱۵۳

... ده مقیم (ب) طرفندن فی سنه تاریخلو ... بدایت محکمه سی جزا دائره سنه ویریلن عرض حالده ... ده مقیم (ع) نام کمنه کندوستنک ... ده واقع تحت تصرفده اولان برقطعه باغنه دخول ایله انجیر وارمود آغاجلرینی قطع و اول وجهله ایقاع ضرر ایتمش اولماسندن مزبور (ع) ک باجلب اجرای محاکمه لری ایله معامله قانونیه اجراسی و باعث اولدینی ضرر و زیانک تضمینی طلب اولتمقدنناشی طرفین، اصولاً تنظیم و تسطیر قیلنان جلینامه لر ایله تعیین ایدلمش اولان کونده بالذات محکمه یه کلدکلرندن مدعی عمومی و وظیفه سنی ایفا ایتمکده بولنان ضبطه یوز باشیسی ... افندی حاضر اولدینی حالده مذکور استدعا مواجهه لرنده قرائت و علناً رؤیت محاکمه لرینه ابتدار و افاده لری استفسار اولندی.

مزبور (ب) شکایتنامه سی مألنی تکرارله مرقوم «ع» ک کندی باغنه اولوجهله کیروب آغاج کسدیکی متحقق اولدیغندن و کسلیش اولان آغاجلر ایکی انجیر، ایله اوچ ارمود آغاجندن عبارت بولندیغندن ایقاع ایدیلن ضررک کشفیله ترتب ایده جک ضرر و زیانک مرقوم «ع» تضمینی و مصارف محاکمه نک کندوسندن تحصیلیه خصوصنی طلب و دعوی ایله دی.

بونک اوزرینه مدعی علیه مذکور آغاجلری قطع ایله دیکنی اقرار ایله برابر

مذکور باغ، پدردن موروث و باطابو تحت تصرفده اولدیغی حالدده اوزرنده حق وصایتی اولمایان والدهسی طرفندن مرقوم «ب» یه ایجار ایدلدیکنی و مرقوم «ب» اولوجهله بش آلتی سنهدنبرو مستأجراً تصرف ایله مکده ایسهده ایجار واقع ذاتاً باطل اولغله مرقوم «ب» ک مذکور باغده بروجهله حق تصرفی اولمادیغی و بناءً علی ذلك ایقاع ایتمش اولدیغی بیان اولنان ضرری کندی ملکنده ایقاع ایله مش بولدیغی جهته مرقوم «ب» ک کندی علیهنده نه ادعایه ونهده ضرروزیان طلب ایله مکده بروجهله حق و صلاحیتی اولمادیغدن معارضه دن منع اولنماسنی طلب مدافعهده بولندی.

دفع واقعه قارشو جوابی مرقوم «ب» دن صورلدقده مذکور باغی اولوجهله «ع» ک والدهسی طرفندن حاصلاتی مناصفةً تقسیم ایدلک اوزره استیجار ایله دیکنی و اولوجهله مستأجراً تصرف ایله مکده ایسهده ایجار واقع صحیح اولمادیغی حقنده مرقوم «ع» ک وقوع بولان دفع و افادهسی واهی اولدیغی درمیان ایلهدی.

مطالعهنه مراجعه اولنان مدعی عمومی وکیلی مومی ایله مدعی مرقومک ادعاسنه قارشو مدافع مرقوم «ع» ضرر ایقاعی ادعا اولنان مذکور باغچه نیک ملکیتی ادعا ایتدیکندن و ملکیت دعواسی ایسه جرمی ازاله ایدده جکنه بناءً اول امرده مذکور باغچه نیک ملکیت جهتی حقنده برقرار ویرلک اوزره کیفیتک مرجعه حوالهسی لزومی ادعا ایله مکده و طرفینک بشقه بر دیه جکری اولمادیغی آکلاشلغله بو جهته مذاکره اولنه جنی تفهیم ایددی. کیفیت لدی المذاکره، مرقوم (ع) ک درمیان ایتدیکی دفع مسئله سنک حلی، مواد حقوقیه دن اولغله بو جهته نیک حلی ایچون طرفینک حقوق محکمه سنه مراجعه ایتلرینه و بویله مسائل مستأخره ظهورنده حقوق عمومیه دعواسنک تأخیرینه مساع قانونی اولق جهتیله حقوق عمومیه جهته نیک حق تصرف حقنده اولان ادعا فیصل پذیر اولنجیه قدر تعویق رؤیتنه قرار ویریلهرک طرفینه تفهیم قیلندی.

طرفین اولوجهله حقوق محکمه سنه مراجعت ایدلکدن صکره مدعی علیه مرقوم (ع) مدعی مرقوم (ب) عادیاً کلمش اولملریله معاون وکیلی مومی الیه حاضر اولدینی حالده رؤیت و اتمام محاکمه لرینه ابتدار اولندی .

مرقوم (ع) فی سنه تاریخلو و . . . مهر و . . . امضاسنی حاوی برقطعه اعلام ابراز و اراؤه ایله دی . لدی القرائه ، مضمون مندرجاتی : « منازع فیه اولان تارلاء ، مدعی علیه مرقوم (ع) ک ارثاً تحت تصرفده اولدینی حالده والدهسی طرفندن مدعی مرقوم (ب) ه ایجارله کیفیت ایجار برقطعه مقاوله مخصوصیه ربط قیلنمش ایسه ده مرقوم (ع) غیر رشید اولدینی و والده سنک اوزرنده برکونه حق وصایتی اولمادینی جهتلرله ایجار واقعک بطلاننه و مدعی مرقوم (ب) مذکور باغدن کف ید ایله تخلیه اتمه سنه قرار ویرلدیکی خصوصندن » عبارت اولدینی کورولمشدر .

بونک اوزرینه افاده سی نه اولدینی مرقوم (ب) دن صورلدقده مرقوم (ع) ک مذکور باغچه یه ثبوت ملکیتنه و عقد ایجارک بطلاننه حکم ویرلمش ایسه ده مؤجره مزبوریه بدل ایجار اوله رق . . . غروش ویرمش اولدیغندن مبلغ مذکورک کندوسندن تحصیلنی طلب ایله مدی .

مدعی عمومی وکیلی دخی اعلام مذکوره نظراً مرقوم (ع) ک مذکور باغچه یه تصرفی ثبوت بولدیغنه و ملکیت و تصرفی ایسه ازاله جرم ایتمکده بولماسنه بناءً مرقوم (ع) ک علیه اقامه اولنان دعوا دن دولای عدم مسئولیتی ادعا و مدعی مرقوم « ب » ک بدل ایجارک استردادی حقیقه کی ادعاسی ، حقوق عادیه دن اولق حسبیه رؤیتی محکمه نک صلاحیتی خارجنده اولمغله بوجهت حقیقه دخی ادعاسنک ردی یولنده بیان مطالعه ایلدی . بونک اوزرینه مرقوم (ع) دخی مال اعلامه نظراً مرقوم (ب) ک اولوجهله ادعایه حتی اولمامغله دعوا یه قالمش سیله کندیسنه طوغریدن طوغرییه باعث اولدینی ضرر و زیانک مزبور (ب) ه تضمینتی طلب و ادعا ایله مش اولماسی اوزرینه محاکمه نک

تضمیناته متعلق جهتنک رؤیتنه دخی قرار ویرلدکن صکره طلب ایتدیکی ضرر و زیان نهدن عبارت اولدینی سؤال اولندی .

مرقوم (ع) کندوسی ترزی چیرانغی اولوب یومیه یکر میشر غروش اجرته ایشله مکده وعلیهنده اقامه ایدیلن دعوی مناسیتیه لاجل المحاکمه اوچ کون جزا محکمه سنه و اوچ کون دخی حقوق محکمه سنه جلب اولهرق شوصورتیه مارالبیان آتی کونده یومیه یکر میشردن یوز یکر می غروش انتفاعدن محروم قالدیغنی و طلب ایتدیکی ضرر و زیان یوز یکر می غروش ایتدیکی عبارت اولدینی سویله دی .

مرقوم (ب) ایسه (ع) اولقدر ضرری وقوع بولدیغنی تصدیقه برابر کندوسی منازع فیه اولان استیجار ماده سندن متضرر اولدیغندن بحثله ضرر و زیان تضمیناتک تحمیلی موافق اوله میه جنی بیان ایتدی . بشقه دیه جکلری اولدینی لدی السؤال آکلا شملغله محاکمه لرینک ختام بولدیغنی تفهیم قیلندی .

ایجاب کیفیت مذاکره اولندوقده مرقوم (ب) وجوه تصرفدن بر وجه بیان اتمه یه رک تحت تصرفده اولدیغنی بیان ایتدیکی . . ده واقع باغده مزبور (ع) طرفندن ایقاع ضرر اولدیغندن بحثله (ع) ه تضمینی طلب و دعوی ایتش ایسه ده تفصیلات مسروده دن مستبان اولدیغنه نظراً مذکور باغ مزبور (ع) ک ارتاً تحت تصرفده اولدینی حالدده اوزرنده حق وصایتی اولمایان والده سی طرفندن مزبور (ب) ه ایجار اولنش و شوصورتیه مزبور (ب) مذکور باغده مستأجراً متصرف اولدقن بشقه ایجار و استیجار کیفیت دخی باطلاً منعقد بولنش اولدینی ، مذکور باغک فسخ اجاره سیله صاحبی مرقوم (ب) ه تسلیمه دائر بدایت محکمه سی حقوق دائره سندن ویریلن مارالبیان . . تاریخلو اعلامه تحت حکمه آلمش اولماسیله متحقق اولدیغنه، وشو حالدده مرقوم (ع) ه اسناد اولنان فعلک افعال ممنوعه دن یعنی قانوناً موجب جزا احوال دن بولنادیغنه ، و مدعی عمومی وکیلی افدینک مطالعه واقعه سی نفس الامر موافق کورولدیکنه بناءً مزبور (ع) ک اسناد اولنان فعلدن طولانی

عدم مسئولیتنه و مزبور (ب) استردادینی ادعا ایتدیکی بدل ایجار دعواسنک
 رؤیتی محکمه نك صلاحیت قانونیه سی خارجنده اولدیغنه بناء ردینه و مزبور
 (ع) ك ضرر و زیان اولمق اوزره طلب ایتدیکی یوز یکریمی غروش مزبور
 (ب) ك دخی تحت تصدیق و اعترافنده بولمغله مزبور (ب) ه تضمینه و . .
 غروش مصارف محاکمه نك مزبور (ب) دن اخذ و استیفا سنه . . تاریخنده
 قرار ویریلهرک تفهیم قیلنمشدر.

صورت اخیری : نومرو - ۱۷۳ ماده ۱۵۳

. . بدایت محکمه سنده مدعی عمومیلک وظیفه سنی ایفا ایتکده اولان
 ضبطیه یوزباشیسی . . . اقدینک محکمه مزبوره یه مع التفرعات اعطا ایتدیکی . . .
 تاریخلی ادعانا مه ده . . . ناحیه سی مدیری . . . اقدی طرفدن کوندریلوب
 ادعانا مه مذکور ایله کوندریلن ضبط ورقه سی مألنه نظراً ناحیه مذکورده
 . . . محله سنده . . . نومرو لی خانه ده مقیم (ب) نام کسنه یرتیجی و تربیه سز
 کویکنی ممر ناس اولان زقاقده صالیویرمک قباحتنه متجاسر اولدیغی آکلا شمش
 اولمغله حقنده مجازات قانونیه نك اجراسی طلب و مذکور ضبط ورقه سی
 خلاصه مالی، ۱۲۹۹ سنه سی . . . کونی ساعت بش راددرلنده زقاعه ناظر
 حکومت قونای اوطه سنده اوطور مقده ایکن تربیه سز، یرتیجی برکلبک
 اوتیه برویه صولت ایتکده و خلق، خوف و خشیتلرندن تحافظه مجبور
 اولمقده اولدیغی کورولمه سیله مذکور کلب برتقریب قارشوده بولنان برقهوه -
 خانه یه قیادیرلش و صاحبی بولنان . . . ده مقیم . . . یاشنده . . . صنعتنده
 (ب) نام کسنه جلب ایله مذکور کلب ارانه اولندوقده کندوسنک اولدیغی
 سویله مش و آلوب خانه سنه کوتورمش اولدیغی محرر بولمغله مزبور (ب)
 اصولاً تسطیر قیلننار جلبنامه ایله تعیین ایدیلن کونده محکمه یه کلمش اولمغله
 معاون وکیلی مومی الیه حاضر اولدیغی حاده مذکور ادعانا مه ایله ضبط ورقه سی
 مواجهه لرنده قرائت و علناً اجرای محاکمه لرینه مباشرت اولندی.

مدعی عمومیلک وظیفه سنی ایفا ایدن معاون وکیلی مومی الیهک ادعاسی
استفسار اولندقدده ادعا نامه سی مألنی بعد التکرار مزبور (ب) ک اسناد اولنان
فعلی ارتکاب ایتمش اولدینی . . ناحیه مدیری طرفندن تنظیم واسرا قیلنان
ضبط ورقه سیله مثبت اولوب مذکور ضبط ورقه سی دخی قاعده سنه توفیقاً
تنظیم قیلنمش احتیاجه صالح ضبط ورقه لرندن بولمغله مزبور (ب) ک قانون
جزانک اوچنجی بانک ایکی یوز اللی طقوزنجی ماده سی احکامنه توفیقاً
مجازاتنی طلب ایله مشدر.

مزبور (ب) ایسه زقاعه صالیویرلش اولدینی ادعا اولنان کلب؛ فی الحقیقه
کندوسنک اولدینی اقرار و اعتراف ایله مش ایسه ده کلبنی دائمی صورتده
زنجیرده طوتمقدده اولدینی حالدده بویننده بر یاره حاصل اولمش اولماسنه
بناءً لاجل التداوی زنجیری چیقاردینی صرهدده قپودن طیشارو چیقمش
وشو حالدده کندوسنه اسناد اولنان فعل خطاء وقوع بولمش اولمغله مجازاتی
موافق حقانیت اولمادینی بیان ایله دی.

بونک اوزرینه مدعی عمومیلک وظیفه سنی ایفا ایدن معاون مومی الیه
. . دخی قرائت اولنان ضبط ورقه سی مألنه و مرقوم (ب) ک صورت
افاده سنه نظراً کندوسی تریه سز ویرتیجی کوپکنی زقاقلره صالیویردیکی
تحقق ایتمش و کرچه مرقوم (ب) فعل واقعک طرفندن خطاء وقوعنی
و بنا برین مجازاتدن عفونینی ادعا ایتکده ایسه ده کوپکک زنجیرینی چیقاردینی
حالدده قپویی قپاتمی لازمه دن اولمغله ممکن التحرز اولان بو حالک احتمال
وقوعندن احتراز ایتمه سی؛ مجازاتدن عفونینی مستلزم اوله میه جغه و فعل
واقعی آسایش عمومیه یی محل اولوب قانون جزانک دخی بیان اولنان ماده
مذکور سنه مطابق بولندیغه بناءً مجازات قانونیه نک اجرایی ادعاسنده
اصرار ایله مشدر.

مرقوم (ب) دخی اشبو قباحته شائبه قصد اولمادینی و کوپکک زنجیرینی
چیقاردینی حالدده قپویی قپاتمی لزومی مسلم اولمغله برابر قپاتماسی؛ احتیاطه

رعایت ائمه مکدن عبارت اولوب بودخی خصائص بشریتدن اولان ذهول وغفلتدن ایلرو کلش اولغله کندوسی هر حالده معذور اولدیغنی بیان ایله مش و بونک خارجنده بشقه بر دیه جکی اولمادیغنی سویله مکله محاکمه نك ختام بولدیغنی تفهیم قیلنشددر.

ایجاب کیفیت لدی المذاکره ضبط ورقه سی مألنه استناداً مدعی عمومیک وظیفه سنی ایضا ایدن ضبطیه یوز باشیسی . . . افدینک ادعاسی، مرقوم (ب) ک تحت تصدیق و اعترافنده اولدیغنی کبی مرقوم (ب) ک فعل واقعک طرفندن خطاء صدوری حقنده کی مدافعه سی دخی ذهول وغفلتدن منبعث لازمه احتیاطه رعایت ائمه مکدن نشئت ایتمش اولدیغنی اعتراف ایتمسینه مردود اولوب شو حاله کوره مزبور (ب) ک تر بیه سز و بیر تیجی کوپکنی عمومی زقاقلره صالیویر مک قباحتنی مرتکب اولدیغنی آکلاشیله رق اولوجهله اتهامه ومع هذا فعل واقعک مرقوم (ب) طرفندن صدوری سوء قصده منی اولمایوب تقصیر اتندن ایلرو کلش اولماسنه وقانون جزانک ۲۵۹نجی ماده سنک جمله احکامندن بری دخی « بیر تیجی حیواناتی زقاعه صالیویر نلرک اون بشلکدن اون بش بشلکه قدر مجازات اولنه جنی » فقره سی بولماسنه نظراً مرقوم (ب) ک اون بشلک جزای نقدی اعطاسینه محکومیتنه ومبالغ محکوم بهانک کندوسندن استیفاسنه ومفرداتی زیزده محرر . . . غروش مصارف محاکمه نك مرقوم (ب) دن آلماسنه . . . تاریخنده قرار ویریلرک ماده قانونیه نك قرائتیه اصول تفهیم اجرا اولندی.

سکزنجی فصل

اعلاماتک اجرای احکامی حقنده یازیله جق ادعانامه در.

اعلاماتک حقوق عمومیه یه متعلق احکامنک اجراسنی مدعی عمومی

و حقوق شخصيه متعلق احكامك انفاذى مدعى شخصى طلب ايدر. اشبو اعلاملك اجراى احكامندن ترتب ايدى جك ضرر و زيان دعوالرى، اساساً جرمدن نشأت ايتمش اولمادىنى حالده حقوق محكمه لرنده كورولور.

اشبو طلبنامه ده: محكومك تعريف قانونيسيله جهت محكوميتى و محكوميتى متضمن اعلاملك هانكى محكمه دن صدور ايتدىكى و اجراسى مطلوب اولان حكمك اجراسى و محكومك حبسى مقتضى ايسه قوه عموميه طرفدن محكومك دردست اولنه رق حبسى و معانده سى حالده معاونت طلبى خصوصى يازيلير.

صورت: نومرو ۱۷۴ ماده ۱۵۵

... ده مقيم ... ياشنده ... صعتنده (ب) نام كمنه نك ...
 بدايت محكمه سنك ... تاريخلو اعلامى موجبنجه بكا قارشو تضمينات اوله رق اعطاسيله محكوم اولدىنى جمعاً يگون ... غروشك كندوسندن اخذيله طرفه تسليمى ضمنده محكمه مذكوره اعلاملك اجراى حكمى طلب ايلرم.
 «مدعى شخصى»

- بزده اعلاماتك اجراسى ظهر لرينه «اجراى حكمى ضمنده ضابطه يه» ديه اشارتله طلب اولمق اصول مرعيه دندر و مركزى غيرى بر محله بولونان محكومك حبسى ايجاب ايتدكه حقنده كى اعلاملك لفيه محلى رياستنه تحريرات يازلمقه اولديغندن زيرده كى صورت طرزنده معامله كرچه متعامل دكسه ده ظهر اعلاماته يازيله كلان اشارت مذكوره، محكومك صورت دردستى و بو حبسخانه نهرجه قبولى حقنده زيرده كى صورت احكامى متضمن بولنديغندن و مأخذمن اولان اثره كوره فرانسه محاكمنده معامله اويولده اولديغندن معلومات اولمق اوزره صورت مذكوره نك ايفاسى تنسيب قيلندى.


صورت: اخرى نومرو ۱۷۵ ماده ۱۵۵

... ده متولد ... ياشنده ... صعتنده (ب) نام كمنه ... بدايت

محکمه سنک . . . تاریخلو بر قطعه اعلامی موجنبه بش کون حبس جزاسیاه
 محکوم اولدیغندن مرقوم «ب» ک باجمله خدمه و قوه مسلحه معرفتاریله اخذ
 و گرفت اولنه رق محکمه مذکوره حبسخانه و یا خود در دست ایدیله جکی محل
 حبسخانه سنه تسلیمی و مذکور حبسخانه محافظلرینک مرقوم (ب) ی قبولیله
 مدت محکومه سی ایچون توقیف ایتدیره رک اتمام ایتلرینی طلب ایلم. مرقوم
 (ب) ک نمانعت و اختفاسی حالده در دست ایدیله رک مأمور اولانلره قوه
 مسلحه طرفدن معاونت لازمه ایفا اولنماسی ضمنده اشبو ادعایله . . . تاریخنده
 تظیر و امضا قیلندی.

امضا

مدعی عمومی



طقوزنجی فصل

ناحیه مجلسارنده قباحتلرک اصول استینافه دأردر

اشبو استدعا، دعوانک استیناف اولنه جنی بدایت محکمه سی قلنه ویریلیر.
 قباحتلرده: جواز استینافک حدودی، تشکیلات قانوننده بیان اولنمشدر.
 برسوپرندی قالدیرمق کبی غیر معین احکامی حاوی اعلامات دخی قابل
 استینافدر. استیناف حتی، محکوم علیه کدر. مدعی عمومی نیک استینافه صلاحیتی
 یوقدر. جنجه دعوالرنده ایسه عنی کل حال کرک مدعی عمومی ایله مدعی
 شخصینک و کرکسه محکوم علیه ک استینافه صلاحیتی واردر. میانه لرنده اولان
 بو فرق دخی قباحتلرک اهمیتجه دون اولمالرینه مبنیدر.

برده: مستأنف استدعاسنک بر صورتی مدعی عمومی و مدعی شخصی به

تبایع ایتک شرطدر.

اشبو استیناف استدعاسنده: ... استیناف اولنان اعلامک تاریخ صدوریله خلاصه حکمی واعلامک هانکی محکمه دن صدور ایتدیکی وتاریخ تبلیغی ایله حکم واقعک قانون ونظامه نه وجهله موافق اولمادینی خصوصری یازیلیر.

استدعا صورت نومرو - ۱۷۶ ماده ۱۵۸

«... بدایت محکمه سنه»

... بدایت محکمه سی نزدنده بولنان مدعی عمومی ... افندینک علیهمده اقامه ایتدیکی دعوی اوزرینه محکمه مزبورده جریان ایدن محاکمه نتیجه سنده چاکرلرینک اوچ کون حبس واون بشلک جزای نقدی اعطاسیله مجازاتمه حکم اولنهرق حکم واقع دخی ... تاریخنده برقطعه اعلامه ربطله ... تاریخنده طرفه تبلیغ قیلندی. آنجق طرفدن صدوری ادعا اولنان قباحتک اولوجهله وقوعنه استناد ایدیلن ضبط ورقه سی، قانوناً صلاحیتی اولان مأمورلر جانبندن تنظیم اولنمادینی کبی صورت منظمه ده دخی تنظیم اولنماش اولدینی حالده عکس مندرجاتی اثبات ایچون اقامه ایتکی طلب ایتدیکم شهود شخصی بی محکمه مزبورده استماع ایتمکن استنکاف ایله مش اولغله اعلام مذکورک فسختی استدعا ایلم اولبایده.

صورت اعلام نومرو - ۱۷۷ ماده ۱۶۰

... ناحیه سی مجلسی طرفندن مغایر تنیها ت عزو اولنان حرکتندن طولانی یکرمی درت ساعت حبسی حقننده علیهنه ویریلن ... تاریخ و ... نومرولی حکم اعلامنه عدم قناعتله استیناف دعوایی مضمین ... طرفندن ... محکمه سنه ویریلن ... تاریخلو استدعا اوزرینه کیفیت بالاشعار، اعلام مذکور محلی مجلسی طرفندن مع التفرعات ارسال و ... محکمه سی مدعی عمومی معاونلکنه بعدالتبلیغ فی ... سنه تاریخلو تبلیغنامه ایله ...

محکمہ سنہ تودیع قلمنی اوزرینہ طرفین بالجب معین اولان . . . کوننده مدعی عمومی معاونی . . . حاضر اولدینی حالده محاکمہ استینافیہ ابتدارله مذکور استدعاء، مواجهه لرنده قرائت اولندی . استدعای مذکورک مالی . . . عبارت اوله رق مدتده اعطا ومدعی عمومی معاونلکی مأمورینه اصولاً تبلیغی اجرا قیلنش اولغله ومعاون مومی الیه قبولی مطالعه سنده بولمغله قبولیله اعلام مستأنف به و طرفینک لایحه اعتراضیه وجوابیه لری قرائت اولنوب علناً ووجاهاً اجرای محاکمه لرینه مبادرت قیلندی .

ناحیه مذکوره مجلسنک قرارنامه سی مالی، «اجرا قیلنن تدقیقات ومحاکماتہ نظراً مرقوم (ب)ک بنا ایتمکده اولدینی آخوری ایچون طریق عامدن برمقدار یر آلدینی اعترافله برابر آلدینی یر، مارینک مرور وعبورینه مانع اوله مایه جنی کبی تنبیهات واقعه ایشه مباشرتدن اول اجرا اولنق لازم کلیرکن اجراءات واقعه نک آخورک همان اکلانه مصادف بر زمانه قدر عوق وتأخیری، گندوسنک بغیرحق اضرائینی مؤدی اولدیغندن بوکا ایسه حکومتک رضاسی اوله مایه جغندن مذکور آخوری هدم ایدهمیه جکنی بیان ایله مش ایسه ده بلدیہ دائره سنک مذکور تقریری مفادینه و اخیراً اجرا قیلنن کشفیاته نظراً مرقوم (ب)ک آخوری ایچون آلمش اولدینی یر، طریق عامدن اولمقله برابر مارینک دخی مرور وعبورینه مانع کورولمش اولماسنه ومرقوم (ب)ک تنبیهات واقعه، آخوری بدایت انشاسنده ایفا اولنق مقتضی اولدیغنه دائر اولان دفعی، وارد اولسه دخی بلدیہ نظاماتی موجبنجه بنا انشاسنه مباشرتی اصولاً بلدیہ اخبار وخصتیہ سنی استحصاله مجبور اولدینی حالده بوکا رعایت ایتهمسیله بویوزدن گندیسی ایچون حصوله کله جک ضرره ینه کندوسی سببیت ویرمش اولدیغنه بناءً مذکور آخورک هدمیله طریقک کالاول تسویه سنه ومخالف قانون وقوع بولان اشبوحرکتدن طولایی یکرمی درت ساعت حبسه قونولماسنه متفقاً قرار ویرلدیکنی «مبین در .

مرقوم (ب)ک لایحه اعتراضیه سی مفهومی، ناحیه لرنده مجلس بلدیہ

مجدداً تأسيس ايتمش و بوكي افعالك قانوناً اولان ممنوعيتى مذكور مجلس بلديه نك تأسيسدن صكره اعلان و اشاعه اولنهرق حالبوكه مذكور آخور انشاسنك تاريخ مباشرتى مار البيان اعلانات و تسيهاتدن مقدم بولنديغنه و بر كيسه نك بيله ديكي برشى ايله مؤاخذه اولنه مامسى، قاعده اساسيه دن اولديغى جهته قانونك ماقبلنه شمولى اوله مايه جغنه بناء عليه ويران حكم ابتدائى نك فسخى طلبنى محتوى بولتمشدر.

بونك اوزرينه مستأنفك اعتراضات واقعه سنه جوابى معاون مومى اليهدن سؤال اولندقدنه مستأنف مرقوم «ب» ك عدم علمه و بنا برين معذوريتنه دائر اولان اعتراضاتى، احكام قانونيه يه مغاير اولمغله اعتراضات واقعه سنك رديله حكم ابتدائى نك تصديقى طلب ايله مشدر. مستأنف مرقوم «ب» دخى افادات مضبوطه سنى تكرر و مذكور آخورك هدى، كندوسى ايجون فوق العاده ضررى مؤدى اوله جغندن حكم ابتدائى نك فسخى طلبنى تذكرا ايله مشدر. طرفينك باشقه برديه جكلرى اولمادىغى لى السؤال آكلا شغله محاكمه لرينك ختام بولديغى تفهيم اولندى.

ايجاب كيفيت لى المذاكره، مستأنف مرقوم، لايحه اعتراضيه سنده مذكور آخور انشاسنك تاريخ مباشرتى بلديه مجلسنك تسيهات واقعه سنندن مقدم اولديغندن و قانونك ماقبلنه شمولى اوله مايه جغندن بحثله حكم ابتدائى نك فسخى طلب ايتمش ايسه ده مجدداً تأسيس ايدن مجلس بلديه، يه قوانين سابقه دائره. سنده اجراى احكام ايله مكلف اولهرق قوانين موجوده احكامنك جمله جه معلوم و مجبورى الانفاذ اولماسى ايسه طبيعى اولديغنه و مستأنف مرقومك درميان ايتديكى اعتراضك قبولى جهتنه كيدلسه احكام قانونيه نك زماناً تقيد و تخصيصى تجويز اولمق لازم كلهرك بودخى كليت و عموميت مطلوبه سنى اخلاص ايده جكنه و ذاتاً جرم واقع، منافع عموميه يى محل اولمق جهته جرائم طبيعىه دن اولهرق بوجهته معرض دفعده درميان اولنان عدم علمه، سبب معذرت اوله.

مایه جفته مبنی حکم ابتدائینک تصدیقته و... غروش مصارف محاکمته
مستأنف مرقومه تحمیلنه متفقاً قرار ویریلوب تفهیم اولندی.

اوننجی فصل

ناحیه ویابدایت محکمه لرینک لوا محکمه لرینه کوندره جکلری جدولہ دائرہ در.

اشبو جدول، اوچ آیدہ برکرہ تحت حکمه آلتان جرأمی حاوی اوله جقدر.
بوجدول، لوا مدعی عمومیسنه کوندریلیر. بوندن مراد، آسایش عمومی
اخلال ایدن و بنا برین کندولرینه امنیت اولنق جائز اولمایان کسان، حکومت
ادارہ یه بیلدیرمکدن عبارتدر. ایشته بونک ثمره سی اقتطاف اولنه جق صورته
برتدیر اوله رق اتخاذا اولنور ایسه فوائد مالاخصی بی مستلزم اولور. یعنی:
جرأتمک کسب ندرت ایتمه لرینه وسیله او اور؛ چونکه برکیسه فعلنک نتیجه
سندن مجازات قانونیه سنی کوردکدن صکره سوء حالی مضبوط اولدیغی بیلیر
ایسه البته ایقاع جرمدن دها زیاده توقی ایدر. بوده، حقوق جزایه نك وضعی
آثار طبیعیه سنددر. اوچ آیدہ برکره بیلدیریله جک حکملر، حبس جزاسنی
مستلزم حکملردر؛ فقط بونلره تبعاً جدولده مجازات نقدیه و تضمیناته دائر
حکملر دخی یازیلیر اما اوچ آی ایچنده حبس جزاسنی حاوی بر حکم ویرلمه مش
ایسه جدول یایمق ایجاب ایتمه یوب یالکز حبس جزاسنی حاوی بر حکم ویرلمدیکی
خصوصی، رئیس محکمه طرفدن بشقه جه برعریضه ایله عرض اولنور.

اشبو جدوللری محکمه کاتبلری تنظیم ایدہ جکلردر. آنده التی خانه آچهرق
برنجیسنده: محکومک اسمی، شهرتی، سنی، صنعتی، مولدی و اقامتگاهی؛ ایکنجیسنده:
شخص متضررک اسمی، شهرتی، صنعتی، اقامتگاهی؛ اوچنجیسنده: جرمک
جنسی؛ دردنجیسنده: جرمک محل وقوعی؛ بشنجیسنده: تطبیق اولنان ماده
قانونیه؛ آلتنجیسنده: حکم اولنان مجازات و برخانه ده دخی حکم آلتنه آلتان

صورت: نومرو - ۱۷۸ ماده ۱۶۲

عدده		۱		۲	
حکومک اسمی، شهری، صنعتی، سنی، مولدی، اقامتگاهی	شخص متضررک اسمی، شهری، صنعتی، اقامتگاهی	جرمک نوعی	جرمک محل وقوعی	تطبیق اولنان ماده قانونیه	حکم اولنان مجازات
ده مقيم . . . ده متولد . . . یاشنده . . . اصنافندن «ب» اوغلی «ح»	ده مقيم اهالییدن «و» اوغلی «س»	طریق عامدن بر ضبط ایتک	. . . قصبه سنده، . . . زقاعنسنده، . . . جاده سنده	قانون جزانک باب ثالثنک ۲۶۴ نجی ماده سی	برهفته حبس و اون بش بشلک جزای تقدی و . . . غروش مصارف محاکمه و ضرر و زیان
»	»	»	»	»	»

جرأتمك رقله عددی یازیلیر . بعده کاتب آلتندہ برشرح یازار و آندہ ہانکی تاریخہ قدر حکم آلتنہ آلتمش جراًتمك حکم خلاصہ سی اولدیغی، ہانکی محکمہ نك ویردیکی حکمر اولوب نرہ یہ کوندرلہ سی لازم کلہ جکی خصوصری یازیلیر . بعده رئیس محکمہ دخی آکا دائر تصدیق حاوی برشرح یازار .

اشبو بیک ایکی یوز طقسان طقوز سنہ سنک مارتی ابتداسندن مایسنک غایہ سنہ قدر کذران ایدن اوچ آی مدت ایچندہ . . . بدایت محکمہ سنجہ تحت حکمہ آلتان جراًتمك خلاصہ حکمری، بالادہ محرر جدولہ ثبت و تحریر قیلتمش اولغلہ اصول محاکمہ جزائیه نك یوز آلتمش ایکنجی مادہ سی احکامہ توفیقاً لوا مدعی عمومییی نزدینہ کوندرلک اوزرہ اشبو جدول تنظیم و امضا قیلنہ رق . . . بدایت محکمہ سنہ تقدیم قیلتمشدر . امضا
فی سنہ کاتب

محکمہ کاتبی . . . افدینک امضاسیلہ ممضی ویریلن بالادہ محرر جدول وقوع حالہ مطابق و اصولنہ موافق تنظیم قیلتمش اولغلہ تصدیق کیفیت ضمنندہ شرح و امضا قیلندی . فی سنہ امضا
رئیس

رئیس طرفدن اوچ آی ایچندہ حبس جزاسنی حاوی بر حکم ویرلہ مش اولدیغنه دائر یازیلہ جق تصدیق نامہ در

صورت: نومرو - ۱۷۹ ماده ۱۶۲

اشبو بیک ایکی یوز طقسان طقوز سنہ سنک مارتی ابتداسندن مایسی نہایتنہ دکن کذران ایدن اوچ آی مدتہ، محکمہ مزجہ حبس جزاسنی حاوی هیچ بر حکم ویرلہ مش اولدیغندن اصول جزائیه نك ۱۶۲ نجی مادہ سنہ توفیقاً تصدیق کیفیتہ ابتدار قیلندی . امضا
رئیس





قسم ثالث

جنحه لره دائر اولان معاملات واحكام حقنده در

{ برنجی فصل }

جنحه ماده لرنده حکم غیابی و اعتراض علی الحکمہ دائر در

جنحه لره حکم غیابی، مواد حقوقیه جریان ایدن حکم غیابی اصوله شیهدر. شو قدرکه مواد حقوقیه، طرفینک و قباحت نوعندن اولان جرائمه، مضمون علیک وکیلی قبول اولنمق اصولدن اولدینی حالده جنحه ماده لرنده، مضمون علیهدن وکیل قبول ایتک جواز قانونییه مستند اولمق لازمدر. (م ۱۶۹) دیمک اولورکه جنحه ماده لرنده مضمون علیک بالذات دعوتہ اجابت ایتسی ایجاب ایدر.

جنحه لره، حکم غیابینک معاملات حقوقیه جریان ایدن اصول غیابییه مقیس اولماسی، اشبو اصول حاضرهدن اول مواد جزایه جریان ایتکده بولنمش اولان اصول، - معاملاتہ وقابلیت مملکتہ کوره - غریب کورونور ایسهده قانونک مواد مخصوصه ومحاکمک معاملات جاریهسی، معاملات حقوقیه اولدینی کی جنحه ماده لرنده دخی جبر معنوی اجراسیله اکتفا ایدمک لزومنی مؤیددر.

جنحه ماده لرنده اجرا قیلنه جق تحقیقات غیابیه دخی معاملات حقوقیه

جریان ایدن اصول تحقیقاته شییه در معاملات حقوقیه ده حکم غیابی، مدعینک عواسنک صحت و ثبوتی حالنده و یریه کلدیکندن، مواد جزائییه ده دخی مظنون علیهک ویا مدعی شخصینک مجرد محکمه یه کلکدن تگرد و امتناع ایتهلری، علیهلرینه حکمه سببیت و یره مه یوب بلکه غیاباً رؤیت محاکمه یه سبب اولور. بناءً علی ذلک محکمه، شخص متمرک حضورینه متوقف اولان معاملات تحقیقیه دن ماعدا کافه تدقیقاتی اجرا ایدر. و مظنون علیهک جنت کبی، صباوت کبی، عفونی، ویا خطا کبی قصد کبی تخفیف و تشدید جراسنی، الحاصل برائت و محکومیتنی استلزام ایده جک کافه وسائط قانونیه یی استعمال ایله آکا گوره حکمنی بنا ایلر.

حکم غیابییه دأر بعض احکام، قباحترک حکم غیابیلری بخشنده دخی بیان اولندیغندن تکراره حاجت کورولمه مشدر.

اعلام غیابی صورت: نومرو ۱۸۰ ماده ۱۷۰

... ده مقیم (ب) طرفندن ... محکمه سنه و یریلان ... تاریخلو عرفحالده
اشوبیک الح سنه سی ... کوننده ... ده واقع ... چارشوسنده ... ده
مقیم ... متولد ... یاشنده ... صنعتنده (ح) نام کمنه، کندوسندن بعض
اوفق تفک شیلر آلق اوزره آلیش و یریش ایدرکن حصوله کلن اختلاف
اوزرینه، کندوسنی دکنک ایله ضرب و جرح ایتش اولماسندن طولانی
مرقوم (ح) ک جلیله مجازاتی و مصارف جراحیه ایله خسته لنی زماننده
محروم قالدینی کاروکسبنک تضمینی طلب و شکایت اولنقدن ناشی مرقوم (ب)
ایله (ح) ه تسطیر قیلنن دعوتیه ورقه لر یله تعیین ایدلش اولان کونده،
مرقوم (ب) کله دیکی کبی مرقوم (ح) دخی کله دیکنه و مدعی عمومی معاونی
... افندی حقوق عمومییه جهتجه مظنون علیه مرقوم (ح) حقنده تدقیقات
غیابیه اجراسنی طلب ایله مش بولندیغنه بناءً اصول محاکمه جزائییه نک
۱۷۰ نجی ماده سی حکمه توفیقاً تدقیقات غیابیه یه ابتدار اولندی.

مدعی عمومی مومی الیهک ادعای استفسار اولدوقده مضمون علیه مرقوم (ح) ک مرقوم (ب) بی اولوجهله ضرب و جرح ایتدیکی وقوعات وقتنده محل جرمدہ موجود بولنمش اولان تفتیش . . . افسدینک جرم واقعی مثبت اولباده تنظیم ایتدیکی ضبط ورقهسی وطیب راپورطوسیله مثبت اولدیغنی دعوی و مذکور ضبط ورقهسیله راپورک قرائتی طلب ایلمکله بالقرائہ مذکور ضبط ورقهسنک مالی، . . . حاوی و مذکور راپورطونک خلاصہسی دخی . . . محتوی اولدیغنی کورولسی اوزرینه، مدعی عمومی مومی- ایله، تکرار کلامه آغاز ایله مرقوم (ح) ک اسناد اولنان فعلی ارتکاب ایتدیکی مارالبیان ضبط ورقهسیله مثبت اولدیغنه و فعل واقعی، قانون جزانک ۱۷۹ نجی مادهسی حکمنجه مستلزم مجازات اولدیغنی دخی مذکور راپورطو مألندن استفاد بولندیغنه بناءً مرقوم (ح) ک اولوجهله مرقوم (ب) بی ضرب و جرح ایش اولق تهمتیه اتهامه و ماده مذکوره احکامنه توفیقاً مجازاتنه حکم اولناسنی طلب ایلهدی. بشقه بر دیه جکی اولمادیغنی آ کلاشلای اوزرینه محاکمه نک ختام بولدیغنی تفهیم قیلندی .

ایجابی لدی المذاکره، مدعی شخصی، مرقوم (ب) ایله مضمون علیه (ح) ک کلملری اوزرینه اجرا قیلینان تدقیقات و محاکمات غیاییده مرقوم (ح) ک مرقوم (ب) بی اولوجهله ضرب و جرح ایله دیکی مأموری طرفدن صورت منتظمده محرر مارالبیان ضبط ورقهسیله مثبت اولدیغنه، و مرقوم (ب) ک جریحهسی اون بش کونده التیام پذیر اوله جنی قرائت اولنان مذکور راپورطو مألندن مستبان بولندیغنه، و قانون جزانک ۱۷۹ نجی مادهسی . . . عبارهسی حاوی اولوب مرقوم (ح) ک حرکت واقعہسی ایسه ماده مذکوریه موافق کورندیکنه بناءً مرقوم (ح) ک ماده مذکوره حکمنجه بر آی مدتله حبسه قونولماسنه و مدعی شخصی مرقوم (ب) دخی کلممش اولدیغندن حقوق شخصییه دعواسنک آچیق بولماسنه و مصارف محاکمه اولان . . . غروشک مرقوم (ح) دن اخذ و استیفا اولماسنه . . . تاریخنده قابل اعتراض اولق اوزره

غیاباً و متحداً قرار و یریلوب صورت قرار، ماده مذکورہ نك بعبارتها قرأته
معاون مومی الیہ تفہیم اولندی . فی سنہ

اعتراض علی الحکم اعلامی - صورت : نومرو - ۱۸۱ ماده ۱۸۲

... ده مقیم مدعی شخصی (ب) طرفدن و یریلن ... تاریخلو اعتراض
علی الحکم استدعاسی، کندوسنی ضرب و جرح ایدن ... ده مقیم ... ده متولد
... یاشنده ... صنعتنده «ح» حقندہ سبقت ایدن شکایتی اوزرینہ محاکمہ
ایچون تعیین اولنان کونده کندوسی کلمہ مش اولمقدن ناشی ... محکمہ سنجہ
اجرا قیلنان محاکمہ غیابہده مرقوم «ح» ک حقوق عمومیہ جهتجہ برہفتہ
مدتلہ حبسہ قونولماسنہ و حقوق شخصیه جهتجہ ... غروش مصارف و ضرر
وزیان اعطاسیلہ محکومیتنہ ... تاریخندہ عن الغیاب قرار و یریلوب تحت حکمہ
آلتمش و حکم واقع طرفنہ ... تاریخندہ تبلیغ قیلتمش ایسہده کرک مدت
حبس و کرکسہ مصارف و ضرر زیان فعلہ کتوریلن جرمک حالنہ کورہ حد
اعتدالده اولمآغلہ حکم سابقک فسخیلہ تعدیل و اصلاحی طلب اولتمقدن ناشی
طرفین تسطیر قیلنان دعوتیہ ورقہ سیلہ تعیین ایدلمش اولان کونده محکمہ یہ
کلش اولمالریلہ مدعی عمومی ... افندی حاضر اولدینی حالده مذکور
اعتراض علی الحکم استدعاسی لدی التدقیق مدت نظامیہ سی ایچندہ اعطا
و طرفینہ معاملہ تبلیغیہ سی دخی ایفا قیلندینی کورلمکله و معاون مومی الیہ
بوجہتی قبولی مطالعہ بولتمآغلہ باقبول محاکمہ و جاہیہ لرینہ مبادرت اولندی .

اعلام غیابی مذکور لدی القراءہ مالی، مرقوم «ح» ک مرقوم «ب» بی
ضرب و جرح فعلندن طولایی و ... نجی ماده قانونیہ یہ توفیقاً برہفتہ حبسلہ
مجازانہ، و جاہاً و مرقوم «ب» ... غروش ضرر و زیان و تضمینات اعطاسنہ،
(بورادہ غیاباً حکمی حاوی بر اعلام غیابی خلاصہ سی یازیلہ جقدر) عبارت اولدینی
کورولمشدر . بونک اوزرینہ اعتراضی نەدن عبارت اولدینی مرقوم «ب» دن
سؤال اولندقدہ مال استدعاسنی تکرارلہ مرقوم «ح» ک کندوسنی ضرب

و جرح ایتھسی تصمیماً وقوع بولدیغنه و مصارف جراحیه... غروشہ بالغ اولدیغی مجازفہ بازارلق ایتمش اولدیغی دو قتور... افدینک یدندن آلدیغی ابرا علم و خبریلہ مثبت بولندیغنه بناءً حکم سابقک فسخیله مرقوم «ح» ک تشدید مجازاتی و مصارف جراحیه نك تزید مقداریلہ طرفه اعطاسنی طلب و دعوی ایله دی .

مذکور علم و خبری لدی القرائه... تاریخلو و... امضاسنی حاوی اوله رق مالی، «مرقوم ب» دن مصارف جراحیه اوله رق... غروش آلوب استیفا و اسقاط حق اولدیغی «بیانندن عبارت اولدیغی کورلمش در. و و معاون مومی الیهک طلیله مومی الیه دو قتور... افدی محکمه یه جلب اوله رق مذکور علم و خبرک امضاسنی کندوسنک اولدیغی بیانله مندرجاتی تصدیق ایله دی .

محکوم علیه مرقوم «ح» دخی فعل جرحده قصدی اولمادیغنی و مصارف جراحیه حقنده محکمه نك قرارینه تبعیت ایده جکنی بیان ایله مشدر. بعده مدعی عمومی مومی الیه مصلحتی خلاصه ایله مدعی شخصی مرقوم (ب) ک مجازاة حکمنه اولان اعتراضاتنک ردینه و حقوق شخصیجه نتیجه حکم سابقک تعدیل و اصلاحی لزومنه دائر بیان مطالعه ایله مشدر. بونک اوزرینه طرفین افادات سابقه لری خارجنده بر دیه جکلری اولمادیغنی بیان ایله مش اولمالریله محاکمه لرینک ختام بولدیغنی تفهیم اولندی .

ایجابی لدی المذاکره، مدعی شخصی مرقوم (ب) جارح مرقوم (ح) فعل جرحنی متعمداً اجرا ایله مش اولدیغندن طولایی حکم سابقک فسخیله مرقوم (ح) ک تشدید مجازاتی طلب ایله مش ایسه ده حکم سابقک مجازاتنه تعلق ایدن قرار حقوق عمومیه دن اولدیغنه و حقوق عمومیه مدعیسی مدعی عمومی اولمق جهتیله بو بایده جریان ایدن محاکمه ایله ویرلمش اولان حکم و جاهاً جاری اولمش بولندیغنه بناءً مرقوم (ب) ک بو بایده اولان اعتراضنک ردیله حکم سابقک مجازاته تعلق ایدن حکمنک علی حاله ابقاسنه و مرقوم (ب) ک مصارف جراحیه حقنده اولان ادعاسی وارد اولوب بو ادعاسنی

دخی مارالبیان ابرا علم و خبری و دو قنور ... افدینک شهادت واقع سیه
 اثبات ایتدیکنه بناءً اعلام سابقک مصارف جراحیه حقنده اولان حکمک
 فسخیله اثبات اولنان ... غروش مصارف جراحیه نک جارح مرقوم (ح) دن
 بالاخذ مرقوم (ب) یه اعطاسنه و ... غروش مصارف محاکمه نک مرقوم
 (ح) دن آلماسنه ... تاریخنده و جاهاً و متفقاً قرار و یریلوب تفهیم اولندی.

ایکنجی فصل

حکم و جاهی حقنده در

جنحه محکمه لرنجه تنظیم اولنه جق اعلاماتده قباحت اعلاماتنده درجی
 شرط قیلنان مواد درج اولندقدن صکره اعلاماتک فقره حکمیه سنده احضار
 اولنان اشخاصک مجرم و یا مسئول بالمال اولمالرینی ایجاب ایدن افعال ایله
 مجازات و حقوق شخصیه حقنده ترتب ایدن احکام تصریح اولنه جق و حکمک
 مستند اولدینی متن قانون، رئیس طرفدن حین تفهیمده قرائت اولنه رق
 کیفیت قرائت اعلامده ذکر و بیان و ماده قانونیه دخی درج اولنه جق
 و اولنمادینی حالده محکمه کاتبی برلیرا جزای نقدی و یرمکه محکوم اوله جقدر.
 اشبو شرائطک یعنی: کرک اسباب حکمک و کرکسه ماده قانونیه نک قرائت
 اولدینی بیانی لابد اولان اعلاماتدن مراد مجازات حکمنی حاوی اعلاماتدر.
 یوقسه براءت ذمت ایله تعدیل و تخفیف جزایه دائر اعلاماتده بوشرائطی
 درج ایتمه مک دخی جائزدر.

احضار اولنان اشخاصک مجرم و یا مسئول بالمال اولمالرینی ایجاب ایدن
 اسبابک بیانی بودعوایی استینافاً کوره جک اولان محکمه جه احکام قانونیه نک
 طوغری تطبیق اولنوب اولنمادینی خصوصی سهولتله آکلا شملق ایچونددر.

بناءً عليه مطلوب حاصل اوله جق صورتده بواسبابك فقره حکمیه ده بولنمایوب .
اعلامك محاکمه فقره سنده بولنمائی قاعدهیه منافی اولماق ایجاب ایدر .

بوشریطیه عدم رعایت حالنده اعلامك حکمسنزلکنه حکم اولنوب
اولنه مایه جنی مسئله سی مختلف فیهادر . بعضاری دییورکه : قانون مادامکه بوبابده
سکوت ایتشدیر بوشریطیه رعایت اولنمایان اعلامك حکمسنزلکنه حکم اولنه ماز .
دیگر طرف ایسه دییورکه : استیناف محکمه لری تحقیقاتی محدود اوله رق
گوره جکلرندن اسباب موجبک بیانی لازمدر وعدم بیانی حالنده اعلام
فسخنی موجب اولور . بودخی ، بالفرض مأموریتنی اجرا اثناسنده بر مأموری
تحقیر وترذیل ایدن کسنه نك علیهنده ویریله جك حکمده ایدیان تحقیر واقمیدر ؟
دکلیدر ؟ و واقع ایسه نذن ونه وجهته تحقیر ایدلیکی بیان اولنمایه رق مجرد
«فلان کیسه فلان مأموری تحقیر ایتدی بناءً علیه شووجهه مجازات اولندی»
دیه فقره حکمیه ده تصریحات لازمه درج اولنمایه رق ویریلن حکم ، نقصان
تحقیقاته منی ویرلمش اولدینی جهته حکمك فسخنی موجب اولور .

ماده قانونیه دخی مجلس محاکمه ده قرائت اولنه جق ایسه ده اولنماقندن
طولایی قانون ، اعلامك حکمسنزلکنی حکم ایتمز . بوقرائت خصوصی محکوم
علیهجه ، حقنده ویریلن حکمك موافق قانون اولدیغنه بدرجهیه قدر امنیت
حاصل اولوق ایچوندر ؛ یوقسه کرک بوماده وکرکسه ۱۵۳ نجی ماده حکمنجه
مادامکه ماده قانونیه هر حالده اعلامده درج قیلنه جقدر . اشبو قرائت و ذکره
کیفیتنک بخش ایده جنکی فوائد اساسیه دن مستغنی قیلار .

ماده قانونیه نك درجی حقنده کی احکام ، قباحتح بحثنده بیان اولنان احکامه
تالعدر .

بونده ، قباحتح بحثنده دیندلیکی کبی رئیس ، مطنوز علیهی استنطاق دخی ایدر .

صورت : نومرو ماده ۱۸۲

... بدایت محکمه سی مدعی عمومی معاونلکی طرفندن ویریلن ...

تاریخولو ادعای نامدهده،... ده مقیم (ب) نام کمنه بی شتم و تحقیر ایدن ... ده مقیم ... ده متولد ... یاشنده خواجه لردن (ح) نام کمنه نك کیفیت شتی حقهده مرقوم (ب) طرفندن ویریلن ... تاریخولو شکایتنامه سی اوزرینه اولباده ... محکمه سی نزدنده بولنان مستنطق ... افندی طرفندن اجرا قیلنوب ... تاریخنده تبلیغ قیلنان صور تحقیقیه ایله محل مذکور بلدیله رئیس طرفندن محرر ضبط ورقه سی مألرینه نظراً «مرقوم (ح) ك ماده شتم و تحقیرده مدخلی اولدیغی حقهده دلائل و امارات کافیه اولغله و جرم واقع، قانون جزانك ۲۱۴ نجی ماده سی احکامنه کوره مجازات تادیبیه یی مستلزم جنحه قیلندن بولغله مرقوم (ب) ك مراجعت و طلب مخصوصی اوزرینه طرفینك جایی ایله اجرای محاکمه لری طلبندن و مذکور قرارنامه ده دنجی مرقوم «ب» یی شتم و تحقیر ایدن مرقوم (ح) ماده شتم و تحقیرده مدخلی انکار ایدیور ایسه ده کندینه اسناد اولنان جرم مذکوری ارتکاب ایتدیگی، ... بلدیله رئیسك اولباده اولان ضبط ورقه سی ایله لاجل الشهاده خبر ویریلوب جلب ایدیلن ... ده مقیم ... یاشنده ... صنعتنده و ... و ... و ده مقیم ... یاشنده ... صنعتنده (ع) نام کمنه لرك بعد التحلیف ایفا ایله ذکوری شهادت لریله آکلا شلمسینه بناء مرقومك، قانون جزانك ۲۱۴ نجی ماده سی حکمنجه مضمون علیه مرقوم (ح) ك ... لزوم محاکمه سنه و محاکمه سنك محکمه مرقومه ده رؤیتنه قرار ویرلمکدن عبارت بولغله جلب مذکره سیله تعیین ایدیلن کونده مدعی شخصی مرقوم (ب) ایله مضمون علیه مرقوم (ح) بالذات محکمه یه کلش اولمالریله مدعی عمومی معاونی ... افندی حاضر اولدیغی حاده رؤیت محاکمه لرینه ابتدارله مذکور ادعاینامه و قرارنامه موا جهه لرنده قرائت اولندی.

مدعی عمومی مومی الیهك افاده سی استفسار اولندقدده ادعاینامه سی مألنی تکرارله برابر ادعای واقعه، ناموسه متعلق اولوب بویله بر فاملیانك حیات معنویسنك لکهداز اولماسی محتمل و متصور اولان خصوصاً صانده مدعی عمومی لرك

بلا طلب مداخله و بنا برین رأساً اقامه دعویاه مآذونیتاری اولمادینی حالدہ مدعی شخصی مرقوم «ب» ک وقوع بولان طلبیلہ طرفندن مجازات قانونیہ اجراسی طلب قیلتمش ایسهده کندولرینک بوبابده کی وظیفه لری میزان حق و حقانیکی کلیت اوزره استقامتمده طوتهرق خللدن وقایه وصیانت ایتمکدن عبارت اولمغله دعوی و واقعه نك تفصیلات لازمه سی حقهده مدعی شخصی مرقومک سؤال اولنماسی لزومنی بیان و افاده ایله مکله مدعی شخصی مرقوم «ب» ک افاده و ادعاسی سؤال اولندقدہ کندوسی مظنون علیه «ح» ک متعلقا تندن . . . ده مقیم (ط) علیه اقامه ایتدیکی دعوی حقوقدن ناشی مرقوم «ح» خاطرمانده اولماسیله ماه حلاک بشنجی بازارکونی ساعت بشده محله مزک . . . تعبیر اولنان اجتماعکاهنده او طور مقدمه ایکن مرقوم «ح» مرقوم «ب» ک اقامه ایتدیکی دعوی حقوقک سبب و حکمتندن صورمغله شیرازه نزاکت و مناظره دن خارجه چیقمامق شرطیه مباحثیه کیریشدکلرنده مرقوم «ح» حدقی تحریک ایده جک کندوسنه برشی سوتلمه مش اولدینی حالدہ جماعت حضورنده مرقوم «ب» ی «سز ذاتاً فاملیاجه ناموسسز و ایقاع مفسدته آوده اولمش آدملرسکز» دیه ذکری مستهجن ده ا یک چوق الفاظ غلیظه استعمال ایله مش اولماسیله مرقوم «ب» دخی اصلا مقابله ایتیه رک حاضر بولنان بلدیہ ریسی . . . افسندییه و قوعاتک ضبط ورقه سنی یازماسنی تکلیف ایله دیکنی بعدالبیان مرقوم «ح» ک کندی عاینده من غیر حق اولوجهه شتم و تحقیرده مجاسرتی، بلدیہ ریسی طرفندن صورت منتظمهده محرر ضبط ورقه سی ایله مثبت اولدینی کی ایجابی حالدہ برابرنده کتیردیکی شهود شخصییه ایله دخی اثبات مدعا ایده جکنی درمیان ایله مشدر.

بونک اوزرینه جرم مجوٹ عنی مصدق اولان ضبط ورقه سی لدی .
التدقیق صلاحیتی اولان مامور جانبندن تنظیم اولتمش و شرائط قانونیه کاملاً جامع اوله رق معتبران اهالیدن . . . ده مقیم . . . ایله . . . ده مقیم فلان طرفندن دخی امضا و تصدیق ایدلمش اولدینی کورلدکدن صکره لدی القراءه

مأئده (بوراده ضبط ورقه سی مالی یازیله جقدر) محرر اولدینی کورملکله ادعای واقعه ایله ضبط مذکور مندرجاتنه قارشو جوابی مرقوم (ح) دن صورلدقده اسناد اولنان فعلاده مدخلی اولمدیغنی وضبط مذکوری امضا ایدنلرک سبب عداوتی بیلهدیکنی وکندیسی بوکبی افعاله جرئت ایدرطاقدن اولمدیغنی اثبات ایله یه جکنی بیان ایله دی .

بونک اوزرینه مظنون علیه مرقوم (ح) ک استنطاقنه مبادرتله ضبط ورقه سی مأنه نظراً مرقوم (ح) ک اولوجهله شتم و تحقیره مجاسرتی، متعلق علیهنده بغیر حق دعوایه قیام اولنماسندن نشئت ایتدیکنی سویله دیکی حالده مستنطق حضورنده اجرا قیلنن استنطاقده: مرقوم «ب» ایله میانه لرنده برکونه سابقه سی یعنی عداوت و برودتی اولمدیغنی و وقوعات و کئی وقوعات محنده بولندینی اخیراً خدمه معرفتیه عینی کونده کندی خانه سنده تبلیغ و امضا ایتدیریلوب مرقوم (ب) طرفدن محکمه ده ابراز اولنان جلبنامه یه وضع ایتدیکی امضاسیله مثبت اولدینی حالده وقوعات کوننده خانه سنده اولمایوب . . . قریه سنه کیش اولدینی سویله می ندن نشئت ایتدیکی سؤال اولندقده برنجی سؤال حقنده یه اصرار سابقتی تکرار ایتیش ایسه ده ایکنجی سؤاله سکوتله مقابله ایله دی . معاون مومی الیهک مطالعه سنه بالمراجعه ضبط ورقه سنی امضا ایدنلرک جلب و استماعی مطالعه سنی درمیان ایتکلله بالمشاکره مرقوم (ح) ضبط مذکور مندرجاتی انکار ایلسنه بناءً توثیق مندرجاتی ضمننده اصحاب امضانک جلبه و محاکمه نک . . . کوننه تعلیقنه قرار ویریلرک صورت قرار طرفینه تفهیم قیلنیش ایدی . یوم تعلیقده طرفین کلکله معاون مومی الیه حاضر اولدینی حالده جلب اولنان شهوددن . . . ده مقیم . . . یاشنده (و) . . . مقیم . . . یاشنده (ع) ک طرفینه قرابت و عداوتلری اولمدیغنی بالسؤال آکلاشلقدن صکره بعد التحلیف منفرداً و مواجهاً استماع اولندقلرنده ضبط مذکور مندرجاتی تقریر و شهادت ایله دیلر .

وقوعبولان سؤال اوزرینه مظنون علیه مرقوم اقامه ایدیلن شهودک،

مرقوم (ب) ه قرابتلری اولمادیغی کی کندوسنه برکونا عداوتلری دخی بولما-
دیغی حالده بوبابده نهدن طولایی خلاف حقیقت سویله مکی ارتکاب ایتدکاریخی
بیله مدیکنی بیان ایله مشدر.

بونک اوزرینه مدعی شخصی مرقوم (ب) دخی مرقوم (ح) ک اولوجیهله
شتم و تحقیره مجاسرتی، درجه ثبوته وارمش اولدیغی کی مرقوم (ح) بحنه
کیریشیله جکی صرده تعلیق ایدیان شرطه رعایت ایده جکنی بیان ایتدیکی
حالده شتم و تحقیر ایتسی، و شتم و تحقیری اجرا ایچون او یله بر اجتماعکاهی
اختیار ایله مسی، بوبابده کی قصد و تصمیمی میدانه قومقمده اولدیغنی سویله دی.

بعده معاون موسی ایسه، خلاصه مصلحته ابتدارله تفصیلات واقعه یه
نظراً مظنون علیه مرقوم (ح) کندوسنه اسناد اولنان فعل شتم و تحقیرک
طرفدن صدورینی انکار ایتمکه ایسه ده فعل مذکورک ادعا اولدیغنی وجهله
فاعلی اولدیغنی مارالبیان بلدیله رئیسک صورت منتظمه ده محرر ضبط ورقه سی
وشهودک شهادتلی ایله مثبت اولدیغنی کبی مباحثه ایچون تعلیق ایدیان
شریطه یه رعایت ایده جکنی بیاندن صکره رعایت ایتمه سی و شتم و تحقیری مجمع
ناس اولان بر محله اجرا ایله مسی، بوبابده کی سو قصدنی میدانه قومش
ومظنون علیه مرقوم (ح) ک حاز اولدیغنی صفتی حسبیه اسایش عمومی یی
اخلال ایدن احوال دن توقی واجتناب ایتک و بوبابده عمومه نصیحت ایله مک
ایجاب ایتدیکی حالده فعل مذکوره مجاسرتی، اشد جزا ایله مجازاتی مستلزم
اولغله مرقوم (ح) ک قانون جزانک ایکیوز اون دردنجی ماده سنک فقره
اولاسی حکمنجه مجازات اولغانسی طلب و ادعا ایله مشدر.

مظنون علیه مرقوم (ح) ایسه فعل مذکوری ارتکاب ایتدیکنه دائر
درمیان اولنان دلائل، خلاف ظاهری اثباته صورت کافیه ده تلقی اولنسه
دخی قصده دائر وقوع بولان ادعالک بسبتون واهی وبی اساس اولدیغنی بیان
ایله مش و بونک خارجنده بر افاده سی اولمادیغنی بعدالبیان محاکمه لرینک ختام
بولدیغنی تفهیم اولنمشدر.

ایجاب کیفیت لدی التذکر افادات و مدافعات مسر و دهن مستیان اولدینغه
 نظراً مظنون علیه مرقوم (ح) کندیسه اسناد اولنان ماده شتم و تحقیری
 ارتکاب ایتدیکی، مذکور ضبط ورقه سی و توثیق مندرجاتی ایچون جلب
 اولنان شهود شخصینک شهادت واقعهلری و مرقوم (ح) ک اجرا قیلنان
 استنطاقنده بدایه و قوعبولان مباین افاداتی تألیف ایدهمه سی ایله ثابت
 و محقق اوله رق حرکتی، قانون جزانک ۲۱۴ نجی ماده سنه موافق کورلمسنه
 و ماده مذکورده «ماده مخصوصه اسنادی اولمایوب معاییدن برشی
 تخصیصیه و یا دیگر صورته بر کیسه دیگر بر کیسه حقنده محل ناموس سوز
 سویلر و یا خود شتم ایلر ایسه یکر می درت ساعتدن بر آیه قدر حبس اولنور
 و یا خود بوکا بدل یارم مجیدیه آلتونندن اوچ مجیدیه آلتوننه قدر جزای نقدی
 آلیور» دیه مصرح اولوب مرقوم (ح) ک مرقوم (ب) ه «سز فاملیاجه ناموس سز
 و ایقاع مفسدته آوده اولمش آدم لرسکز» دیمسی، معاییدن اولدینی کی عیب
 مذکور ایله مرقوم (ب) ک ناموسنی اخلال ایله مش ذیمک بولماسنه و اساس
 طوبتیلان ماده مذکوره قانونیه، مجازات بدنیه ایله مجازات نقدیه بیننده متردد
 ایسه ده محول جزا وضعندن مقصد، اصلی مجرمینک تأدیب و انتباهلری
 اولوب مظنون علیه مرقوم (ح) ک مجازات نقدیه اعطاسیله محکومیتی تأدیب
 و انتباهنی مستلزم اولمایوب حبساً مجازاتی حصول مقصدی کافل بولمسنه
 و مرقوم (ح) ک کندیسنه اسناد اولنان ماده شتمده ادعا اولنان قصد و تصمی
 محقق اولدینی کی کندوسی بوکی احوال دن توقی ایده جک بر صفتده اولدینی
 حالده توقی واجتناب ایتمه سی، اسباب مشدددن اولماسنه بناءً مظنون علیه
 مرقوم (ح) ک ماده مذکوره حکمنه توفیقاً تاریخ حبس و توقیفندن اعتباراً
 یکر می کون حبسنه وزیر اعلامده کوستریلوب مدعی شخصی مرقوم
 (ب) طرفندن تأدیه و اعطا اولنان . . . غروش مصارف محاکمه نک مرقوم
 (ح) دن استیفا اولنوب مرقوم (ب) یه ویرلمسنه و ضبط . . . و اعلام . . .

غروش مصارف محاكمك آئسنه... تاريخنده قابل استيناف اولوق اوزره قرار ويريلهرك ماده مذكورك قرائتيله طرفينه تفهيم قيلميدور.

مدعي عمومي معاوئي، ۱۸۲ نجی ماده موجنبه جنهيه متعلق ويريلهرك حكملرك خلاصه لرینی، محكمه استينافیه نزدنده بولسان مدعي عمومیلره كوندره جكدور.

اشبو خلاصه يي كوندرمكدن مقصد، محكم استينافیه نزدنده بولسان مدعي عمومیلر اول ماده حقنده ايجابی حالده استيناف مادهيه قالمشوق ويا خود قابونك كندولرینی مكلف ايتديكي وظائفی اجرا ايله مك ايجوندر.

بوکا دائر يازيله حق صورت ۱۸۵ نومروده سبق ايتديكي وجهه يازيلير شو قدركه ويريلن حككم مصيب اولوب اولماديغي، يعنی حكم ايديلن جزانك حد اعتالده بولنوب بولماديغي آكلاشلق ايجون صورت مذكورنك نوع جرم حقنده اولان خانه سنده حكم واقعك خلاصه يي تفصيلی يازيلمایدور.

اوچنجی فصل

جنهيه متعلق احكامك استينافه دائر

جنه لرك استينافي، مجرم ومسئول بالمال ومدعي شخصي طرفدن ايسه حككم تاريخ تفهيمندن اون كون طرفنده حكمی ويرن محكمه قئنه بيان اولنقله اولور. وحكم غياباً ويرلمش ايسه بومدت حككم محكوم عليه اصولاً تبليغندن اعتباراً بدأ ايدر.

اشبو بيان مار البيان مستانفرك محكمه قئنه كيدوب عليه رينه صادر اوله حق حكمی استيناف ايدجكلرینی افاده وبوافاده لری محكمه كاتبی طرفدن

ضبط اوله رق طریقجه امضالمقدن عبارتدر؛ فقط بزده استیناف؛ استدعانامه تقدیمیه معروف اولدیغندن بیان مذکورک مستأنفک امضاسیله ممضی استدعانامه شکنده اولماسی اوتهدنبرو مرعی اولان اصوله موافقدر. مع هذا محکمه کاتبی طرفدن ضبط صورتنده تحریری دخی مقصدقانونه منافی اولمادیغنی کبی مستأنفلر ایچوندخنی داعی سهولتدر. مدتی ظرفنده شووجهله محکمه قلمه استیناف اوله جنی بیان اولتماز ایسه حق استیناف ساقط اولور. مستأنفلرک استینافه دائر واقع اوله جوق، بیانلری، مدعی عمومی ایله دیگر طرفه تبلیغ اولمق ایجاب ایتمز. بدایه صادر اولان حکم، مدت استینافیه ایچنده اجرا اولنمایه جنی کبی اول حکمک علیه وقوعبوله جوق استیناف دعوی بیاننامه سی دخی ۱۸۵ نجی ماده نك فقره اخیره سی حکمنجه حکمک اجراسنی تأخیر ایدر؛ فقط حکم، برائی متضمن ایسه مضمون علیه سبیلی درحال تخلیه اولنور. (م ۱۸۸) حکمک مدت استینافیه ایچنده اجرا اولنماسی واستیناف استدعاسنک حکم واقمک اجراسنی تأخیر ایتمی قاعده سی، مدعی عمومیلرک ۱۸۷ نجی ماده موجبه حق استینافی اولان بر ویا ایکی آی مدته دخی مرعی اولمق یعنی بومدته دخی حکم مستأنف به اجرا اولنماق ایجاب ایدر. قباحترده: اصول استینافیه یالکز اسباب استینافی حاوی بر استدعا ویرمک و آنی محکمه قلمه ویا مدعی عمومی به اعطا ایتمکله اوله بیلدیکی حالده جنجه لرده: اولاستیناف دعوی ایدیله جنکی بیان ایتمک و او بیانی مجرد محکمه قلمه ایفا ایله مک و ثانیاً اسباب استینافیه بی حاوی محکمه قلمه بشقه جه لایحه ویرمکله اوله بیلیر که بونکله قباحت ایله جنجه لرک اصول استینافیه سی بیننده برفرق حصوله کلدی.

استدعانامه: نومرو ۱۸۳ ماده ۱۸۵

... ده مقیم (ح) طرفدن علیهمه اقامه ایدیلوب محاکمه سی اجرا ایدیلن
... دعواسندن طولای... جزاسیله مجازاتمه لاحق اوله رق... تاریخنده

تفهيم اولنان حكمة قانع اولمايوب استيناف دعوايه قيام ايله ديكمي ميين تقديم
استدنامه يه جرات قيلندي اولبايده .
امضا

ضبط شككنده يازلدقده - صورت : نومرو ۱۸۴ ماده ۱۸۵

اشبو بيك (الح) ... كوننده ... ده مقيم (ح) باش كاتبي اولديغ ...
محكمه سي قلنه كلهرك مقدا ... ده مقيم (ت) طرفدن عليه اقامه ايديلوب
رؤيت ايديلن ... دعواسندن طولايي اجرا قيلنان محاكمه لرنده كندوسنك
« جزاسيله مجازاتنه حكم اولنه رق حكم واقع دخی ... تاريخنده تفهيم قيلنمش
ايسده حكم واقعه قانع اولمايغسندن استيناف دعوی ايتديكنی سويله مش
واشبو افاده سنك ضبطي طلب ايله مش اولغله افاده واقعه سي ضبط اولنمش
ولدي القراءه مائنی بالتصديق وضع امضا ايله جكنی دخی بيان ايتمش واول
وجهله بالتحریر امضا قيلنمشدر .

ايشته بومعامله دن صكره مستأفء، موجب استيناف اولان اسباب استينا-
فيه يي حاوی براستدعا لايحه سي تقديم ايدر . اشبو استدعاء لايحه مقامنده اولوب
استيناف ايچون معين اولان مدت ايچنده يا حكمي ويرن محكمه قلنه ويا خود
طوغريدن طوغري يه دعواي استينافا كوره جك اولان استيناف محكمه سنه
ويريلير .

اسباب استينافي حاوی استدعا - صورت : نومرو ۱۸۵ ماده ۱۶۸

... محكمه سي رياست ...

... محكمه سنجه (ويا محكمه عليه لر نجه) عليهمه لاحق اولان حكمي حاوی
... تاريخلو اعلامك استينافاً فسختي دعوايه قيام ايتديكمي ... تاريخلو
برقطه استدنامه ايله محكمه قلنه بيان ايله مش ايدم .

حکم مذکور مغایر قانون ویرلسنه منی اسباب آتیہ استناداً فسختی ادعا ایدرم شویله که :

اولاً اقامه ایتدیکم دعوی، محکوم علیه مرقوم (ح)ک ماندره سنده باشی بوش اوله رق صالیویرمش اولدینی کلبازی طرفندن بره لشمش اولدیغمدن عبارت و جریه لرم آنجق برآی مدته التیام پذیر اوله بیله جکی دو قوتور... افدینک اولوباده کی راپورطی مفادندن اوله رق فعل مذکور ایسه قانون جزانک آنجی ماده سنجه حبس و تضمیناتی موجب جنجه قیلندن ایکن محکمه جه فعل مذکورک قباحت نوعدن عدلیه ۲ نجی ماده یه توفیقاً محکوم علیه مرقومک یالکز اون بشلک جزای تقدی اعطاسنه حکم ویرلمکه اکتفا اولنماسی مغایر قانوندر؛ چونکه (الح) ثانیاً (...)) (الح) ایشته اسباب مشروحه یه منی حکم واقعک فسخته فعل مذکورک قانون جزانک... نجی ماده سنه بالتطبیق تضمینات لازمه نک حکم و ظرفه اعطاسنی استدعا ایلرم. امضا

استیناف محکمه سی نزدنده بولنان مدعی عمومینک استیناف دعواسی، تابع اولدینی اصوله کلنجه : محکوم علیه و مسؤل بالمال و مدعی شخصی کی مخاکمجه ویریلن هر نوع حکملر علیه لوا مدعی عمومی معاوندریله استیناف مدعی عمومی لرینک دخی حق استینافی واردر. یعنی ۱۸۲ نجی ماده موجبنجه هر اون بش کونده برکوندریله جک صلاحده موافق عدالت کورمیه جکلری حکملری ماده قانونیه ده کورولن مدته استیناف ایدرلر.

مدعی عمومیلرک استینافلری، جرمک حال و درجه سنه کوره یا خفیف اولان جزایی، معتدل اولان درجه شده و یاشدید تعیین ایدلمش اولان جزایی بر مقتضای عدالت رتبه خفته ایصال ایتمکدن عبارتدر.

فقط استیناف مدعی عمومی استیناف دعوی ایچون اصولی اوزره نزدنده وقوع بوله جق مراجعتی محکوم علیه و یامسؤل بالماله تبلیغ ایتک لازمدر. بودخی محکوم علیه و یامسؤل بالمالک آخر محله بولنلرندن طولانی حقلرنده ویرلمش

اولان حکم علیہ استیناف دعوی اولدیغنی یلوبده اگا کوره تدارکلی بولماری مقصدینه منی در . استیناف مدعی عمومیلرینک استیناف دعوی ایدہ جکلری اولوجهله تبلیغ ایتلاری کافی اولوب یوقسه حکمی ویرن محکمہ قلمه محکوم علیہ کی استیناف کیفیتنی بیانہ مجبوریتلاری یوقدر .

اشبو تبلیغ کیفیت مکلفیتی ، نص قانونه کوره یالکز استیناف مدعی عمومیسنه ویرلمشدر . دیمکه حکمی ویرن محکمہ زدنده بولنان مدعی عمومی استیناف دعوی ایتدیکی حالده کیفیتنی محکوم علیہ ویامسئول بالماله اخباره مجبور اولمایوب مجرد استیناف دعوی ایچون اصولاً محکمہ استینافه مراجعتله طرفینی احضار ایتک کافیدر .

صورت : نومرو ۱۸۶ ماده ۱۸۷

... ده مقیم (ب) ک خانه سندن اشیا سرقتی تهمتیه مظنون علیہ اولان . . . ده مقیم . . . شکلنده (ح) نام کسنه نک برأت ذمتی حقنده . . . بدایت محکمہ سنجه . . . تاریخنده تفهیم و خلاصه سی طرفزه کوندریلن حکم علیہ استینافاً اقامه دعوی ایدہ جکمدن مرقوم (ح) ه تبلیغ کیفیت اولتماسی ایجاب ایدر .

اشبو بیاننامه نک محکوم علیہ تبلیغی اجرا اولدیغنه دائر خدمه طرفندن بازيله جق ضبط ورقه سنه دائر در

... خدمه سندن اولدیغ . . . محکمہ سی مدعی عمومیسنک طلب واقعی اوزرینه . . . ده مقیم (ح) ک خانه سنه کیدوب کندوسنی چاغردم و خانه سی قپوسنه چیقدیغنده . . . ده مقیم (ب) ک خانه سندن اشیا سرقت تهمتیه مظنون علیہ اولمقدن ناشی مقدا . . . محکمہ سنجه جیریان ایدن محاکمه لری اوزرینه برأت دائر ویریلن حکم علیہ . . . محکمہ سی استیناف مدعی عمومیسنی استینافاً

۴ قامة دعوی ایتدیکنی بیان و بیاننامه نك براسخه سی نزدنده ترك ایله دیکمی
مشعر اشبو ضبط ورقسی تنظیم و امضا قیلندی .
امضا
مباشر

جنجه ماده لرنده ویریلن حکم غیابیلر ایله علیهلرینه وقوعه جق اعتراض ؛
... نومرولرده محرر اوراق کبی یازیلیر؛ فقط نوع جرمه محکمه نك درجه -
سنجه اولان اختلافاته رعایت اولتمق لازمدر .

استیناف منجه مقنده محاکمه و جاهیه اوزرینه یازیلیر اعلیانه دأردر

استیناف اعلیانه نك صور تنظیمه سیله امضایه سنه دأر قانونك رعایتی
شرط ایتدیکی ترتیب و شرائط؛ ... نومرو ایله ... نومروده بیان اولدقلرندن
بوراده تکراره حاجت کورلمه مشدر . شو قدرکه ۱۹۱ و ۱۹۲ نجی ماده لر ی حکمنجه
استیناف دعوی اعضالردن برینك تقریر یله بر آی ایچنده کور یله جکندن
محاکمه یه شروع اولدقده مذکور تقریر ایله استیناف استدعاسی قرائت اولنوره
و استیناف استدعاسی ؛ مدت نظامیه ایچنده تقدیم ایدیلوب ایدلمدیکنه و استینافك
قبول و عدم قبوله دأر قرار ویرلدکن صکره ۱۷۴ نجی ماده حکمنجه طرفین
استماع اولنور . دیمککه استیناف اعلیانه اولا: استیناف دعوا یه دأر اولان
بیاننامه ایله اوراق متفرعه نك و اعضا تقریرینك دأره یه ویریلوب طرفین
مواجهه لرنده قرائت اولدینی اشبو بیاننامه نك مدتده و اصولنده ایسه
قبولی، دکلسه ردی قراری؛ ثانیاً: استدعا قبول اولنش ایسه اعلام ابتدائینك
مواجهه بالقراه خلاصه قراری؛ ثالثاً: لایحه اعتراضیه ایله جوابیه نك
خلاصه مأللری خصوصلری یازلدقن صکره اعلامك فسحی حقنده در میان
اولنان اسباب موجب فسح اولوب اولمادینی حقنده معاونك مطالمه سی
استفسار اولنورق محکمه جه بو بایده ویریلن قرارك ندن عبارت اولدینی
و اعلام؛ اگر فسح اولنش ایسه محاکمه نك یکیدن رؤتی حقنده ویریه جک

قرار اوزرينه امر محاكمه لرى . . . نومرو ايله . . . نومروده بيان اولنان ترتيب اوزره بالاجرا دعوايه حكم اولنور .

استينافاً كوريله جك دعوا لرك اعضادن برينك تقريرى اوزرينه كورلمسى، ايشك بر كره اعضادن بر يسنجه حده تدقيقدن كچيريله رك محكمه نك حل ايدم جكي نقطه لرى تهيه واعداد ايله شو وجهله حكمك اعطاسنى تسهيل ايتمك مقصدينه منى در .

اشبو تقرير، ماده قانونيه كوره تحريرى اولمق وبونك بو وجهله بايلوب قرائت اولديغى دى اعلام ايله تصديق ايدمك لازمدر . تقريرك يانلامسى، حكم واقعك دقتسزلكله ويرلمش اولماسنه دليل اوله جغندن اسباب نقضيه دن اوله بايلير ايكن اخيراً محكمه تميز هيت عموميه سنجه تقرير تنظيم اولنلامسى اسباب نقضيه دن معدود اولديغنه فقط ويريلن تقرير اوزرينه دعوانك بر آى ظرفنده كورلمسى شرط لازم اولمايوب ماده نك سورنجه ده قالماسنه منى وضع اولنمش بر شرط اولديغندن بوكا رعايت اولنلامسى، حكمى افساد ايتمز ايسه ده مسؤليت ايتياهييه يي موجب اولور . بو تقرير، حكم غيابى ايله اعتراض على الحكم وصلاحيت محكمه كى مدافعات ابتداءيه دى يانلق لازمدر .

قباحتلك اهميتلى دون اولديغنه بناء آنلك استينافاً رؤيتى حائلده بو وجهله تقرير يانمغه حاجت يوقدر .

بر دعوانك استينافاً رؤيتنده: ۱۹۳ نجى ماده ده بيان اولديغى اوزره ۱۷۴ نجى ماده مو جنبه محاكمه نك علنيتنه وبونك وقوعنك اعلامله تصديقه واستجواب اولنه جق شهودك تحليفنه دائر اولان احكامه رعايت لازمدر .

صورت نومرو ۱۸۷ ماده ۱۹۱ و ۱۹۲

. . . ده مقيم جارج (ب) ايله . . . ده مقيم مجروح (ح) ميانه لرنده متكون منازعه دن طولاي . . . محكمه سنجه جريان ايدن محاكمه اوزرينه

مرقوم (ب) نك اوج ماه مدتله حبسنه دائر . . . تاریخنده تفهیم ایدیلوب خلاصه سی طرفلینه کوندریلن حکمک استینافاً رؤیتی طلبنی حاوی، . . . محکمہ استینافیہ سی مدعی عمومیلکی جانبندن معطی . . . تاریخلو ادعانامه ده حکم واقعی استیناف ایتدیکندن و طرفینه معامله تبلیغیه اجرا قیلندیغندن بختله طرفینک، خلی و تدقیقات استینافیہ نك اجرایی طلب اولمقدن ناشی مذکور استدعا و تفرعاتی اعضادن . . . افدییه بالتودیع تقریری آندقدن صکره طرفین بالجب محکمیه کلمش اولماریله مدعی عمومی . . . افدی حاضر اولدینی حالده و جاهاً و علناً اجرای محاکمه لرینه ابتدارله مذکور ادعانامه مواجهه لرنده قرائت اولندی. مذکور ادعانامه ده «...» مالی واعضا تقریرلنده ادعانامه مذکور مدتنده بولندیغنی محرر واستیناف بیاناتنک طرفینه تبلیغی اجرا قلدینی کوردکن و طرفینک بوجهت حقدیه برده جکبری اولمادیغنی آکلاشدقدن صکره مذکور استیناف ادعانامه سنک مدتنده اعطا و معاملات تبلیغیه قانونیه سی قانونی دائره سنده ایفا قلدینی کورلمسیله قبولنه بالاتفاق ویریلن قرار بعدالتفهیم اعلام مستأنف به قرائت اولندی.

اعلام مذکورک خلاصه مالی، . . . ده مقیم (ب) ک . . . ده مقیم (ح) ی ضرب و جرح ایله مش اولماسندن طولایی میانه لرنده متحدت منازعه اوزرینه جریان ایدن محاکمه ده مرقوم (ب) مزبور (ح) ی مقدا بر رأس بارکیرینی سرقت و آخره بیع ایتمش اولماسندن متصل بر سابقه اوزرینه آخوردن کورینی قالدیرمق بهانه سیله خانه سنه جلب ایتمش و خانه سی حولیسنه کیردیکنده ضرب و جرحه مباشرتله آرقه سنندن و قوللریله بجا قلدینک برقاچ یرندن جرح ایله دیکی ادعا اولمش و کرچه مرقوم (ب) کندیسنه اسناد اولنان ماده جرمی منکر بولمش ایسه ده فعل مذکور ی ارتکاب ایتدیکی اثنای ضربنده کوستریلن شدت تأثیریه مرقوم (ح) باغردینی صرده ده زقاقدن کچوب یتیشن و کندیسنی آندن قورناران . . . ده مقیم . . . یاشنده . . . صنعتده . . . نام کمنسه لک مع التحلیف وقوعبولان اخبار ایتله مؤید اولدیغندن مرقوم (ب) ک

اسناد اولنان ماده ضرب و جرحى مرتكب اولديغنه و مرقوم «ح» ك آت جرحى،
آنچق اوج آى ظرفنده التيام پذير اوله بيله چكى . . . طبيى افدى طرفندن
ويريلن راپورطو مآندن آكلاشلايغنه بناء مرقوم (ب) ك ۱۷۸ نجى ماده
قانونيه حكمينه . . . تاريخندن اعتباراً اوج آى مدته حبسه و . . . غروشن
مصارف جراحيهك مرقوم (ب) دن اخذ واستيفاسنه متفقاً قرار و يرلديكى
متمندر .

بونك اوزرينه طرفيندن ويريلن لايحه اعتراضيه و جوابيه قرائت اولنه رق
بونردن مدعى عمومى مومى اليه لايحه سنده مرقوم (ب) ك فعل جرح
مذكورى بالتصميم ايضاً ايتديكى و جرح واقعتاً آنچق اوج آيد التيام پذير
اوله بيله چك درجه ده بولنديغى حالده جارح مرقومك ماده قانونيه ده كوستريان
جزانك ك خفيفيله مجازاتى مطلوب اولان عدالت قانونيه به مخالف اولديغندن
حكم سابقك فسخيله جزانك معتدل اولان درجه شده تحويلى طلبى حاوى
و مستأنف عليه مرقوم (ب) ك لايحه جوابيه سى دخى تعيين ايديلن جزا
معتدل اولديغندن حكم واقعتاً تصديقى ادعاسنى محتويدر .

مستأنف، مدعى عمومى مومى اليه ادعاسنى استفسار اولندوقده لايحه سى
ميدرجاتى تكرر ايله جارح مرقوم «ب» ك تشديد مجازاتى طلب ايله دى .
مستأنف عليه (ب) دخى لايحه سى مالى تكرر ايله مش و باشقه برديه چكلىرى
اولمادىغى لى السؤال آكلاشش اولمغله محاكمه لرينك ختام بولديغى تفهيم
اولندي .

احبابى لى المذاكره، اعلام مستأنف بهك جهت ثبوتيه و تطبيقيه سى
قانونيه موافق و اصول محاكميه مطابق ايسه ده جارح مرقوم (ب) ك ارتكاب
ايتديكى مثبت اولان فعل جرحك درجه شديته كوره تعيين ايديلن جزا،
حد اعتدالده كوروله ديكنه بناء اعلام المذكورك بوجهندن فسخيه و جارح
مرقوم (ب) ك فعل واقعى قانون جزانك ۱۷۸ نجى ماده سنه موافق اوله رق
ماده مذكوره ده (. . . .) ديه محرر ايسه ده فعل جرحك طبيب قانونيه

رندن مستبان اولان درجه شدتی اسباب مشدده فعلیه دن اولمغله مرقومك تاریخ توقیفدن اعتباراً بر سنه مدتله حبسه قونماسنه و مصارف جراحیه دائر اولان حکمك حقوق شخصیه دن اولق جهتیله حالیه ابقاسنه و . . . غروش مصارف محاکمك مرقوم (ب) دن آلتماسنه . . . تاریخنده ماده مزبوره نك قرائتیه قرار ویریلهرك تفهیم قیلندی.

صورت اخری : نومرو ۱۸۸

. . . ده مقیم (ب) ك اقامه ایتدیكى افترا دعواسندن طولای . . . بدایت محكمه سنجه علینه ویریلن قرارك استینافاً رؤیتی، مستدعی . . . ده مقیم (ع) امضاسیاه ویریلن عرضحال اوزرینه محلنه بالاشعار اوراقی کتیریلوب برلشدرلدکدن و تقریری ایچون اعضادن . . . افندی به بالتودیع تقریری آلدقدن صکره مذکور استعداده طرفینك جلبی و دعوانك استینافاً رؤیتی طلب اولمقدن ناشی دعوات واقعه اوزرینه طرفین اصالة کلمرلیه مدعی عمومی . . . افندی حاضر اولدیغی حالده اجرای محاکمه علینه ووجه لیرینه ابتدارله مذکور استعدا و اعضا تقریری مواجهه لرنده او قوندی. استیناف استعداسنده . . . و اعضا تقریرنده استعدانك مدتده اعطا و اصولنده املا قیلدیغی کورلمکله مدعی عمومی مومی الیهك مطالعه سنه بالمراجعه استعدانك قبولی مطالعه سنی بیان و طرفینك بوجهت حقنده بر دیه جکاری اولدیغی اتیان ایتملریله بالذاکره بوجه مطالعه استعدانك قبولیه دعوانك استینافاً تدقیقه قرار ویرلدکدن صکره اعلام مستأنف به قرائت اولندی. خصوص مذکوره متعلق اوراق متفرعه ایله برلشدریلهرك یانیه ولایتی استیناف محکمه سنده قرائت اولندی.

خلاصه مالی، مرقوم (ع) ك مقدما مرقوم (ب) علیهنده اقامه ایتمش اولدیغی امنیتی سوء استعمال دعواسنك عدم ثبوتندن طولای مؤخرآ مرقوم (ب) مرقوم (ع) علیهنده افترا واخلال ناموس دعواسنه قیامه

اجراى مجازاتى طلب ايلهش اولماسى اوزرينه مرقوم (ع) ك دعواى
 مجوٹ عنهايه قيامى، استحصال حقوق مقصدينه مبنى اولوب مدعى علمي
 بركونه اضرار وياخود تحقير مقصدينه مبنى اولماديغنه و بوكا دخى كنديسيله
 حب و مصافات اوزره كوروشمكده بولمخ اولماسى، دليل بولمخ اولديغنه
 بناء بو باده كندوسنه مسؤليت قانونيه ترتب ائيمه جكنى بيان ايلهش
 و كچه قانون جزانك ۲۱۳نجى ماده سنده دعواى حقوق ضمنده وقوعبولان
 عزويات، افترا نوعندن استئنا قيلمخ ايسه ده مرقوم (ع) ك اقامه ايلهش
 اولديغى امنيتى سوء استعمال دعواسنك عدم ثبوتدن طولايي عليه اقامه
 اولنان افترا دعواسندن استئناسنى استناد ايتديكى دعواى حقوقدن مراد:
 حقوق عاديه وياخود تجاربه اولوب يوقسه جزايى مستلزم احواله دعواى
 حقوق تركيبي شامل اوله مائه جغنه مبنى مرقوم (ع) ك افترا جرمى مرتكب
 اولديغنه و ۲۱۳نجى ماده قانونيه حكمنجه... تاريخندن اعتباراً... مدته
 حبسه قونولماسنه و... غروش مصارف محاكمه مرقوم (ع) ه تحميينه
 متفقاً قرار و يرلديكى متضمندر. بونك اوزرينه طرفين لايحه لرى قرائت
 اولنه رق مستأنف مرقوم (ع) لايحه اعتراضيه سنده... محكمه سنجه عليه ويريلن
 ... تاريخلو اعلامده خصمى طرفندن اقامه اولنان افترا دعواسنه قارشو
 دعواى حقوق ضمنده اقامه اولنوبده هر نصلسه ثبوت بوله ميان دعاويدن
 طولايى افترا دعواسى اقامه اولنه مائه جغنى، قانون جزانك ۲۱۳نجى ماده سنك
 فقره استئناسيه سنده محرر اولديغنه دار درميان ايتديكى دفعى رد ايدلمش
 و ماده مستندبهاده محرر اولان حقوق لفظنك جزايه شمولى اوله مائه جغنى
 بيان قيلمخ ايسه ده «حقوق» لفظنك عموميتنى تقيد و تخصيص ايدر بر فقره
 قانونيه اولمائه حقوق لفظنك جزايه دخى شمولى اولماسى، قاعده اقتضاسندن
 اولغله و حكم واقع شو وجهله مفسوخ بولمغه حكم ابتدائى مذكور فسخنى
 طلبنى حاوى و مستأنف عليه مرقومك لايحه جوابيه سى دخى حقوق لفظنك
 جزايه شمولى اوله مائه جغندن حكم واقمك تصديقى محتويدر.

مستأنف مرقوم (ع) ك افاده سی سؤال اولندقدہ لایحہ اعتراضیه سی
مألی تکرار ومستأنف علیہ لایحہ جوابیه سی خلاصه سی تذکار ایله دی .

مدعی عمومی عمومی الیه دخی مستأنف مرقومك مجرد اقامه ایتمش
اولدینی امنیتی سوء استعمال دعواسی عدم اثباتدن طولایی کندوسنك افترا
ایله محکوم اوله رق مجازاتی، قانون جزانك ۲۱۳ نجی ماده سنك فقره استثناء
یه سنه مخالف اولدیغنه واستحصال حقوق ضمنده اقامه ایدیلن بر دعوانك
عدم ثبوتندن طولایی افترا ایله محکومیت، بالآخره هیچ کیسه نك اقامه
دعوی ایله استحصال حقوقه جرأت ایده مه سنه و بنا برین افرادك مطلوب
اولان حریت مطلوبه لرینی اخلاله سبب اوله جغنه بناء حکم اولك فسخیله
مستأنف مرقوم (ح) ك برائتنه حکم ویرلمسنی طلب و ادعا ایتمش وایکی
طرف، افادات سابقه لرنده اصرارله بشقه بر دیه جکلری اولمادیغنی بیان
ایله مه لری اوزرینه محاکمه لرینك ختام بولدیغنی تفهیم قیلنمشدر.

ایجابی لیدی المذاکره اعلام ابتدائی ده حقوق لفظك جزایه شمولى
اوله مایه جغنه بناء مستأنف مرقوم (ع) ك اقامه ایتمش اولدینی امنیتی سنه
استعمال دعواسی عدم اثباتدن طولایی جرم مذکورى، مستأنف علیہ مرقوم
(ب) حقدہ افترا ایله محکومیتی و بناء علیہ قانون جزانك ۲۱۳ نجی ماده سی
حکمنجه مجازاتی خصوصه حکم اولنمش ایسه ده حکم واقع حقوق لفظك
جزایه شمولى اوله مامسی زهابنه منی اولوب حالبوکه حقوق لفظی، الفاظ
عامه دن اولدینی حالده عمومیتی تقیید ایدر برقرینه اولمادیغنه وقانون جزانك
۲۱۳ نجی ماده سنك فقره استثناییه سنده، دعواى حقوقدن طولایی افترا
دعواسی اقامه ارلنه مایه جغنی مصرح بولماسنه منی اصول محاکمه جزائیه نك
۱۹۴ نجی ماده سی حکمنجه اعلام ابتدائی مذکورك فسخ حکمیله مستأنف علیہ
مرقوم (ب) ك مستأنف (ع) ه معارضه دن منعه وزیرده مفرداتی محزر . . .
غروش مصارف محاکمه نك مستأنف علیہ مرقوم (ب) ه راجع اولمق اوزره
مرقوم (ع) دن آتماسنه . . . تاریخنده متفقاً ویریلن قرار صورتی طرفینه
تفهیم قیلنمشدر.



جنايات حقنده اولان معاملات واحكامه دائردر

برنجی فصل

هیئت اتهامیه نك معاملات وقرارلرینه دائردر

قسم اولك اون برنجی فصلنده محرر اولدیغی اوزره ماده جنایتی تقدیر واولوجهله قرار ویرن مستنطق، اول مادهیه دائر اوراقی مدعی عمومی معاونه ومدعی عمومی معاونی دخی مدعی عمومییه کونده ریر. مدعی عمومی دخی اوراقی هیئت اتهامیهیه تسلیم ایدر و تسلیمی حقنده برقطعه تقریر تنظیم واعطا ایلر.

اشبو تقریرده، اوراقك هیئت اتهامیهیه لزوم تسلیمی ایله نوع وعددلیری وهیئت اتهامیه نك لزوم تشکیلی بیان اولنور. مدعی عمومینك بش کون طرفنده مادهیی ترتیب وتهیه ایتسی، ایشی مذاکره اولنه جق برحاله قومقدن عبارت دیمکدر. بودخی اوراقه صرده سیله یعنی ماده نك صورت جریانی ترتیبیه نومرو وضع ایتک ایله اولور.

قانونك شرط ایتدیکی مدتله مرورنده ویریله جك تقریرلرك مجرد تأخر اعطالردن طولایی حکمسزلکدرینه حکم اولنماز. بومدتلردن مقصد، ایشك تسریع اجرایی فوآدینه مبنی در. بنا برین تقریر، اشبو مدتلردن اول تنظیم واعطا قیلنمش اولسه دخی باس یوقدر.

صورت: نومرو ۱۹۷ مادہ ۱۹۹

... ده مقیم (ب) ك قاتلی اولق اوزره مظنون علیہ اولان ... ده مقیم
(ع) نام کسه نك جنایتله لزوم محاکمه سنه دأر ... مستنطقنی طرفندن
ویریلوب ... تاریخندن، تودبع اولنان قرارنامه و تفرعاتی ملفوف پوصله
موجبه هیئت اتهامیه نك تشکیلی طلیله هیئت مزبوره ریاستنه تودبع اولنور.
امضا مأمورینه مخصوص

مهر

اوراق تحقیقیه، هیئت اتهامیه تسلیم قیلندی صرده مدعی شخصی
ویا خود مظنون علیہ، هیئت اتهامیه بر مذکره تقدیم ایده بیلیرلر. بونده،
مظنون علیہ طرفندن ایسه اتهامی علینده اسباب و دلائل یازیلیر واکر مدعی
شخصی طرفندن ایسه مظنون علیه تخیله سی حقدنه واقع اوله جق قراره
اعتراض اولنور. الحاصل هربری کندینه عأد اعتراضاتی درمیان ایلر.

صورت مذکرة: نومرو ۱۹۸ مادہ ۱۹۹

... هیئت اتهامیه ریاستنه

چاکر کینه لری ... ده مقیم (ب) ك قاتلی اولقله مظنون علیہ اوله رق
مجبوس بولندیغم حالده ... محکمه سی مستنطقی طرفندن ویریلن قرارنامه ده
حقمده اسناد اولنان فعلک مواد جنایه دن اولدیغنه قرار ویرلش اولمقدنناشی
ایشک هیئت اتهامیه جه تحقیقنه قرار ویرلش ایسه ده حقمده اسناد اولنان
ماده قتل، طرفندن صید و شکار ائناسنده خطاء و قوعبولمش و خطاء و قوعی
یک اشکار دلائل ایله متحقق بولنمش اولدیغنی حالده تحقیقات صرسته ندن خطایه
دأر درمیان اولنان دلائل، نظر اعتباره آلتماش و شو صورتله حقمده ویریلن

قرار، مغایر قانون بولنش اولمغله بالتدقیق حقیقت حالک ظاهره اخراجی
استدعا ایدرم. امضا

مظنون علیه

مدعی عمومی، اوراقی مارالبیان تقریرله هیئت اتهامیه تسایم ایتدکن
صکره جنایتله اتهام اولنان فعل حقنده ادعاینامه سنی تنظیم وهیئت اتهامیه
اعطا ایلر.

صورت ادعاینامه : نومرو ۱۹۹

اشبو بیک ایکی یوز طقسان طقوز سنه سی آغستوسنک یکر می سکزنجی
کیجه سی ساعت بش راده لرنده . . . ده مقیم حسن آغانک خانه سندن اشیا
سرقه ایدنلره معاونتله مظنون علیه اولوب موقوف بولنان . . . ده مقیم
سلیمان نام کسنه حقنده . . . محکمه سی استنطاق دأره سنجه جریان ایدن
معاملات و تحقیقاتی حاوی اولوب . . . تاریخنده محکمه مرقومه مستنطقی
طرفندن تبلیغ قیلینان و . . . تاریخلو تقریرله تودیع ایدلمش اولان اوراق
تدقیق اولندی.

مندرجاتنه نظراً مرقوم سلیمان، استنطاقنده کندنه اسناد اولنان معاونت
تهمتی بسبتون انکار ایدیور ایسه ده ماده سرقنده معاونتنی اصل سارقلر طرفندن
بیان ایدلمش اولماسنه و مرقوم سلیمان، کسنه یه آناختار یاپدیرمادیغنی سویله مش
اولدیغنی حالدّه تیمورجی ابراهیم اوسته یه بال مومی پارچه سندن متشکل بر نمونه
ایله آناختار یاپدیردیغنی اوراق تحقیقه ده اسماری محرر سلیمان افندی ایله ابراهیم
اوسته نك مع القسم وقوع بولان افاده لر یله مستبان اولدیغنه و مذکور وقوعات
کیجه سی یالی قهوه لرنده بولندیغنی و وقوعاتی صباح خبر آدیغنی و ابراهیم افندی
ایله یالکز چشمه باشنده کوروشدیکنی سویله مش اولدیغنی حالدّه مرقوم ابراهیم
افندی ایله چشمه ده کوروشدکلی مدتن دها اول مرقوم حسن آغانک قوسوی
اوکنده خلاف معتاد دیکلمش اوله رق اوتیه برویه باقمقده اولدیغنی بر حالدّه

طوردیغی، ابراهیم افدینک مع تحلیف وقوعبولان شهادتیه آکلاشلش اولدقدن بشقه مرقوم سلیمان، مرقوم ابراهیم افدی ایله چشمه ده کوروشدکرنده او کچه آطه یه کیتش اولان مصطفی بکک اشیا سنی نقل ایدن حاملره دلالت ایتدیکنی سویله مش ایکن مومی الیه مصطفی بکک اول کچه آطه دن عودت ایتدیکی و بوندن کندوسنک اصلا معلوماتی اولمادیغی، استجواب اولنان اسماعیلک مع القسم وقوعبولان شهادتیه مثبت بولندیغنه بناء مرقوم سلیمانک مرقوم حسن آغانک خانه سندن اشیا سرقت ایدن سارقلره معاونت ایتش اولدیغی آکلاشلش و کندوسنک اشبو حرکتی، قانون جزانک ۲۳۰ نجی ماده سنک ذیلی احکامنه توفیقاً مجازات ترهیبیه بی مستلزم جنایاتدن بولنش اولمغله مزبور سلیمانک اولوجهله اتهامی طلب اولنور.

هیئت اتهامیه جه ویریله جک اتهام مضبطه لرینه دائردر

هیئت اتهامیه: رؤیتی عدلیه محاکمه عائد اولان و اصول محاکمه نك فصل مخصوصنده بیان اولندیغی وجهله حکام طرفلرندن وقوعه کلوب رؤیتی طوغریدن طوغری به محکمه تمیزه عائد جرائم قیلندن اولمایان کافه جنایاتی تدقیق و تحقیق ایدر.

هیئت اتهامیه نك بویابده کی وظیفه سی تحریری اجرا قیلنان تحقیقاتی حاوی اوراق اوزرینه مضمون علیک قانوناً جنایت عد اولنور بر فعلی مرتکب اولدیغنه دائر بر دلیل و اماره اولوب اولمادیغی و اولدیغی حالده مدار اتهام اوله حق درجه ده قوی بولنوب بولمادیغی خصوصنی تدقیقندن عبارتدر.

هیئت اتهامیه، حواله اولنان بر ماده نك اساسنی تدقیق ایتزدن اول اول ماده نك تدقیق وظیفه سنه عائد جنایاتدن اولوب اولمادیغی تدقیق ایده - بیلیر و آکا کوره اقتضاسنی اجرا ایله یه بیلیر. بو صورتده هیئت اتهامیه، اول مضمون علیک شخصاً بر کونا امتیازی اولوب اولمادیغی تحری ایدر. امتیازات شخصییه، - حال اجتماعده اولمقله مشروط اوله رق - مبعوثلق صفتی در.

ایشته بر مبعوثک حال اجتماعده ایکن وقوعه کتیردیکی جنایاتی، هیئت

اتهامیه تدقیق ایده میوب رد ایدر؛ چونکه قانون اساسینک ۷۹نجی ماده سی حکمنجه اعضادن هیچ بری هیئت مبعوثان طرفندن اتهامیه سبب کافی بولندیغنه اکثریتله قرار ویرلمدجکه ویا خود برجنجه ویا جنایت مشهوده بی مرتکب اولوب ده متعاقباً طوتولمادجقه تحت محاکمه یه آنه ماز. الحاصل بر مبعوثانک تحت محاکمه یه آنه ماسی، مطلقاً مبعوثان طرفندن قرار ویرلمسینه منوطدر. بو مساعده دخی مبعوثانک حاز اولدینی ملت وکیلکینه در. کذاک وکلا و محکمه تمیز رؤسا و اعضاسنک ارتکاب ایتدکاری جنایت ایله دولتی داخل و خارجاً بر حال مخاطر یه القا مقصدیله ایقاع ایدیان و ذات و حقوق شاهانه علیهنده ارتکاب ایدیان جنایتلرک محاکمه لری، قانون اساسینک ۹۲نجی ماده سنجه دیوان عالی ده کور یله جکندن هیئت اتهامیه نك تدقیق ایده بیله جکی جنایاتدن دکدر؛ بناء علیه بونلری دخی رد ایدر. کذاک مضمون علیه عسکر اولوبده جرمی وظیفه عسکر یه دن منبعث ایسه و قانون جزای عسکر یه موجبنجه حکم اولنق لازم ایسه اول عسکرک ایقاع ایتمش اولدینی جنایت، هیئت اتهامیه جه تدقیق اولنمایوب دیوان حربه حواله اولنور. هیئت اتهامیه دن مار البیان امتیازی حاز اولانلرک ایقاع ایتمش اوله جقلری جنایاتی تدقیق ایده مه ماسی، حقوق عمومیه نك اقامه سنک اسباب تأخیرندن بری اولان فقدان رخصتدن ایلری کلیر.

هیئت اتهامیه، ذکر ی سبقت ایتدیکی وجهله محو ث عنه اولان امتیازات شخصیه بی تدقیق ایدوب ده بوجه تمدن طولای مسئله نك تدقیق منع ایدر بر حال کورمه دیکی حالده ایکنجی درجه ده عرض اولنان ماده ده حقوق عمومیه دعواسنک رؤیتنی موقتاً منع ایدر صورتده بر مسئله ابتدایه در میان ایدیلوب ایدلمدیکنی تدقیق ایدر؛ زیرا حقوق عمومیه دعواسنی اقامه ایتنک اسباب تأخیرندن بری دخی «مسائل مستأخره» در که بونه حقوق عمومیه دعواسنک اقامه سی حانده دیگر طرفدن در میان اولنان بر اعتراض ابتدای اوزرینه دعوانک آخر محکمه ویا مجلسجه تدقیق و تذکری ایجاب ایتکدن عبارتدر. مثلاً: بریسی علیهنده

جبراً ازاله بکر دعوائی اقامه اولندیغی حالده شخص مظنون، نکاح ادعاسنی در میانله مدافعه ده بولنور ایسه چونکه نکاح دعواسنک ثبوتی حالده جرم قالمایه جغندن مادهنک اول امرده محکمه شرعیه جه تدقیقی اجرا قیلنق اوزره شخص مظنون، محکمه شرعیه مراجعت اتمک اوزره ارسال و بصورتله محاکمه تأخیر اولنور. بعده هیئت اتهامیه، کندینه عرض اولنان ماده، مدعی شخصی طرفندن شکایت وقوعنه محتاج اولان مواددن اولوب اولمادیغنی تدقیق ایدر؛ زیرا مطبوعات، فعل شنیع زنا و قیز قاچیرمق ماده لر یله مذہب ماده لر نده، الحاصل ناموس و امور بیتیه یعنی بر فاملیانک و یا بر مذہبده بولنان بر قبیلہنک اسرارینک میدانہ چیمستی موجب اولان احوالده «فقدان شکایت» حقوق عمومیهنک اسباب تأخرندن بریدر.

بعده مسئلهده حقوق عمومیه جهتندن اسقاط دعوائی موجب بر حال وسبب موجود اولوب اولمادیغنی تحقیق ایدر. حقوق عمومیهنک اسباب سقوطیه سندن بری، مظنون علیهنک وفاتی در. بوحالده حقوق عمومیه دعوائی اقامیه محل قالماز؛ زیرا جزاء شخصی در. ترکیه تعلق ایتمز. شخص ایسه منعدم اولدی. شوحالده هیئت اتهامیه اوراقی تدقیق ایتمز، اعاده ایدر. بریده مرور زماندر. مواد جزائییهده مرور زمان ایکی دورلودر. بری: جرمدہ، دیگرکی: جزادہ. جرمدہ مرور زمان اولدیغی حالده هیئت اتهامیه، حواله اولنان مسئلهنی تدقیق ایتمز بوب مظنون علیهی تخلیه ایدر.

بریده معافیت جرمدر. برده معافیت جزا واردر؛ فقط بوراده مراد، معافیت جرمدر. بودخی حقوق عمومیهنک اسقاطنی موجب اولان احوالدر. بناءً علیه هیئت اتهامیه، عفو اولنمش اولان بر جرمله مظنون علیه اولان کیسهنک اوراقی تدقیق ایتمز بوب مظنون علیهنک سبیلنی تخلیه ایدر. الحاصل هیئت اتهامیه، مارالبیان احوالی تدقیقندن صکره تحریری اجرا قیلنسان تحقیقاتی حاوی اوراق اوزرینه عزو اولنان جنایت حقدہ اماره وارمیدر؟ یوقیدر؟ وارسه قومیدر؟ دکمیدر؟ بورالرنی تحقیق ایدر. یوقسه بونک

خارجنده مضمون علیہک مضمونیتی ایچون حالیه احوال سابقه سی کبی اماراتی تحری و تقدیرله مکلف دکدر. مضمون علیہک حالیه احوال سابقه سی پیش نظره آلوب آکا کوره حکم ایتک، ماده یه قطعياً حکم ایتکله مکلف اولان محاکمه عاڈدر.

هیئت اتهامیه، عادی معلوماتلر اوزرینه مضمون علیہک مضمونیتیه دائر ثابت اولان اماراتی دلائل کافیهدن عد ایتمز. اون بش یاشنده کی چوجقلر ایله بلا تحلیف افاداتی استماع اولنانلرک اثبات ایتدکاری امارات کبی.

هیئت اتهامیه، قانونک جنایت دیه توصیف ایتدیکی جرائم حقنده دلائل و امارات تحری ایده بیلیر. بو صورتده قانون جزانک ۲۱۶ نجی ماده سی حکمنجه زوج و زوجه ایله سائر اصول و فروع بیننده یکدیکرینک مالی سرقدن طولایی وقوعه کن جنایات، قانوناً جنایاتدن معدود دکدر. اما ماده مذکوره نك فقره اخیره سنده کوستریلن شرطلر موجود اولور ایسه جرم واقع، جنایاتدن معدود اوله بیلیر. ایسته قانوناً جنایاتدن معدود اولمایان جنایات حقنده دلائل و امارات آراغه حاجت اولمایوب مضمون علیہک عدم مسئولیتیه قرار ویریلیر. هیئت اتهامیه، اسباب معذرتی و یاخود جزایی تخفیف ایدن سائر احوالی دخی تقدیر ایده منر بو احوالی، تقدیر ایتک ماده یه تطعیاً حکمه مأذون اولان محاکمه عاڈ اولوب هیئت اتهامیه نك بو بایده بر قرار ویرمه سی خلاف وظیفه در؛ حتی برصغیرک قوه میزه اصحابندن بولغا. دیغنی ویا نابالغ مراهق اولدیغنی تدقیق و تحقیق و بو وسیله ایله دعوائی جنجه محکمه سنه کوندرمک جائز دکدر. مستنطق، قرارنامه سنده نوعی تعیین اولنه مایان ویا اولنوبده تمامی تمامنه اصابت ایدلمه یں جرائمده هیئت اتهامیه، مدعی عمومینک ادعاسنه انتظار ایتیه ره ک قانون جزاجه نوعی تعیین و یاخود اتمام واکمال ایدر.

هیئت اتهامیه نك اتهام مضبوطلری، اوچ نوع قراری متضمن اوله بیلیر. برنجیسی: مضمون علیہک اتهامیه دائر براماره بوله مادینگی حالده تخلیه سبیلنه،

ایکنجیسی: ماده نك قباحت ویا جنحه اولدینی حالده عائد اولدینی محکمه یه کوندرلمسنه، اوچنجیسی: مضمون علیک اسناد اولنان فعلی حقتده دلائل و امارات کافیه کوریلوبده ماده نك جنایت اولدیغنه و لولا ویا خود استیناف محکمه سنه کوندرلمسنه دائر قراری حاوی اوله جقدر.

برنجی صورتده، یعنی: تخلیه سبیل قرارنده هیئت اتهامیه، مضمون علیک اتهامنه دائر اماره تحری اتمکه و بولدینی اماره نك قوتی تقدیر ایله مکه نصلکه مکلف ایسه مضمون علیک اسناد اولنان فعلده مدخلی تجرید ایدر اماره آرامغه و یا خود اتهامنه دائر بولدینی اماره نك قوتسزلکنه حکم اتمکه دخی علی السویه مکلفدر.

هیئت اتهامیه، منع محاکمه سنه قرار ویردیکی شخصک علیهنده تحقیقات صره سنده مدار اثبات اوله زق در دست ایدلش ویا ایدلمکده بولنمش اولان اوراقی قبولدن امتناع ایده مز؛ چونکه دلائل جدیده ظهور یله اول شخصک تکرار اخذ و گرفت و اتهامی جائدر.

هیئت اتهامیه نك منع محاکمه یه دائر مضبطه لری علیهنه مدعی عمومی، تمیزاً اعتراض ایدوب ایده میه چکی مسئله سی، قانونده مسکوت عنه براغلمش ایسه ده محکمه تمیزک مقررات عدیده سیله تقرر ایدن قاعده یه کوره «هیئت اتهامیه دن ویر یله جک قرار، عزو و اسناد اولنان فعلک ارتکابه بر دلیل و اماره فقدان و یا خود دلیل و اماره موجود اولمقله برابر کافی بولنمادیغی جهسته ویرلمش ایسه قرار مذکوره، تقدیر وقوعاته مستند اوله زق محکمه تمیزک دائره صلاحیتی خارجنده اولدیغندن قرار مذکورک تمیزی طلب و ادعا اولنه ماز و بومثللو قرار لره، یعنی: فقدان اماره یه ویا امارات موجوده نك اتهامه مدار اوله جق درجه ده قوی بولنمادیغنه مبنی اولان قرار لره، لسان قانونده «برائت قرار لری» اطلاق اولونور و فقط بر فعلک افعال ممنوعه دن اولماسی، و دعوا ده مرور زمان بولنمی سببیه ویریلن و لسان قانونده عدم مسئولیت تعبیر اولنان قرار لر دخی قابل تمیز اولمق لازمکلیر؛ زیرا بونوع قرار لر، تقدیر

وقوعاته مستند اولمایوب افعال ممنوعه دن اولمادیغنه قرار ویریلن برجرمك صراحت قانونیهیه مستند اولماسی محتمل اولدیغی کبی تماس اتمه دیکی ذهاب اولنان بر ماده قانونیه نك مؤخرأ لدی التفسیر، عدم ممنوعیتنه قرار ویریلن جرمه دخی شامل اولماسی، وارد خاطر اولدیغنه و مرور زمان مسئله سنده ذهول و غفلت دخی ممکن اولوب بویله مسائلك تدقیق دخی محكمه تمیزك داخل دائره صلاحیتی بولندیغنه بناءً برجرمك افعال ممنوعه دن اولماسی ودعواده مرور زمان بولماسی جهتیه منع محاکمه یه دائر ویریلن قرارلر علیهنده دخی مدعی عمومیلر طرفدن تمیز دعوا یه محل اولمق لازم کلیر. فقدان ویا خود عدم کفایت و دلائله بناءً ویریلن قرارلر قابل تمیز دکسه دلائلك فقدان ویا عدم کفایتی خصوصنده کی تقدیر سوء استعمال ایدیلور ویا خود شهودك افاداتی تعلل ایله چوروتمك کبی محكمه یه عاقد وظیفه یه تجاوز و وقوعور ایسه بویولده ویریلن مضطهلر، تجاوز وظیفه نقطه سندن قابل تمیز اوله رق نقض اولنور. ماده نك قباحت و جنجه یی کورن محكمه نزدینه کوندرلسنی متضمن قراره کلنجه: هیئت اتهامیه، بوبانده مستنطقلر ك فصل مخصوصنده کورولدیکی اوزره ماده یی قباحت و جنجه تقدیر ایله دیکی حالده اجراسیله مکلف اولدیغی معاملات یی اجرا ایدر؛ حتی هیئت اتهامیه نك بوبانده ویره چکی قرارنامه، قطعی عد اولو. نمایوب تعدیله قابلدیر؛ یعنی: ماده نك حواله اولنه جنی محكمه، ایشی وظیفه سنه عاقد مطالعه اتمه دیکی حالده عاقد اولدیغی محله حواله سی لزومنی بیان ایدر. هیئت اتهامیه، حبس جزاسنی مستلزم جنجه قیلندن تقدیر ایتدیکی بر ماده یی، جنجه یی کورن محكمه نزدینه کوندردیکی صروده مظنون علیك تخلیه سبیلنی امر ایده مز؛ زیرا قانونده کورولدیکی اوزره مستنطق و هیئت اتهامیه نك مظنون علیك تخلیه سبیلنه امر ویره بیلسنی اوچ حاله منحصر در. برنجیسی: نتیجه تحقیقاتده ماده نك قباحت اولدیغی تبین ایتدیکی؛ ایکنجیسی: بحث مخصوصنده کورولدیکی اوزره کفالت تقدیه ویرلیدیکی؛ اوچنجیسی: دخی اسباب مخصوصه سنه مبنی منع محاکمه یه قرار ویرلیدیکی حالده، ایشته بو اوچ

حالك غيرنده مظنون عليهمك تخليه سنه دائر قانونده برصراحت يوقدر؛ بناءً عليه تخليه جائز دكلدر.

ماده نك جنحه وَقباحتي كورن محكمه يه حواله سني متضمن قرار مضبطه سي؛ اصولنه موافق تنظيم اولنماش اولمقدن ناشي جنحه محكمه سي؛ اول قرار مضبطه سني رد وَ نقض ايده مز؛ زيرا بووظيفه، عندالاعتراض محكمه تميزه عائددر. ماده نك جنایت اولوبده لوا ويا استيناف محكمه سنه كوندرلسني متضمن مضبطه؛ قرار قطعي بي جاويدر. يعني: ماده جنایت اولمايوبده جنحه اولسه دخي جنحه محكمه لري كبي جنایاتي رؤیت ایدن محكمه وظيفه سنه عائد اولماديغندن بخله جنحه محكمه سنه كوندر مه يوب هر حالده ماده يه حكم ايدر.

هيئت اتهاميه نك بولديغي اماره ايله قبول ايتديكي قوتی عينيله قبوله محاکم؛ مجبور اولمايوب ايجاب حاله وَ وجدانلرينك تقديرينه كوره قرار ويره بيليرلر؛ زيرا وجاهاً محاکمه وَ استنطاق ايتمك، آللرك وظيفه سيدر. هيئت اتهاميه ايسه نه محاکمه نه ده استنطاق ايدر.

كذلك هيئت اتهاميه؛ مستنطق قرار نامه سنده تعيين ايديلن نوعه حصراً اجراي تحقيقات ايتمه يوب اول نوع جرمك وقوعی مثبت امارات كافيه نك وجود و عدمی تهمري ايله جكي كبي اول نوع خارجنده اجرا قيلنمش اولان معاملاتنه نظراً مسكوت عنه براغلمش ديكر بر جرمك وجودی آكلاشيلير ايسه مدعي عمومي بي بعدالاستماع آنك حقدده دخي تحقيقاتی اجرا وَ قراريني اعطا ايلر.

هيئت اتهاميه مضبطه لري؛ هيئت تشكيل ایدن اعضانك هر بری طرفدن امضا اولنه جق وَ دروننده هر برينك اسمی وَ مدعي عمومينك ادعاسی مندرج بولنوب بوصورته اولمايان مضبطه لر؛ كان لم يكن حكمنده طوتيله جقدر.

اشبو كان لم يكن جزاسی، برنجی فقره يه، يعني: مضبطه نك؛ اعضانك هر بری طرفدن امضا اولنمق لزومنه راجع دكلدر؛ زيرا براعضانك امضادن استنكاف ايتمی؛ مضبطه نك حكمنزلكنی موجب اولمامق؛ طبيعت مصلحت

ایجابندند. بوجزاء، ایکی اخیرکی فقرهیه راجعدر. بناءً علیه مدعی عمومینک ادعاسی و بالجمله اعضانک اسملری ذکر اولماز ایسه اول مضبطه، حکمسز قالیر؛ چونکه مدعی عمومینک مذاکره دن اول ادعاسنک سبقت ایتسی لازم اولدیغی کی هیئتک، قانونک تعیین ایتدیکی مقدارده اولوب اولمادیغی آکلا شلق ایچون اعضادن هر برینک اسملری ده ذکر اولمق لازمدر؛ حتی مضبطه نك زیرنده کی امضالر، قانونک هیئت اتهامیه ایچون تعیین ایتدیکی اعضا مقداریه موافق و تمام اولسه دخی اثنای مذاکره ده هیئتک تمام اولدیغی تأمینه کافی اولمادیغی چون شرطه رعایت ایدلمش اولماز. مضبطه ده «مدعی عمومی افاده سنی بیاندن صکره طرفدن محرر و ممضی ادعاینامه سنی اعطا ایله دی» دیمکده کافیدر. اشبو مضبطه نك ترتیب تحریر یسنه کلنجه: بونک ترتیبی، تخالف احکام و وقوعات ایله مختلف ایسده مهمما مکن بر معلومات اولمق اوزره بر بنده جک معلومات ویریه جکدر. شویله که: اتهامنامه لرك مناسبی اولان وقوعات ذاتاً اوراق تحقیقیه ده مضبوط و محرر اولدیغدن علی قدر الامکان تطویلدن احتراز ایتک لازمدر؛ بناءً علیه اعضانک اسامیسی ایله مدعی عمومینک اسمی بیان و محل اجتماع تصریح قیلندقدن و ماده نك مختصراً صورت جریانیله هیئت اتهامیهیه مدعی عمومینک تقریریه کیفیت حواله و ادعاینامه ایله برابر بالجمله اوراق اسمنک تصریحیه برابر کاتبه قرائت ایتدیله دیکی بیان اولندقدن صکره سار اوراق تحقیقیه نك تلخیصندن صرف نظرله یالکز مدعی عمومینک ادعاینامه سی خلاصه مآلندن بحث اولنور. شو قدر که: ایشک هیئت اتهامیهیه حواله سی، مستنطق قرارنامه سی علیهنده وقوعه کلمش بر اعتراض اوزرینه واقع اولمش ایسه قرارنامه و اعتراضنامه و مؤخرأ مدعی عمومینک ادعاینامه سی خلاصه مآللی مختصراً درج ایدیلیر. بعده مدعی عمومینک تقریری استماع اولنور. بعده مدعی عمومینک ادعاینامه سی و کاتبک بالجمله اوراق تحقیقیه یی هیئت بالتسليم چیققدق لری و هیئتک دخی قانونک ۲۱۷نجی ماده سی موجبجه بلافاصله مذاکرهیه مبادرتلری یازیلیر. قرار فقره سنده دخی اول امرده حواله اولنان

ماده نك تماس ایتدیكى ماده قانونیة كوستریله رك وظیفه سنه عاىد جنایاتدن اولوب اولمادیغی تحقیق اولنور. اكر جنایت اولمایوب ده جنحه ایسه اسباب وعلی بیان اولنه رق عاىد اولدیغی محكمه یه كوندرلمسنة قرار ویریلیر. واكر جنایت ایسه جنایت فعلنی مثبت دلائل و اماراتك كفایت و عدم كفایتی تحقیق اولنه رق بوباده کی قرارنامه ایله سار اوراق تحقیقیه نك مندرجاتی تصدیق ویا تكذیب ایدیلیر ویا خود بر قسیمی تصدیق و دیكری تكذیب ایدیلیر. مظنون علیه بری- الذمه كورولمش ایسه منع محكمه یه دائر قرار ویریلیر و مظنون علیه ك تخلیه سی امر اولنور.

برائت قراری، اوراق تحقیقیه یه مخالف ایسه اسبابی كوسترلك لازمدیر. واكر اتهام ایدلمش ایسه نه ایله اتهام ایدلیكى بیان اولنوب شوحالده اتهام اولنان کیسه موقوف ایسه تحری امرینك تسطیرینه حاجت اولمایوب دعوانك كوریله جکی توقیفخانه یه لزوم نقلی بیان اولنور. واكر مهم موقوف ودر دست دكل ایسه عاىد اولدیغی محكمه جه محكمه سنك اجراسی ضمنده حقدنه تحری امرینك تسطیری خصوصی ذكر اولنور.

جنایاتك عاىد اولدیغی هیئت اتهامیه ایله محكمه یه كنجه: قضالرده مستنطق معاونلری طرفندن جنایت اولدیغنه قرار ویریلن بر ماده، اوراق متفرعه سیله لوا مدعی عمومی معاونلكنه و لوا مدعی عمومی معاونی دخی ولایت استیناف مدعی عمومی سنه كوندیریر. مدعی عمومی دخی اوراق مذكوردی بر قطعه تقریریه هیئت اتهامیه یه تسلیم ایدر. هیئت اتهامیه، مظنون علیه یی جنایت ایله اتهام ایتدكن صكره ایشی محلی محكمه سنه كوندیریر. لوا مستنطقك جنایته دائر ویره جکی قرارلر دخی عینیه بویله در. فقط مركز ولایت مستنطق طرفندن مظنون علیه ك اسناد اولنان جنایتی مرتكب اولدیغنه دائر ویریلن قرارنامه، اوراق متفرعه سیله مركز مدعی عمومی معاوننه و مدعی عمومی معاونی دخی بر قطعه ادعایه سیله هیئت اتهامیه یه تسلیم ایدر. و مظنون علیه ك اتهام ایدیله جك اولور ایسه

محاکمه سی استیناف محکمه سنه عاقد اولور. مرکز بدایت محکمه سنه کوندولمز؛ چونکه مستقل هیئت اتهامیه اولمایوب بدایت هیئتندن متشکل اولدیغندن بومحدوره بناءً مرکز بدایت حواله سی تجویز اولمامشدر.

صورت نومرو - ۲۰۰ ماده ۲۱۳ و ۳۱۶

رئیس (ب) و اعضا (ح) و اعضا (و) افندیلردن مرکب هیئت اتهامیه، استیناف مدعی عمومسی (ع) افندی حاضر اولدیغی حالدده مذاکره مخصوص اولطهده اجتماع ایده رک اشبو بیک ایکی یوز طقسان طقوز سنه سی آغستوسک سکرنجی بازار ایرتسی کیجه سی ساعت بش راده لرنده . . . ده مقیم حسن آغانک خانه سنندن اشیا سرقت ایدنلره معاونت ایله مظنون علیه اولوب موقوف بولنان . . . ده مقیم سلیمان نام کسنه حقهده . . . محکمه سی استنطاق دائره سنجه جریان ایدن معاملات تحقیقیه یی متضمن مدعی عمومی مومی ایله طرفندن با تقریر اعطا قیلنان اوراق ایله مومی الیهک . . . تاریخلو ادعایه سی، ضبط کاتبی . . . افندی به قرائت ایتدیلدی.

مذکور ادعایه نك خلاصه مالی، مرقوم سلیمان، اجرا قیلنان استنطاقده گندینه اسناد اولنان معاونت تهمتنی بسبتون انکار ایده یور ایسهده اصل سارقلرک سبق ایدن استنطاقلرنده مرقوم سلیمانک ماده سرقتده معاونتنی بیان ایله مش اولمالرینه و مرقوم سلیمان . . . نام کسنه یه آناختار یاپدرمادیغی سویله مش اولدیغی حالدده تیمورجی ابراهیم اوسته یه بال مومی پارچه سنندن متشکل بر نمونه ایله آناختار یاپدیردینی، اوراق تحقیقیهده اسملری محرر سلیمان افندی ایله تیمورجی ابراهیم اوسته نك وقوعبولان افاده لرله مستبان اولدیغنه و مرقوم سلیمان، وقوعات کیجه سی یالی قهوه لرنده بولندیغی و وقوعاتی صباح خبر آدیغی و ابراهیم افندی ایله یالکر چشمه باشنده کوروشدیکنی سویله دیکی حالدده چشمهده کوروشدکلی مدتنده اول مرقوم حسن آغانک قپوسی اوکنده خلاف معتاد دیکلمش اوله رق اوتیه بروه باقمقده اولدیغی حالدده طور دینی، ابراهیم

افدینک مع التحلیف وقوع بولان شهادتیله آکلا شمش اولدقدن بشقه مرقوم سلیمان، مرقوم ابراهیم ایله چشمده کوروشدکلرنده اوکیجه آطیه کیتش اولان مصطفی بکک اشیا سنلی خانه سنه نقل ایدن همالره دلالت ایتدیکنی سویله مش ایکن مرقوم مصطفی بکک اول کیجه عودت ایتدیکنی وبوندن کندوسنک اصلا معلوماتی اولمادیغی مع القسم وقوع بولان شهادتیله آکلا شمش ومرقوم سلیمانک مرقوم حسن آغانک خانه سنلی سرقت ایدن سارقله معاونت ایتش اولدیغی تحقق ایدهرک مرقوم سلیمانک اشبو حرکت واقعہ سی دخی قانون جزانک ۲۳۰ نجی ماده سنک ذیلی احکامنه توفیقاً مجازات ترهیبیه یی مستلزم جنایاتدن بولنمش اولمغله مرقوم سلیمانک اولوجهله آہام اولنسی طلبندن عبارتدر.

مدعی عمومینک خصوص مذکور حقندہ کی تقریری استماع اولندقدن واصل محاکمات جزائیہ قانون موقتینک ۲۰۶ نجی ماده سی موجنبه مدعی عمومی مومی الیه مارالذکر ادعاینامہ سنلی وضبط کاتبی دخی بالجمله اوراق تحقیقیہ یی ہیئتہ بالتسلیم اوطهدن چیققدقلرندن صکرہ قانون مذکورک ۲۰۷ نجی ماده سی حکمنجه خصوص مذکورک بلا فاصله مذاکرہ سنہ ابتدار اولندی.

مرقوم سلیمانک سارق مرقومونه بروجہ ادعا معاونتده بولندیغی حقندہ ادعاینامہ ده استناد اولنان دلائل و امارات، عندالتدقیق اوراق تحقیقیہ مندر- جاتندہ واقع و آہامنامہ ده کافی کورلمکله و حرکت جرمیہ سی فعللری جنایت درجہ سنده اولان سارق مرقومونه معاونتدن عبارت اولمہ سیلہ قانون جزانک ۲۳۰ نجی ماده سی ذیلی، حکمنی مستلزم بولنمغله مرقومک ماده مذکورہ جنایتلہ آہامنه ولوا بدایت محکمہ سنده محاکمہ سنک اجراسنہ وحقندہ نقل موقوف مذکرہ سنک تسطربنہ ۳۰۱ سنہ سی محرم الحرامنک بشنجی وطقسان طقوز سنہ سی تشرین اولنک یکرمی بشنجی جمہہ کونی متفقاً قرار ویریلهرک اوراق وارده اعادہ قیلندی.

صورت اخیری : نومرو ۲۰۱ ماده ۲۱۱ و ۲۱۶

رئیس (ب) و اعضاء (ع) و اعضاء (ط) افسدیلردن مرکب هیئت اتهامیه استیناف مدعی عمومیسی (ع) افندی حاضر اولدینی حالده مذاکراته مخصوص او طهده بالا اجتماع اشبو بیک ایکی یوز الح ساعت اوچ راده لرنده . . . ده واقع محمد نام کمنه نك ماندره سنك طریق عام جهتنده و ماندره نك اورولمش اولدینی چیت خارجنده صول مهنسندن قورشون ایله مجروح اوله رق مقتولاً بولنان . . . ده مقیم حسن نام کمنه نك قاتلی اولقله مظنون علیه اولوب موقوف اولان . . . ده مقیم « اوصافی » محمد حقننده . . . محکمہ سی مستنطقنجه جریان ایدن معاملات تحقیقیه یی حاوی قرارنامه، مدعی عمومی مومی ایله طرفندن مع تفرعات با ادعانامه تودیع اولمغله ضبط کاتبی . . . افندی یه قرائت ایتدیرلدی .

مذکور ادعانامه نك خلاصه مالی مرقوم محمد کندوسنه اسناد اولنان ماده قتل تهمتنی منکر ایسه ده مقتول مرقوم حسنك پدری مقدا مرقوم محمدك پدرینی قتل ایتمش اولماسندن طولایی مرقوم حسن ایله محمد بینلرنده کندیلرنجه واجب الاتباع اولان عادات قبیجه و غیر مشروعه لری حسینیه « قان خصومتی » موجود اولماسنه و مقتول مرقوم حسنك جسدی کندیسيله قان خصومتی اولان مرقوم محمدك ماندره سی اتصانده بولماسنه نظرأ مرقوم محمدك مرقوم حسنی اولوجهله قتل ایتمش اولدینی آکلاشمش و مرقوم محمدك حرکت واقعه سی قانون جزانك . . . نجی ماده سی حکمنجه مجازات ترهیدیه یی مستلزم جنایاتدن بولمش اولمغله مرقوم محمدك اولوجهله جنایتله اتهامی طلبندن عبارتدر .

مدعی عمومی نك خصوص مذکور حقننده تقریری استماع اولندقدده و اصول محاکمات جزاییه قانون موقت نك ۲۰۶ نجی ماده سی حکمنجه مدعی عمومی مومی ایله مارالذکر ادعانامه سنی و ضبط کاتبی اوراق سائرده یی هیئته

بالتسلیم او طه دن چیققدن صکره قانون مذکورک ۲۰۷نجی مادهسی حکمنجه خصوص مذکورک بلا فاصله مذاکره سنه ابتدار اولندی.

مرقوم محمدک اتهامنه خصومت مذکوره و جنازه نک ماندره سی قربنده بولنسی اماراتی اساس اتخاذ قلمقده ایسه ده امارات مذکوره ثبوت تهمنه کافی کورولدیکنه بناءً مرقوم محمدک اسناد اولنان فعل قتلدن طولایی منع محاکمه سنه و سبب آخره مبنی موقوف دکلسه تخلیه سبیلنه اوچ یوز سنهسی ربیع الاخرک یکر می دردنجی و طقسان طقوز سنهسی . . . کونی متفقاً قرار ویریلهرک تخلیه سبیلی ایچون مذکره بالتحریر اوراق وارده اعاده قیلندی .

هیئت اتهامیه مضبطه لری اوزرینه مدعی عمومیلر طرفدن تسطیر قیلنه حق
اتهامنامه لر حقنده در

اشبو اتهامنامه ده اولا اتهامه اساس اولان جرمک ماهیتی یازیلیر. قانون بو شریطه یه لایقیه عدم رعایتدن طولایی کائن لم یکن مجازاتی تعیین ایتیمور ایسه ده مضمون علیه اسناد اولنان فعله جنایت شکلنی ویرن احوال و قرانی لایقی وجه اوزره شرح و ایضاح اتمین اتهامنامه لره مبتنی اولان حکم عندالتمیز نقض اولنه بیلیر؛ زیرا بعض افعال واردرکه برطاقم احوال مخصوصه اوزرینه شکلی بسبتون تغیر ایدر. مثلاً: یالان شهادت، علی الاطلاق جنایات حقنده وقوع بولور ایسه فاعلی، موقت کورک جزاسیله مجازات اولنور و اگر جنایتله متهم اولان کیسه یالان شهادت حسبیه موقت کورک جزاسندن دها آغیر برجزا کورمش ایسه شاهد زورده، عینیه اول جزا ویریلیر و اگر یالان شهادت جنحه و قباحترده اولور ایسه جزاء حبس دن عبارتدر. ایمدی مدعی عمومی، اتهامنامه سنده جرمی یالکر یالان شهادت جنایتله دیه علی الاطلاق توصیف ایدر ایسه اشبو اتهامنامه ناقص عد اولنور.

اشبو اتهامنامه، اتهام مضبطه سنک مندرجاتی اوزرینه مؤسس اوله حق و بونده آنک خارجنه چیقیه میه جقدر. یعنی: مدعی عمومی اتهام مضبطه سنده

اتهام اولنان كساندن بشقه بر كیمسه علمینده اقامه دعوی ایدمه یه جکی کبی نوعی تعیین اولنان جرمدن بشقه بر جرمی دخی شخص متهم علمینده ادعا ایدمه مز. بلکه اتهامنامه ده مجرد اتهام مضبطه سنده اتهام اولنان كساندن و اول كسان حقلرنده عزو اولنوب نوعی تعیین و تقدیر ایدلمش اولان جرمدن بحث اولنه ییلیر. اتهام اولنان كساندن بشقه بر كیمسه نك اتهامندن و یا خود متهمك مدار اتهام عد اولنان جرمدن بشقه بر جرمی ارتكایله ادعای مجازاتندن بحث ایدن اتهامنامه نك خارج مضبطه بومثلاو بحثلری عندالمحا که کأن لم یکن اولور؛ اما اتهامنامه ده مجرد متهمك اخلاقچه اولان حالی حقنده معلومات ویرمك سببیه اتهام مضبطه سنده بحث و تقدیر اولنماش بر جرمدن بحث اولنماش اول اتهامنا. مه نك حکمزلکنی موجب اولماز؛ چونکه مدعی عمومی ۲۳۵ نجی ماده موجبجه اتهام مضبطه سنك مندرجاتی خارجنده اقامه دعوی ایتمکن ممنوعدر. یوقسه جرمی تشدید و تخفیف ایدن اسبابی تفصیله مأذوندر.

بنابراین اتهامنامه ده هیئت اتهامیه مضبطه سنك مندرجاتنه نظراً متهمك مجازاتی طلب اولندقدن صکره جزای تشدید و یا تخفیف ایدمه بیه جك اسباب واحوال دخی تفصیل و تشریح اولنور. ومظنون علیک اسم وحالی بیان و تصریح ایدیلیر و نهایتنده کیفیت وجه آتی اوزره خلاصه ایدیلیر. بناء علیه «فلان کیمسه فلان فعلک و یا فلان سرقتک و یا فلان جنایتک شو صورتده فاعلی بولنغله اتهام اولنمشدر.» دیه یازیلیر.

صورت: نومرو ۲۰۱ ماده ۲۲۲

... ده مقیم حسن آغانك خانه سندن اشیا سرقت ایدن سارقلره معاونت جنایتله مظنون علیه اولان ... ده مقیم قالیقچی سلیمان نام کسنه حقنده اجرا قیلنان معاملات تحقیقه ایله ثبوت تهمتتی حاوی اولان اوراق، ... محکمه سی نزدنده بولنان هیئت اتهامیه یه تسلیم قیلنمش اولماسندن ناشی اولبایده جریان ایدن تدقیقات و مذاکرات اوزرینه ... تاریخلو تسطیر قیلنان و ... تاریخنده طرفه اوراق

سائرہ ایله اعاده اولنہ رق . . . تاریخندہ محکمہ یہ تسلیم ایدی ان مضبطہ نك مال و مندرجانہ نظرأ مرقوم سلیمان شو و شو و شو و شو دلائله کوره فعل معاونت تهمتہنی ارتکاب ایتمش و مرقوم قالیچی سلیمان، کرچه مظنہ سوء کروهندن دکل ایسده اتهام اولدینی تهمت معاونتی ارتکاب ایتمش، مرقوم حسن آغایه خصومت سابقه سندن نشئت ایتمش اولمق جهتله تهمت معاونت جنایتینی عن صمیم ارتکاب ایتمش اولدینی آکلا شمشدر. بناءً علی ذلك مرقوم سلیمان، مرقوم حسن آغانک خانه سنی سرقت ایدن اصل سارقلره معاونت جنایتینی ارتکاب ایتمش و تهمت واقعہ سی، قانون جزانک ایکی یوز اوتوزنجی ماده سنک ذیلی احکامنه مطابق بولتمش اولدیغندن مرقوم سلیمان طرفندن اولوجهله اتهام اولمشدر .



ایکنجی فصل

صنایاتہ شکر لیک معاملات راضطنه رادرد

هیئت اتهامیه قرارینک متهمه تبلیغیله قانوناً لابد کوریلن بعض شرائطک اجرا اولدیغنه دائر یازیله جق ضبط ورقه سی حقددر.

اشبو ضبط ورقه سنده ۲۴۸ نجی ماده احکامجه متهمک محکمہ یہ چاغز - یلوب استجواب اولدینی یازیله جق، استجواب ایسه متهمک اسم و شهرت و سن و صنعتیله موالد و اقامتکاهنی صور مقدن عبارتدر. بو استجوابک زمان وقوعی دخی یازیله جقدر. بعده متهمه تبلیغ اولتمش اولان هیئت اتهامیه مضبطه سی و آنک اوزرینه مؤسس مدعی عمومینک اتهامه سنه اجرا قیلنان استنطاقه بر دیه جکی اولوب اولمادینی و مدافعه حقوقنه معاونت ایچون وکیل تعیین ایدوب ایتیه جکی صورلدقن صکره اتهام قرارینک مفسوخیتنه دائر بر ادما سی اولدینی حاده

بش كون ظرفنده ايمسى و ايتديكى حالحه مسوع اوله مايه جنى اخطار اولنور. ايشته بوسؤ اللره مقابله آله حق اجوبه ايله معاً ضبط اولنور و بعد الضبط، ضبط ورقهسى قرائت اولنورق متهمك تصديق ايتديكى يازيلير. بعد كاتب امضا ايدر و متهمه دخی امضا ايتديرر. متهم امضا ايمسى بيلمز و يا امضا ايتمك ايشته مز ايسه كيفيت زيرنده درج قيلنير. قانونك ۲۴۹ و ۲۵۱ نجى ماده لرنده مندرج اولان احكام و شرائطك اجرا قيلندينى بالاده تعريف محرر ضبط ورقه سيله تصديق قيلنق لازمدر. ضبط ورقه سنك بسبتون يازلامسى و يا خود تعريف ايديلن بعض شرائطك ناقص براغلمسى، اجرا قيلنمش اولان معاملاتك حكمنزلكنى موجبدر؛ چونكه قانونك تعريف ايتديكى وجهله اجرا و تصديق قيلنماش اولماسى، معاملات مسحوت عنهانك بسبتون اجرا قيلنماش اولماسى كيدر. بو حالحه ايسه متهم، كيفتك كندوسنه تبليغدن بش كون صكره دكل الى النهايه عليهنده كى اتهام قرارينك مفسوخيتنى ادعا ايديه بيلير. متهمك استجواب ايجون جلب اولندينى وقت ومدتك يازلامسى دخی ضبط ورقه سنك حكمنزلكنى موجبدر. محاكمه ايجون طوتيلان ضبط ورقهسى، يوم اخره تعليقاً يازلمق يعنى برقسى بركونده، ديكر قسى ديكر كونده يازلمق جائز اولدينى حالحه بوراده بوقاعده جارى دكلدر. مكر كه متهم، موافقت ايدرك امضا ايدر ايسه اولحالحه آرو آرو كوندرده قسماً يازيلان ضبط ورقهسى حكمنز قالماز.

متهمك كندى حقنده وقوع بولان معاملات تحقيقيه اوزرينه تميزاً اعتراض ايديه بيله جكى شى، مجرد هيئت اتهاميه طرفدن متهمك لوا و يا استيناف محكمهسى زرينه كوندرلمسى متضمن اولان قطعى اتهام مضبطه لريدر. بوندن غيرى برحالحه قبل الحكم تميزاً اعتراض ايديه مز. اشبو تعريفدن آ كلاشيلير كه متهم، مدعى عمومينك اتهامنامهسى مندرجاتى اوزرينه تميزاً اعتراض ايتمك صلاحيتنى جائز اولماديني كى هيئت اتهاميه نك صلاحيته دائر ويره جكى قرار لره دخی اعتراض ايديه مز. اعتراض بش كون ظرفنده جائز اوله بيله جك؛ فقط تبليغ وقوع بولان كون حساب اولنمايه جقدر. متهمه متهمتى تبليغ اشناسنده «تميزاً اعتراض ايتمك ايجون بش كونكر

وارد در « دیمک کافی اولمایوب بش کونک مبدئی تعیین ایتک لازمدر؛ فقط اتهام مضبطه سی، ۲۲۳ ماده حکمنجه متهمه تبلیغ اولمازدن اول متهم جلب واستجواب اولنور ایسه مدت اعتراض استجواب زمانندن بدأ ایتیموب اتهام مضبطه سنک تبلیغی زمانندن بدأ ایدر و بوراسنی محکمه، متهمه تفهیم ایتک لازمدر. اشبو ضبط ورقه سنک متهمه امضا ایتدیرلماسی کاتبک امضا ایتماسی کی کائن لم یکن مجازاتی جلب ایتمز.

صورت: نومرو ۲۰۲ ماده ۲۵۱

اشبو بیک ایکی یوز طقسان طقوز سنه سی، حزیرانک یکر می دردنجی کونی، محکمه هیئتی حاضر اولدینی حالد متهم قالیقجی سلیمان، توقیفخانه دن محکمه حضورینه کتوریلهرک وجه آتی اوزره استجواب اولمشدر.

س - اسم وشهرت کزله سن و صنعتکز نهدر؛ مولد واقامتگاهکز نره سیدر؟
ج - اسم، سلیمان، صنعت وشهرتم، قالیقجی، ستم، اوتوز، مولد ومحل اقامتم
... ده واقع ... محله سیدر.

س - ... تاریخنده طرفکزه تبلیغ قیلنمش اولان اتهام مضبطه سیله آنک مندرجاتی اوزرینه مؤسس اتهامنامه احکامنجه ... ده واقع حسن
آغانک خانه سنندن اشیا سرقت ایدنلره معاونت ایتمش اولمق جنایتیله
اتهام اولنمشکز. بوبابده تبلیغ اولنان مضبطه واتهامنامه یه بر دیه جککز
وارمیدر؟

ج - کندی حقمده ویریلن قراره راضی دکلم.
س - حقکزی مدافعه خصوصنده معاونت ایتک ایچون بروکیل انتخاب
ایده جکمیسکز؟

ج - اقربادن (پ) یی وکیل تعیین ایتدم. حقمی مدافعه ایتسون.
بعده متهم حقمده واقع اولان قرار علیهنده دعوا ی مفسوخیت اقامه
ایتدیکی حالد تبلیغ وقوعبولان اشبو کون، داخل حساب اولماق اوزره

بش كونه قدر اعتراض ايتمنى و ايتديكى حالده اعتراضى قبول اولنمايه جنى تفهيم اولمشدر.

اشبو ضبط ورقهسى، متهمك حضورنده بالقرايه مندرجاتى تصديق وامضا ايلدكدن صكره كندوسى توقيفخانه يه كوندرلمشدر. امضا امضا

متهم كاتب

وياخود «امضا بيله ديكندن ويا ايتك ايسته مديكندن امضا ايله مه مشدر.» ديه يازيلير.

اتهام مضبته سنك مفسوخيتى متضمن يازيله حق ادعا نامه يه دائردر.

هيئت اتهاميه جه بر ماده نك جنات اولديغنه قرار و يريلوب ده عايد اولدينى محكمه يه حواله اولنهرق اوراقى تسليم اولندقدن و محكمه دخی ۱۴۹ نومروده محرر ضبط ورقه سنده كورولديكى اصول وقاعده وجهله هيئت اتهاميه مضبته سى مائى متهمه تبليغ ايتدكدن صكره متهمك كندوسنك اتهامنه دائر و يريلن مضبته عليه نه ۲۵۴ نجى ماده ده محرر اسبابه مبنى بر منقوضيت ادعاسى و ارايسه ۲۵۵ نجى ماده موجبنجه بر ادعا نامه ويره بيلير.

اتهام مضبته سى عليه نه بر مفسوخيت ادعاسى ايتك، متهم ايله مدعى عمومى يه عايددر. كذلك مدعى شخصى دخی حقوق شخصيه سنه طوقونور بر حكم و يرلمش ايسه او دخی مفسوخيت ادعاسنى ايله بيلير.

بونلر، ادعا نامه لرى اتهام مضبته سنك متهمه تبليغندن اعتباراً بش كون ظرفنده محكمه قلمه وياخود كاتبه ويره جكلردر. بو مدتدن صكره حق اعتراض ساقط اولور. متهم، يا آله حق رخصت اوزرينه محكمه قلمه كيدر، مفسوخيت ادعاسى اولديغنى كاتبه بيانله اولبايده تنظيم ايديله جك ضبط ورقه سنى برلكده امضا ايدر وياخود بالذات تنظيم واولوجهله اعطا ايلر.

منقوضيت ادعا سنه دائر وقوع بوله حق حكمك اجراسنى دخی تعويق

ايدر.

صورت: نومرو ۲۰۳ ماده ۲۵۵

اشبو بیک ایکی یوز طقسان طقوز سنه سی، حزیرانک یکر می دردنجی کونی، ساعت بشده ... محکمه سی توقیفخانه سنده جنایتله متهم بولنان (ب) نام کسنه، نزد مه کلکی استدعا ایتمش اولدیغندن جلب ایله افاده سنی صور دیغمده هیئت اتهامیه طرفندن ویریلوب طرفه ... تاریخنده تبلیغ قیلنان اتهام مضطه سی احکامنجه کندوسی حسن آغانک خانه سندن اشیا سرقت ایدنلره معاونت جنایتله اتهام قیلنمش ایسه ده اولوجهله اتهامنه قرار ویرن هیئت اتهامیه، مقدار قانونیسندن دون بولنمش اولدیغنی و بودخی حاضر کوستریلن اعضا (و) افدینک اول صروده مأموریت مخصوصه ایله ... محله کیتمش اولماسیله مستدل بولندیغنه بناء هیئت اتهامیه جه علیه ویریلن قرار، اصول محاکمه جزائیه قانون موقتک ۲۵۴نجی ماده سی احکامنجه مفسوخ اولمق لازم کلدیکندن قاعده ادعای مفسوخیت ایتدیکنی بیان و اشبو ادعاینامه نک تنظیمنی طلب ایتمش اولمغله اولوجهله تنظیم ایدلمش و بزمله معاً امضا ایله مشدر. فی سنه

محکمه نک حکمی حاوی قرارنامه لرینه دائردر

جنایاتک مسلم اولان اهمیت عظیمه لرینه بناء مجرمیت ایله جزا جهتی بردن حکم و تفهیم اولغا یوب اول امرده مظنون علیه ایله طرفینک مجرمیت حقنده کی افاده لری استماع و بوجهتک ختام محاکمه سی تفهیم اولندقدن صکره جهت جزائیه یعنی تحدید مجازات حقنده کی مدافعه لر دخی استماع اولنور. و بوجهته دخی بشقه جه قرار ویریلوب تفهیم ایدیلیر.

ایشته برنجی، یعنی مجرمیت جهتنه ویریلن قراری متضمن محکمه جه ویریلن قرار، برقطعه قرارنامه مخصوصه ربط اولنه رق مذاکره او طه سندن چیقلا قدده کاتب طرفندن علناً قرائت ایدیلیر. بعده جهت جزائیه حقنده مذاکره ایچون هیئت، تکرار مذاکره او طه سنه عودت ایدر. اشبو قرارنامه هیئت و کاتب طرفندن امضا قیلنه جقدر.

کاتب امضا ايتدير ميديكى حالده کندوسندن بش ايرا جزاى نقدى آلتير
وَعند الايجاب يعنى عدم امضايه رئيس يا اعضا ويا کاتب سبب اولمشلر ايسه
عليه لارنده اشتكا عن الحکام دعواسى اقامه اولنه جقدر. يوقسه امضالتمقدن
طولايى حکم مسوده سى کآن لم يکن اولماز. يعنى: حکمک فسخى ايچون امضا،
اسباب نقضيه دن اولماز.

صورت: نومرو - ۲۰۴ ماده ۳۰۴

طرفينك ادعا ومدافعاتنك استماعندن وبالجملة اوراق تحقيقه نك استماعندن
صكره ايجابى لى المذاكره مرقوم (ب) انكار مدخل ايتمكده، وكيلى دخى
(بوراده وكيك صورت مدافعه سى ياز ياپير) مدافعه ايتلكده ايسه ده (بوراده
انكار واقعه يى رد وجرح ايدن اسباب و دلائل، تفصيلاً تعداد اولنور.)
مرقومك انكارى واهى و وكيكك مدافعه واقعه سى (بوراده وكيك صورت
مردود تى ياز ياپير) ... صورته مردود اولغله و مرقومك (بوراده فعلك صورت
ايقاعى جمللاً تصوير اولنور.) ... صورته فعل مذكوره جر آتى، ادله مشروطه
ايه آكلا شلغله فعل مذكورك فاعلى اولغله مجرمينه ... تاريخده بالاتفاق
قراز ويرلدى. فى سنه الخ اعضا اعضا رئيس

ضبط دعوى ورقه لرى حقدده در

امور جزا ييه ده ضبط دعوى ورقه لرى ايكى صورته طوتيلير: قباحت
و جنحه درجه سنده اولان جرائم قيلندن اولوبده تحقيقات ابتدا ييه احتياج
كورولميه رك طوغريدن طوغرى يه محكمه يه كوندريله جك جرائم اصحابنك
اجراى محاكمه لرى ائناسنده طوتيله جق ضبط ورقه سنده اصول محاكمه جه
حکم واقعك مفسوخيتنى مستلزم شرائطك اجرا اولندينى بيان اولغله برابر
۱۷۳نجى ماده حكمنجه طرفينك افادات ومدافعاتى دخى ايجاب حله كوره
عيناً ويا خلاصه درج اولنور. و بوكا «سؤال جواب ضبط ورقه سى» ديتيلير.

بوتوع ضبط دعوی ورقه لرینگ ترتیب تحریر لری، یوقاروده یازیلان صورتدن فرقلی اولمادیغندن محنده تسویدندن صرف نظر اولمشدر. فقط استنطاقدن کچوبده محکمه یه حواله اولنان جنجه لریک ضبط ورقه سنده یالکز افادات شفاهیہ نک اوراق تحقیقیہ ومضبوطه ده موجود اولانلر ایله بونلرک موافق اولوب اولما دقلری درج وتصریح قیننور. جنایات ایسه هر حالده استنطاقدن کچه جکندن و بوتو حالده کرک طرفینک و کرکسه شهودک افاداتی مضبوط بولنه جغندن اثنای محاکمه ده یالکز افادات مضبوطه یه مغایر وقوعه کلن افادات ایله اصول محاکمه جه مفسوخیتی مستلزم شرائطک اجرا وایفا قیلندیغنی مبین اولان خصوصات درج قیننور. اشبو ضبط دعوی ورقه سنک اسباب صحت وفسادی، متن قانونده تصریح قیلنمش اولدیغندن بوراده علل واسبابی تفصیله حاجت کورولمه مشدر.

اشبو ضبط دعوی ورقه لرنده: اولابالالرنده مطبوع اولان خانئه مخصوصه لرنده هانکی محکمه نک ضبطنامه سی اولدیغنی، عدد و نوع اوراق ایله نوع دعوی و خلاصه ماده و قید اوراق نومرولری، تاریخلری و مدعی شخصیلر ایله مظنون علیه ویا متهملرک و ضبط کاتب لرینگ اسامیسی، خرچلرک مقدار یکونی و مفرداتی و یوم محاکمه نک تاریخی کبی خصوصات سائرہ و معاملات متفرعه نک صورت جریانی کوسترملک لازمه دندر. بعده متن ورقه ده محاکمه یی اجرا ایدن جنایت محکمه سنک هیئت موجوده سی مقدراری و حضوری لازم کلن مدعی عمومی ایله ضبط کاتب نک اسامیسی تحریر اولندقدن و ۲۴۹ ماده حکمنجه متهمه بروکیل انتخابی تکلیف و انتخاب ایتدیکی حالده ۲۵۰ نجی ماده ده محرر اولدیغنی اوزره محکمه ندرنده پولسان دعوی وکیللرندن بری انتخاب وتعیین قیلندیغنی ضبط ورقه سنه درج وتصریح ایدلادکن صکره اولا: ۲۶۳ ماده نک فقره اولیسی منظوقنجه متهمک جلب ایله وکیلی حاضر اولدیغنی حالده مقید اولمایه رق و فقط فرار ایدمه مک ایچون یاننده مقدار کافی افراد ضبطیه بولندیره رق محکمه حضورینه چیقارلدیغنی، ثانیاً: رئیس محکمه نک، محاکمه یه

مبادرت اولنخاسنی تنبیه ایتسی اوزرینه سامعین محکمه یه ادخال ایله محاکمه یه
 علناً شروع اولندیغی، ثالثاً: مذکور ۲۶۳نجی ماده نك فقره ثانیه سی موجنبه
 طرف ریاستدن متهمك اسم و شهرت و سن و صنعتی و محل اقامت و مولدی
 سؤال ایلدیکی، رابعاً: رئیس محکمه طرفدن متهمك وکیلنه وجدانك و قانوناً
 لازم اولان رعایتك خلافتده برشی سویله مه سی ایچون ۲۶۴نجی ماده احکامنك
 اخطار قیلندیغی، خامساً: ریاستدن ۲۶۵نجی ماده ده کوستردیکی اوزره
 اوقونه حق اوراقه دقت ایتسی متهمه اخطار و ۲۲۳نجی ماده حکمنجه متهمه
 تبلیغ اولنان هیئت اتهامیه مضبطه سیله مدعی عمومینك اتهامنامه سنی قرائت
 ایتسی ضبط کاتبه امر ایلدکدن و کاتب طرفدن بونلر جهراً قرائت
 ایتدیرلدکدن صکره ذکر اولنان اتهام مضبطه سیله مدعی عمومینك اتهامنامه سی
 خلاصه مأللری نهدن عبارت بولندیغی، سادساً: ۲۶۶نجی ماده ده محرر
 اولدیغی اوزره رئیس محکمه مدعی عمومی متهمك اتهامنه سبب اولان ماده نی تشریح
 و توضیح ایدرک کرک مدعی شخصی و کرک متهمك استدعا و افاده سی اوزرینه
 جلب و استماع اولنه حق شاهدلرک پوصله سنی مدعی عمومی ابراز ایدوب
 اشبو پوصله نك ضبط کاتبی طرفدن جهراً قرائت اولندیغی، سابعاً: شاهدلر
 رئیس محکمه نك امری اوزرینه مدعی عمومی طرفدن تنظیم اولنان پوصله
 موجنبه یکدیگری متعاقب جلب اولنه رق طرفینه قرابت و مناسبتلری
 بالسؤال تحلیف ایلدکدن و ۲۶۸نجی ماده نك حاوی اولدیغی معاملات
 اجرا اولندقدن صکره شفاهاً و منفرداً استماع اولنه رق ۲۶۹نجی ماده حکمنجه
 شاهدلرک شهادت واقعه سیله یینلرنده ظهور ایدبیله جک زیاده و نقصان
 و تبدلات و تغیرات وار ایسه رئیس طرفدن محکمه کاتبه ضبط ایتدیریلوب
 هر برشاهدك استماعدن صکره رئیس محکمه، ۲۷۰نجی ماده احکامنی ایضا
 ایتدیگی، ثامناً: شاهدلر استماع اولندقدن و افاده لرینك موجب اولدیغی سؤال
 و جوابلر تکمیل اولندقدن صکره ۲۸۹نجی ماده احکامنه استناداً مدعی شخصی،

ویا وکیلی و مدعی عمومی، تہمت واقعہ ہی تائید ایدہ جک اسبابی ایضاح و تفصیل
 و لازم کلن اجوبہ ہی اعطا ایتد کدن و رئیس محکمہ متہمہ خطاباً کندی مدافعہ سی
 ایچون اک صکرہ بر دیہ جکی قالبون قالمادیغنی سؤال ایلہد کدن صکرہ رئیس،
 محاکمہ نک ختام بولدیغنی بیان ایدہ رک ۲۹۰ نجی مادہ موجنبجہ ہیئت، مذاکرہ
 او طہسنہ کیدوب تکرار محاکمہ او طہسنہ عودت لرندہ متہمک ادعا اولنان فعلی
 مرتکب اولدیغنه حکم اولندیغنی تقدیردہ ۲۹۱ نجی مادہ منظوقنبجہ ضبط کاتبی
 محاکمہ نک مجرمیت قرار نامہ سنی متہمک مواجہہ سندہ قرائت ایلہ مش اولدیغنی، تاسعاً:
 مدعی عمومی، مجرمک تجدید مجازات ادعا نامہ سنی، مدعی شخصی دخی استرداد
 اموال و تضمینات استدعاسنی ۲۹۶ نجی مادہدہ کوستر لیدیکی اوزرہ محکمہ یہ تقدیم
 ایدوب ۲۹۷ نجی مادہ موجنبجہ مدعی عمومینک درجہ جزایہ متعلق ادعاسنہ
 مدافعہ ایچون سویلہ یہ جکی اولوب اولمادیغنی طرف ریاستدن متہمہ سؤال و متہم
 ویا وکیلی مدافعاتی بیان ایتد کدن صکرہ ہیئت محکمہ ۳۰۳ نجی مادہ موجنبجہ
 تکرار مذاکرہ او طہسنہ چکیلہ رک طرفینک ادعا و مدافعہ سی حقدہ اعطای
 رأی ایتد کدن صکرہ حکم، موقع محاکمہدہ حاضر اولان خلقک و متہمک
 حضورندہ رئیس طرفندن جہراً مجرمہ تفہیم ایلہ قانونک ہانکی مادہسنہ تطبیق
 اولنمش ایسہ آنی دخی قرائت ایلہ مش اولدیغنی، عاشرآ: ۳۰۵ نجی مادہ ایجابجہ
 رئیس محکمہ، حکمی تفہیمدن صکرہ اقتضای حالہ کورہ محکوم علیہ صبر و متانت
 گوستر مکی و تصحیح مسلک ایلہ مکی نصیحت ایدہ رک اعلامک اوراق نہ عوی ایلہ برابر
 لاجل التیمیز محکمہ تمیزہ کوندریلہ جکنی و بر دیہ جکی وار ایسہ اوراقیلہ بر لکدہ
 گوندرملک اوزرہ بر ہفتہ ظرفدہ بر لایحہ ویرہ بیلہ جکنی محکوم علیہہ اخطار
 ایلہ دیککی، الحاصل اصول محاکمات جزائیہ قانوننک جانیاتک اصول محاکماتنہ دائر
 اولان دردیجی و محاکمہ و حکم و تنفیذ بانسدہ اولان بشنجی فصللری مواد
 مندرجہ سی احکامنجہ اصول محاکمہ جہ معین اولان معاملاتک اجرا اولندیغنی،
 ۳۰۶ نجی مادہ موجنبجہ ضبط کاتبی طرفندن ضبط و تحریر اولنحق لازمدرہ مواد
 مشروحہ احکامنہ توفیقاً تنظیم اولنہ یان ضبط ورقہ لری، کائن لم یکن عد اولنور.

صورت نومرو - ۲۰۵ ماده ۳۰۶

ضبط كاتبنك اسمى		عدد انواع اوراق	
قيد نومروسى	اوراق نومروسى	محاكمه يه ورود تاريخى	نوع دعوى
خز جبرك مقرر داتى	مدعى	مدعى عليه	نوع وقوع
	مدعى عليه	مدعى عليه	
	معاملات	مدعى عليه	
	حقيده		

... ده مقيم حسن آغانك خانه سندن اسيا سرت ايدن سارقلره معاونت ايدن ... ياشنده. . . ده مقيم قايتجى سليمان غلبنده اقامه اوانن دعوانك روتى ايجون فى سنه تاريخنه مصادف اولان . . . كونده ثلثاً اجرا قيلنان محاكمه نك ضبط ورقه سيدر.

ذکر اولنان كونده يانيه محكمه استينافيه سنى تشكيل ايدن رئيس . . . اقدى ايله اعضا . . . و . . . و . . . و . . . اقدیلر حكومت قوناغنده اجراى محاكات ايجون محكمه استينافيه مخصوص اوطه ده مدعى عمومى . . . اقدى

وَضْبَط کاتبی . . . افندی حاضر اولدقلری حالده محکمه مذکوره نزدنده بولنان هیئت اتهامیه دن تنظیم اولنان فی سنه تاریخلو و . . . نومرولی مضبطه اوزرینه مرقوم قایقجی سلیمان عزو اولنان ماده سرقده معاونت دعواسنی رؤیت و حکمه مبادرت ضمنده تجمع ایتدیلر.

مرقوم سلیمان، توقیفخانهدن کتوردیلهرک وکیلی لیونیدا افندی حاضر اولدینی حالده مقید اولمایوب فقط فرارینی منع ایچون یاننده ضبطیه لر بولندیره رق محکمه حضورینه جلب اولندی.

رئیس محکمه، محاکمه مبادرت اولنماسنی تنبیه ایدهرک سامعین محکمه یه ادخال ایله بوجه آتی محاکمه مبادرت اولندی.

رئیس محکمه، مهم سلیمان دن اسم و شهرت و سن و محل ولادت و صنعت و محل اقامتی سؤال ایتدی.

رئیس محکمه، اصول محاکمات جزائیه قانون موقتک ۲۶۴ نجی ماده سی مندرجاتی مهمک وکیلی لیونیدا افندی یه تفهیم ایتدی.

رئیس محکمه، اوقونه جق اوراقه دقت ایتسنی مهمه و مدعی عمومینک اتهامنامه سنی قرائت ایتسنی ضبط کاتبه سویله دی. ضبط کاتبی اتهامنامه مذکور ی جهراً اوقودی.

رئیس محکمه، مذکور اتهامنامه مندرجاتی مهمه خطاباً خلاصه ایدوب «حسن آغانک خانه سندن اشیا سرقت ایدن سارقلره معاوتی سن ایتمشک» دیورلر و بونیده یکدی کیرینی مؤید دلائل و اخبارات ایله اثبات ایددیورلر. سنک علیهمکده درمیان اولنه جق شیلری شمعی دکلیه جکسک» دیدی.

آنک اوزرینه مدعی عمومی معاونی مهم قایقجی سلیمان کندی نه اسناد اولنان ماده سرقده معاونت مهمتی انکار ایددیور ایسه ده مهمت واقعه یی ارتکاب ایتسی، یکدی کیرینی مؤید دلائل و اخبارات ایله مثبت اولدیغنی بیان ایدهرک اتهامه سببیت و یرن کیفیتی نقل و تشریح ایلدکن صکره مهم مرقوم سلیمان سویلتدیرلر دکده (بوراده مهمک افاده سی یازیلیر) سویله دی.

مدعى عمومى معاونى طرفندن ويريلن شهود پوصلاسى، ضبط كاتى
طرفندن جهراً اوقونهرق دروننده محررالاسامى كسان بالدعوه كمش اولملىله
... ده مقيم ... ياشنده (ب) و... و... ده ياشنده «ح» نام كمسنه لر،
اصولى دائره سنده منفرداً و مواجهاً تحليف و استماع اولندقلرنده بولنردن
«ب» (...). و «ح» ... سويله ديلر.

شهادت واقعه يه قارشو جوابى، مرقوم سليماندن صورلدقده تحويل بيان
ايله مدخلنى طوعاً اعتراف ايله دى.

طرف رياستدن وقوع بولان سؤاله جواباً سبب انكارى، الجامى طبيعتله
جزادن قور تولق مقصدينه مبنى اولديغى و سارقله دلالت و معاونت ايدركن
بركونا معاونت فعليه ده بولمادىغى بيان ايله دى.

تحقيقاتك بوندن عبارت اولديغى بيان اولندقده معاون مومى ايله مرقوم
سليمانك سرقمه معاونت فعلنه جرائى، تحقيقات واقعه ايله آكلا شلغله مجرميته
قرار و يرلمسنى ادعا و مدافعه كى... بالبيان عدم مسؤوليتنه قرار اعطاسنى
طلب و لى السؤال بشقه برديه جكلى اولمادىغى آكلا شلغله محاكمه نك ختام
بولديغى بيان اولنهرق مذاكره او طه سنه كلندى.

طرفينك ادعا و مدافعه سنك استماعندن و اوراق تحقيقه نك مطالعه
و تدقيقندن صكره ايجابى بالمذاكره (بوراده امضا اولنان قرارنامه اوقونهرق
درج اولنور) و مجرميته متفقاً قرار و يريلوب تحت امضايه آلنان قرارنامه، علناً
قرائت اولندى.

مدعى عمومى معاونى، مجرميتى تحت قراره آلنان قايقجى سليمانك معاونت
ايتديكى سارقلىك فعل واقعاى جنایت نوعندن بولمغله مرقومك دخى قانون
جزانك ۲۳۰ نجى ماده سنك ذيلى حكمنجه جنایتله مجازاتنى ادعا و تمديد مجازات
ادعا نامه سى و ير مكله و مدافعه و كلى «...» سويله مكله مذاكره او طه سنه
عودت اولندى.

جهت جزايه سى مذاكره اولندقده، مرقوم سليمانك حركتى، جرا

قانوننامه سنك ۲۳۰ نجی ماده سی ذیلنك فقره ناینه سنه موافق كوریلهرنك یعنی ماده مذكوره ده «كورنك جزاسنه مستحق اولان سارقلره، حال و صفتلرینی بیلهرنك یتاقلق و معاونت ایدنلر، موقتا كوركه قونیلور» دیه محرر بولندیغه منی مرقوم سلیمانك ماده مذكوره حكمنه توفیقا و ابتدای تاریخدن اعتباراً بش سنه كورنك جزاسیله مجازات اولماسنه و غروش مصارف محاكمه نك اخذ و تسلیم صندوق قیلمسنه تاریخده اتفاق آرا ایله قرار ویرلدیكى ماده مذكوره نك بعبارتها قرائتیه كندیسنه تفهیمی اجرا و اصول محاكمه جه معین اولان معاملات ایفا قیلندی.

جنایات اعلاماتی حقنده در

جنایات اعلاملرینك اصول تنظیمه جه تابع اولدیغی قواعد سبقت ایدن ضبط ورقه سیله قباحت و جنحه اعلاماتنك تعریفاتی بیان صره سنده در میان اولندیغندن بوراده تکراره حاجت كورولمه مشدر.

جنایات اعلاماتی دخی محاكمه نك صورت جریانى ترتیبی اوزره یازیلیر. بنا برین محاكمه سی اجرا اولنان متهمك ثبوت تهمتنه دائر تاریخلریله معاً هیئت انهامیه مضبطه سیله انهامنامه و اوراق سائر متفرعه نك محكمه یه تاریخ تسلیمی خصوصی بیان اولندقدن صكره تفصیلاتی ضبط نامه ده بیان اولندیغی وجهله اصول محاکمات جزائیه قانون موقتنك فصل رابعنده مندرج معاملات ابتدائیه نك ایفا قیلندیغی و موقوفك جلبی ایله وکیلنك یاننده بولندیغی و مدعی عمومینك حضورى ایله علناً محاكمه یه بالابتدار انهام مضبطه سیله انهامنامه نك كاتبه قرائت ایتدیردیكى خصوصلری درج قیلنیر. بعده انهام مضبطه سنك فذلکه مالی ایله انهامنامه نتیجه سی یازیلیر. بعده انهام مضبطه سنك مالی طرف ریاستدن متهمه تفهیم قیلندیغی و اسباب انهامی مدعی عمومی طرفندن تشریح اولندیغی بیان ایدلگدن صكره متهمك افاده سی درج اولنور. متهمك افاده سی صره سنده طرف ریاستدن ایراد اولنمش سوال ایله آکا

قارشى آئمش جواب دخى ذكر اولنور. بعده مدعى عمومىنىك ادعا وافادهسى يازيلير. صكره وكيك مدافهسى يازيلير و ختام محاكمه جهتي تفهيم قيلنير. بونك اوزرينه محكمه نك مجرميت و برائت و يا عدم مسؤليت حقنده بالندا كره اولبايده و يردىكى قرارى حاوى قرارنامه نك علناً قرائت اولنور و خصوصيه مدعى عمومىنىك تحديد جزا و وكيك تخفيف جزا حقنده كى افاده لرى يازيلير. بعده جهت جزاييه حقنده كى قرار يازيلير. بونده محكومك حركت جرميه سنك تماس ايتدىكى ماده قانونيه نك حكمجه تاريخ توقيفى بيان ايده رك حكم اولنان جزانك مقدارى، ماده قانونيه قرائتله تصريحي و بعبارتها اعلامه درجيه تحرير و مجازات نقيه ايله ضرر و زيان و مصارف جهتلرينك حكملرى و حكم واقعك اكثريت و يا اتفاق آرا ايله و يردىكى بيان ايديلير.

صورت: نومرو ۲۰۶ ماده ۲۹۹

... ده مقیم حسن آغانك خانه سندن اشيا سرقت ايدنلره معاونت ايتمش اولماسندن طولايي اتهام اولنان قايقجي سليمان حقنده هيئت اتهاميه دن تنظيم واعطا قيلنان في ۱۷ ذى القعدة سنه ۳۰۰ تاريخلو مضبطه ايله استيناف مدعى عمومىسنك في ... سنه تاريخلو اتهامنامهسى اوراق متفرعه ايله معاً في آغستوس سنه ۹۹ تاريخنده يانيه محكمه استينافيهسى جزا داره سنه توديع قيلنغله تفصيلاتى اولبايده طوتيلان ضبطنامه ده محرر اولدينى وجهله اصول محاكمات جزاييه قانون موقتك باب نائيسنك فصل رابعنده مندرج اولان معاملات ابتدائيه بعدالايضا طقسان طقوز سنهسى شهر ذى القعدة نك يكرمى بشنجي بازار ايرتسى كوني موقوف قايقجي سليمان جلب ايله وكيلى ليونيدى افدى ياننده اولدينى و مدعى عمومى معاونى حسن بك حاضر بولندينى حالده محاكمه عليه يه لى الابتدار اتهام مضبطه سيله مدعى عمومىنىك اتهامنامهسى، ضبط كاتبي ... افدى يه قرائت ايتديرلدى.

مضبطه مذكورهنك خلاصه مالى، مرقوم قايقجي سليمانك، مرقوم حسن


محکومک وقوع بوله جق افاده سی اوزرینه یازیله جق تقریر دأردر

محکومک وقوع بوله جق افاده سی میانده شریک تهمترینی بیان ایدر ویاخود برائت ذمئله تخفیف جزاسنی موجب بر کیفیت در میان ایلر ایسه افاده سی ضبط اولمقله برابر حکم سابقک اجرایی تأخیر اولماز؛ زیرا محکومک بو حالده وقوع بوله جق افاداتی، اکثریا تخلص نفس امنیه سنه مبنی صنیعه دن عبارت اوله زق تلقی اولنور.

صورت: نومرو ۲۰۷ ماده ۱۹۹

اشبو بیک ایکی یوز طقسان طقوز سنه سی حزیرانک یکرمی آلتنجی کونی
 ... محکمه سنده بش سنه کورک جزاسیله محکوم اولان ... ده مقیم (ع)
 نام کمنه نیک بعض افاداتی اولدیغندن بخله عرض وافاده یه مساعده اولماسنی
 طلب ایتمش اولماسندن ناشی حضور مزه کتوردیلرک کاتب (و) افندی حاضر
 اولدیغنی حالده بر وجه زیر افاده سی ضبط اولمشدر. مرقوم (ع) عرض
 افاده یه مبادرتله ... بی سویله مش اولمغله اولوجهله افاده سی ضبط اولنه زق
 اشبو تقریر تنظیم قیلنمش و حضورنده لدی القرائه مندرجاتنی تصدیق وزیرینی
 امضا ایله مشدر. - یاخود امضا ایتمک بیلز و یا ایتمک ایسته مز ایسه -
 «بیلهدیکی و یا ایسته مهدیکی خصوصی درج قیلنیر.»

فی سنه امضا امضا
 محکوم کاتب اعضا



اوپنجی فصل

تمیز استدعارینه دأردر

قانونك ۳۲۲نجی ماده سی موجنجه جنایاته متعلق اعلامات رأساً ورسماً تمیز اولنقده اولوب استدعایه محتاج اولمادیغندن بویابده بحث ایده حکمز استدعالدردن مراده، یالکز جنجه وقباحته متعلق اعلاماتك تمیزینه دأر ویریلن استدعالدردر. ماده مذکوره حکمنجه جنجه وقباحترك تمیزی دخی آنجق حکم قطعیدن صکره جائز اوله بیلیر. یوقسه شهودك شهادت واقعلری ویاخود ثبوت جرمه اساس طوتیلان برضبط ورقه سنك مقبول اولوب اولمادیغنی حقنده ویریلن قرار ابتدائیلرك تمیزی، آنجق دعوایه حکم قطعینك اعطاسندن صکره جائز اوله بیلیر؛ فقط محکمه جه صلاحیته متعلق ادعالك، دعوانك حکم قطعیسندن اول تمیزی جائزدر.

جنجه وقباحته متعلق حکم قطعیلر علینه تمیز استدعاسی، محکوم علیه ایله مدعی عمومی و مدعی شخصی به عائددر. محکوم علیه، علینه صادر اولان حکمدن خلاص اولق یعنی حقوقنی محافظه ایتمك و مدعی عمومی، عدالت قانونیه بی محافظه ایله مک، مدعی شخصی دخی آنجق حقوق شخصیته سنه طوقونلش اولدیغنی حالده آنی استحصال ایتمك ایچون استدعای تمیز ایدرلر.

محکوم علیه، قانونك ۳۲۳نجی ماده سننده مذکور اولدیغنی اوزره محکمه تمیز ریاستنه خطاباً یازلمش تمیز استدعاسنی حکمك کندوسنه تفهیندن سکر کون ظرفنده محکمه کاتبه ویرر و مذکور استدعای، کاتبه محکوم علیه طرفندن امضا ایدیلیر. محکوم علیه امضا ایتمك ایسته مز ایسه کیفیت کاتب طرفندن استدعایه اشارت ایدیلیر.

متن ماده ده: «محکوم علیه، استدعاسنی کاتبه ویرر» دینلمشدر. یعنی: محکوم

علیهک محکمه قلمه کیدوب تسلیم ایتسنی شرط ایتیمور؛ چونکه محکوم علیه، محبوس اولدیفی حالده بالذات محکمه قلمه کیده مز. او حالده محکمه کاتبی نزدینه چاغیرر واستدعاسنی ویره رک اصولی وجهله کاتبله ایکیسی امضا ایدر لر. کاتب، محکوم علیهک وقوعبوله حق بودعوتنه اجابته مجبوردر. کیتمز ایسه و کیتهدیکی محکوم علیه طرفدن اثبات اولنور ایسه کاتب مسؤل اولور.

محکوم علیهک استدعای تمیز ایتسی، صور مشروحه ده اوله بیلوب آخر صورتله تمیز طلبنده بولندیغنی اثبات ایتسی معتبر اولماز. مثلاً: رئیس محکمه یه تذکره ایله تمیزی مستدعی اولدیغنی بیان ایله مسی معتبر دکلدر.

مدعی عمومی ایله مدعی شخصی دخی استدعای تمیزلرینی مارالبیان اصول دائره سنده اجرا ایدر لر. شو قدر فرق واردرکه بونلر ۳۲۴نجی ماده موجبنجه ویردکلری استدعالری ماده مذکوره ده مبحث عنه اولان شرائطه توفیقاً محکوم علیه تبلیغه مجبوردر لر؛ تاکه محکوم علیه، حقدنه صادر اولان حکمه، وقوع بولان اعتراضدن خبردار اولسون.

مدعی عمومی نک دخی مارالبیان قاعده خارجنده اوله رق عادی بریباتنامه ایله استدعای تمیز ایتسی معتبر دکلدر.

برده مدعی شخصی، استدعای تمیز ایتدیگی حالده ۳۲۵نجی ماده حکمنجه استدعایه حکم اعلامنک برقطعه صورت مصدقه سنی دخی ربط ایتک لازمدر. بووظیفه، منحصر امدعی شخصی یه عاندر. محکوم علیه بوندن معاف ومستثنادر. فقط کرم مدعی شخصی کرکسه محکوم علیه، ۳۲۶نجی ماده حکمنجه تمیزینی مستدعی اولدقلری اعلام، وجاهاً ویرلمش ایسه بش و غیاباً ویرلمش ایسه ایکی بچق لیرا جزای نقدی اوله رق تودیع ایتهدکجه ویاخود اللی غروشدن افزون ویرکولری اولمادیغنه دائر ویرکو دائره سنندن مصدق علم وخبر، اوراقه ربط ایله مه دکجه ادعالری مسموع اولماز.

حکم غیابیلره اعتراض حالنده ایکی بچق لیرا تودیع قیلنقله اکتفا

ایدیله جك ایسه ده بو معافیت، یالکز غیاباً محکوم اولان کیمسه یه مخصوص اولوب یوقسه خصمی بومعافیتدن مستفید اولماز.

جزای نقدی تودیغنی شرط ایدن ۳۲۸ نجی ماده قانونیه، محکوم علیه لک دخی بو شرطه رعایتله مکلف اولدقلرینه دائر برشی سویله میور ایسه ده ماده آتیه نك فقره اولیسی، یالکز جنایتله محکوم اولانلری استئنا ایتش اولماسنه نظراً جنمه و قباخته محکوم اولانلرک بو استئنادن خارج و بنا برین جزای نقدی تودیغیله مکلف اولدقلری مستفاد اولیور.

مدعی عمومی ایله مدعی شخصی دخی محکمه تمیزه خطاباً یازلمش استد- عالی نی، ماده یه حکم ایتش اولان محکمه قلمه ویروب محکمه کاتبه امضا ایتدیرمک لازمدر. ایتزلرایسه مبداء تمیز حقنده تصدیق رسمی بولنماش اوله جفی جهتله معتبر اولماز.

محکوم علیه، استدعاسنی وکالتله دخی تقدیم ایدر؛ فقط احوالده وکالتنامه مخصوصنی استدعایه ربط ایتک لازمدر. استدعاده وکالتنامه نك مربوط اولدیغنی بیان اولنماسه دخی باس یوقدر.

حکم اعلامی حقنده وقوع بولان مفسوخیت ادعاسی، ۳۱۴ نجی ماده نك احکام محتویه سنه منی اولور.

تمیز استدعاسنه دائر یازیله جق صورت، اتهام مضبطه سنك مفسوخیتی حقنده ۱۵۰ نومروده محرر صورت کبی یازیلیر ایسه ده ینه بر ایکی صورت یازلماسنی تنسیب قیلنمشدر.

صورت: نومرو ۲۰۸ ماده ۳۲۳

محکوم علیه طرفندن محکمه تمیز ریاست علیه سنه

... ایله ... محکمه سننده ... خصوصنه دائر جبران ایدن محاکمه

نتیجه سنده . . . حبس ایله محکومیتیه حکم و قرار ویرلمش ایسه ده اشبو حکمه قانع اولمایوب تمیز دعوی ایتدیگمدن کیفیتک تمیزاً تدقیقی استدعا ایلرم .

صورت : نومرو ۲۰۹ ماده ۳۲۳

مدعی شخصی طرفدن محکمه تمیز ریاست علیه سنه

. . . ده مقیم «ب» ک بررأس بارکیریمی سرقت ایتمه سندن طولانی . . .
 محکمه سنجه جریان ایدن محکمه ده مرقوم «ب» ک برائنه ویریلن حکم، . . .
 تاریخنده تفهیم قیلمش ایسه ده حکم واقع حقوق شخصیه مه طوقوندیغنه
 دعوی واقعنه ک تمیزاً تدقیقی استدعا ایلرم .
 امضا
 مدعی شخصی

محکمه کاتبی طرفدن دجی ظهر استدعایه شو یولده اشارت اولنور .
 مستدعینک اشبو استدعاسی، دفتر مخصوصک . . . نومرو سنده قید اولنش
 ولدی التکلیف ظهر استدعایی بزمله معاً امضا ایله مشدر .

امضا
 امضا
 مستدعی
 کاتب

تمیز استدعاسنک محکوم علیه تبلیغنه دائر یازیله حق تبلیغنامه حقنده در

محکوم علیه، تمیز استدعاسنک تبلیغی مشروط اولماسی، علیه نه اولماسنه
 وقانونلر دائماً علیه طرفنه میل مساعد کارانده بولماسنه بناءً کنینی اعتراض
 واقعدن خبردار ایتک و بومناسبتله کندیسنه اسباب مدافعه بی استحضار ایله مک
 ضمنده وقت قزانیرمق مقصدینه منبى در. بو استدعانک صورت تبلیغنه کلنجه:
 ۳۲۴ نجی ماده ده کورولدیکی اوزره محکوم علیه موقوف ایسه محکمه کاتبی
 معرفتیه اوج کون طرفنده تبلیغ اولنور؛ یعنی مذکور استدعا کندوسنه قرائت

و مالی تفهیم ایدیلیر. اگر موقوف دکل ایسه خدمه واسطه سیله اصولنه توفیقاً تبلیغ اولنور. ایکی صورتده دخی تبلیغ اولدنیغی، محکوم علیه امضا ایتدیریلیر. یازی بیلز ویا بیلوبده وضع امضادن استکفاف ایدر ایسه کیفیت ذکر وتصریح ایدیلیر. تبلیغ اوچ کون ظرفنده اجرایی مشروط اولماسی، تسریع اجرای معاملات مقصدینه مبیدر. یوقسه اوچ کونک مرور ایتمه سی، تمیز دعواسنک قبولنه مانع اولماز؛ چونکه مثلاً: مدعی عمومینک تمیزدن مقصدی، عدالت قانونیه یی محافظه دن عبارت اولدنیغی حلاله بومقصد خیرک، مدتی ایچنده اعطا اولنان تمیز استدعاسنک وقتنده عدم تبلیغندن طولایی کیرو قالماسی موافق مصلحت دکلدر.

صورت: نومرو ۲۱۰ ماده ۳۲۴

... ده مقیم مدعی شخصی (ب) ک ... دعواسندن طولایی حقمده ویریلن برأت قرارینک تمیزینی مستدعی، ویریلن ... تاریخنده استدعا صورتی، ... تاریخنده خدمه دن فلان معرفتیه تبلیغ اولنغله مقبوضم اولدنیغی مین اشبو علم وخبرم اعطا قیلندی.

امضا

مُبلِغ علیه

اشبو (...) امضاسی مرقومک کنديسنک اولدنیغی تصدیق اولنور.

امضا

مباشر

تمیزی استدعا ایدنلرک تقدیم ایده جکلری لایحه لره داآردر

اشبو لایحه یی، محکوم علیه ویا مدعی شخصی اون کون ظرفنده حکمی ویرمش اولان محکمه کاتبه ویره جکلدر. اشبو اون کونک مرورندن طولایی

قانون؛ «کأن لم یکن» مجاراتی تعلیق ایتیمور. دیمک اولورکه اون کونی کچمش اولسه دخی لایحه ویرمک جائز اوله جقدر. لایحه طوغریدن طوغری به محکمه تمیزه دخی کوندریله بیلیر؛ فقط سهولت بخش اولق ایچون قانون محکمه کاتبه ویرلمه سنی حصر ایده یور. اشبو لایحه ده؛ اولاً: سر نامه یعنی کیمک طرفدن هانکی محکمه نك حکم و اعلامنك نقض و تمیزی مطلوب اولدینی، ثانیاً: معترض فیه اولان اعلامک حاوی اولدینی وقوعات ایله اسباب و مواد حکمییه سی، ثالثاً: اول حکمک تمیزاً نقضی مستلزم اولان اسباب یازلدن صکره خاتمه - سنده دخی اول اسباب تقضیه به منی اعلامک نقض و فسخنی طلب اولنور.

صورت: نومرو ۲۱۱ ماده ۳۲۸

محکمه تمیز ریاست علیه سنه

... ده مقیم (ح) علمینه اقامه ایله دیکم سرقت دعواسی اوزرینه ... محکمه سنجه سبقت ایدن محاکمه ده مرقوم (ح) ک اسناد اولنان فعلدن برائتنه دائر ویریلن حکم، فی ... سنه تاریخنده تفهیم قیلنمش ایسه ده حکم واقع، حقوق شخصییه مه طوقونمش اولماسندن طولایی عدم قاعته تمیزاً نقضی ایچون بر وجه زیر استدعا ایدرم.

مذکور اعلامده ... دینلش ایسه ده حکم واقع، شو و شو وجهله کرك قانون جزایه و کرك اصول محاکمه به مخالفدر. بناء علیه حکم مذکورک نقض حکمیله مرقوم (ح) ک سرقت ایتمش اولدینی بارکیرمک طرفه زد و ادعاسنی طلب ایدرم فی سنه

اوراقک ساخته لکی ادعا اولندیغی حالده آکا دائر طوتیله جق ضبط

ورقه سنه دائردر

اشبو ضبط ورقه سنده، ساخته لکی دعوی ایدن کسنه نك صورت ادعاسیله

ساخته‌لکی دعوی اولنان سند ابراز اولندیغی و محکمه کاتبی طرفندن هر صحیفه‌سنه امضا و نومرو وضع اولندیغی و ابراز ایدن شخصی امضا ایتدیردیکی درج قینیر. امضا ایتک بیلهدیکی و یا خود وضع ایتک ایسته‌مه‌دیکی حالده دخی کیفیت بیان اولنور.

بومعاملاتدن مقصد، سندک تبدیل ایتدیلمه‌سنی تأمین ایدر.

صورت : نومرو ۲۱۲ ماده ۳۵۴

اشبو بیک ایکی یوز طقسان طقوز سنه‌سی مایسنگ اوچنجی کونی ده... ده
مقیم ... صنعتنده (ب) ... محکمه‌سی قلنه کلدی و کندی علیهنده ...
غروش مقدارینی حاوی بر پولیچهنک ساخته‌لکنی ادعا ایله مذکور پولیچهنی
ابراز وارانّه و اشبو ضبط ورقه‌سنک تنظیمی طلب ایله‌دی.
مذکور پولیچه لدی التدقیق، مائی و مستطیل‌الشکل برکاغد اوزرینه خط
رقعه و قالین قلم ایله محرر اولوب ... ده مقیم (ب) ی ... ده مقیم صراف
(ج) طرفندن ... ده مقیم (ع) نام کسنه‌نک توسطیله چکلمش فی ... سنه
تاریخلو اولدیغی و مالی، «...» دن عبارت بولندیغی کورولسیله مذکور
سنده نومروسی ایله «...» امضاسی وضع اولندیغی کبی مذکور پولیچهنی
ابراز ایدن مرقوم (ب) دخی وضع امضا ایتمش اولغله اشبو ضبط ورقه‌سی
تنظیم ایدیلهرک مرقوم (ب) دخی بزمله معاً امضا ایله‌مشدر. فی سنه
امضا امضا

ساخته‌لکی ادعا اولنان اوراقلک حاملی طرفندن تسلیمه دائر یازیله‌جق
ادعا‌نامه‌در

صورت : نومرو ۲۱۳ ماده ۳۵۸

... ده مقیم صراف (ب) ک نزدنده امانه موجود اولدیغی اخبار

اولان فی سنه تاریخلو و... امضالو سندک ساخته لکی ادعا اولندیغندن
مذکور سندک مرقوم صراف (ب) طرفندن... ده واقع مدعی عمومی
معاونی او طه سنه کتیرلسی و کتیرله دیکی حالده مرقوم (ب) جبر و حبس
اولنه جنی اخطار اولنور. فی سنه امضا



در دنجی فصل

جنایاتده حکم غیابی حقنده در

جنایاتده حکم غیابی، مواد جزائیهده جنحه و قباحت نوعندن اولان
جرام حقنده جاری اولان حکم غیابی اصولنه معادلدر؛ فقط جنایاتک، مسلم
اولان اهمیت عظیمه سنه بناءً تفریق اولنورق اجرایی بر طاقم قواعد مخصوصه
ایله تقیید اولمشدر.

اصول محاکمه جزائیه ایله تعیین ایدیلن مدتدرده کله یین جانیلر حقنده
معاملات تحقیقیه و ابتدائی عن الغیاب اجرا اولنه جنی کبی محاکمه لری دخی
غیاباً اجرا و حکم لری انفاذ اولنور.

فقط قانون مذکورک ۳۷۱نجی ماده سننده کورولدیکی اوزره محکمهلرک
محاکمه غیابیه لرینی رؤیت ایده جکلری اشخاص، اولاً: هیئت اتهامیه ده عن الغیاب
حکم اولنوبده در دست اولنه مایان، ثانیاً: متهم در دست اولندیغنی حالده هیئت
اتهامیه جه اتهام اولنوبده اشبو حکم کندوسنه و یا اقامتگاهنه تبلیغی تاریخندن
اون کون ظرفنده محکمه یه کله یین، ثالثاً: ایکنجی صورتده بیان اولنان مدت
ایچنده کلدکن و یا خود برنجی صورتده کوره در دست اولما بوبده مؤخرأ
در دست ایدلدکن صکره فرار ایدن اشخاصدن عبارتدر. ایکنجی صورت
ایله اوچجی صورتک فقره اولیسی، جنایاتده تخلیه سبیل موقت جائز اولمادیغنی

صورتده جائز اولور. يوقسه جناياتده تخليه سبيل موقت جائز اولماديغي حالده اشبو ايكي صورتده متهم ذاتاً موقوف بولنمش اوله جغندن حكم غيابي، يالكز برنجي صورت ايله اوچنجي صورتك فقره اخيره سنه يعنى: متهم دردست بولماديغي حالده منحصرأ قالير. هر حالده مارالبين صورتلرده غيبوبت ايدن متهم حقنده رئيس محكمه و بونك غيابي حالده الك قدمليسي، متهمه محكمه يه كله سي ايچون مجدداً اون كون مهل ويرير و بومهلك مجددا اولماسي، حكمك تبليغي ايچون معين اولان مدتده كله ين و ياخود اول مدتده كلوبده فرار ايدنلر حقنده در. يوقسه ذاتاً دردست بولنماش اولانلر، بركونه امهال اولنماش اولدقنلر دن ويريلن اشبو مهل، آنلر حقنده مجددا اولمايوب ابتدائيدر. كرك رئيس و كرك اعضا، اشبو مهلي، برقطعه قرارنامه يه ربط ايدر.

بوقرارنامه ده، متهم غائب حقنده اولان اتهام مضبطه سييله اتهامنامه دن و متهم ذاتاً فرارده بولنمش ايسه آلان دردست ايدله ديكندن و اكر متهم دردست بولنمش اولوبده اتهام مضبطه سييله اتهامنامه نك كندوسنه محكمه جه تبليغدن اعتباراً قانوناً معين اولان اون كون طرفنده كله مشلر ايسه كله دكلرنلر دن بخله مجدداً ويريلن اون كون مهل ايچنده محكمه يه كلز و كنديني توقيفخانه يه تسليم ايتمز ايسه ۳۷۱نجي ماده حكمنجه قانونه اطاعت ايتمه مش نظريه باقيه رق حقوق مدنيه دن اسقاط ايديله چكي و محاكمه غيابه سي ائنده اموالي حجز ايديله چكي و بو ائنده بركونه دعوى اقامه سنه حقي اوله مابه جني و علمينده دعوايه قيام اولنه جني و كندوسنك بولنديغي محلي خبر ويرمه هر كس مجبور بولنديغي خصوصلري تصريح ايله متهم اولديغي جنايتك نوعيله اخذ و گرفت امري ويرلش اولديغي درج اولنور.

صورت: نومرو ۲۱۴ ماده ۳۷۱

اشبو بيك ... سنه سي ... كوني ... ده مقيم (ب) نام كمنه يه ...
صورتله قتل ايتمش اولماسندن طولايي مظنون عليه اولوب غياباً جنايتله اتهام

اولنان و الآن وادی فرارده بولنان . . . ده مقیم . . . کوزلی . . .
 بورونلی . . . بویلی (بوراده سائر اوصاف ممیزه سی درج اولنلی.) (ح) نام
 کسنه شمدی به دکین اله کچیریله مه مش اولمغله اصول محاکمه جزائیه نك ۳۷۱ نجی
 ماده سی احکامنه توفیقاً قانونه اطاعتله محکمه به کلمک اوزره کندی لرینه جنایت
 ریاستندن اون کون مهل ویرلمش اولمغله مدت مذکوره ظرفده محکمه به
 کلمه دکبری تقدیرده قانونه اطاعت ایتمه مش نظریله باقیله رق حقوق مدنیهدن
 اسقاط و محاکمه غایبه سی اجرا و اموالی حجز اولنه جنی و اوانشاده حجزک
 وقوعندن طولای برکونا دعوی اقامه سنه حتی اوله میه جنی اعلان اولنور.

فی سنه امضا

محکمه مهری

اشبو قرارنامه نك بر صورتی، متهمک صوک اقامتگاهنه و حکومت قوناغیله
 محاکمه سی اجرا اولنه جق محکمه قاپوسنه تعلیق اولنه رق اغلان و بر نسخه سی
 ۳۷۲ نجی ماده موجبجه متهمک اموالی حجز اولنه جق محل دفتر خاقانی
 مأمورلغنه تبلیغ ایدیلیر.

اشبو قرارنامه نك ۳۷۲ نجی ماده موجبجه اجرای تبلیغی شرائط لازمهدن
 اولوب حتی اولوجهله عدم تبلیغی، اول قرارنامه نك حکمسرلکنی یعنی او زمانه
 قدر جریان ایتمش اولان معاملاتک حکمسرلکنی مستلزم اوله جغندن تبلیغی
 یولنده اجرا ایدلمش اولمق ایچون اولا: اشبو قرارنامه نك اصول محاکمه
 حقوقیه نك ۲۶ و ۲۷ و ۲۸ نجی ماده لرینه توفیقاً متهمه تبلیغی، ثانیاً: دلال
 واسطه سیله مذکور قرارنامه نك نشر و اعلان حکمی و مذکور قرارنامه نك
 بر نسخه سنک متهمک اقامتگاهی قاپوسیله ساکن اولدیغی حکومت قوناغی قاپوسنه
 و محاکمه سی اجرا اولنه جنی محکمه دیوانخانه سنه یا پشدر یلماسی، ثالثاً: بومعاملاتک
 اجرا قیلندیغی ضبط ورقلری ایله تصدیق قیلنماسی لازمدر. بونلرک اجراسنی
 امر ایتک، مدعی عمومی به عاندر. اشبو قرارنامه نك، متهمه تبلیغی، اصول

مرعيه سنه توفيقاً اجرا اولنه جغندن يالكز قرارنامه نك اعلان و نسخهي تعليق اولنديغني مصدق ضبط ورقه سي صورتی يازيله جقدر .

صورت: نومرو ۲۱۵ ماده ۳۷۲

اشبو بيك ايكي يوز طقسان طقوز سنه سي ايلوك يكرمي يدنجي صالي كوني خدمه سندن اولديغ . . . محكمه سي مدعي عمومي سي . . . افدينك امري اوزرينه . . . محكمه سي رئيسي طرفندن (ب) نام كسنه يي قتل تهمتيه مهتم بولنان (ح) نام مهتم غائب حقنده صادر اولان قرارنامه يي . . . محكمه سي قاپوسنه تعليق ايله ديكمي مصدق اشبو ضبط ورقه سي تنظيم و امضا قيندى .
امضا في سنه

مار البيان قرارنامه نك اولوجهله اعلان و نسخهلرينك تعليقندن صكره مهتم ظهور ايتمز، اقرباسي طرفندن عدم ظهورندن طولايي برمعذرت بيان اولتماز، يا خود اولنوب ده محكمه جه قبول ايدلمز، الحاصل مهتمك امهال محاكمه سنه هيچ برسبب قانوني بولتماز ايسه محاكمه سنه شروع اولنور. مهتمك محاكمه غيابه سنه شروع اولنه جنبي صروده حقوقني محافظه ايچون طرفندن وكيل قبول اولتماز؛ چونكه وكيل قبولي خالده مواد جنائده ده مهتم طرفندن وكيل كوندرلسنه جواز ويرلمش اولنه جقدر كه بو، احكام قانونيه به مخالفدر؛ زيرا جنائته مضمون عليه اولان كيمسه نك بالذات بولنوب استنطاق اولتماسي مطلوبدر. مهتمك محاكمه غيابه سنه مباشرت اولندقد، اول امرده ماده نك محكمه جنائته حواله سي متضمن اولان هيئت اتهاميه مضبطه سيله غائبه تبليغ قيلمش اولان قرارنامه نك تبليغي اجرا قينديغني مشعر اولان نسخهي و كذلك بو قرارنامه نك اعلان و مواقع لازمه به تعليق و تشهير اولنديغني ميين ضبط ورقه سي قرائت اولنور. بونك اوزرينه مدعي عمومي و يا خود معاونك افاده سي استماع اولندقدن صكره تحقيقات واقعه موافق قانون جريان ايتمش اولماديني يعنى: رئيس و يا اعضا

طرفندن تسطیر قیلنمش اولان قرارنامه، ۳۷۱ و ۳۷۲ نجی ماده لری احکامجه مدت معینه ده متهمه تبلیغ، نسخه لری تعلیق و غزته ایله اعلان قیلنمیش اولدینی آکلاشیلیر ایسه برنجی معامله دن یعنی: قرارنامه تسطیرندن بدأ ایله اولزمانه قدر جریان ایتیش اولان معاملاتک تجدیدی، محکمه طرفندن امر اولنور. اگر معاملات واقعه، موافق قانون اوله رق جریان ایتیش ایسه محکمه، موجب اتهام اولان فعل حقنده یعنی: محکمه اتهام مضبطه سیله اتهامنامه مألرینه و الحاصل جنایاتک رؤیت محاکمه لری نی تعیین ایدن فصل مخصوص احکامنه کوره اجرای محاکمه ایتدکن صکره اول فعل حقنده اقتضا ایدن حکم قانونی بی اعطا ایله، اموائنک مجزینه قرار ویرر و بعده حقوق شخصیه دعواسی واریسه آتی دخی رؤیت ایدر.

صورت: نومرو ۲۱۶ ماده ۳۷۶

... ده مقیم (ب) نام کسنه نی قتل ایتک تهمتیه اتهام اولنان فراری (ح) نام کسنه حقنده هیئت اتهامیه جه تنظیم واعطا اولنان فی ... سنه ... تاریخلو مضبطه ایله استیناف مدعی عمومیسنک فی ... سنه ... تاریخلو اتهامنامه سی، اوراق متفرعه ایله برابر ... محکمه استینافیه سی جزا دأر سنه تودیع قیلنمش اولماسی اوزرینه اصول محاکمه جزائیه نک ۳۷۱ نجی ماده سی موجبجه مرقوم فراری (ح) حقنده محکمه مرقومه رئیس طرفندن تسطیر قیلنان فی ... سنه ... تاریخلو قرارنامه ایله تعیین ایدیلن اون کون ظرفنده متهم مرقوم فراری (ح) ینه ظهور ایتهمش اولماسنه بناءً مذکور اتهام مضبطه سیله قرارنامه نک متهم فراری مرقومک صوگ اقامتگاهنه تبلیغی و ۳۷۲ نجی ماده موجبجه اعلان و نسخه لرینک لازمکن محلاره تعلیق و تشهر قیلندیغی مشعر اولان ضبط ورقه سی قرائت اولنهرق تحقیقات و معاملات جاریه نک ماده مذکوره احکامنه توفیقاً اجرا قیلندیغی آکلاشیلدندن و مدعی عمومی ... افندینک متهم فراری مرقوم (ح) حقنده حکم غیابی

اعطاسنه دائر استماع اولنان افادهسى نفس الامر موافق اولديغى كوريلهرك موجب اتهام اولان فعل مذكور حقه قانونا ايجاب ايدن حكمك غياباً اعطاسى خصوصنه قرار ويرلدكن صكره متهم فرارى مرقومك علناً محاكمه غيايه سنه مباشرته مذكور اتهام مضبطه سيله مدعى عمومىك اتهامنامهسى، ضبط كاتى . . . افندى به قرائت ايتديرلدى .

مضبطه مذكورونك خلاصه مالى، مرقوم (ح) ك مرقوم (ب) ى قتل ايمهسى، مشهوداً وقوعبولمش اولمقدن ناشى صلاحيتى اولان مامورى طرفدن اصول وقاعده سنه توفيقاً محرر ومعطى ضبط ورقهسى دلائل و اخبارات سائر ايله دخى مؤيد اولديغندن قانون جزانك . . . نجى مادهسى حكمنجه جنايته اتهام اولنديغى افادهسى حاوى ومذكور اتهامنامهك، نتيجه مؤديسى دخى مذكور مضبطهك محتوياتى دائر سنده مرقوم فرارى (ح) ك جنايته متهم بولنديغى محتويدر .

بونك اوزرينه مدعى عمومى طرفدن متهم مرقوم فرارى (ح) ك اسباب اتهامى تشریح وتفصيل اولندقدن صكره مدعى عمومى طرفدن اولجه پوصلهسى ويريلن شهود . . . و . . . و . . . درون محكمه يه چاغربلهرق بعد التحليف استماع اولندقلرنده بونلردن . . . و . . . و . . . (. . .) ايفاي شهادت ايتمش وشهادت واقعه لرى اخبارات سابقه لرينه موافق اولديغى كورلمش در . مدعى عمومى مومى ايله، متهم مرقوم فرارى (ح) ك مرقوم (ب) ى قتل ايتديكى قرائت اولنان مذكور ضبط ورقهسى مندرجاتى ومار البيان شهودك شهادت واقعه لرى ايله مثبت اولوب مرقوم (ح) ك حركت واقعهسى دخى عمداً وقوعبولديغندن مرقوم فرارى (ح) ك مجرميتى تحت قراره آلتاسنى ادعا ايتمش اولمغله محاكمه لرينك ختام بولديغى تفهيم اولندي .

تديق اولنان اوراق ايله شهودك افاداتى ومدعى عمومىك ادعاسى اوزرينه ايجاب كيفيت لى المذاكره فرارى (ح) مقتول مرقوم (ب) ى قتل ايتديكى مار البيان دلائل و اخبارات ايله ثابت اولديغندن اولوجه مرقوم

(ح) ك مجرم اولدیغنه عن الغیاب ویریلن قراری حاوی تنظیم اولنان قرارنامه قرائت اولندقدن مدعی عمومی مومی الیه مرقوم (ح) ك حرکت واقعه سی عمداً وقوع بولمش اولدیغنی مثبت اولدیغندن قانون جزانك . . . نجی ماده سی موجب تعین مجازاتی طلب ایله دی .

جهت جزائیة حقننه ایجابی مذاکره اولندقدن مرقوم قراری (ح) ك حرکت جرمیة واقعه سی، قانون جزانك . . . نجی ماده سی احكامنه مطابق اولدیغنه و ماده مذکوره ده (.) دیو محرر بولدیغنه بناءً مرقوم (ح) ك غیاباً اعدام جزاسیله مجازاتنه وکلوب تسایم نفس ایدنجیه قدر اموال و املاکنك نزع اذاره سیله اجزای حجزینه فی . . . سنه . . . تاریخنده قرار ویریلوب مدعی عمومی مومی الیه تفهیم اولندی . فی سنه

اشبو حکم اعلامی صادر اولدقدن برقطعه خلاصه سی، تاریخ حکمدن سکنر کون ظرفنده لوا بدایت محکمه سی و یا محکمه استیناف مدعی عمومی و یا معاون معرفتیه محکوم علیک اقامتگاه اخیرینك تابع اولدینی ولایت غزته سیله نشر و اعلان اولدقدن صکره مذکور خلاصه نك بر نسخه سی دخی اولا محکوم علیک اقامتگاه اخیرینك قاپوسنده، ثانیاً: جنایتك محل وقوعی اولان حکومت قوناغیله محکمه نك قاپولرینه تعلیق ایدیله جك و دیگر نسخه سی دخی محکوم علیک املاکی حجز اولنه جق محل دفتر خاقانی مأمورلغنه تبایغ قیلنه جقدر .


شخص غائب، شووجهله محکوم اولدقدن صکره اموالی شخص غائب نظریله باقیله جقدر. غائبلك اموالک صورت اداره سنه دأر قوانین مترجمده بر بحث اولمادیغندن بوباده احكام شرعیه نی اساس اتحاد ایتک لازمدر. بناءً علیه کتب فقهیه ده کتاب المفقوده مندرج احكام اصلیه ایله اصول محاکمه جزائیة نك باب رابعنك فصل ثانیسنده واقع مسائل استثنائیة یکدیگرینه مزج ایدیلدیکی حالده بروجه آتی ماماه ایتک مناسب اولور. شوبه که: مهم فزازی محکوم اولدقدن صکره دخی کله دیکی حالده غائب مرقومك ماملکنه تصرفدن

اداره سنک نزعیه اموال منقولہ سنی محافظہ ایتمک و بشقہ لرنده اولان حقوقی استیفا ایله تلفی متصور اولان اموالی بیع ایتمک اوزره برناظر تعیین اولنالی و اموال غیر منقولہ سی حقندہ حجز معاملہ سنی اجرا ایتمک اوزره مارالبیان اعلام خلاصہ سنک دفتر خاقانی مأمورینہ تبلیغیہ برابر اشبو اموال غیر منقولہ سنک حاصلات واقعہ لرینی آلمق و تعمیراتی اجرا ایلمک نظارتی دخی ینہ منصوب ناظرہ تودیع ایلمہ لی. محکوم علیہ فرارینک شو صورتلہ ضبط و اداره اولنان اموالی تقسیم اولنماز؛ فقط تعیش ایچون زوجه سیلہ اولادینہ و والدینہ تنسیب اولنہ حق بر مقدار شی و یریلہ بیلیر. شو حالده غائب محکوم تاریخ محکومیتندن اعتباراً جزانک مرور زمان ایله ساقط اوله بیله جکی یکر می سنہ ظرفندہ اگر نفسنی حکومتہ تسلیم ایدر ایسه ۳۷۱ نجی ماده موجنبه تسطیر اولنان قرار نامہ ده و یریلن اخذ و کرفت امرندن بدأ ایله وقت تسلیمہ قدر جریان ایتمش اولان معاملات، یعنی: محاکمہ غیابیه ایله آنک لوازمندن اولان حجز معاملاتی، کاملاً منفسخ اوله رق محاکمہ سی و جاهاً اجرا و اموالی حقندہ اولان حجز فک اوله رق کندوسنہ و یاخود مستحق لرینہ اعطا اولنور. شو قدرکه منفسخ اولان معاملات بیان اولدینگی و جهله مارالبیان اخذ و کرفت امرندن بدأ ایله وقت تسلیمہ قدر جریان ایتمش اولان معاملاتدر. یوقسه هیئت اتهامیه مضبطه سیلہ آندن اول جریان ایتمش اولان معاملات تحقیقیہ منفسخ اوله ماز. بناءً علیہ شخص غائبک اعاده تحقیقات ادعاسنہ حتی یوقدر و اگر محکوم غائب، جزانک مرور زمان ایله سقوطی معین اولان مدتده کلز ایسه بومدتک مرورندن صکره اموالی حقندہ وضع اولنان حجز طبعاً منفک اوله جغندن اموالی مستحق لرینہ، یعنی: وارث لرینہ تقسیم و توزیع اولنور. شخص غائب، احکام شرعیہ ایجابجه غیری حقندہ میت حکمنده اولوب بوصورتنده وارث دخی اوله ماز ایسه ده محکوم غائبک، شخص غائبه تشبیهی یالکمز اموالک صورت اداره سنہ منحصر اولوب احکام سائرہ یه تجاوز ایتمه یه جکندن محکوم غائب، وارث اولمقندن محروم اولماق ایجاب ایدر. وارث اولدینگی حالده دخی اموال موروثه کندی مالنه الحاق اوله رق اولوجهله اداره اولنمق لازمدر.

حکم اعلامنك خلاصه سنه دأردر

صورت: نومرو ٢١٧ ماده ٣٧٨

... ده مقیم (ب) نام کسنه نی قتل ایله مظنون علیه اولان فراری (ح) حقنده ... محکمه سی هیئت اتمامیه سندن صادر اولوب اعطا اولنان اتمام مضبطه سی اوزرینه ... محکمه سنجه ٣٧١ نجی ماده موجبنجه تسطیر و اصولنجه تبلیغ و اعلان ایله نسخهلری لازم کنن محاله تعلیق قیلنمش اولان قرارنامه ده معین مدتده دخی مرقوم (ح) اثبات وجود ائمه مسندن ناشی اولبایده اجرا قیلنان محاکمه غیایه ده مرقوم (ح) مرقوم (ب) ی عمداً قتل ایتمش اولدینی تحقق ایله مش اولماسنه و حرکت واقعه سی، قانون جزانك ... نجی ماده سنه مطابق بولنماسنه بناءً مرقوم (ح) ماده مذکوره احکامنه توفیقاً اعدام ایله مجازاتنه و اموال و املاکندن ادار سنك نزعیه اموالی حقنده حجز معاملاتنك اجرا سنه قرار ویرلمش اولغله جمله یه معلوم اولمق اوزره اعلان اولندی .



بشنجی فصل

بعضه معاملات متفرقیه دأردر

حکامدن بشقه مأمورین ملکیه نك مأموریتلرینی اجرا حالنده کورلدی یه سبب اولانلر حقنده تنظیم ایده جکلاری ضبط ورقه لرینه دأردر

معلومدرکه حکام، مأموریتلرینی اجرا حالنده اخرلری طرفندن ٤٠٤ و ٤٠٥ و ٤٠٦ نجی ماده لر موجبنجه وقوعه کن هر نوع جرائمك تحقیقاتی

اجرا و مواد مذکوره ده بیان اولنان صورتده حکمنی اعطا ایدر لر. اشبو محکمه لر، حقوق و جزا محکمه لرندن اعمدر.

اما ملکیه مأمورلری، حکم و یرمک صلاحیتنی حاز اولمادقلری ایچون یالکز ۴۰۴ نجی ماده نك احکامنه مخالف حرکت ایدن لر حقنده ضابطه عدلیه وظیفه سنی ایفا ایله جرم واقعی تصدیقاً ضبط ورقه سی تنظیم ایتک و مخالفت ایدن کیسه بی اخذ و گرفت ایله مک صلاحیتنی استعمال ایده بیلر لر. بو باده تنظیم ایده بیله جکلری ضبط ورقه سنی ایجاب ایتدیکی حالدده عاقد اولدیغی محکمه یه کوندر لر لر. حبس جزاسی یالکز مجلسدن طرد ایدیلوب ده دیکله مه یین و یادیگله یوبده تکرار عودت ایدن لر حقنده اجرا اولنور و بو حبسک مدتی یکر می درت ساعت امتداد ایده بیلوب دها زیاده تمدید ایدیله مز و شخص محبوس یکر می درت ساعتک تکمیلنده بشقه بر امره محتاج اولمایه رق تخلیه اولنور. حکامک بو باده تنظیم ایده جکلری ضبط ورقه لر یله اوراق حکمییه، سابقده کچمش اولدیغدن یالکز مأمورین ملکیه نك تنظیم ایده جکلری ضبط ورقه لرندن بختله اکتفا ایدلمشدر.

صورت: نومرو ۲۱۸ ماده ۴۰۹

اشبو بیک ایکی یوز طقسان طقوز سنه سی حزیرانک یکر می یدنجی بازار ایرتسی کونی . . . ده واقع حکومت قوناغی حولیسندده قرعه معاینه سنی اجرا ایله اشتغال اولندیغی ائنده . . . قریه سی امامی . . . افندی کویا حقوقنی محافظه بهانه سیله شیرازه مناظره و ادب خارچنده کورلدی یه و بنا برین مجلس حاضرک مذاکراتی نتیجه سنز براقغه سبب اولمش و اگر چه لوازم ادبی طاقمنسی تکلیف اولندیغی حالدده اصفا ایتمه دیکی کبی خارجه چیقماسی حقنده وقوع بولان امره دخی شدتله مخالفت ایله مش اولمغه اصول محکمه نك، ۴۰۴ و ۴۰۹ نجی ماده لر ای احکامنه توفیقاً مرقوم (ب) ک حبس و توقیفی لازم کلمشدر.

مخالفت واقعہ سنی تصدیقاً اشبو ضبط ورقہ سی تنظیم و امضا قیلمدی .

امضا فی سنہ قائم مقام

نقل محاکمہ استدعالرینہ داردر

نقل محاکمہ ایله تعیین مرجع بختلری یکدیگرینہ مشابه ایسه ده بینلرنده فرق واردر. تعیین مرجعه ایکی محکمه آرہ سنده بولنور و بو محکمه لردن هربری ایشک کندینہ عائد اولمادیغنی دعوی ایدر. حالبوکه نقل محاکمہ ده، محکمه دعوای معروضه یی رؤیتده مخالفت ایتهدیکی کبی بشقه بر محکمه ایله دخی آرہ لرنده برکونه اختلاف بولنمایور؛ فقط تاثیر نفوذ خارجی ایله ویریله جک قرارک حکمسنر قالماسی و یا خود عرض اولنان ماده نک تحقیقی، اول ولایتده آسایشک مختل اولماسنه سبب اولماسی کبی قورقوله جق بعض احوالک ظهوری، عرض اولنان بر دعوانک بر محکمه ده کورولمه سنه مانع اولور.

بوفصلک اکثر موادی محکمه تمیزک معاملاتتی تعیین ایتمکده اولوب بو کتابده ایسه یالکز بدایت محکمه لرینہ عائد اولان معاملاتدن بحث اولندیغندن بوراده مجرد نقل محاکمہ استدعالریله منبی علیهی اولان اسباب قانونیه دن بحث اولنه جقدر. نقل محاکمہ یی داعی اولان اسباب، ایکی قسمه منقسمدر. برنجیسی: آسایش و امنیت عمومیه یی محافظه ایتک، ایکنجیسی: شبهه یی داعی اسباب مقبوله نظامیه بولنمقدر.

بر دعوانک بر محکمه ده کورولمه سندن طولایی بعضاً آسایش و امنیت عامه مختل اولور. بودخی اول دعوانک کوریله جکی محله حکمک نوعنه و دعوانک حالیه محاکمہ نک صورت جریاننه کوره تخالف ایدر. مثلاً: بعض محللرده ذی نفوذ و مقتدر بر آدمک اتهامندن طولایی اهالی تفرقه یه دوشرکه اول آدمک کرک اتهامی کرکسه برائی، مطلقاً بر طرفک اخلال آسایش ایتمه سنه وسیله اولور. یا خود قومیت و ملیت و مذهب اختلافاتی مناسبتیله ایکی قوم افرادی بیننده

وقوع بولان بر قتل دعواسنك رؤیتی دخی كذلك بر طرفك اخلال آسایش
ایتمه سنه وسیله اولور .

نقل محاکمه نك ایکنجی قسندن معدود اولان شبهه بی داعی اسباب مقبوله
نظامیه کلنجه: شبهه بی داعی دیمك، حقك و عدالت قانونیه نك ظهوری شبهه
تحتنده قالمق دیمك اولوب بواسبابك دخی نظامی یعنی نظاماً مقبولیتی تصریح
قیلنمش اولمالیدر. بودخی شدتلی بر منفعت و یا بردشتملك و یا خود بر فکر تعصبی دن
منبعث اولمالیدر که بو منفعت و یا دشتملك و یا فکر تعصبی حسبیله بر حاکم،
اظهار حقه رهبر اوله جق بی طرفلغنی محافظه یه مقتدر اوله ماملیدر.

فقط بواسباب، غایت شدتلی اولمق لازمدر؛ حتی بوندن طولاییدر که
فرانسه ده بلدیة رئیس ایله بر غزته جی بیننده ظهور ایدن ناموس دعواسندن
ناشی بلدیة رئیس، غزته جی بی مرکز حکومتنده واقع محکمه ده رفع ایله اجرای
محاکمه سنی طلب ایله مش اولماسنه مقابل، غزته جی، محاکمه سنی کوره جك اولان
محکمه، خصمك تأثیر نفوذی تحتنده اولدقدن بشقه مذکور محکمه نك اکثر
اعضاسی، رئیسك منتخبلرندن اولدیغنی و بنابرین محاکمه ده حقك ظهوری
شبهه تحتنده قاله جغنی وسیله ایدرک محاکمه نك اخر محله نقانی ایسته مش
اولدینی حالده محکمه تمیز بوکا جواز ویرمه مشدر. فی الحقیقه بزده دخی بر
والی ایله وقوع بولمق بر محاکمه نك اخر محله نقانی ایجاب اتمز؛ زیرا بر محکمه
مادام که قوانین ایله ایفای وظیفه یه مکلفدر شو حالده بر محکمه نك قوتی، بر
والینك قوتی فوقنده در. بوندن بشقه بر والینك نفوذی تأثیر ایده بیله جکی،
نظامی اولمایوب اولسه اولسه شو حال بر انتظام سزلقدن منبعث اوله بیایر.
بوجهتله بویله بر سبب حقك ظهورینی شبهه ده براقسه دخی مقبولیتی حقدنه
نظامده صراحت اولان اسباب نظامیه دن دکلدر.

فقط محکمه نك حاکم و یا اعضاسنك، اصول محاکمه حقوقیه نك ۶۲ نجی
ماده سنده بیان اولتان درجه ده طرفیندن برینك اقرباسی و یا اخر صورته

آنرہ ارتباطی اولوبده اصولاً ردلری حالنده اعضای باقیه حدنصابده بولنمادیغی حالده اول محاکمه، اخر محله نقل اولنور؛ زیرا برحاکم، بیان اولنان درجدهده طرفدن برینه قرابتی اولماسی ایله حق اظهار ایچون مطلوب اولان بیطرفلغنی محافظیه طبعاً مقتدر اوله ماز. اشبو سبب دخی نظاماً مقبولیتی تصریح قیلنمش اولان اسباب نظامیه دندر.

کذلک شبهی داعی اسبابدندر برجرم که آکا دائر صادر اوله جق حکم، افکار عمومیهیه مخالف اولمقدن ناشی اول محل سکنه سنک عداوتی حاکم لر علیهنه جلب ایده. مثلاً: برمذهبه منسوب برقیزی قاچیران بر کیمسه نک محاکمه سی، محلی محکمه سنده کورولدیکی حالده محکمه افکار عمومیه نک همچاندن مخالف حکم ویرمکدن اجتناب و توفی ایده بیله جکندن بوندن متضرر اولماسی متصور اولان طرف، نقل محاکمه یی استدعا ایده بیلیر.

برنجی قسمدن اولان اسبابدن طولانی نقل محاکمه یی استدعا ایتمک باش مدعی عمومی ایله مدعی عمومی و معاوانلره مخصوص و منحصردر؛ زیرا محافظه آسایش ماده سی، آنره مودوعدر. سائر اسباب نظامیه دن طولانی دخی نقل محاکمه استدعا سنده بولنه بیلیرلر؛ اما طرفین، یا لکز ایکنجی سیدن طولانی نقل محاکمه یی استدعا ایده بیلیرلر. هر ایکی حالده نقل محاکمه یه قرار ویرمک، باش مدعی عمومی نک طلبنه و محکمه تمیز جزانک قرار ویرمسنه متوقفدر. بشقه بر محکمه اشبو نقل محاکمه دعواسنه قرار ویره من. بوصولده نقل محاکمه استدعالری طرفیندن ایسه یا طوغریدن طوغرییه و یا خود مدعی عمومی واسطه سیله محکمه تمیزه و مدعی عمومی طرفدن ایسه اگر استدعا، آسایش عمومی یی محافظه وقوع بولمش ایسه محکمه مزبوریه حواله اولنق اوزره عدلیه نظارتنه کونده ریلیر و اوراق دعوی دخی برابر بولنور و اگر اسباب مقبوله سائرده دن طولانی ایسه طوغریدن طوغرییه محکمه تمیزه کونده ریلیر.

طرفینده یازیللمه اولموشون استیغایه دأردر

صورت : نومرو ۲۱۹ ماده ۴۳۵

محکمه تمیز ریاست علیه‌سنه

بنده لری . . . ده واقع . . . قصبه‌سی اهالیسندن و ملت موسویه‌دن اولوب بیغزده حصوله کلن محبت و معاشقه‌یه مبنی قصبه مذکوره‌نک ملت عیسویه‌سندن (ب) نام کسنه‌نک (ح) اسنده قیزی بالرضا قاجیرمش . . . محله ایکیغز دخی فرار ایله‌مش بولندیغمز حالدده آرقه‌مزدن کوندریلن آدم‌لرک اخباراتی و حکومت محلیه‌نک امریله در دست اولنه‌رق قصبه مذکوره‌یه اعاده اولندیغمز دن بشقه مرقومه (ح) ابنای مذهبنک اقناعیله جبراً و کره‌ها قاجیرمش اولدیغمی دعوی ایتمش اولدیغندن طولای بنده لری دخی جبراً قیز قاجیرمق فضاحتیله مظنون علیه اوله‌رق قصبه مذکوره بدایت محکمه‌سنجه جلب واحضار اولدم . حال بوکه محکمه مرقومه هیئتی، مذهب عیسویه‌دن اولدیغنه و قصبه مذکوره اهالیسی، اغلیتله خرس‌تیا ن اولوب یهودیلرایسه اون خانه‌دن عبارت اولدقن بشقه مسئله مجوٹ‌عنها، قومی و مذهبی رنگنی کسبله افکار عمومیه بوندن طولای فوق‌العاده هیجانده بولنمش اولماسنه بناءً محکمه مرقومه هیئتی طوعاً و کره‌ها ظهور حقه مدار اوله‌حق بیطرفلغتی محافظه‌ده معذور اولدیغی بدیهی بولندیغندن خصوص مذکور دن طولای اجرای محاکمه‌مزک تنسیب بیوریله‌حق اخر محل محکمه‌سنه حواله‌سی بابنده فی سنه

نامشروع حبس ایدلیدیکی خبر آلمان برکسنه‌نک، مجوس بولندیغی محله کیدیلوب تحقیق احوالی حقدده تنظیم اولنه‌حق ضبط ورقه‌سنه دأردر

صورت: نومرو ۲۲۰ ماده ۴۶۰

اشبو بیک الخ.

... ده واقع ... تکیه سنده موقوف اولدینی خبر آلنان ... ده مقیم
(ب) نام کسنه نك محبوس بولندینی مذکور تکیه یه کیدیلهرک کندوسی جلب ایله
استجواب اولندقده قریه جه لزوم کورینن بعض بندلر انشا آتی ایچون نفوس
ذکور اوزرینه درت عمله اعتباریله اعانه جمعی بالاتفاق قرارلشدرلمش اولدیغندن
مرقوم (ب) ک فرار و حساب مذکوره توفیقاً اعطا اتمه سی تکلیف اولنان
اعانه یی ویرمکدن امتناع اتمش اولماسندن طولای اتفاق اهالی ایله مذکور
تکیه یه حبس ایتدیرلدیکنی سویله مش در.

مرقوم (ب) ک افادات واقعه سنی تکیه شیخی (ع) ایله حضارک کافه سی
تصدیق و مرقوم (ب) ک عمومه شو صورتله مخالفتی مغایر شعار انسانیت
اولدیغنی علاوه بیان ایله مشلدر در.

مرقوم (ب) ک صورت مشروحه ده وقوع بولان محبوسیتی، نامشروع
اولهرق کندیسی تخلیه ایتدیرلمش اولغله وقوع حالی مصدق اشبوضبط ورقه سی
تنظیم و امضا قیلندی. فی سنه

امضا

مدعی عمومی

اعاده حقوق ممنوعه استدعاریه داردر

اشبو استدعاریه: تاریخ محکومیتله سیلیری تخلیه اولندقدن صکره زرده
اقامت اتمش اولدققرینی و حبسندن چقدققری تاریخندن برو ۴۶۴ نجی ماده ده
معین اولان مدتدن یعنی: بش سنه دن زیاده کچمش ایسه آنی دخی کوستره.
جکلدر در. كذلك جزای تقدی و تضمینات ایله محکوم اولمشلر ایسه تأدییه
ایتدکقرینی و یا عفو اولندققرینی و یا جزای تقدی یی عدم ایفالرندن طولای

حبس ایچون تعیین اولنان مدتی ا کمال ایله دکلرینی ویا متضرر اولانلرک حبس ادعاسندن فارغ اولدقلرینی و حیلله ایله اظهار افلاس ایتمش اولانلر بونک رأس المال و فائض و مصارف سائرهنی ایفا ایله دکلرینی و یا خود بونلردن عفو اولدقلرینی بیان و بونلری اثبات ایتک لازمدر. اشبو استدعا، مستدعینک بولندیقی قضا مدعی عمومیسنه ویریلیر.

صورت : نومرو ۲۲۱ ماده ۴۶۶

... محکمه سی مدعی عمومیلکنه

بندهلری ... ده واقع (ب) ک خانه سندن اشیا سرقتی تهمتیله ... محکمه سنجه ... تاریخندن اعتباراً بش سنه مدته کورکه قوللق و اموال مسروقه بی صاحبنه رد و اعاده ایتک ایله محکوم اولمش ایدم.

مدت محکومیتی ... حبسخانه سنده ا کمال ایتمش اولدیغمه منی سیلم تخلیه ایدلمش در. سیلم تخلیه ایدلدیکی کوندن بو آنه دکین بش سنه مرور ایدرک اشبو بش سنه مدتی دخی علی التوالی کندی قریه مده، خانه مده امرار ایله مش اولدیغمدن و صاحبنه اعاده سیله محکوم اولدیغم اموال مسروقه بدلندن طولایی کندوسیله صلح اوله رق ابرا و اسقاط حق ایله دیکنی مشعر برابرنامه دخی آلمش بولندیغمدن اصول و نظامی دائره سنده حقوق ممنوعه مدنیه مک اعاده سی خصوصنه همت بیورلماسنی استرحام ایلرم. فی سنه



فہرست

صفحہ	
۰۲	اخطار مهم
۰۳	مقدمہ
۰۵	برنجی باب - اصول محاکمہ حقوقیہ
۰۵	برنجی قسم - معاملات ابتدائیہ
۰۵	برنجی فصل - استدعا
۰۹	ایکنجی فصل - لایحہ ایلہ بیان مدعا و مدافعہ حقندہ در
۱۳	اوجنجی فصل - احضار
۲۱	دردنجی فصل - قاریشق و پروزی بردعوانک میزله حوالہسی تقدیرندہ محکمہ طرفندن ویریلہجک قرارنامہ لر ایلہ میزله طرفندن اولبابدہ تنظیم اولنہجق تقریرلرک صورت تحریرلری
۲۵	بشنجی فصل - مشوش و پروزی بردعوانک تسہیل رؤتی ایچون محکمہ طرفندن اعضادن برینہ حوالہسی تقدیرندہ اعضا طرفندن اولبابدہ یازیلہجق تقریر
۲۷	آلتنجی فصل - صلحہ رغبتلری مأمول اولان مخاصماتدہ مصلح تعینی ایلہ صورت صلحی مبین تنظیم اولنہجق سندات
۲۸	یدنجی فصل - تحکیمنامہ ایلہ حکملرک ورقہ حکمیہلری
۳۶	سکزنجی فصل - رد اعضا
۴۱	طقوزنجی فصل - اموال منقولہ وغیرمنقولہ دعوالرندہ منازع فیک کشفی ایجاب ایلہ دیکی خالدہ کشفنہ مأمور ایدیلہجک اعضانک صورت مأموریتنی مبین محکمہ طرفندن تصدیق قیلنہجق قرارنامہ ایلہ اعضا طرفندن اولبابدہ تنظیم واعطا اولنہجق تقریر
۴۶	اوننجی فصل - ضبط دعوی ورقہلری

اون برنجی فصل - تدقیق و تطبیق خط و ختم ضمنده مأمور تعیینی و اولباده تنظیم قیلنه حق قرارنامه ایله تقریرلرک صورت تحریرینه دأردر	۵۸
ایکنجی قسم - حکمی حاوی اعلانات	۶۹
برنجی فصل - اعلانات ابتدایه	۶۹
ایکنجی فصل - غیاباً ویریلن اعلاملر	۱۰۹
اوچنجی فصل - اعتراض علی الحکم	۱۱۸
دردنجی فصل - اعتراض الغیر	۱۲۹
بشنجی فصل - استیناف	۱۳۷
آلتنجی فصل - اعاده محاکمه	۱۴۸
یدنجی فصل - تمیزه دأردر	۱۵۶
سکزنجی فصل - اشتکا عن الحکام	۱۵۸
طقوزنجی فصل - مجز	۱۷۱
قسم ثالث - اعلانات حقوقیهنک صورت اجرایی	۱۸۱
ایکنجی باب - اصول محاکمات جزاییه	۱۹۵
برنجی قسم - تحقیقات ابتدایه	۱۹۵
برنجی فصل - قباحترک تحریرینه دأر یازیله حق ضبط ورقه لری	۱۹۵
ایکنجی فصل - کوی و اورمان بکچیلرینک یازه جقلری ضبط ورقه لری	۱۹۹
اوچنجی فصل - اورمان مأمورلرینک طلبی اوزرینه یازیله حق جلبنامه لرک صورت تحریرینه دأر	۲۰۶
دردنجی فصل - مأمورین عدلیه نك اجرای مأموریتلری اثناسنده قوه مسلحه طلب و استصحابنه دأر یازیله حق طلبنامه	۲۰۷
بشنجی فصل - جنایت و جحه لرک صورت اخبارینه دأر تنظیم اولنه حق اخبارنامه نك صورت تحریری	۲۰۹
آلتنجی فصل - افرادک اخبارلری	۲۱۱
یدنجی فصل - محل وقوعه کیدلریکی حالدہ تنظیم اولنه حق ضبط ورقه لری	۲۱۷

- ٢٣٢ سکزنجی فصل - مدعی عمومیلر طرفندن مستنطقلره یازیله جق
طلبنامه حقنده در
- ٢٣٦ طقوزنجی فصل - شکایتنامهلر
- ٢٣٩ اوننجی فصل - حقوق شخصییه دعواسندن فراغته دائر یازیله جق
فراغتنامه نك صورت تحریری
- ٢٤٢ اون برنجی فصل - مستنطق حضورینه كلك اوزره شهوده یازیله جق
جلبنامه
- ٢٤٤ اون ایکنجی فصل - مستنطق حضورنده مظنون علیه ایله شهودك صورت
استماع و استجوابنه دائر یازیله جق استنطاق و استجوابنامه
- ٢٦٦ اون اوچنجی فصل - ثبوت جرمه مدار اوله جق اوراق و اشیانك
اجرای تحریرینه دائر یازیله جق ضبط ورقه لری
- ٢٦٨ اون دردنجی فصل - متنوع مذکر دلر
- ٢٧٩ اون بشنجی فصل - موقت تخلیه سبیل
- ٢٨٦ مستنطق قرارنامه لری
- ٢٩٧ قسم ثانی - قباحتره دائر اولان معاملات و احكام
- ٢٩٧ برنجی فصل - بدایت محکمه لرندن تسطیر قیلنه جق جلبنامهلر
- ٢٩٨ ایکنجی فصل - طرفینك محکمه یه گلاری ایچون کوندریله جك عادی بر خبر
- ٢٩٩ اوچنجی فصل - مظنون علیه طرفندن سبیت ویریلن ضرر و زیانی
تقدیر ایچون بدایت محکمه سنه ویریه جك ادعاینامه
- ٣٠٢ دردنجی فصل - حکم غیابی اعلاماتی
- ٣٠٥ بشنجی فصل - حکم غیابی اوزرینه اعتراضی حاوی اعتراضنامه ایله
حکم غیابی بی تصدیق و یا جرح و تعدیله دائر ویریه جك اعتراض
علی الحکم اعلاماتی
- ٣٠٩ آلتنجی فصل - محکمه حضورنده مدافعه حقوق ایچون آخرنی توکیله دائر
و کالتنامه

یدنجی فصل - وجاهاً ویریلن حکم اعلامری حقنده در	۳۱۱
سکزنجی فصل - اعلاماتك اجرای احکامی حقنده یازیله جق ادعانا مه	۳۲۲
طقوزنجی فصل - ناحیه مجلسرنده قباحتلزك اصول استینافنه دائر	۳۲۴
معلومات ایله صورت استدعا و اعلام	
اوننجی فصل - ناحیه ویابدایت محکمه لرینك لوا محکمه لرینه کوندره جکلری	۳۲۸
جدول	
قسم ثالث - جنجه لره دائر معلومات و احکام	۳۳۱
برنجی فصل - جنجه ماده لرنده حکم غیابی و اعتراض علی الحکم	۳۳۱
ایکنجی فصل - حکم وجاهی	۳۳۶
اوچنجی فصل - جنجه یه متعلق احکامك استینافی	۳۴۳
قسم رابع - جنایات حقنده اولان معاملات	۳۵۵
برنجی فصل - هیئت اتهامه نك معاملات و قرارلری	۳۵۵
ایکنجی فصل - جنایاتده محکمه لرك معاملات و احکامی	۳۵۷
اوچنجی فصل - تمیز استدعالری	۳۸۹
دردنجی فصل - جنایاتده حکم غیابی	۳۹۶
بشنجی فصل - بعض معاملات متفرقه	۴۰۴



20. 9



3 1761 06764221 5